

4.2.418



ARCHIEPISCOPORUM

MEDIOLANENSIIUM

SERIES HISTORICO-CHRONOLOGICA


AD CRITICÆ LEGES,
ET VETERUM MONUMENTORUM FIDEM
ILLUSTRATA:

JOSEPH ANTONII SAXII

SS. AMBROSII ET CAROLI OBLATI,
COLLEGIO ET BIBLIOTHECÆ AMBROSIANÆ PRÆFECTI

OPUS POSTHUMUM.

TOMUS SECUNDUS.



MEDIOLANI, MDCCLV.

IN REGIA CURIA.

Superiorum permisso.

INDEX CHRONOLOGICUS

ARCHIEPISCOPORUM MEDIOLANENSIIUM,

Qui in hoc secundo Volumine continentur.

L ÆTUS. - - - pag. 257.	VALPERTUS. - - - pag. 352.
THOMAS. - - - pag. 259.	ARNULPHUS I. - - pag. 359.
PETRUS I. - - - pag. 264.	GOTHIFREDUS. - - pag. 362.
OLDEPERTUS. - - pag. 273.	LANDULPHUS II. - - pag. 365.
ANSELMUS I. - - - pag. 276.	ARNULPHUS II. - - pag. 381.
BONUS. - - - - pag. 279.	HERIBERTUS. - - - pag. 398.
ANGILBERTUS I. - - pag. 281.	WIDO. - - - - - pag. 419.
ANGILBERTUS II. - - pag. 283.	GOTHOFREDUS. - - pag. 430.
THADO. - - - - - pag. 296.	ATHO. - - - - - pag. 434.
ANSPERTUS. - - - pag. 300.	THEDALDUS. - - - pag. 438.
ANSELMUS II. - - - pag. 310.	ANSELMUS III. - - - pag. 443.
LANDULPHUS I. - - pag. 314.	ARNULPHUS III. - - pag. 449.
ANDREAS. - - - - pag. 317.	ANSELMUS IV. - - - pag. 456.
ATTO. - - - - - pag. 321.	GROSSULANUS. - - - pag. 466.
GARIBERTUS. - - - pag. 326.	JORDANUS. - - - - pag. 478.
LAMPERTUS. - - - pag. 328.	OLRICUS. - - - - - pag. 487.
HILDUINUS. - - - pag. 335.	ANSELMUS V. - - - pag. 495.
ARDERICUS. - - - pag. 342.	S. BERNARDUS. - - - pag. 509.
ADELMANUS. - - - pag. 347.	ROBALDUS. - - - - pag. 516.
	OBER-

INDEX CHRONOLOGICUS.

<u>OBERTUS I.</u> - - - pag. 517.	<u>LEO VALVASSORIUS</u> de PEREGO. - - - pag. 696.
<u>S. GALDINUS VALVAS-</u> SORIUS de SALA. - pag. 556.	<u>OTTO MAGNUS VICE-</u> COMES. - - - - pag. 716.
<u>ALGISIUS.</u> - - - - pag. 591.	<u>RUFINUS FRIXETUS.</u> pag. 759.
<u>UBERTUS I. CRIBEL-</u> LUS. - - - - pag. 599.	<u>FRANCISCUS I. PAR-</u> MENSIS. - - - - pag. 761.
<u>MILLO de CARDANO.</u> pag. 608.	<u>CASSONUS TURRIA-</u> NUS. - - - - - pag. 769.
<u>OBERTUS II. de TER-</u> TIAGO. - - - - pag. 620.	<u>AYCARDUS ANTIMIA-</u> NUS. - - - - - pag. 780.
<u>PHILIPPUS I. de LAM-</u> PUGNANO. - - - pag. 624.	<u>JOANNES II. VICECO-</u> MES. - - - - - pag. 793.
<u>UBERTUS II. PIROVA-</u> NUS. - - - - - pag. 630.	<u>ROBERTUS VICECO-</u> MES. - - - - - pag. 813.
<u>GERARDUS de SESSA.</u> pag. 638.	<u>GUILLIELMUS PUSTER-</u> LA. - - - - - pag. 819.
<u>HENRICUS I. SEPTA-</u> LA. - - - - - pag. 640.	
<u>GUILLIELMUS RUZZO-</u> LIUS. - - - - - pag. 681.	



INDEX

INDEX ALPHABETICUS

ARCHIEPISCOPORUM MEDIOLANENSIIUM,

Qui in hoc secundo Volumine continentur.

A

- A** DELMANUS. - pag. 347.
 ALGISIUS. - - - pag. 591.
 ANDREAS. - - - pag. 317.
 ANGILBERTUS I. - pag. 281.
 ANGILBERTUS II. - pag. 283.
 ANSELMUS I. - - pag. 276.
 ANSELMUS II. - - pag. 310.
 ANSELMUS III. - - pag. 443.
 ANSELMUS IV. - - pag. 456.
 ANSELMUS V. - - pag. 495.
 ANSPERTUS. - - pag. 300.
 ANTIMIANUS A Y.
 CARDUS. - - - pag. 780.
 ARDERICUS. - - pag. 342.
 ARNULPHUS I. -- pag. 359.
 ARNULPHUS II. - pag. 381.
 ARNULPHUS III. - pag. 449.
 ATHO. - - - - pag. 434.
 ATTO. - - - - pag. 321.

B

- S. B**ERNARDUS. - pag. 509.
 BONUS. - - - - pag. 279.

C

- de **C**ARDANO MILO. pag. 608.
 CRIBELLUS UBER-
 TUS I. - - - - pag. 599.

F

- F**RIXETUS RUFFI-
 NUS. - - - - pag. 759.

G

- S. G**ALDINUS VAL-
 VASSOR. de SALA. pag. 556.
 GARIBERTUS. - - pag. 326.
 GOTHIFREDUS. - - pag. 362.
 GOTHOFREDUS. - pag. 430.
 GROSSULANUS. - pag. 466.

H

- H**ERIBERTUS. - pag. 398.
 HILDUINUS. - - pag. 335.

I

- J**ORDANUS. - - pag. 478.

LÆ-

INDEX ALPHABETICUS.

L

- L**ÆTUS . . . - pag. 257.
 LAMPERTUS . . . - pag. 328.
 de LAMPUGNANO PHILIPPUS I. . . - pag. 624.
 LANDULPHUS I. . . - pag. 314.
 LANDULPHUS II. . . - pag. 365.

O

- O**BERTUS I. . . - pag. 537.
 OLDEPERTUS . . . - pag. 273.
 OLRICUS . . . - pag. 487.

P

- P**ARMENSIS FRANCISCUS I. . . - pag. 761.
 de PEREGO VALVASORIVS LEO. . . - pag. 696.
 PETRUS I. . . - pag. 264.
 PIROVANUS UBERTUS I. . . - pag. 630.
 PUSTERLA GUILIELMUS . . . - pag. 819.

R

- R**OBALDUS . . . - pag. 516.
 RUZZOLIUS GUILIELMUS . . . - pag. 682.

S

- S**EPTALA HENRICUS . . . - pag. 640.
 de SESSA GERARDUS. pag. 638.

T

- de **T**ERTIAGO OBERTUS II. . . - pag. 620.
 THADO. . . - pag. 296.
 THEDALDUS. . . - pag. 433.
 THOMAS. . . - pag. 259.
 TURRIANUS CASSONUS . . . - pag. 769.

V

- V**ALPERTUS. . . - pag. 352.
 VICECOMES OTTO MAGNUS. . . - pag. 716.
 VICECOMES JOANES II. . . - pag. 793.
 VICECOMES ROBERTUS . . . - pag. 813.
 WIDO . . . - pag. 419.

LÆTUS.

LÆTUS.



Tabili successit Lætus Anno DCCXLV., post quinque menses vacantis Sedis, mense scilicet Majo. Ughellus eum tradit ordinatum Anno DCCLV.; sed infelicitè docet consecrationis annum, & Pontificem Maximum Stephanum IV., sub quo illam, ut ipse ait, accepit: Ordo namque annorum hucusque a nobis digestus decennii moram ad Læti electionem minimè patitur; Stephanus autem IV. Pontificiam Sedem non obtinuit, nisi Anno DCCCXVI.. Neque condonari hic error Typographo potest; siquidem etiam si impressisset IV. pro III., adhuc longè distaremus, cum hic postremus renunciatus tantum fuerit Summus Pontifex Anno DCCLXVIII.

Addit insuper idem Ughellus, obitam fuisse Legationem a Læto ad Pipinum, nomine memorati Stephani IV., accepisse verò in præmium optimè gestæ rei Episcopatum Mediolanensem. Sed cum nos annum jam designaverimus electionis utriusque Summi Pontificis, compertissimum est, hac largitione tam nobili non potuisse Lætum ab alterutro honestari. Quod attinet ad Legationem, nobis gloriæ non modicæ adscriberemus, quòd inter Viros dignitate ac doctrina insignes fors obeundi provinciam adeò illustrem nostro Autistiti contigisset: Historiæ tamen, dum in ea perturbatione referunt utrinque Legationes Summorum Pontificum & Regum Galliæ, nullum verbum de Læto proferunt. Hac in re ni-

A

mis

mis faciles fuere etiam Bollandistæ ad præstandam Ughello fidem, nam ad diem IV. Aprilis, in *Prætermis* ejusdem periodos ferme integras recuderunt; idque testatus est etiam Papebrochius in *Excepsi* inquit, *se optare, ut excerpta ab Ughello circa hunc Antistitem, in Bollandiano Aprili emendantur.*

Cùm a pluribus Scriptoribus nostris asseratur, fuisse hunc Mediolanensem Præsulem titulo *Beati* insignitum, optimè animadverterunt eruditissimi Patres Bollandi Sectatores, ejus nomen nusquam reperiri in Breviariis, Calendariis, & Liturgicis Libris Ecclesiæ Ambrosianæ; quamobrem e re sua censuere, Lætum omittere. Primus in *Martyrologio Ambrosiano* inter alios Sanctos hunc inseruit Petrus Paulus Bosca: Fateatur nihilominus etiam ipse, id tantummodo Traditione ad Posteror derivasse; addens ad hoc confirmandum tum Scriptorum auctoritatem, tum pium morem Societatis Sanctæ Crucis, sub tutela Sancti Syri erectæ extra Portam Vercellensem nostræ Urbis, quæ Beati Læti imaginem in Supplicationibus erigit, eumque colit tamquam Patronum. Deum rogamus, ut vetustiora documenta emergant, ad augendum numerum Sanctorum Antistitum, & decus Ecclesiæ Mediolanensis. Ceterum Lætus *Vir fuit*, teste Galefinio, *omni pietatis officio insignis, & admirandâ præsertim erga pauperes caritate.*

Annis XIII. & mensibus XI. Episcopalem curam gessit, sublatu e vivis Anno DCCLIX. Pridie Nonas Aprilis, & sepultus in Basilica Sancti Ambrosii.

T H O M A S.



Defuncto Læto evectus est ad Epiſcopalem hanc Sedem Thomas Civis Mediolanenſis Anno DCCCLIX., IX. Calendas Octobris, juxta calculum Papebrochii. Eum ſub Adriano Pontifice Maximo ordinatum fuiſſe ſcribit Gaſſinius; ſed repugnat ordo a nobis hætenus ſervatus, cum Adrianus tredecim poſt Thomæ electionem annis Pontificalem Cathedram adierit. Itaque cum Thomas confeſſionem accepit, Paulus I. jam ad Romanum Solium aſcenderat.

De Ritibus Ambroſianis optimè eſt meritus; Siquidem cum Carolus Magnus Officii Romani uſum in omnes Occidentis Eccleſias inferre contenderet, ac propterea Ambroſianum etiam proſus abolere, Thomas unà cum Sancto Eugenio intrepidè obſtitit, nobiſque perennem hanc gloriam ſumma cum omnium laude ſervavit. Narratur quoque miraculum, procul dubio Sancti Ambroſii Patroni precibus a Deo peractum; quo inſpecto Imperator, qui Ambroſianos Codices inflammari juſſerat, miniſque ac etiam carcere coſcebat, hujus Ritûs Sacerdotes Liturgicos ſuos Libros abjicere, ut tradunt Durandus & Pagius, a concepto deſtitit voto. *Pu-ricellus in Vita Sancti Laurentii I.*, Epiſcopi Mediolanenſis, Cap. ultimo plura congeſſit teſtimonia hanc rem confirmanſia.

Præterea ſcribit Ughellus, ab hoc noſtro Antiſtite Carolum Magnum coronatum fuiſſe ferreo diademate Modoëtiæ,

& consecratum in Regem Langobardorum Anno DCCLXXIV. Equidem haud dubium est, decerpta ista fuisse a Sigonio, qui eadem tradit ad annum memoratum Libr. IV. *de Regno Italiae*. Verum a quo antiquo Scriptore Sigonius hauserit genuinam memoriam tantæ celebritatis, ignotum nobis prorsus est. Imò ex silentio ipso veterum Chartarum, quas plurimas hoc ævo a tenebricofo Archivorum carcere in lucem eduxere Viri eruditi, oppositum omnino evincitur; & Cointius Gallicus Scriptor id negat; Muratorius verò Tom. II. *Anecdor.* Cap. V. ulterius progressus, nullum ex Francis Regibus aut Mediolani, aut Modoëtiæ coronatum affirmat. Et sanè mirum foret, si, cum susceptam Romæ ab eodem Cæsare Imperii Coronam ferme omnes enarrent, solam hanc Modoëtiæ peractam inaugurationem oblivione conspultam tacuissent; præsertim quia Sigonius paulò post describit summam celebritatem, quæ adhibebatur in Italica conferenda Corona. Sed hæc fufius jam attulimus in Annotationibus ad eundem Sigonium, loco supradictò.

Prosequitur Ughellus affirmare, alteram celebritatem a Thoma fuisse renovatam Anno DCCLXXXI. Modoëtiæ, in Ferrea Corona imponenda Pipino Magni Caroli Filio, quem Pater Italiae Regem declaraverat. Etiam huic errori, ut in illum impingeret, præluxit Sigonius. Verum quæ superius jam memoravimus, hujusmodi opinionem non tam enervant, sed etiam prorsus evertunt.

Denum subjungit, collatum fuisse a nostro Antistite Baptistæ lavacri Sacramentum Gislæ, ejusdem Caroli Magni Filie; atque hoc veritati consentit, cum de Gislæ Baptismo a

Me-

Mediolanensi Episcopo solemniter tradito meminerint Annales Francorum, Eginardus, Regino, alique vetusti Scriptores, in quorum tamen monumentis ne verbum quidem occurrit Coronæ Italicæ, a Pipino Modoëtiæ susceptæ.

Sigonius ad eundem Annum DCCLXXXI. addit, Carolum Magnum post Natalem Domini Papiæ celebratum, cum Thoma Episcopo sese convertisse ad res Regni constituendas, ac Leges, quæ nunc quoque in Codicibus extant, condidisse. Lapsus est tamen in Epochâ hujus Conventûs designanda; Balutius namque, Pagius, alique Francici Scriptores silent omnino de illius convocatione a Cæsare indictâ hoc anno Papiæ. Clariss. Muratorius in *Annotationibus ad Leges Caroli Magni*, recusas Tom. I. *Rer. Italicar.* Part. II. credendum ait, habitum fuisse istud Concilium in Francia Anno DCCLXXXIX., qui erat undecimus Regni Francici ejusdem Caroli; ac deinde ejus Decreta Langobardicarum Legum Corpori inserta fuisse ex illius præcepto: Conventui autem isti interfuisse Italicos quoque Episcopos & Proceres verisimile censet.

Titulum *Sancti* huic nostro Præsuli attribuunt Mediolanenses Scriptores, & meritò: Quamvis enim Ecclesia Ambrosiana universum ejusdem Festum diem minimè agat, Collegium tamen Canonicorum Basilicæ Laurentianæ in hac Urbe, ad Calendas Octobris illum peculiari Officio colit, atque in ejus honorem Sacra a remotis usque temporibus celebrat. Nec desunt testimonia Virorum eruditione insignium, hanc laudem confirmantia, quæ in Elenchum redacta enumerat Puricellus Cap. ultimo *Vitæ Laurentii I.* Mediolanensis Episcopi.

scopi. Quinimo Sanctus Carolus, necnon etiam Cardinalis Federicus Borromeus in Decretis editis, dum Pastoralem Basilicæ memoratæ Visitationem peragerent, Thomam nomine *Sancti* compellarunt, teste Puricello, eodem Loco Cap. XXXII. num. VIII.

Obdormivit in Domino Calendis Octobris Anni DCCLXXXIII., post annos XXIV. regiminis, ut adnotat Papebrochius. Ughellus, qui Thomam electum scripserat Anno DCCLXX., cum videret, differri non posse mortem ejusdem ultra annum octuagesimum tertium illius Seculi, ob Chartam genuinam ab ipso relatam in Petro Successore, coactus est, XII. tantum annos Sedis Thomæ assignare. Nos tamen cum Papebrochio adnotatos XXIV. annos facile complectimur, ut Chronologicus ordo rectius disponatur.

Catalogi antiqui quos nos sequimur, sepultum asserunt Thomam in Ambrosiana Basilica, iisdemque consentit Papebrochius: Quo autem anno Sacrum ejusdem Corpus inde translatus fuerit ad Laurentianam, nemo nos docet. Negari tamen nequit, a multis jam Seculis illud ibidem quiescere. Diu nihilominus in eadem quoque Laurentiana Basilica inexploratum latuit, donec Anno MCDXCVII. repertum, in decentiori Loculo reponeretur. Anno autem MDLXVII., dum illud Sancti Petri Sacellum, ubi jacebat, in elegantiore formam redigeretur, Sancto Carolo jubente iterum in lucem eductum est e Capsula marmorea, in qua olim reconditum fuerat, insculpta fronti hac Inscriptione: *Inventio Sancti Thomæ Archiepiscopi Mediolani, Decimo Junii, millesimo quadringentesimo nonagesimo septimo.* Joannes Antonius Castillio-

stillioneus in Libro edito Mediolani Anno MDCXXII., inscriptoque : *Gli Onori del Sagro Tempio di Santa Cattarina al Ponte de' Fabri ec.* Cap. VI. narrat miraculum, in hac postrema Sacri illius Corporis Recogitione a Deo peractum, quod a dignissimis fide Testibus, eidem tunc præsentibus sibi relatum affirmat, videlicet Sacerdotem Sacello memorato inservientem, qui partem reperti Sacri Corporis abstulerat, statinque correptus fuerat a ferventissima febris, mox restitutâ eadem loco pristino, illico convaluisse.



PE-

P E T R U S I.



N locum Thomæ defuncti successus est Petrus Civis Mediolanensis, delectus in Archiepiscopum nostræ Ecclesiæ Anno DCCLXXXIV., postquam Sedes ista viduitatem quinque mensium habuisset, quemadmodum adnotavit Papebrochius.

Fuisse illum Adriani Pontificis Maximi familiarem, atque ab ejusdem Secretis dicitur ab Ughello. Sanè ab hoc Pontifice missus est in Gallias ad Carolum Magnum, ut sollicitaret expeditionem in Langobardos Anno DCCLXXII., quemadmodum testatur Aimoinus Monachus Libr. IV. *de Gestis Francorum* Cap. LXIX., seu Anno DCCLXXXIII., ut adnotat Adelmus (aliis Ademalus) Monachus Benedictinus in *Annalibus Francorum*: Legationem autem hanc optimè implevit, nec sine periculosi itineris labore, cum viæ omnes suspectæ forent, Langobardorum eas infestantium perfidia.

Eximium monumentum religiosissimæ pietatis in hoc Archiepiscopo serventis extat in nostra Metropoli, nempe Cœnobium a fundamentis ab ipso erectum, atque opulentis latifundiis ditatum, in honorem Sanctorum Ambrosii, Protasii, & Gervasii Tutelarium Mediolanensium; utque Deo laudes quotidie canerent Monachi Sancti Benedicti in eo degentes, adjectum illud voluit Ecclesiæ ac Sepulcro eorundem Sanctorum. Legitur Diploma a Petro expeditum in Puricello & in Ughello, sub Annum DCCXC. Nicolaus Sormanus, Bibliothecæ

thezæ Ambrosianæ Doct̃or, Vir in antiqua eruditione eximius, in Libro inscripto: *Allegata ad Concordiam in Causa Præminentie* &c. pag. XXXVII. num. VI. evincere conatur, Tabulas memoratas valde nutare, ac vitiatas esse ab aliquo recentioris temporis Scriptore, occasione litium, quæ tunc maximè inter Canonicos & Monachos ferbuere: Nostra tamen non attinet, rebus hisce definiendis calamum apponere.

Hæreticos summopere insectatus est hic Præsul, adèò ut Ughellus asserat, illum a Carolo Magno appellatum, fuisse *Malleum hæreticorum*: Id autem desumpsit a Libro inscripto *Successores Sancti Barnabæ*. Verùm, cùm Eugenius Cattaneus plura huic Codici addiderit, miscens sua cum verbis Auctoris, & primus ipse hoc Elogium nostro Antistiti tribuerit, Puricellus in *Dissertat. Nazariam*. Cap. LXXVII. num. III. ait, se optare, ut aliquem tantæ rei testem in medium protulisset; quamvis refragari nolit huic laudi, quam certè Petrus promeritus fuit. Siquidem interfuit Concilio Francofordiensi, celebrato in præsentia Caroli Magni, & Missorum Adriani Papæ Anno DCCXCIV., in quo condemnata fuit tertiâ vice Hæresis Felicis & Elipandi. Inter Acta hujus Synodi extat Libellus Episcoporum Italiæ, a Labbeo relatus Tomo VII. Conciliorum, in quo hæc leguntur: *Ego Paulinus Aquilegiensis Sedis, H spiritus oris accinctus, cui Deo auctore deservio, nomine, non merito Præsul, una cum Reverentiis* (Bollandus in Vita ejusdem Sancti Paulini ad diem XI. Januarii legit *Reverendissimo*) *& omni honore digno Petro Sedis Mediolanensis Archiepiscopo, cunctisque Collegis Fratribus* &c. Plura enunciare prosequitur ad

hoc Concilium spectantia idem Bollandus loco supradicto .

Cum hæcenus nomine tantum *Episcopi* usi fuerimus in referendis rebus gestis Antistitum , qui Mediolanensem Ecclesiam rexere , monendus est Lector , id consultò actum esse , quia in Catalogis antiquis hoc solummodo nomine designati fuerunt Præsules nostri . Præterea Papebrochius in *Vita Sancti Senatoris* , relata ad diem XXVIII. Maji in *Actis Bollandianis* , refellens quædam Documenta , quæ Septallia Illustris Familia , tamquam Seculo VI. scripta , protulerat , inter alia menda , quæ in iis occurrunt , illud etiam adnotavit , Mediolanenses Antistites vocari *Archiepiscopos* , cum nomen istud adhiberi non cœperit , nisi Seculo VIII. . Mabilonius verò animadvertit Libr. II. *de Re Diplomatica* Cap. II. num. XIII. , seriùs etiam invaluisse in Galliis hunc Titulum , nam licet *Archiepiscopi* nomen (ut ipse ait) sæpiùs legatur apud Francos Seculo VI. , paucissimi tamen inveniuntur , qui hoc vocabulum sibi tribuerint ante Seculum IX. Hanc autem ob causam Titulum hunc *Archiepiscopi* nos Petro nunc primùm imponimus , cum in veteribus Chartis eundem ab ipso usurpatum videamus .

Ughellus in laudem nostri hujus Archiepiscopi tradit , eundem Arianos , qua scriptis , qua ferro plurimùm exagittasse ; eo tamen contentus verbo *asseritur* , nullum infolitæ istius armorum strepitu peractæ concertationis Scriptorem antiquum refert . Et sanè insigne exemplum Arianos persequendi dedit magnus Pastor Ambrosius , qui orando , non bellum gerendo , illos perdomuit . Dolemus etiam , quòd nulla ad nos pervenerint Scripta , quibus Hæreticorum errores convellere conatus est Petrus .

Ad-

Addit memoratus Ughellus, collectos ab eodem fuisse Libros Magni Gregorii, qui per summum dedecus fuerant dissipati, atque ejus laudes fuisse carminibus expressas. In Editionibus tamen Operum tanti Pontificis, quas diligentissime curarunt Viri summa eruditione præstantes nostræ ætatis, nihil de hoc studio Mediolanensis Antistitis adnotatum reperimus, cum multas Petro gratias agere deberemus, ob servata nobis pretiosa adeò monumenta. Item Galefinius affirmat, compositos ab ipso fuisse Sermones *de Sanctis*, inter quos præcipuus ille est *de Sancto Barnaba*, primo Mediolani Episcopo. Porro optandum esset, ut illi in lucem prodissent; fortasse enim ex iis dignosci plura potuissent, quæ securius Traditionem nostram firmarent. Verum Puricellus, Vir accuratæ indagationis, nullum sibi ad oculos de hisce Sermonibus pervenisse testatur.

Tradit etiam Galefinius, Epistolas permultas de rebus gravibus Petrum exarasse, interque eas illam *de Translatione Corporis Sancti Augustini, e Sardinia Papiam*, ad Carolum Magnum. Hæc sanè extat, jam sæpius vulgata; reliquæ injuriâ temporum periire.

Insulsa prorsus est Coronatio Bernardi in Regem Italiæ, quam idem Galefinius ait, fuisse peractam a nostro hoc Antistite. Siquidem Pipinus Pater post obitum Petri per quinquennium supervixit; Carolus autem Magnus, mortuo Pipino Filio, triennium expectavit, antequam Italiæ Regno Nepotem Bernardum donaret, quemadmodum Pagius docet.

Demum Ughellus testatur, Petrum iterum profectum.

fuisse in Gallias unà cum Leone III., ac deinde reverſum, Romæ interfuiſſe tunc quando Pontifex ille Summus Carolum Magnum Imperatorem acclamavit, atque ab eodem Carolo retuliſſe Diploma, quo donabatur politico Mediolani Principatu; afferens quoque Chartam conceſſi huius Privilegii. De huiusmodi proſeſione in Gallias & ſubinde Romam, ſilent Hiſtoriæ; ſicuti etiam de liberalitate, quam Carolus dicitur exercuiſſe erga Mediolanensem Eccleſiam, Petrum & Succeſſores omnes inſtituendo Dominos Mediolani. Papebrochius in *Exegeſi*, vocatâ ad examen criticum Chartâ prædictâ, nullius fidei eam eſſe proſitetur, cùm nec ſtylus nec forma, Caroli Diplomatiſ congruant, & inſuper præter Carolinæ ætatis uſum, ad nomen Petri inveniatuſ poſitum cognomenſum Oldradi; nemini enim Erudito perſuaderi poſſe ait, quòd jam tunc inter Eccleſiarum Antifites notus fuerit uſus cognominum. Quamobrem illam putat merum ſigmentum, compactum circa ſeculum X.

Summâ neceſſitudine ferebatur Petrus in magnum illum Bedæ Diſcipulum, & Caroli Cæſaris præceptorem Alcuinum, recepitque ab eo plenam reverentiæ & pietatis Epiſtolam, quam iterum poſt multas Editiones Epiſtolarum illius doctiſſimi Viri intulit in *Nazarianam Diſſertationem* Paricellus Cap. LXXVII. num. V., noſque hoc loco recudimus, ne Lectores ejuſdem viſendæ cupidos cogamus, alibi illam perquirere, cùm verè digniſſima lectu ſit non tantùm ob ſummam animi demifſionem in tam docto Viro eſſulgentem, quàm ob ſingularem reverentiam, laudemque Paſtoralium virtutum Antifiti noſtro præſtitam a celeberrimo illo Scriptore. Ea autem ita exorditur.

„ Di-

*„ Dilectissimo in Christo Patri , Petro Archiepiscopo
„ Albinus aeternae beatitudinis Salutem ,*

„ Memor dulcissimae humilitatis & dilectionis vestrae , in-
„ gemisco absentiam illius . cuius caritatis flamma in corde
„ ardescit filii . Quanta est hujus Seculi infelicitas , quae
„ tam caros disjungit amicos , quae filium separat a Patre ?
„ O si pennas aquilae habuisssem , ut altitudines Alpium ve-
„ locior Euro transvolare valuisssem ; quam citò ante pater-
„ nos stetisssem pedes , ut refrigerarem ex paterna visione
„ pectoris mei ardorem ! Sed quia hoc fieri non valet ,
„ induamur nos duplicis caritatis pennis ; sumus in Christo
„ semper praesentes , qui sumus in Seculo absentes . Quid
„ est caritas , nisi unitas animorum ? dicente ipsa Veritate
„ (Joannis XVII.) dum pro suis oraret ad Patrem : Pa-
„ ter , conserva eos in nomine tuo , quos dedisti mihi , ut sint
„ unum , sicut & nos unum sumus . Ego verò filius tuus
„ obsecro te per ejus misericordiam , qui hæc dixit , ut in
„ sanctissimo paternae memoriae thesauro , filii tui Alcuini
„ nomen habeas reconditum , & inter dignissimas Deo obla-
„ tiones orationum tuarum vel semel ore proferas . Quanta
„ tibi , Pater optime , apud pietatis remuneratorem Domi-
„ num Christum remanet merces , si me peccatorum pon-
„ deribus praegravatum , paternae misericordiae precibus sub-
„ levare coneris ! Fateor , me tantae auctoritatis degenerem
„ esse filium . Tamen junioris filii , qui a Patre in longin-
„ quam recessit regionem (Lucæ XV.) roboratus exemplo

„ all-

„ audeo dicere : *Pater , peccavi in Cælum , & coram te :*
„ *Ideo non sum dignus vocari filius tuus .* Et te credo , pa-
„ ternæ memorem pietatis , lætis revertenti occurrisse am-
„ plexibus ; prudentiam quoque tuam recordari Beatissimi Job
„ (*eiusdem Job Cap. I. .*) pro filiis devotionis (*aliter di-*
„ *lectionis*) , qui quotidie pro illorum prosperitate Deo sa-
„ crificia offerre studuit ; valde desiderans quos seculo ge-
„ nuit , Deo enutrire . Ideo in omnibus tentationibus , tam-
„ quam aurum in fornace probatus , inventus est . Laus
„ enim patris in salute extat filiorum ; & merces pastoris
„ in multiplicatione gregis adcrefcit . Nam & ipse Princeps
„ Pastorum post resurrectionis gloriam Beato Petro , ob con-
„ fessionis trinæ in suo amore soliditatem , pascendas Oves ,
„ quas redemit sanguine , commendavit . Tuum est , Pater
„ Sancte , absentes precibus adjuvare , præsentēs verbis eru-
„ dire , exemplis confortare , ut paterna pietas & pastora-
„ lis devotio omnibus profit in salutem . Patres igitur filiis
„ thesaurizare solent . Tu verò beatitudinis thesauros tuis
„ relinque Nepotibus , ut per longas Ecclesiasticæ eruditio-
„ nis series Cœlestis Regni gloria tibi semper augeatur .
„ Opto , si fieri valeat , quatenus me Tuæ Paternitatis Lite-
„ ris rescias , ut aviditatis meæ oculis legam , quod auri-
„ bus audire voluissē , si forte fieri valuisset . Concessum
„ est enim humano generi pectoris arcana chartis mandare ,
„ & Literis innotescere tacentibus , quod lingua non valet
„ loquente . Nam & Beatus Paulus Apostolus absentes filios
„ pietate admonitionis sæpius erudire solebat , ut quotidiana
„ Literarum lectio æternam Patris præceptorum mentibus
„ filio-

„ filiorum infingeret memoriam . Sanctitatis Vestræ auctorita-
 „ tem Divina Pietas , ad exaltationem & gaudium Sanctæ
 „ suæ Ecclesiæ longæva prosperitate custodire dignetur , Pater
 „ dilectissime .

Vitâ decessit Petrus Anno DCCCCV. Idibus Maji , post-
 quam administrasset Mediolanensem Ecclesiam per Annos XXII.
 Porro de anno obitus varii varia protulere . Ughellus exa-
 ctos ab hoc Antistite in hac Sede XX. annos statuit ;
 XXVII. Galestinus in Tabula Episcoporum . Verùm Papebro-
 chius , cum quo nos etiam idem asserimus , omnibus recte
 perpenfis , huic Præsuli annos XXII. regiminis assignat , itaque
 attigerit Annum DCCCCV.

Sepultus est in Basilica Ambrosiana , recte Paricello in
 ejusdem Basilicæ *Monumentis* , num. XXVII.

Negligentiæ nostrâ insimulari facillè possemus , si premere
 silentio vellemus præclarum Metropolis nostræ decus , quod
 eidem comparavit pia liberalitas Dathei Archipresbyteri Ec-
 clesiæ Mediolanensis , Petro Archiepiscopo eandem Ecclesiam
 administrante . Nemo est in Historia veterum Seculorum adeò
 peregrinus , qui ignoret , rara admodum fuisse Loca con-
 structa atque aperta ad excipiendos pueros , ab incertis pa-
 rentibus natos , expositosque a genitoribus inhumanis . Octavo
 saltem Seculo extractum est Bephotrophium seu Domici-
 lium Mediolani iis colligendis ac enutriendis , prope Ec-
 clesiam Sancti Salvatoris , quæ adhuc extat in meditullio
 Civitatis , nuncupata in *Xenodochio* . Sæpius laudatus Murato-
 rius Tom. III. *Antiquit. Ital. Med. Ævi* colum. DLXXXVII.
 integrum Documentum recitat , conditum a memorato Datheo

Anno

Anno DCCLXXXVII. , ex quo constat , emptam ab ipso fuisse domum , ut pateret prædictis parvulis colligendis alendisque . Statuit autem , ut ipsum Exxenodochium in potestate & jure foret Sancti Ambrosii , seu Pontificis Mediolanensis , qui pro tempore fuerit . Subjungit verò methodum , qua nutrizi debeant usque ad annum ætatis septimum ; & dotem ex proprio censu assignat , ut mercede conductæ Nutrices in illud inducantur , victusque ac vestitus infantibus præbeatur . Subscripta est hæc Charta ab ipso Datheo Archipresbytero Sanctæ Mediolanensis Ecclesiæ , aliisque Metropolitanis sui Collegiis Presbyteris ac Diaconis . Erecta postmodum fuere Xenodochia , & Nosocomia , ac demum Hospitale Majus , ubi hoc caritatis officium præstatur , cum eidem adnexa sint Pontificiâ auctoritate Pii II. cetera omnia Pia hujusmodi Loca , olim per Urbem dispersa .



OLDEPERTUS.



Etro mortuo substitutus est Oldepertus in Episcopum Mediolanensem Anno DCCCV. Variis nominibus appellatus fuit Antistes iste, prout cuilibet de illo scribenti libitum fuit, itaut octo diversa nomina de eo legamus videlicet *Olibertus*, *Alibertus*, *Oldepertus*, *Oldibertus*, *Oldobertus*, *Odbertus*, *Edelbertus*, & *Alipertus*. Nos cum Puricello in *Moniment. Basilica Ambros.*, num. XXX. Oldepertum dicimus, cum hoc nomine seipsum subscripserit in Charta Donationis, quæ ibidem a Puricello recitatur, & etiam ab Ughello, confectâ Anno DCCCVI.

Operæ pretium est indicare, quænam fuerit ista Donatio, cum Charta memorata proximè aliquid ad Historiam Mediolanensem spectans contineat. Oratorium Sancti Vincentii in *Prata*, ut olim appellabatur, nunc verò in *Prato*, juris erat Ecclesiæ nostræ Metropolitanæ. Oldepertus illud dono concessit Arigauso Abbati Monasterii Sancti Ambrosii cum prædiis adnexis; eâ tamen conditione appositâ, ut eodem pro libito uteretur, fructusque perciperet usque ad obitum suum; sublato autem ipso e vivis, ad jura & gremium Sanctæ Mediolanensis Ecclesiæ cum omni integritate sua, ut ipsi concessum erat, reverteretur. Hinc verò ediscimus, nondum eo tempore constructum ibidem fuisse Monasterium; de Monachis enim apud illud degentibus Charta

C

hæc

hæc profus sitet. Quis autem postea Cœnobium in *Curte Prata* condiderit, & quando Mediolanensis Ecclesiæ jus suum libere Monachis cesserit, nostra non est indagare. Joannes Antonius Castillioneus nonnullos recentioris ævi Scriptores profert in suis *Antiquitatibus Basilicæ Vincentianæ*, pag. CLIX., qui auctorem ejusdem Cœnobii faciunt Desiderium, Regem Langobardorum; sed cum nullo veterum Documentorum testimonio assertionem hanc firmet, ipsum ejusdem vadem relinquimus. Certum est, sub Angilberto II., Mediolanensi Archiepiscopo, Monachos in Sancti Vincentii Monasterio jam inductos fuisse; ex eo namque Angilbertus extraxit Gaudentium Abbatem, ut illum præficeret Monachis Sancti Ambrosii, quorum nemo tunc idoneus erat regendam Sacræ eidem Familiæ, quemadmodum inferius dicemus.

Cum Galestinus obvias habuerit diversas hujus Antistitis a nobis memoratas appellationes, duos ex uno Mediolanenses Episcopos fecit, nempe OLDOBERTUM quemdam *Marionium Eugubinum*, quin ullum de eo verbum proferret, nec annos quibus federat indicaret, illumque præposuit Petro; alterum autem post istum recensuit in ordine nostrorum Præsulum, sub nomine *Aliberti*; Atque ita Tabulam suam vitiavit, cum profusus expungi debeat primus, & secundus verè Petro successerit. Fallitur etiam hic Scriptor in assignando Pontifice Maximo, sub quo delectus fuit Oldepertus ad hanc Sedem, inquit, ejus inaugurationem incidisse in tempora Stephani V. (seu IV. juxta Pagium). Siquidem Stephanus Pontificatum non iniit, nisi Anno DCCCXVI., postquam Decessor Leo III. viginti & amplius annos sedisset; adeoque sub isto etiam regendam Ecclesiam Mediolanensem accepit Oldepertus.

Ughel-

Ughellus tradit, exceptum fuisse Pipinum, Caroli Magni filium ab hoc Præfule, atque ab eo adjutum, ut securius spiritum Deo commendaret. Sanè Regius iste Princeps, cùm rediret a bello contra Venetos actò, Mediolanum accessit, ibique in gravem morbum incidens decessit VIII. Idus Julius Anno DCCCX., atque in sepulcrum, Veronæ ab ipso magnificè constructum, translatum est illius Corpus: In hoc autem consecutiunt Sigonius alique. Non ita verum est quod Ughellus subjungit, redimitam fuisse Italici Regni Coronæ Modoëtiæ Bernardum Pipini filium; de hac enim Celebritate veterum Scriptorum calamus ne minimam quidem mentionem in Historiis reliquit, cùm apertè memoraverint actam Romæ a Summo Pontifice Leone III. ejusdem Coronationem.

Excelluit hic noster Antistes etiam doctrinâ, sacræque præsertim eruditione, cujus præclarum specimen dedit sub Carolo Magno. Cùm enim Cæsar ille experimentum capere vellet Antistitum sub ditione sua præsidentium bono Animarum, encyclicas Literas ad illos dedit, in quibus proponebantur interrogationes nonnullæ circa Baptismum, a quolibet eorum dissolvendæ, instabat namque tempus Paschale. Inter primos fuit Oldepertus qui Cæsareis jussis pareret, misso ad illum integro Libello, in quo dilucidè quidquid petitum fuerat, explanavit. Memorant hunc Libellum cum laude Mabillonius, Martene, Echardus in *sua Historia Franciæ Orientalis*, alique.

Vitam clausit Anno DCCCXIV. Regiminis tempus extendit Ughellus ad IX. annos; sed in antiquis Catalogis VIII. tantum anni, & VII. menses Oldeperto adnotantur. Sepulcrum habuit in Basilica Ambrosiana.

ANSELMUS I.



Successorem habuit Oldepertus Anselmum I. Mediolanensem, electum Anno DCCCXIV., non tamen sub Paschale Summo Pontifice, uti retulit Galefinius in Tabula nostrorum Antistitum; hic enim Pontificia Dignitate insignitus non fuit, nisi Anno

DCCCXVII.

Fuit Anselmus eximie erga pauperes caritatis, teste eodem Galefinio; parum tamen prudens fuit in regimine sui ipsius, ac triste exemplum reliquit. Ob quasdam similitates conceptas a Bernardo Rege Italiae contra Ludovicum Pium Imperatorem Patrum suum, molitus est Anno DCCCXVII. Bernardus conjurationem adversus Ludovicum; pluresque Proceres, Clericos, & Episcopos in suam partem pertraxit. Inter hos praecipui numerabantur Anselmus Mediolanensis, Wolfoldus Cremonensis, & Theodulphus Aurelianensis. Pervēnit ad aures Ludovici conspiratio ista; quamobrem motis statim armis, validoque exercitu contracto, usque ad Cabillonem se contulit Imperator; Quo intellecto Bernardus, se imparem pugnae inspiciens ob militum penuriam, & defectionem eorum qui participes erant initi consilii, ad Imperatorem avolvit, ejusdem pedibus se abiciens ac veniam implorans. Et sanè, omnibus Aquisgranum captivis traductis, diminuta est Bernardo poena, quam Judices capitis dixerant; nam contentus Imperator mitiore supplicio, eundem excœcavit; Episcopos

scopos verò depositos a Sede quam tenuerant, Monasterio mancipavit. Dolore tamen tactus, quoddam pœna Bernardo non post multos dies peperisset vitæ jacturam, a qua ipse abstinerat, inclementiam suam confessus est in Conventu Generali Antistitum Imperii sui, apud Theodonis Villam Anno DCCCXXI. coacto; ibique etiam *singularem pietatem ostendit super eos, qui cum Bernardo Nepote suo in Italia, contra caput ac Regnum suum conjuraverant; quibus sibi ad præsentiam venire jussis, non solum vitam & membra concessit, verum etiam possessiones judicio Legis in Fiscum redactas, magnâ liberalitate restituit*, ut referunt Annales Laureshamenses.

Hujus indulgentiæ occasione Mediolano se restituit Anselmus, secumque detulit Corpus Bernardi, ut opinatur Baronius, cum certè illius Sepulcrum in Ambrosiana Basilica adhuc extet conspicuum. Siquidem, cum, referente Calcho, qui tunc Historiam suam scribebat, effoderetur tellus Anno MCDXCVIII., ut Cœnobium illi adjacens magnificentius extrueretur, jubente Ludovico Mariæ Sfortia Duce Mediolani, reperta est Arca funebris, in cujus Tabula superiore sculpta erat Inscriptio a Puricello & aliis relata, & signata Indictione X., quæ annum obitus Regis illius infelicis referebat, idest Annum DCCCXVII., non autem sequentem, ut plures tradunt Scriptores, quos refellere conati sumus in Adnotationibus ad Sigonium *de Regno Italiæ*, pag. CCLXXI.

Etiam de Coronatione Lotharii in Regem Italiæ, Modœtiæ a nostro hoc Antistite peractâ, quam asserunt concordés Galefinius & Ughellus, clingues se præstiterè vetusti Scriptores; cum tamen hujusmodi Celebritates, ut moris est,

magno strepitu apparatusum fiant , adeoque absque turpis silentii notâ præteriri ab ipsis minimè potuissent . Præterea Pagi-
us tradit ex Eginardo , Lotharium regio Serto redimitum
fuisse Romæ a Paschali I. , Pontifice Maximo Anno DCCCXXIII. ,
quo jam Anselmus obierat .

Mortales exuvias deposuit Mediolani Anno DCCCXXII. ,
post annos V. incompletos regiminis . Porro admodum obscu-
ra est hoc tempore Chronologia Mediolanensium Archiepisco-
porum ; Puricellus namque in *Monumen. Basil. Ambros.* , num.
XLI. nullum fuisse substitutum Anselmo deposito & in Cœ-
nobium retruso tradit ; Catalogi autem nostri statim post
captivitatem Anselmi , & indictam eidem poenam , promo-
tum fuisse ad Mediolanensem Sedem Bonum , seu Donum
affirmant Anno DCCCXVIII. An verò receptâ libertate ,
clavum iterum Ecclesiæ nostræ post mortem Boni rece-
rit Anselmus , incertum prorsus est . Puricellus quidem hoc
fidenter tradit , sed caret solidâ veterum Annalium base , cui
securè possit inniti . Id certum est , post reditum ab Aquil-
granensi Urbe paucis tantum mensibus superfuisse in vivis
Anselmum : Anno enim , ut supra diximus , DCCCXXII.
decessit V. Idus Maji , sepultus in Basilica Ambrosiana ,
& in eodem Tumulo , in quo conlatus fuerat Bernardus :
Id namque censuere qui , cum amovendus esset Tumulus a
Loco in quo exerat , reclusum eundem viderunt Anno
MDCXXXVIII. , & in illo bina Cadavera , alterum Regiis
Insigniis ornatum , alterum verò Mitrà & Pastorali virgâ
insignitum compererunt . Describit diligentissime Puricellus ibid.
num. XL. singulas vestes ac ornamenta , quibus amiciebantur .

B O N U S.



Niemo deposito a Sede Mediolanensi delectus est in Antistitem Bonus, seu Donus, non Anno DCCCXXII., ut Puricellus & Ughellus censuere, sed Anno DCCCXVIII., quemadmodum tradit Papebrochius ex antiquis Catalogis.

Præsulem hunc fuisse acerrimum Ecclesiastici juris defensorum Galefinius & Ughellus testantur, nec nos quidquam refragatur. Id tantum in votis nostris extitisset, ut aliquid innuissent de occasione & Auctore contentionis in ipsum excitatæ; invenire namque in Historiis nostris minimè valuimus, quod tunc temporis tranquillam Ecclesiæ pacem violaverit.

Adnotat etiam Ughellus, cum Puricello, stipatum fuisse hunc Antistitem in solempni Mediolanensis Metropolis ingressu Nobilibus Viris e Familia Confaloneria, & collocatum in Sede Archiepiscopali, Equo cui Præsul insidebat ipsis dimisso; eumque primum fuisse, qui honore isto donatus in Catalogis legatur. Quo verè tempore incæperit mos iste, & a quo datum fuerit hoc Privilegium Confaloneriis Gentilibus, prorsus ignoramus; siquidem vetusti Catalogi nihil memorant de origine hujus prærogativæ. Id certum est, a longævo tempore consuevisse Confaloneros rubeis vestibus indutos comitari Antistitem Mediolanensem, cum primum hanc Metropolim ingreditur, & Cathedram conscendit, eoque

ANGILBERTUS I.



Vices regendæ Ecclesiæ Mediolanensis post Bonum accepit Angilbertus I. Anno DCCCXXII. *Angelbertum* Galefinius in Tabula hunc Antistitem vocat; sed contra fidem veterum Catalogorum, & etiam recentium, qui eum constanter appellant Angilbertum. Insuper istum tradit, electum fuisse sub Gregorio IV., qui Sedem Pontificiam adiit quinquennio post, idest Anno DCCCXXVII.; verè autem tunc sedebat in Romana Cathedra Paschalis I. Nec minus fallitur Ughellus, qui scribit, promotum fuisse Angilbertum I. ad Episcopalem Dignitatem Anno DCCCXXVI.; tolerabili tamen anachronismo, ob malè statutum annum obitus in Bono Decessore.


Uterque ex hisce Scriptoribus ad augendam Angilberti laudem asserit, Corpus Sancti Monæ olim Episcopi nostri translatum ab eo fuisse in locum decentiorem; Galefinius verò etiam locum Translationis designat, nempe Ecclesiam Sancti Michaëlis *ad Domum*. Attamen, si Historias nostras consulamus, defossum legimus Corpus Sancti Monæ ab Heriberto de Intimiano Archiepiscopo Mediolanensi, Anno MXVIII. electo, ac depositum fuisse in Ecclesia Sancti Vitalis, a qua traductum est in Metropolitanam Basilicam a Sancto Carolo Borromeo, ut jam diximus, cum de Sancto Mona mentionem egimus.

Vitam explevit Anno DCCCXXIII., VII. Idus Octo-

D

bris,

bris, non Septembris, ut scripsit Galestinus; post menses XIV., & dies XXII. regiminis: in quo erravit Ughellus, septem tantum menses Sedis Angilberto I. attribuens. Sepulcrum habuit in Basilica Sancti Ambrosii.



AN-

ANGILBERTUS II.



Angilberto I. alter Angilbertus successit, designatus in Archiepiscopum Anno DCCCXXIV.; atque in hoc certum est, errare Galefium & Ughellum, quorum primus ait, consecrationem recepisse Angilbertum II. sub Gregorio IV., qui tamen sedere minime cœpit in Apostolica Cathedra, nisi Anno DCCCXXVII.; alter verò ad hanc Sedem promotum tradit eundem Angilbertum Anno DCCCXXVII. . Papebrochius autem in *Exegesi* affert Lapidem adnotatum a Bonaventura Castillioneo, & etiam Grutero in *Appendicula* adjectâ magno Volumini *de antiquis marmoris Tabulis*, Legioduni in Mediolanensi Dicecesi positum, jubente hoc Angilberto, in quo signantur *Calenda Augusti*, & *anni regiminis* ejusdem, idest *XXIII.* Isti verò si conjungantur cum Anno mortis DCCCLX., dilucidè ostendunt, Lapidem hunc pertinere ad Annam DCCCXLVI.; adeoque confirmant, Angilberti II. electionem Anno DCCCXXIV. mense Junio contigisse, ab hac enim Epocha ad Annum DCCCXLVI. vigesima tertius Angilberti annus inchoatus numerabatur.

Porro summo opere miramur, Ughellum statim ab initio investum acerbè fuisse in hunc Archiepiscopum, eidem exprobrando, quòd primus contra Ecclesiam Romanam vexillum explicaverit, ac Schisma conflaverit, quod pessimo illius exemplo Successores sui a Romani Pontificis obedientia di-

vulsi per ducentum annos fœda rebellione conservavere. Putidum hoc Commentum cœco calamo credulus excepit Ughellus ab Erycio Puteano, Sigonio, Ripamontio, aliisque. Sed illud prorsus exsufflavit Puricellus in *Monum. Basil. Ambros.* num. CX., nosque etiam anilibus tabulis adscripsimus hanc Angilberti defectionem tum in Adnotationibus *ad Vitam Stephani IX.*, insertam Tom. III. *Rerum Italicar.*, tum in *Vindictis de Adventu Mediolanum Sancti Barnabæ Apostoli*, in quibus Papebrochium quoque refellere conati sumus, asserentem, hoc Schisma non *positum*, sed *negativum* fuisse, idest non in deneganda obedientia Summo Pontifici, sed in pertinacia non petendi Archiepiscopale Pallium ab ipso; Constat enim ex *Historia Leodiensium Episcoporum* a Chapeville vulgatâ, transmissum fuisse a Summo Pontifice, per Ratherium Veronensem Episcopum, Româ Pallium ad Hilduinum Archiepiscopum Mediolanensem, centum ferme annis ante Heribertum, qui dicitur a Papebrochio primus fuisse in hoc sistio Schismate abolendo. Et sanè, quis credat Præsulem singulari pietate conspicuum, & religionis operibus additissimum, quem etiam Galefinius restatur, pauperum viduarumque Patrem fuisse tunc temporis appellatum, quis inquam credat, voluisse impudenti superbiâ caput erigere contra Christi Vicarium, illudque filialis re-erentiæ vinculum, quo Summi Pontificis Solio necebat, tam indigno ausu confringere?

Sub primos regiminis Angilberti menses felix illi occasio contigit edendi publicum specimen suæ erga rectum Ecclesiæ ordinem sollicitudinis. Cum enim, frequenti Barbarorum irruptione in Italiam, confusa fuissent Episcoporum jura, fau-

sto omine effectum est, ut Eugenius II. Pontifex Maximus Concilium indiceret Mantuæ celebrandum Anno DCCCXXVII. Quocirca Maxentius Patriarcha Aquilejensis Libellum obtulit in eo Episcoporum Confessum, quo exposcebat, ut Ecclesiæ a Gradensi Patriarcha, seu aliis Episcopis occupatæ, ad ipsum antiqua jurisdictione spectantes reverterentur; quemadmodum etiam Synodali sententiâ decretum fuit. Inter Antistites autem Mantuæ collectos adfuit quoque Angilbertus Archiepiscopus, qui simul cum ceteris Præsulibus pro iustitia stetit, ut constat ex Charta, quam refert Ughellus in *Addamentis ad Episcopos Aclienfes*, Tom. X. Venetæ Editionis, nosque ad laudem nostri Archipræsulis partim hoc loco recudimus.

„ Regnante Domino Nostro Jesu Christo in perpetuum.
„ Anno Pontificatus SSmi & universalis Papæ Eugenii quarto,
„ & imperantibus piissimis, catholicis, & Dei cultoribus Chlo-
„ dovico & Chlotaro Impp. Anno septimodecimo, per Indi-
„ ctionem quintam, octavo Idus Junii, secundum Dei gra-
„ tiam, & sanctionem eorum congregata Synodus, in qua ad-
„ fuerunt Vir venerabilis & sanctissimus Benedictus Episcopus,
„ & Leo Reverendissimus Diaconus Bibliothecarius, Legati vi-
„ delicet Sanctæ Romanæ Ecclesiæ, habentes locum Beatissimi
„ Papæ Eugenii, Sichardus palatinus Presbyter, & Vir specta-
„ bilis Theoto, a præfatis Augustis directi, Petronasque Ra-
„ vennatis Reverendissimus Archiepiscopus, atque Angelperrus
„ Sanctissimus Mediolanensis Archiepiscopus, Provinciæ Æmi-
„ liæ Andreas Ferrariensis Episcopus &c. Residentibus igitur
„ in hac Synodo Reverendissimis Episcopis, aditantibus Dia-
„ conibus & cetero Clero, veniens Vir Sanctissimus Maxen-
„ tius

„tius Aquilejensis Patriarcha, precum Libellos pro dispersione suæ Aquilejensis Ecclesiæ obtulit, ut suæ Provinciæ Ecclesias, quas Barbarorum incurfus a sua Matrice segregaverat, autoritate Canonum jam pacis tempore percipere, mereretur ad propria &c. „ Memorat Concilium hoc, ab Eugenio II. convocatum in memorata Urbe Anonymus Scriptor in *Vitis Aquilejensium Patriarcharum*, editis Tomo XVI. *Rerum Italicarum*, colum. LXXXII.

Quanto autem religionis erga Deum conservandæ desiderio succenderetur Angilbertus, satis superque docet Concilium Ticinense, celebratum Anno DCCCL., in quo editi sunt XXV. Canones, ad instaurandam Ecclesiasticam disciplinam, instante Ludovico II. Imperatore; necnon alterum quoque ibidem coactum Anno DCCCLV., ut in Episcopis, Clero, & populo, pietatis integritas refloresceret. Præterea in Sancti Ambrosii, Patroni Ecclesiæ Mediolanensis, honorem summo impendio Altare aureum in Ambrosiana Basilica condidit, quod etiam in præsentia oculis Christi fidelium exponitur; Monachis verò, qui in Cœnobio contiguo laudes Deo ac Sancto huic Doctori persolvunt, plura largitus est dona, ut ferventiùs illi Basilicæ inservirent, adhuc Chartis, in eorundem Archivo testantibus tam pii Præsulis liberalitatem.

Occasionem circumcingendi argenteis aureisque laminis ac gemmis Altare memoratum tradit Ughellus, ex Galvaneo Famma, Scriptore Seculi XIV. aliisque, fuisse hujusmodi: Cum enim ex peculiari amore erga Sanctum Ambrosium subduxisset Angilbertus ex ore Sacri Corporis dentem, illamque inclusum annulo secum gestaret, fortè oculos intendens, den-

dentem evanuisse conspexit; quamobrem diligenti indagatione scrutabatur, ubinam foret; donec admonitus a quadam vetula, quæ ait: *dentem invenies, ubi abstulisti*, illum verò loco suo restitutum comperiit. Tunc, ne de cetero aliquid de Corpore Sancti Ambrosii auferri posset, ipsum sub terra occultavit, atque Aram super illud erexit pretiosissimè exornatam. Attamen in Vita Sancti Bernardi Cardinalis & Episcopi Parmensis, a contemporaneo Auctore conscripta, & Romæ edita Anno MDCXII. Cap. XLVI. legimus, Beatum hunc Virum, cum Mediolani Pontificium Legatum ageret Anno MCXXX., accessisse ad Tumulum Sancti Ambrosii, ut ossa ipsius veneraretur, & non sine miraculo vota ejusdem impleta fuisse; idque adscriptum Divinæ fuit providentiæ, ne aliò asportaretur Sacrum Pignus in ferali excidio, quod inflicturus erat Mediolanensi Urbi eodem Seculo Federicus Ænobarbus. Siquidem exinde neminem unquam in Sanctam Arcam oculos immisisse retulerunt Historiæ, occluso etiam quolibet cuniculo, si fortè relictus esset ab Angilberto, ut Puricellus opinatur.

Corpus Sancti Caloceri Brixienfis, de Albigauno ubi Martyrium pertulit, dicitur Angilbertus transfulisse ad Monasterium de Clivate. Bollandistæ hanc Translationem adnotare ad XV. Calendas Maji ex Martyrologio Adonis MS to, & aucto apud Brixienfes circa Annum MCLXX., in quo legitur, Sanctum Calocerum sepultum priùs fuisse Albigauni; eo autem tempore translatum fuisse illius Corpus ad Clavasium Monasterium. Vox ista *Clavasium* ingenium Henschennii torfit, ubinam esset hæc Civitas aut Oppidum; proinde

inde verò arbitratus est, esse Oppidum illud Pedemontii, nunc etiam appellatum *Chivasso*, decem milliaribus Taurino distans. Lucem afferunt huic dubio Annales nostri, qui Sanctum Calocerum sepultum tradunt in *Monasterio de Gyvate*, sive *Clivate* Diœcesis Mediolanensis, quod conditum dicitur a Desiderio Langobardorum Rege, & in quo adhuc degunt Monachi Montis Oliveti.

In *Annalibus Benedictinis* Tom. II. Cap. XXX. narratur ad Annum DCCCXL., ex Franciæ partibus Mediolanum adventasse Leudgarium Abbatem, & Hildemarum Monachum, quos, ut Monasticam disciplinam in Ambrosiana Diœcesi redintegrarent, Angilbertus II. apud se detinuit; mox verò, Ramperto Episcopo Brixienti eos enixè petenti, ad erudiendos Monachos Sanctorum Faustini & Jovitæ in ea Urbe degentes, libentissime dimisit. Testatur benignam hanc concessionem Rampertus ipse in Constitutione sua, edita Anno DCCCXLI., & inserta *Bullario Casinensi* Tom. II. pag. XXV. his verbis, quæ placet huc transferre, cùm ex iis plurimum laudis huic nostro Antistiti accrescat: „ Denique cùm nostrorum Fide-
 „ lium & maxime Sacerdotum, ad hoc multorum saluti pro-
 „ futurum provocarem Opus, petere a Sanctissimo Virò
 „ Domino Angilberto Fratres curavimus, quibus hujus Of-
 „ ficii curam nostra committere posset sagacitas. Ipse verò,
 „ ut Vir doctissimus, multorum assatim illustrationem defi-
 „ derans, & non sua, sed quæ sunt Jesu Christi per om-
 „ nia quærens, concessit nobis Fratres, ex partibus Fran-
 „ ciæ advenientes, quosque ob illuminationem suæ Ecclesiæ
 „ insolubili sibi sociaverat vinculo, Leudgarium videlicet Ab-
 „ batem,

„batem, & Hildemarum Monachum, quatenus ita nobis
 „præstarent adiutorium, quemadmodum illi nunc præstant,
 „& semper præstabunt, quorum vitâ atque doctrinâ plu-
 „rimi hoc in Regno illustrati esse noscuntur &c. „ Vi-
 deat Ughellus, an excitati tam turpis diuturnique Schisma-
 tis reus accusandus sit Præsul iste, tot rebus sanctè gestis
 illustris, ac tot laudibus ab Antistite cœvo decoratus.


Maximum Angilberti elogium est, quod refertur ab
 Agnello, in *sua Episcoporum Ravennæ Historia*, & a Joanne
 Georgio Ecchart in *Commentariis Franciæ Orientalis*, vi-
 delicet excitatus fuisse inter Lotharium filium, & Ludovi-
 cum Pium, ejusdem Patrem, contentiones quasdam, non parvo
 Parentis dolore. Pœnituit demum turbarum, quas ipse con-
 flaverat, Lotharium; Quamobrem advocavit Angilbertum Me-
 diolanensem Archiepiscopum, ut pacem a Patre consequere-
 tur. Annuit ille æquam adeo rem petenti Lothario. Verùm
 cum admissus ad colloquium ejusdem, solâ capitis inclina-
 tione & saluatoriis verbis usus fuisset in primo ingressu,
 Lotharius subiratus ait: *Sic te geris, quasi Sanctus Ambrosius*
esses. At reposuit Angilbertus: *Nec ego sum Ambrosius, nec tu*
Dominus Deus; profectusque ad Imperatorem Ludovicum, Fi-
 lium Patri reconciliavit.

Galesinius in Tabula Episcoporum Mediolanensium adno-
 tavit, Synodum Provinciam celebratam fuisse ab hoc Angil-
 berto, atque in ea confirmatam institutionem, a Ramperio
 Episcopo Brixienti factam in eadem Urbe Cœnobii Sancto-
 rum Faustini & Jovitæ. Hujus Synodi nulla occurrit men-
 tio in Labbeo, neque in aliis nostris Historiis; Galesinius

E

tamen

tamen optimi fide laudem hanc adscripsit Archiepiscopo Angilberto. Occasionem præbuit eamdem convocandi ipsemet memoratus proximè Rampertus Brixienſis Antistes, immortalis apud Cives ſuos nominis, Cùm enim expetiſſet, ut inſtitutio Cœnobii apud Eccleſiam Sanctorum Martyrum Fauſtini & Jovitæ ab ipſo erecti, aliquo Metropolitanſui Scripſto roboraretur, ſatiſfecit abundè ejuſdem votis Angilbertus; atque ad majorem conciliandam prædictæ Inſtitutioni auctoritatem, Synodum Provincialeſm coëgit Anno DCCCXLII, in qua omnium Suffraganeorum Patrum conſenſu Præceptum edidit, quod ad ſe tranſmiſſum ex Archivo illius Cœnobii Claris. Muratorius inſeruit Tomo V. *Antiquitat. Ital. Med. Ævi*, col. CMLXXXV. in hæc verba;

„  Angelbertus humilis beatæ Mediolaenſis Eccleſiæ
 „ Antistes. Notum eſſe cupimus cunctis Chriſti Dei noſtri
 „ cultoribus, quod Confrater atque Coëpiſcopus noſter Ram-
 „ bertus cum ſuorum Sacerdotum aliorumque fidelium con-
 „ ſenſu, in loco ubi Sanctorum Fauſtini & Jovitæ Marty-
 „ rum Corpora quieſcant, Monachorum ædiſticavit Cœno-
 „ bium. Super cujus perpetuo ſtatu inſtitutionem facere, ip-
 „ ſamque nobis, ut noſtro roboraretur Præcepto, curavit
 „ offerre. Et quia officii noſtri eſt, non extinguere bono-
 „ rum, ſed magis magiſque accendere ſtudia, alacri devo-
 „ tione inſtitutionem, quam jam prædictus Deo gratus Epi-
 „ ſcopus, nobis verò cariffimus, ideo edidit, ut ſalva ma-
 „ neret intentio res ſuas Deo dicantium, & in Eccleſia
 „ nobili omnibus canonicis horis divinum perſolveretur offi-
 „ cium,

„cium, & ut nullam quis pateretur tarditatem ad Domi-
 „num convertendi: firmare ac roborare hoc nostræ aucto-
 „ritatis Præcepto curavimus. Eo videlicet modo, ut nil
 „amplius ab ipsa Congregatione quàm Libra requiratur ar-
 „genti. Liceatque ei absque superimpositione susceptum Deo
 „persolvere votum: habeantque nihilominus licentiam de-
 „se ipsis semper Abbatem creandi. Et si umquam aliqua
 „inquietudo eis illata fuerit, quidquid ab hac die ipsis da-
 „tum fuerit, vel adquirere quolibet modo vel arte potue-
 „rint, in ipsorum sit potestate, quatenus his liberè uten-
 „do, & quem voluerint defensorem habendo, quierius Deo
 „valeant militare. Ut igitur institutio Sancti Cœpiscopi no-
 „stri prædicti Ramberti a nullo Successorum ejus possit ali-
 „quo modo corrumpi, sed firma & inconcussa atque in-
 „violata permaneat, per hoc nostræ auctoritatis Præceptum
 „eam firmare curavimus, canonice proclamantes, ut si quis
 „eam violare temptaverit, anathema sit.



„Quod etiam Andreæ Ecclesiæ nostræ Notarium scribere
 „jussimus, propriaque manu subscripsimus Anno Dominicæ
 „Incarnationis DCCCXLII. Anno etiam Imperii Christianissimi
 „Lotharii Imperatoris Vicesimo Tertio, Indictione quinta.

„Angelbertus indignus Episcopus confirmandi subscripsi.

„Ego Aldigisus Episcopus consensu, & subscripsi.

„**P** gratia Dei Hagamo Episcopus huic Sacre Sy-

„nodali pragmatice manu mea subscripsi.

- „  Pancoardus Episcopus subscripsi .
 „ Ermenfredus Episcopus subscripsi .
 „ Walfericus Episcopus subscripsi .
 „  Ercanbertus Episcopus subscripsi .
 „ Verendarius Curienſis Eccleſiæ Episcopus subscripsi .

Non minorem ſolicitudinem eâ quam oſtenderat in adjuvando Ramperto ad Monasticum inſtitutum Brixia condendum adhibuit Angilbertus , ut inducti a Prædeceſſore ſuo Petro in Ambroſianum Cœnobium Mediolanenſe Monachi Sancti Benediſti , ad omnes clauſtralis diſciplinæ leges compoſerentur . Deciderant non parùm a primævo fervore qui ſua ætate Cœnobium illud incolebant Alumni Sancti illius Patriarchæ ; quamobrem animum adjecit emendandis eorundem irreligioſis moribus , quibus & Profeſſionis illorum ſplendor , & Divini cultûs integritas plurimùm imminuebantur . Ac primò accitum e Vincentiana Baſilica Gaudentium , Virum integerrimum , Abbatem illis præfecit Anno DCCCXXXII. , quemadmodum Puricellus jam adnotaverat in *Monum. Baſil. Ambroſ.* num. XLIV. , & nos ſuperiùs innuimus in *Oldenerti Vita* . Felicem tamen eum exitum , quem optaverat Angilbertus , minimè fortitum eſt ſalutare hoc conſiliũ ; quocirca , redeunte forſitan ad primam Sedem Gaudentio , Archiprebyterum ſuum Metropolitanæ Maximi Templi , illius Monafterii Abbatem conſtituit Anno DCCCXL. , expediri Chartâ , quam Puricellus aut non vidit , aut conſultò omiſit .

fit. Sed eam publica luce donavit Clariss. Muratorius Tom. V. *Antiquir. Ital. Med. Ævi*, colum. CCCLXXVII., extractam e Tabulario ipso Cœnobii Ambrosiani, nosque eamdem hoc loco recudimus, cum inde comperta omnibus reddatur Pastoralis cura & fervens in Archiepiscopi nostri corde amor erga res sacras refarciendas, & Dei gloriam procurandam. Ita autem se habet:

„ ✠ Angilbertus beate Mediolanensis Ecclesie humilis Archiepiscopus. Noverit præsentium
 „ scilicet & futurorum, adeo nos Beati Ambrosii patronis
 „ nostri Cœnobium dili voluisse, ut etiam Archibresbiterum Ecclesie nostre ibi cum electione omnium
 „ ordinaremus Abbatem Et quia idem Abbas jam ordinatus nostram solertiam postulare curavit, ut per nostre
 „ auctoritatis quo Villas & Castella, que nunc habet, vel adepturus est idem locus cum omni integritate
 „ diminutione vel inquietudine eidem & Successoribus
 „ ejus possidere liceret ad Dei ob Dei & Beati
 „ Ambrosii amorem, per consensum Sacerdotum nostrorum,
 „ per hanc nostram aliquis Successorum nostrorum
 „ jam predicto Abbati aut Successoribus ejus ullam contrarietatem in rebus diminutionem. Concedimus etiam,
 „ ut post obitum ipsius Abbatis de ipsa Congregatione Pater
 „ eligatur, si idoneus ad hoc opus institutio melior
 „ habeatur subter eam propria manu firmare
 „ Andream Notarium Ecclesie nostre scribere jussimus.

„ An-

- „ Angelbertus indignus Episcopus in hoc Precepto subscripsi .
- „ Andreas Archidiaconus ex iussione Domni Angelberti Archiepiscopi in hoc precepto subscripsi .
- „ Adoaldus Diaconus in hoc precepto ex iussione Domni Angilberti subscripsi .
- „ Gunzius Diaconus in hoc precepto subscripsi .
- „ Pemo indignus Presbiter subscripsi .
- „ Angilbertus humilis Presbiter subscripsi .
- „ Hermenfredus humilis Diaconus subscripsi .
- „ Liuprandus Presbiter in hoc precepto subscripsi .
- „ Deusdedit humilis Presbiter subscripsi .
- „ Walpertus humilis Presbiter subscripsi .
- „ Cellus humilis Presbiter subscripsi .
- „ Ermenaldus indignus Presbiter subscripsi .
- „ Petrus Diaconus subscripsi .
- „ Adroaldus Presbiter subscripsi .

Interfuisse Angilbertum Concilio I. Romano , coacto a Leone IV. Summo Pontifice Anno DCCCLIII. constat ex *Charta Judicati*, quam refert Clariss. Muratorius Tom. VI. *Antiquit. Ital. Med. Aevi*, colum. CCCLXXXIX. , cuius Angilbertus subscripsit tamquam unus ex Missis Ludovici II. Imperatoris .

Ughellus tradit , obtentam fuisse per Angilbertum Mediolanensi Ecclesiae confirmationem a Ludovico Pio privilegiorum , quae Carolus Magnus illi concesserat . Verum cum plu-

plurimum nuret Diploma Caroli, quemadmodum in Petro Archiepiscopo animadvertimus, ruere viderur etiam hxc Confirmatio; præsertim quia Ludovici Diploma ab Ughello non profertur. Tradit quoque, extare Epistolam scriptam ab hoc Antistite ad Ludovicum Imperatorem, *de Statu rerum Ecclesiasticarum*: Hæc tamen, jubente ipso Ludovico, data est nomine rotius Synodi Ticinensis, ut conscius fieret Imperator de moribus Episcoporum, Sacerdotum, Monachorum. &c., eamque referunt cum Ughello Labbeus & Sigonius, qui Rescriptum ejusdem Ludovici recitat in *Historia de Regno Italiae*, ad Annum DCCCLV.

Supereſt exſolvendus nodus admodum implexus, quanto videlicet tempore Eccleſiam hanc adminiſtraverit Angilbertus; Galeſinius namque ſediſſe illum tradit annis XXV., vitâ expletâ Idibus Decembris: Ughellus autem varias aliorum de hac re Scriptorum opiniones enumerat, ſuam minimè enuncians, contentus diem designare, quo e vivis exceſſit, ideſt Idus Decembris Anni DCCCLXI. Nos cum Papebrochio ſtatuiſmus annos XXXVI. acti regiminis, mortem ſigentes Anno DCCCLX.

Sepultus eſt in Baſilica Sancti Nazarii.



T H A D O .



Ost Angilbertum II. ad regendam Mediolanensem Ecclesiam assumptus est Thado Anno DCCCLXI. , transactis undecim mensibus Sedis vacantis, cum juxta calculum Papebrochii consecratio ejusdem inciderit in diem IX. Novembris .

Hunc Ughellus scribit , *meliori mente consilioque* commissum sibi munus administrasse , itaut a Nicolao I. Summo Pontifice appellatus sit & habitus *Sanctissimus Frater* . Quamobrem nescimus , qua de causa tam cito recesserit a sententia in Angilbertum II. ab ipso lata , tamquam in Auctorem defectionis a Romana Sede , per ducentum annos in Ecclesia Mediolanensi vigentis . Sanè Nicolaus I. singulari benevolentia Thadonem prosequabatur ; Cum enim Engeltrudes Bosonis Comitis Uxor , relicto proprio Viro , cum adultero in Gallias profecta esset , Summus Pontifex jussit , Mediolani Episcoporum Concilium colligi , ad quod vocata Engeltrudes , si certo tempore non adfuisset , ab eo sacro Collegio vinculis anathematis innodaretur ; quemadmodum etiam peractum est , Nicolao Episcoporum sententiam confirmando . In Concilio quoque Romano III. , celebrato Anno DCCCLXIII. , Canone II. mentionem Thadonis agit idem Pontifex Maximus , ita exordiens : *Sententiam , quam a Sede Apostolica in Engeltrudem Uxorem Bosonis Sanctissimus Frater noster Mediolanensis Archiepiscopus Thado , & ceteri Coepiscopi*

pi nostri petierant emittendam, & nos Divino successi zelo sub anathematis obtestatione canonicè protuleramus &c.

Extat in Decreto Gratiani (a) Rescriptum datum ab eodem Nicolao huic nostro Antistiti, quærenti quomodo se gerere deberet cum percutientibus aut etiam occidentibus Presbyteros prædonibus, qui a Judicibus minimè coercerentur: Atque in eo respondet Summus Pontifex, fraterno amore illos admonendos secundò ac etiam tertio, ut resipiscant; sin autem contumaces fuerint, ab Ecclesia sub anathematis vinculo resercandos.

Tanta in hoc Præsule eluxit ingenii præstantia, ac rerum Divinarum eruditio, ut non alio quàm *Sapientis* agnomine appellaretur. Nec minori erga Deum pietate excelleret, quemadmodum testantur ornamenta quamplura, quæ largitus est Basilicæ Sancti Ambrosii, in reverentiam Corporis ibidem jacentis ejusdem sancti Mediolanensis Ecclesiæ Patroni, ut etiam adnotavit Ughellus. Diploma quoque expedivit in favorem Monachorum, quod cum Ripamontius in *Hist. Eccles. Mediol.* suspectum saltem haberet, illudque acri aliquo scommate ad apocrypha amandasset, Ughellus pari stylo vindicandum suscepit. An verò hic pugnandi modus ab eruditis Viris laudem consequatur, prætereundum potius, quàm excutiendum censuimus.

Demum Beroldus, Scriptor Seculi XII., editus a Clariss. Muratorio *Dissertat. LVII. Antiquit. Ital. Med. Ævi*, refert, Festum diem Exaltationis Sanctæ Crucis fuisse institutum Mediolani in Basilica Sancti Ambrosii, primo Sabbato

F

to

(a) *XVII. quæst. IV. De Presbyteror. flagellatur.*

to Octobris, a Thadone Archiepiscopo nostro, assignatis etiam prædiis Abbati illius Cœnobii Ambrosiani, ut ex eorumdem fructibus dignè hæc Celebritas perageretur. Veretur Puricellus in *Dissertat. Nazarian.* Cap. LXXXII., num. II., ne Beroldus a similitudine nominis deceptus fuerit. Siquidem alter Thado Notarius, in Testamento a se condito, quod idem Puricellus recitat in *Monum. Basil. Ambros.* ad Annum Christi MLIII., num. CCLII., plura bona reliquit Monasterio Sancti Ambrosii, ut Exaltationis Sanctæ Crucis Festivitas, in aliis Ecclesiis jamdiu celebrata, peculiari veneratione in perpetuum quotannis Mediolani recoleretur: Rem autem in incerto relinquit, sententiam suam minimè profectens.

Extra omnem dubitationem est quod narrat Clariss. Mabillonius, Vir memorie immortalis, in Opusculo *de Sanctis incognitis, & eorum cultu*, inter Opera posthuma ejusdem edito Parisiis Anno MDCCXXIV., Tom. I. pag. 274. §. XXI.; siquidem post allata nonnulla ad rem suam spectantia, ista subjungit: „ Ex his illustrari potest Nicolai I. Epistola, „ nondum edita, ad Thadonem Archiepiscopum Mediolanensem. Hic Pontifici scripserat, in Diœcesi sua, idest in „ Augustana, quæ tunc sui juris erat Ecclesia, non esse „ Sanctorum Corpora, nisi Christi Martyris Afræ, matrisque „ ejus Hilarie, seu puellarum earum, scilicet Dignæ, Eutropiæ, & Eutropiæ: esse tamen plura, quæ specialibus indicii ac nominibus minimè clarescant: quorum nonnulla „ rum integra manere seruntur: quæ quidam auctoritate Apostolica, præmissis jejuniis & orationibus, aliorum Sanctorum „ apta-

„ aptatis nominibus in Basilicis recondere in animo habebat,
„ si modò ei per Pontificem liceret. Ast id non probavit
„ Nicolaus, immo fieri vehementer inhibuit. Sufficere quip-
„ pe ait invocationem Sanctorum nominatorum, etiam ubi
„ Corpora defunt, Fidelibus ad salutem; indignumque esse,
„ nondum divinitus per gloriosos agones Corporibus revelatis,
„ Sanctorum imagines nominaque aptari. Quæ, licet fortè
„ Sanctorum sint, operæ pretium est, tamdiu in incerto suæ
„ conditionis manere, quamdiu eos Dominus more solito reve-
„ lando, ad summam Sanctorum provexerit libertatem.

Non modicum Historiæ nostræ lumen affert supradicta
Epistola, quam nescimus, an eruta postmodum e tenebris
in publicam lucem prodierit. Primò enim discimus, saltem
usque ad Thadonis ætatem Mediolanenses Antistites antiquam
in utramque Rhetiam & Augustam Vindelicorum jurisdictio-
nem factam tectamque servasse, cum Thado Augustam ap-
pellet *Diocesim & Ecclesiam juris sui*. Subinde verò oppor-
tuna nobis offertur occasio arguendi, quanto animi fervore
insudaverit Præsul noster, ut Dei ac Sanctorum cultum in
hac Metropoli promoveret, cum tam sollicitus fuerit pro in-
ferendis in Augustanas Basilicas Sanctorum Corporibus, non-
dum publicæ venerationi expositis, quorum paucis solummo-
do ditabatur ea Civitas.

Oiit Thado Anno DCCCLXIX., VII. Calendas Junii,
post octo annos incompletos regiminis; sepultus in Ecclesia
Sancti Ambrosii.

ANSPERTUS.



Tadone e vivis sublato, Anspertus promotus est ad Cathedram Ecclesiæ Mediolanensis Anno DCCCLXIX, non verò DCCCLXXV, ut malè Sigonius tradit. Etiam huic Præsuli injustam perfidiæ notam contra Romanam Sedem appingit Ughellus asperis hisce verbis: *Hic Pusterla* (Angilberti II.) *secutus exemplum, cum Apostolica Romana Sede ubique & semper implicitus litibus superbissimè decertavit; tum denique pertinax ac rebellis, a Johanne VIII. excommunicatus, Archiepiscopali Dignitate privatus est in Synodo* (Romæ habitâ) *Idibus Octobris Anno DCCCLXXIX.* Ad arguendum enim falsi hoc decretorium essatum *ubique & semper*, sufficit Concilium Ticinense, ab Ansperto coactum Anno DCCCLXXVI, ut Carolus Calvus in Regem Italiæ inauguraretur, in quo primus Canon sic jacet: „ Ut Sancta Romana Ecclesia, sicut est Caput omnium „ Ecclesiarum, ita ab omnibus honoretur & veneretur; ne „ que quisquam contra jus & potestatem ipsius aliquid injuste agere præsumat: Sed liceat ei debitum tenere vigorem, & pro universali Ecclesia Pastoralem exhibere curam, atque sacris precibus omnium pro omnibus interpellare Auctorem „ . Postmodum ad statuendum descendit, quis honor debeat Pontifici Maximo, tunc sedenti in Apostolica Cathedra, his verbis: „ Ut honor Domino spiritali „ Patri nostro Joanni Summo Pontifici & universali Papæ „ ab

„ ab omnibus conservetur , & quæ secundum sacrum ministerium suum auctoritate Apostolica decreverit , cum summa veneratione ab omnibus suscipiantur , & debita illi „ obedientia in omnibus conservetur „ . Editum est hoc Concilium integrum ex MS.to Codice Bibliothecæ Ambrosianæ in Parte II. Tom. II. *Rerum Italicarum* . Quid clarius ad eluendam turpem maculam , qua Ansperti famam denigrat Ughellus , asserens numquam interruptis litibus servatam ab ipso fuisse contra Romanam Ecclesiam superbiæ perviciam ? Fatemur quidem , restitisse Anspertum contumaci inobedientiâ repetitis mandatis Summi Pontificis Joannis VIII. ; verum culpa hæc fuit solummodo Archiepiscopi , cujus rea non fuit Ecclesia Mediolanensis , de qua commentitium Schisma ducentum annorum decantatur ; ut patet ex Epistola ad Clerum Mediolanensem missa , qua illi injungebat Joannes VIII. Pontifex Maximus , ut alium eligeret in Episcopum , post depositum ab hac Sede in Synodo Romana Anspertum , seque missurum spondebat Legatos , qui nomine suo novæ Electioni interessent .

Præterea dubium esse non potest , resipuisse Anspertum , ac præstitâ Joanni satisfactione pro contemptu præterito , restitutum fuisse Archiepiscopali suæ Dignitati ; legitur namque in Labbeo Epistola ejusdem Joannis VIII. , sub num. CCLX. , in qua Pontifex confirmat Josephi Episcopi Astensis Ordinationem , qui alias contra Canones Vercellensis Ecclesiæ fuerat Antistes constitutus ; de qua re Anspertus Mediolanensis Archiepiscopus Sedem Apostolicam consuluerat : In decursu autem Epistolæ hæc leguntur : *Idco his omisiss de prælibati G-*
sep

seph iterata creatione Sanctitas Tua in nullo penitus *hasset*, quia hanc & nos approbatam admistimus, & ab omnibus *admittendam esse mandamus*. Data est XV. Calendas Martii, Indictione XIV., idest Anno DCCCLXXXI., vix elapsis anno & quatuor mensibus a Pontificia & Synodali Depositionis Ansperti sententiâ. Quinimo in altera ejusdem anni Joannes Summus Pontifex, sub pœna excommunicationis præcipit Anselmo Archidiacono Mediolanensî, ut *Ansperto Sanctæ Mediolanensis Ecclesiæ Reverendissimo Archiepiscopo* obedientiam præstet. Gerebat igitur Archiepiscopale munus Anspertus; proinde verò percussus exauthorationis fulmine colum subjecerat obsequio & venerationi Sanctæ Sedis, summâque Joannis beneficentiâ hujus Metropolis Insulâ donatus iterum fuerat.

Coronâ Regiâ redimitum ab Ansperto fuisse Carolum Calvum in Urbe Ticinensi Anno DCCCLXXXVI., & Carolum Crassum Anno DCCCLXXX. referunt Ughellus & Galefinius. Id tamen miramur, minimè adnotatum fuisse a cœvis Scriptoribus, a quibus electio horum Principum ad Regnum Italicum, peracta ab Archiepiscopo nostro Ansperto & Optimatibus Italiæ, disertis verbis exprimitur, quin aliquid de Coronatione innuatur. Extat in Parte II. Tom. II. *Rerum Italicar.* Concilium ipsum Ticinense, auctum ex MS.to Codice Bibliothecæ Ambrosianæ, quod prorsus silet de hac Caroli Calvi inauguratione. Idem silentium de Corona Regni Italici, Carolo Crasso imposita ab Ansperto, in veteribus Historiis occurrit; sique hoc etiam contigisset, non Anno DCCCLXXX. tribuendum esset, sed præcedenti, quemadmodum

dum in Adnotationibus ad Sigonium de Regno Italie commentum fecimus ad eundem Annum DCCCLXXX.

Ceterum eximiae virtutes florere in nostro hoc Antistite, quas nisi Pontificiarum iussionum pertinaci contemptu plurimum defœdasset, Prædecessorum gloriam non tam æquare, sed etiam vincere potuisset. Siquidem cum annonæ caritas omnem Italiam, & Mediolanensem in primis populum rabiidâ fame torqueret, simulque fœderata egestati lues Nobilium & Plebejorum vitas inexorabili falce demeteret, benignissimus Pastor, Gregis sui miseratione tactus, non tam horrea & ærarium aperuisse narratur ad sublevandam communem inopiam; sed etiam seipsum in morientium solamen tradidisse, Sacramenta & cibum propria manu illis subministrando. Religionem quoque summam erga Deum in semetipso vigentem ostendit, plures reficiendo Sacras Ædes, ac condendo a fundamentis Ecclesiam, Sancto Satyro dicatam, simul cum Monachorum Cœnobio, quibus prædia sua & census ultimis Tabulis reliquit, ut ex Sepulchrali Epigrammate inferius apponendo colligimus.

Præclarum aliud testimonium eximiae in ejus corde ferventis caritatis erga Deum & proximum, est Xenodochium, quod extrui prope memoratam Sancti Satyri Ecclesiam postremis Tabulis mandavit. Eas Anno DCCCLXXIX. conditas, sed nondum editas, luce donavit Clariss. Muratorius in Tom. IV. *Antiquit. Ital. Med. Aevi* pag. DCCLXXIII., quarum initium nos transcribimus, in piissimi hujus Archiepiscopi gloriosam ac perennem memoriam.

„ In

„ In nomine Domini Dei , & Salvatoris nostri Jesu
„ Christi . Karlomannus Divina providentia ordinante Rex Lon-
„ gobardorum in Italia , Anno Regni ejus secundo , X. die
„ mensis Septembris , ingrediente Indictione Tertiadecima .
„ Ego in Dei Omnipotentis nomine Anspertus humilis Archie-
„ piscopus Sanctæ Mediolanensis Ecclesiæ , & filius bonæ me-
„ morie Albucii de Blaffono qui vixit Lege Longobardorum ,
„ (præsens) præsentibus dixi . Sacerdotalis Dignitas convenit ,
„ ut ad exemplum aliorum suis rebus procuraret pro remedio
„ anime sue , quatenus dum suis rebus bene disponens apud
„ omnipotentem Dominum mereatur inde retributionem pro-
„ mereri . Et ideo ego qui supra Anspertus Archiepiscopus
„ per hanc paginam ordinationis meæ disponere & ordinare
„ videor omnia pro anime mee remedio , seu superscripti
„ Albucii genitoris mei , & Garidrude genetricis mee , ac
„ fratris mei Benedicti , & filii ejus Albucii , seu reliquorum
„ parentum meorum , ut inordinata non relinquam . Primis
„ omnium volo & statuo , atque per hunc textum judicati
„ mei confirmo pro amore Dei & Domini nostri Jesu Chri-
„ sti , ut casas illas tam solariatas , quàm & Salas intra
„ hanc Civitatem Mediolani , que fuit domus habitationis
„ mee , ubi ego in propria clausura mea in honorem Dei
„ & Sanctorum Christi Confessorum Satyri , & Silvestri Pape ,
„ & Beati Ambrosii Episcopi Basilicam a fundamentis edificavi ,
„ & illas Casas tam solariatas , quàm & Salas , que mihi ex
„ commutatione advenerunt da parte Monasterii Sancti Silve-
„ stri , situm Nonantula , que secum ad easdem Casas , que
„ fuit domus habitationis mee , tenere videntur cum areas , cur-

„tes, hortos, puteos, claufuras, ac pristina (piſtina) omnia
„una tenentem cum omnibus edificiis inibi conſtructis, cum
„finibus & acceſſionibus ſuis in integrum, ſit *Senodochium*.
„preſenti die obitus mei in elemoſinis pauperum, & ſu-
„ſceptione peregrinorum, eo ordine, ſicut hic ſubter ſta-
„tuo. Et volo, ut habeat ipſum *Senodochium meum*,
„ut ibi debeat pertinere jam dicta Baſilica a me inibi con-
„ſtructa, cum omnibus quidquid a me, vel a quacumque
„perſona collatum fuerit &c.

Reliqua ad dotem assignatam ſpectantia omittimus, cum
legi facile poſſint, loco ſuperius indicato.

Non deſuit Anſperto animi fortitudo in propugnandis
Metropolitanæ ſuæ Eccleſiæ juribus. Cùm enim Ludovicus II.
Imperator pridie Idus Auguſti in finibus Brixienſibus viſi-
ceſſiſſet, Antonius illius Urbis Episcopus Cæſareum cadaver
in Eccleſia Sanctæ Mariæ tumulo dederat. Reſcivit hoc An-
ſpertus, & per Legatum ſuum Archidiaconum monuit Anto-
nium, ut Corpus illud redderet, ad hanc Metropolim de-
ferendum. Sed irritò conatu; reſtagante Episcopo Brixienſi.
Quapropter Mediolanenſis Archiepiſcopus mandavit Garibaldo
Bergomenſi, & Benedicte Cremonenſi Episcopis, ut cum
ſuis Sacerdotibus & cuncto Clero irent, ſicut ipſe Archiepi-
ſcopus faciebat. Paruere illico memorati Antifiſites, & exhu-
matum Cadaver miſericò condientes, die quinto poſt tranſi-
tum Ludovici feretro impositum cum omni honore, hymnos
Deo pſallentes Mediolanum perduxerunt. Narrat hæc An-
dreas Agnellus, cujus breve *Chronicon* luce donavit Clariſſ.
Menckenius: Nec de rei veritate dubitare poſſumus, cùm

ipse Auctor hæc subdat: *Veritatem in Christo loquor; ibi fui, & partem aliquam portavi, & cum portantibus ambulavi a Flumine, qui dicitur Oleo, usque ad Flumen Adua.* Pergit inde referre iter peractum, subiungens: *Adductus igitur in Civitatem cum magno honore & lacrymabili fletu, in Ecclesia Beati Ambrosii Consecratoris sepelitur, die septimanæ ejus.* Æqui etiam justique tenacissimus fuit Anspertus; cum enim ad ejus Tribunal delata fuisset Causa Heliberti Comensis Episcopi, qui jurisdictionem injustè exercuerat in quibusdam Ecclesiis Campilioni & Travennæ, subjectis Monasterio Sancti Ambrosii Mediolanensis, sententiam protulit contra memoratum Episcopum, cujus exemplar intulit Clariss. Muratorius in Tomum V. *Antiquir. Ital. Med. Ævi*, pag. CMLXXXVII. Opportuna nostro Instituto est genuina hæc *Charta Judicati*; ex ea namque compertum fit, Comensem Ecclesiam IX. etiam seculo suffraganeam fuisse Mediolanensis Archiepiscopi, cum jure proprio Metropolitico litem hanc prolatâ sententiâ diremerit Anspertus.

Mediolanensis quoque Urbis elegantiam auxit & munita Antistes hic noster, relictis mœnibus, & Domo Stiliconis, quam Puricellus opinatur fuisse illam ab Avis Castillionæ Familiæ ad posteros suos transmissam; quemadmodum etiam Castrum, olim dictum Stiliconis, nunc *Castilium* appellatum. De hisce omnibus fidem facit etiam in præsentia publicè expositus Lapis in Majore Sacello Basilicæ Ambrosianæ, qui insculptum gerit metricum Epitaphium, quod infra ex Puricello & Ughello dabimus. Tristitanus Calchus, brevi sed succoso Elogio Anspertum commendavit
ad

ad Annum DCCCLXXIV. his verbis: *Præficitur Ecclesia Mediolanensi Anspertus, generosi animi Vir, & qui Sacra pariter & Rempublicam cum laude administravit.* Hinc patet, Cives hujus Metropolis tunc sese in Reipublica speciem composuisse, cujus Caput Archiepiscopus erat.

Oblisse Anspertum Anno DCCCLXXXII. concordēs cum antiquis Catalogis recentiores tradunt Scriptores, excepto Sigonio, qui illius obitum quinquennio post signat. Attamen ne hanc amplectamur sententiam, duo faciunt non levis momenti. Primum est, recitari a Labbeo Epistolam Joannis VIII. Summi Pontificis, sub num. CCXCIX., scriptam ad Anselmum Mediolanensem Archiepiscopum, & datam mense Augusti, Indictione XV., idest Anno DCCCLXXXII.: Cùmque Anspertus dicatur vitâ cessisse VII. Idus Decembris, in annum superiorem mors illius est retrahenda, Successore ejusdem ab Augusti saltem mense Mediolanensem Ecclesiam administrante. Alterum est, defunctum tradi Anspertum Indictione XV., quæ jam incoeperat a Septembri mense Anni DCCCLXXXI.; anno autem sequente, Decembri mense decurrebat Indictio Prima. Validius robur firmandæ huic Epochæ nobis suppeditat Diploma ab Anselmo Archiepiscopo Successore expeditum Anno DCCCXCIII., & a Puricello atque Ughello, ubi de Anselmo loquuntur, recitatum, in quo ipsemet testatur, se tunc agere annum XI. Pontificatus sui. Quomodo autem ineunti calculum consistere posset numerus iste annorum, nisi mortuus sub finem Anni DCCCLXXXI. Anspertus, locum fecisset electioni in Archiepiscopum Anselmi, mense Martio sequente? Demum annus ipse mortis Anselmi,

mi, quæ, ut mox videbimus, contigit Anno DCCCXCVI. sententiæ nostræ optimè suffragatur: Cum enim Ecclesiæ nostræ præfuerit hic Antistes per annos XIV., menses VI., & aliquos dies, ut concordēs tradunt antiqui Catalogi, procul dubio Sedis initium peti debet ab Anno DCCCLXXXII.; atque ideo Ansperti obitus ad Decembrem anni præcedentis est transferendus.

Quæ hucusque retulimus, manifestum reddunt tempus regiminis, actum in Sede Mediolanensi ab Ansperto, nempe annos XIII. incompletos, ab Anno videlicet DCCCLXIX., ad Decembrem Anni DCCCLXXXI.

Ejus Corpus jacet in Basilica Ambrosiana, adjectâ Sepulchrali Inscriptione in hunc modum.

HIC JACET ANSPERTUS NOSTRÆ CLARISSIMUS URBIS
ANTISTES VITA , VOCE , PUDORE , FIDE :
ÆQUI SECTATOR , TURBÆ PRÆLARGUS EGENÆ ,
EFFECTOR VOTI , PROPOSITIQUE TENAX.
MOENIA SOLICITUS COMMISSÆ REDDIDIT URBI
DIRUTA : RESTITUIT DE STILICONE DOMUM.
QUOT SACRAS ÆDES QUANTO SUDORE REFECIT ,
ATRIA , VICINAS STRUXIT ET ANTE FORES !
TUM SANCTO SATYRO TEMPLUMQ; DOMUMQ; DICAVIT ,
DANS SUA SACRATO PRÆDIA CUNCTA LOCO ,
UT MONACHOS PASCANT ÆTERNIS OCTO DIEBUS ;
AMBROSIUM PRO SE QUI SATYRUMQUE ROGENT :

Obiit Anno Incarnationis Domini octingentesimo
octogesimo secundo , septimo Idus Decem-
bris , Indictione Decimaquinta . Rexit
Episcopatum suum annis tredecim ,
mensibus quinque , diebus
duodecim .

PRÆSULIS ANDREAS PRÆFATI CAPTUS AMORE ;
HOC LEVITA SIBI CONDECORAVIT OPUS.

ANSELMUS II.



Obiit Anspertum defunctum Anselmus II. renunciatus est Mediolanensis Archiepiscopus Anno DCCCLXXXII., mense Martio, quemadmodum satis superque comprobatur existimamus.

Præstantissimus hic Præsul incidit in ea tempora, quibus concussa bellicis tumultibus Italia, a suismet Principibus miserrimè lacerabatur: Mortuo namque Carolo Crasso Anno DCCCLXXXVIII., unusquisque ex illis vacuum Regnum Italicum sibi arrogare fœdissimo studio connitebatur. Duo præsertim arma expedire, ut voti compotes fierent. Primò Berengarius Dux Forojulienfis velox fuit ad capeffendam dominationem Papæ, Veronâ illuc se conferens, ubi eodem anno Regiam Coronam recepit ab Anselmo: Wido autem Dux Spoletanus copias paravit, ut Berengarium e Sede exturbaret. Itaque commissis hinc inde præliis, quorum fortuna describitur in nostris Annotationibus ad Sigonium *de Regno Italiae*, tandem Wido Papiam intrevit, atque illico Synodum ibidem coëgit, ut ab Optimatibus Italiæ & Episcopis vel eligeretur, vel confirmaretur in Regem. Extat memoratum Concilium impressum Tomo II. *Rerum Italicar.*, & descriptum e MS.to Codice Bobienis Cœnobii, in quo valde verisimile est, coronatum fuisse etiam Widonem, quamvis nullum de hac inauguratione verbum in illo legatur. De Berengarii Coronatione testis est Anonymus Auctor *Carminis*

pane-

pauzyrici, de *Laudibus Berengarii*, ab Hadriano Valeſio commentariis illuſtrati; Atque hæc prima eſt Coronatio, cujus veritas Coævorum teſtimonio firmetur; cùm reliqui veterum temporum Scriptores nullam Italicæ Coronæ mentionem fecerint, Romanæ autem omnes. An verò prima hæc fuerit inſtitutio, definire minimè audemus; ſicuti quoque abſtinuimus a proferenda hujusmodi ſententia in Notis ad Sigonium, loco ſupradicto, ideſt Libro VI.

Si ſtandum eſſet opinioni eorum, qui deſunctum Anſpertum Anno DCCCLXXXII., & electum Anſelmum anno ſequenti tradiderunt, emendandi eſſent Galeſinius in *Tabula Archiepiſcoporum Mediolani*, & Ughellus in *Italia Sacra*, qui promotum ad Ambroſianam Sedem ſub Joanne VIII. Pontifice Maximo Anſelmum affirmant; cùm memoratus Joannes jam ante electionem hujus noſtri Antiſtitis migraviſſet ad Dominum, deſunctus Anno DCCCLXXXII., die XV. Decembris. Verùm cum nos oſtenderimus validis (ut putamus) documentis ſuperius allatis, tum Anſpertum obiſſe Anno DCCCLXXXI., tum Anſelmum anno ſuccedente adiſſe Mediolanenſem Sedem, verè Joannes Pontifex ſedebat in Apoſtolica Cathedra, tunc quando Anſelmus renunciatus eſt Archiepiſcopus.

Id procul dubio cenſuram meretur, quod Galeſinius aſſerit, nempe Anſelmum creatum fuiſſe Archiepiſcopum ab eodem Joanne, cùm e Gallia Romam rediret. Siquidem illuc proſectus eſt Anno DCCCLXXVIII., verùm eodem ipſo anno Italiam repetiit, poſt celebratum Treceſe Concilium, ut Pagiſ pluribus allatis teſtimoniis eruditè confirmat. Baroniſ quidem ſcribit, Joannem meditatũ fuiſſe alterum in Gallias iter;

iter; certè tamen votum hoc non implevit, morte præven-
tus, ut ipsemet fateretur. Non potuit igitur eligi Anselmus
in reditu e Galliis Summi Pontificis.

Statim ac Anselmus Archiepiscopale Solium conscendit, Joannem Summum Pontificem per Literas rogavit, ut Privilegia Ecclesiæ Mediolanensis confirmare dignaretur. Annuit benignè Pontifex Maximus, simulque hortatus est per Epistolam datam mense Augusto, Indictione XV., idest Anno DCCCLXXXII., ut obedientiam & obsequium præstaret Romanæ Sedi, caveretque (fortasse ob contumaciam Decessoris sui Ansperti) ne reluctaretur præceptis illius Ecclesiæ, quæ Caput est omnium, & pro omnibus Deum exorat. Demum narravit dolorem a seipso conceptum ob barbaras Saracenorum depredationes, & crudelia Chistifidelium quorundam facinora, subjungens, recentissimè hominem Widonis Spole-
tani, nomine Langobardum, cum octoginta tres viros Pontificiæ ditionis cepisset, omnibus manus amputasse tantâ feritate, ut plerique interierint: quimobrem tot ingruentibus malis opem esse a Deo implorandam.

Munificus etiam fuit Anselmus erga Cœnobium Ambrosianum, elargiendo Monachis quamdam portionem agrorum, iis adjacentium: Item concedendo, ut mortuo Abbate Successorem eligerent e sinu Congregationis propriæ, atque ita quietius inservirent Deo, & Sanctis Patronis nostris Ambrosio, Protasio, & Gervasio. Datum est hoc Diploma Anno XI. Pontificatus Anselmi, nempe Anno DCCCXCIII.

De anno mortis Anselmi, recentioris ævi Scriptores consentiunt, asserentes, eam contigisse Anno DCCCXCVII. Re-
pugnat

pugnat tamen *Placitum* pergamenum, quod asseratur in Tabulario Monachorum Sancti Ambrosii Mediolani, habitum in *Laubia Domus Sanctæ Mediolanensis Ecclesiæ*, Anno Imperii Lamberti quinto, mense Octobris, Indictione XV., atque ideo Anno DCCCXCVI., in quo residebat unâ cum Amadeo Comite Palatii, & aliis Judicibus Landolphus Archiepiscopus Mediolani. Institutus igitur fuerat Anselmi Successor mense Octobri, anni præcedentis; propterea emendandus est etiam Papebrochius in *Exegesi*, qui Anselmum tradit obiisse Anno DCCCXCVII. Tempus etiam Sedis administratæ ab hoc Antistite, Epochæ a nobis statutæ plurimum faveat: Cum enim antiqui Catalogi annos XIV., menses VI., & dies XXII. eidem assignent, spatium istud ab electione ad obitum adamussim impletur, nempe a die VI. mensis Martii, Anni DCCCLXXXII., ad XXVII. Septembris, Anni DCCCXCVI. Contra verò qui Anselmum defunctum Anno DCCCXCVII. asserunt, protendere ejus regimen anno uno debueret, ut locum facerent memorato numero annorum, mensum, & dierum; certum namque est, ut superius ostendimus, Anselmum conscendisse Solium Archiepiscopale Anno DCCCLXXXII.

Sepultus est in Basilica Ambrosiana, ante Sacellum Sanctæ Marcellinæ (non Sancti Marcellini ut Ughellus scribit), Puricello teste in *Monument. ejusdem Basilicæ*, num. CXLII.

LANDULPHUS I.



Nisemo II. substitutus est in Archiepiscopali munere Landulphus, Anno DCCCXCVI., Octobri saltem mense ineunte, quemadmodum ex superius allatis manifestum fecimus.

Ughellus Landulphi electionem differt ad Annum DCCCXCVIII., subiungens etiam Pontificem Maximum, qui tunc sedebat Stephanum VII. Verum admodum fallitur, tum quia Stephanum illum, qui circa hæc tempora Romanam regebat Ecclesiam, Pagius evincit, fuisse Stephanum VI.; tum quia hic postremus Pontifex jam ante Octobrem anni præcedentis Pontificia Sede dimotus fuerat, eodem Pagio teste ad Annum DCCCXCVII. Pejori errore labitur Galestinus, Landulphum electum in Archiepiscopum tradens sub Benedicto IV., qui nonnisi Anno CM. Pontificia Dignitate ornatus est.

Quid præclari egerit triennio sui regiminis hic Præsul, Majores nostri ad nos minimè transmissere, nec ullum ex vetustis Documentis hætenus vestigium emerit. Unicum, quod antiquæ Chartæ nobis exhibent indicium prudentiæ, aliarumque virtutum hujus nostri Archiepiscopi, est, deletum eum fuisse a Consiliis Berengarii I. Italiæ Regis; id enim constat ex ejusdem Diplomate, publici juris facto a Celebrissimo Muratorio Tom. II. *Antiquit. Ital. Med. Ævi*, colum. CLVI., quod ita exorditur: „ In Nomine Domini „ Nostri Jesu Christi, Dei æterni, Berengarius divina faven-

„ te

„ te clementia Rex &c. Omnium fidelium Sanctæ Dei Ec-
 „ clesiæ, nostrorumque, præsentium scilicet & futurorum.
 „ noverit industria quia Vir venerabilis Leopardus Abbas ex
 „ Cœnobio Nonantulensi per *Landulsum reverentissimum Ar-*
 „ *chipræsulem*, necnon & Adelardum venerabilem Episcopum,
 „ *dilectissimos Consiliarios nostros*, imploratus est nostram ma-
 „ gnificentiam, quatenus pro amore Dei omnipotentis, no-
 „ stræque mercedis intuitu omnia Privilegia Pontificum Ro-
 „ manorum &c. nostra auctoritate vel liberalitate firmaremus
 „ &c. „ Data est hæc Charta Confirmationis *XIV. Calendas*
Septembris. Anno Incarnationis Domini DCCCXCIX., Domini
Berengarii gloriosissimi Regis XII., Indictione II.

Aliquid etiam ex Epitaphio, quod infra dabimus, col-
 ligere possumus; fuisse videlicet Sectatorem pacis turbulentis
 iis temporibus, & in contentiosa æmulatione Regum Italiæ,
 qui se invicem lacerabant; sicuti etiam tutasse intrepide
 Gregem suum ab incurtentium luporum voracitate.

Obiit Anno DCCCXCIX., quemadmodum ex Placito An-
 dreæ ejus Successoris certè dignoscimus. Asservatur enim in
 Tabulario Cœnobii Sancti Ambrosii Mediolani Charta auto-
 grapha, in qua Andreas memoratus, *Imperialis Missus* testa-
 tur, se tunc agere annum VI. sui Pontificatus. Actum est
 autem hoc Placitum *in Loco B. lano, Anno Imperii Domni*
Ludovici Imperatoris quinto, mense Julio, Indictione VIII.,
 idest Anno CMV.. Itaque si Andreas numerabat eo anno
 sextum sui regiminis, necesse est, electionem ejusdem con-
 rigisse post mensem Julium Anni DCCCXCIX., atque ideo
 e vivis ereptum eodem anno fuisse Landulphum illius Decef-

forem. In hoc quoque errare Puricellus in *Dissertat. Nazarian.* Cap. LXXXIII. num. IV., & Papebrochius in *Exegesi*, qui defunctum Anno CM. Landulphum tradiderunt ex ejusdem Epitaphio mox referendo, non advertentes, Indictionem tertiam ibidem signatam mense Novembri, ad Annum DCCCXCIX. pertinere.

Quamdiu Ecclesiam Mediolanensem rexit Landulphus, si Ughellum audiamus, *duos omnino annos* resedisse ipse testatur. Attamen non hoc tradunt antiqui Catalogi, qui ultra duos annos, decem menses & vigintiduos dies Sedis eidem adscribunt.

Sepultus est in Basilica Sancti Ambrosii, ante Altare Sanctæ Marcellinæ, eique apposita est sepulchralis Inscriptio, quam Editores Veneti in postrema impressione addiderunt Ughello, & jam Puricellus in *Dissertatione Nazariana*, loco proximè laudato, num. IV. retulerat in hunc modum:

HIC SACRUM TEGITUR LANDULPHI CORPUS HUMATUM,
 PRÆSUL IN HAC ANNIS QUI FUIT URBE TRIBUS.
 UNICA SUBJECTIS QUAMQUAM JACTURA FUISSET,
 MORTE SUA REGNO PUBLICA DAMNA TULIT.
 PACIS ENIM SECTATOR ERAT, FAUCESQUE REPRESSIT
 PROTINUS A GREGIBUS IMPROBA PRÆDA SUIS.
 SED QUIA MORTALIS NEMO SINE SORDE QUIESCIT;
 DA VENIAM FAMULO, DA, PATER ALME, TUO.
 OBIIT ANNO INCARNATIONIS DOMINI NONGENTESIMO;
 QUARTO NONAS NOVEMBRIS, INDICIONE TERTIA:
 AN-

ANDREAS.



Defuncto Landulpho electus est in Archiepiscopum Andreas Anno DCCCXCIX., ut superius vidimus, Pridie Calendas Decembris, quemadmodum etiam Papebrochius confirmat, quanvis fallatur uno anno, cum asserens in Sede Mediolanensi collocatum.

Anno CM., quem in errorem etiam Ughellus impigit.

Lapsus est Galeſinius, cum ait, Leonem V. sedisse in Cathedra Apostolica tunc quando Pontifex renunciatus est Andreas; siquidem Leo V. nonnisi Anno CMIII., mense Septembri Pontificatum inivit, & intra bimestre decessit.

Etiam de hoc nostro Præsule muta est omnis Historia; nihilominus aliqua offendimus in Archivis, quorum ope ejusdem Vitam illustrare valeamus. Una est Charta Placiti, de qua differuimus in Landulpho, & certiores facti sumus suæ Electionis, peractæ anno a nobis statuto. Data est ea in *Loco Belano*, qui olim juris erat Ecclesiæ Mediolanensis, & postremis tantum hisce Seculis in alienam ditio- nem translatus fuit.

Præterea administrante Mediolanensem Ecclesiam Andrea, excitata dissensio fuerat inter Gaidalphum Abbatem Monasterii Sancti Ambrosii, & quosdam Colonos Curtis Lemontæ, qui antiquam libertatem Majorum suorum venditabant, seque ideo Servos Monasterii esse constanter denegabant. Commissa est hæc Causa a Ludovico III. Imperatore Andræ Archiepisco-

piscopo, & Ragifredo Judici, Missis suis. Itaque Archipræsul noster diligenti testium habito examine, Partiumque altercantium auditis rationum momentis, iudicium protulit in Gaidulphi Abbatis favorem. Refert Chartam hujus Placiti, habiti in Vico Belani, Anno CMV. Clariss. Muratorius in *Antiquitat. Ital. Med. Ævi* Tom. I. colum. DCCLXXXIII. Revixit lis ista sub Attone Archiepiscopo, Andræ Successore, ut videbimus. Alteram Chartam subjungit idem Muratorius Placiti, in memorato Loco, ab eodem Andrea Archiepiscopo, auctoritate ac jure suo indisti, sed alia de Causa. Conquerebantur Servi Monasterii Mediolanensis Sancti Ambrosii, in Curte Lemonta de gravibus nonnullis oneribus, contra antiquam consuetudinem iisdem ab Abbate Gaidulpho impositis. Actum est ibidem, nempe in Vico Belani iudicium; cùmque constaret de injustis gravaminibus, Sententia in favorem Servorum prolata est ab Andrea, præcepto Monachis imposito, ne in perpetuum præsumerent similia attentare. Chartas istas minimè producimus, cùm uberiori Ecclesiastica eruditione vacuæ sint.

Illustrius Archiepiscopi hujus Documentum, est Diploma, quod ad ejusdem preces expedivit Berengarius I. Italiæ Rex, & refertur a laudato Muratorio Tom. V. *Antiquit. Ital. Med. Ævi*, colum. DCIII., in hæc verba: „ In nomine „ Domini nostri Jesu Christi, Dei æterni. Berengarius Di- „ vina favente clementia Rex &c. Omnium præsentium & „ futurorum noverit industria, qualiter Andreas venerabilis „ Archiepiscopus Sanctæ Mediolanensis Ecclesiæ, noster fidelis- „ simus, obrutibus nostræ Majestatis optulit preceptum nostra „ pie-

„ pietate collatum in Richisindam Abbatissam Monasterii ,
„ quod dicitur Theodote , situm infra Urbem Ticinensem ,
„ suppliciter postulans , ut eodem tenore in Rixindam ejus-
„ dem Neptem , que nunc est in eodem Cenobio Abba-
„ tissa , similiter nostrum emitteremus preceptum . Cujus
„ precibus nostre Celsitudinis animum inclinantes , hoc im-
„ munitatis nostre preceptum conscribi jussimus , per quod
„ omnino precipientes jubemus , ut eadem Abbatissa degens
„ sub Regula Sancti Benedicti , id Monasterium &c. possideat
„ &c. Data est hæc Charta confirmationis V. Idus Martii ,
„ Anno Incarnationis Domini DCCCXCIX . , Regni Domini
„ Berengarii gloriosissimi Regis XIII. Indictione III.

Mirari forsitan Lector aliquis eruditus poterit , quòd in hac Charta numeretur XIII. Regni Berengarii annus , cùm sub eodem Anno DCCCXCIX. in præcedenti Charta , quam innuimus , duodecimus tantùm designetur . Difficultatem hanc animadvertit etiam Muratorius , sed eam minimè dissolvit , provocans ad Dissertationem XXXIV. *de Diplomatis* , quam inseruit Tomo III. *Antiquit. Ital. Med. Ævi* ; atque ideo nos etiam eximit ab onere illam hoc loco diligentius enodandi .

Editores Ughelli in Veneta Urbe retulere in Additamenti Epitaphium , quod Antistes noster posuisse dicitur tumulo cujusdam Morandini , qui ab ejus Secretis fuerat , & summopere ab ipso diligebatur . Sed cùm tantū non sit hæc memoria , nec aliquid peculiaris laudis nostro huic Archiepiscopo iude accrescat , ab illo recudendo abstinemus .

Obiit Anno CMVI. Pridie Calendas Martii , non verò Anno CMVII. , ut tradidit Papebrochius , qui ob inopiam

Do-

Documentorum, electioni & morti præcedentium Episcoporum annum unum superaddidit. Puricellus in *Momum, Basil. Ambros.* num. CLIII. nobiscum sentit, asserens, a se inspectos fuisse tres Catalogos Mediolanensium Antistitum, qui eundem hunc annum morti hujus Archipræsulis statuunt.

Sepultus est Andreas in Basilica Sancti Ambrosii, prope suos Prædecessores.



A T T O.



Acuam Sedem Ecclesiæ Mediolanensis implevit post Andream Atto, seu Acho Anno CMVI. De hoc nostro Præsule tradunt Galefinius & Ughellus, comitarum eundem fuisse Sergium III. Summum Pontificem cum flore Nobilitatis Mediolanensis in Gallias, tunc quando proficisceretur ad¹ Lotharium, qui ibi regnabat. Eidem refert Catalogus nostrorum Antistitum, inscriptus *Successores Sancti Barnabæ*, atque ex eo Puricellus in *Monum. Basil. Ambros.*, num. CLVII., qui tamen non omnino adhæret huic narrationi; animadvertens enim causam mortis, quæ assignatur Attoni, nempe defatigationem ex itinere & senium, veritati minimè consentire, suspensum calamum tener. Siquidem præmortuus est Sergius huic nostro Archiepiscopo octennio ante, veriùs septennio, ut Pagiùs evincit ad Annum CMX. Verùm Papebrochius in *Propilæo* (ubi de Sergio III. agit) reprehendit Platinam, quodd, statim ac retulerit Christophorum dejectum a Sede Pontificia, in vincula tractum fuisse ab ipso Sergio, subjungat, hunc *rebus confirmatis Gallias profectum, Lotharii gratia sultum, qui tunc regnabat, in Italiam rediisse, atque Christophorum arctiori custodia revinxisse*: Nullus enim ævo illo aut in Galliis aut in Germania regnabat Lotharius, nullusque Scriptor est, qui huiusmodi profectionis in Gallias meminert. Fallaciam autem detegit, inquiens, Tuschos eo

tempore vocitatos fuisse *Francos*, forte quia Adalbertus Marchio & alii ejus Terræ Proceres a Francis genus ducerent. Ceterum Liutprandus illius ætatis Scriptor clarè tradit, *Sergium* ab Urbe & Dignitate Pontificia expulsum *descendisse in Tusciam*, quatenus *Adalberti potentissimi Marchionis auxilium* juvaretur, quod èt factum est. Ughellus adeò fidenter amplexus est hanc historiam, ut benignè interpretatus mentem Attonis dixerit, nihil antiquius illum habuisse, quàm ut in gratiam rediret Romani Pontificis, obsequiis nempe ac comitate, qua hunc excepit Mediolani, & comitatus est in itinere ad Gallias, ac reditu Romam. Verùm corruente fundamento itineris Sergii III. in Gallias, comite Attone Archiepiscopo Mediolani, in auras dilabitur innixa eidem interpretatio Ughelli, voluisse videlicet Attonem hujusmodi obsequio demulcere iram Summi Pontificis, justà indignatione commoti ob pertinax Schisma Ecclesiæ Mediolanensis contra Romanam. Neque enim irasci poterat Sergius in nostrum Antistitem, etiamsi veritati consentiret ejusdem Gallicana profectio; cum sæpius ad putida commenta amandaverimus Mediolanense Schisma, adeò ab hoc Scriptore decantatum; & mirandum certè foret, si Atto restitutus in gratiam Sergii Summi Pontificis, Ecclesiam suam Romanæ Sedi minime reconciliasset. Sed ad certiora gradum faciamus.

Indictum fuerat Placitum, habendum in Urbe Ticinensi, a Berengario I. Rege, ob dirimendam litem inter Gaidulphum Abbatem Monasterii Sancti Ambrosii Mediolanensis, & quosdam suo Monasterio subjectos, qui se Aldios & non Servos esse contendebant. Ut superius proximè diximus, agitata

tata hæc Causa fuerat coram Andrea Archiepiscopo Mediolanensi, Attonis Decessore; sed cum minimè acquiescerent Partes, Berengarius Missos suos Joannem Ticinensem, & Adelbertum Bergomatem Episcopos, unà cum *Attone Archiepiscopo Sanctæ Mediolanensis Ecclesiæ* delegit, qui Sententiam nomine Regis proferrent, discordiæque vigenti finem imponerent. Intulit Chartam hujus Placiti Clariss. Muratorius in Tomum II. *Antiquitat. Ital. Med. Ævi*, colum. CMXXXIII. Verùm cum illa plurimùm vetustate exesa sit, eandem referre hic onittimus.

Alterum Galefinii errorem, quòd videlicet Antistes hic noster jusserit, ut in Ecclesiâ Mediolanensi, primo Sabbato Septembris Vesperarum Officium *de Cruce* ageretur, emendat Puricellus in *Dissertat. Nazarian.* Cap. LXXXIII. num. VI. Siquidem hoc primùm instituerat Thado Notarius, ut supra ex ipso Puricello retulimus in Thadone Archiepiscopo; & quidem non primo Sabbato Septembris, sed Octobris, quemadmodum ex Beroldo patet, qui universam eam Celebritatem describit. Id omne attribuit Galefinius Attoni, sed citra verum.

Diluenda est hallucinatio, quæ suboriri aliquibus posset, legentibus in Oldoino præsertim, Attonem fuisse Cardinalium Collegio adscriptum; hæc enim, ubi de Alexandro II. Summo Pontifice agit, colum. 841. Editionis Romanæ adnotavit: *Atto Presbyter Cardinalis Tit. S., postea ex Pavinio Episcopus Prænestinus creatus est: Ferdinandus tamen Ughellus in Serie Episcoporum Prænestinæ Ecclesiæ hunc non numerat; quare nos in hac re dubia nil certi ausi su-*

mus affirmare. Is in Gregorii VII. parte tuenda constans vixit. Hugo quoque Lugdunensis Episcopus in Epistola ad Mathildem Comitissam directa *de Electione Victoris III. in Summum Pontificem*, memorat *Attonem Cardinalem Mediolanensem*. Eam recitat Philippus Labbeus in *Bibliothec. MSS.* Tom. I., fol. 233.; in Indice autem adnexo appellatur Atto prædictus, *Mediolani Archiep. Cardinal.* Porro error iste facilè abigitur, si tempora conferamus; Electio namque Alexandri II. ad Romanam Cathedram Anno MLXL. a Scriptoribus figitur, Victoris verò III. Anno MLXXXVI., Atto autem Antistes Mediolanensis, de quo loquimur, Anno CMXVIII. extremum diem clausit, ut mox dicemus. Itaque ne mendacii aut ignorantie notam allatis Scriptoribus inuramus, asserendum est, alterum fuisse ejusdem nominis Cardinalem, ab Alexandro II. Mediolanensis originis creatum, & fortasse ex eadem stirpe Archiepiscopi nostri progenitum, qui ad conservandam antiquam Majoris sui memoriam, Attonis nomen assumpserit.

Annus mortis optimè ab Ughello assignatur, nempe decimus octavus supra nongentesimum. Dubium est, quo in loco vitam deposuerit. Laudatus Ughellus cum aliis passim Scriptoribus censet, extremum diem clausisse Attonem Romanam in Urbe, præsertim cum repertum fuisse asserat in Hortis Ecclesie Sanctorum Bonifacii & Alexii in Monte Aventino marmor, fragmentum Epitaphii, quod mox dabimus, ab eo relatum, sed pluribus ex his characteribus, in quo hic Archiepiscopus enunciat tamquam Romæ sepultus:

Disat

Disceat qui nescit, quòd Episcopus hic requisivit

Attho Oldradus multa pietate

Sergium qui Papam

Per mare, per terras sequitur, per

Supposititium esse hoc marmor eruditè ac dilucidè ostendit Muratorius loco proximè laudato, iniquens: *Quicumque non ignorat, ævo illo nondum inventa fuisse cognomina, quæ nunc in usu habentur, falsi vitio laborare Epitaphium illud continuo intelliget*. Præterea socium facit Attonem itinerum Sergii Pontificis Maximi, quo nihil mendacius, ut vidimus.

Catalogus noster antiquior, eundem Attonem in *Ecclesia Hyemali* Mediolani tumulatum fuisse tradit; alter verò a Puricello allatus in *Monum. Basil. Ambros.* num. CLVII. jacere testatur ad *Sanctum Ambrosium*. Itaque laudatus Puricellus, & Papebrochius, ut hæc componant, opinantur, mortuum quidem fuisse Attonem Romæ, sed inde postmodum a Mediolanensibus translatus ejusdem Corpus in hanc Metropolim.

Tempus Sedis ab omnibus adnotatur, fuisse ad XII. annos & aliquot menses productum, nempe ab Anno CMVI., usque ad Septembrem mensem Anni CMXVIII., uno dissonante Papebrochio, quo ad annum mortis, ob errorem consuetum unius superadditi anni in aliis Prædecessoribus.

GARIBERTUS.



Effectus est Attoni in Sede Archiepiscopali Mediolanensi Garibertus Anno CMXVIII., ut rectè adnotavit etiam Ughellus, Pa- pebrochio refragante, & hanc electionem ad sequentem annum protrahente, sed falso, quemadmodum superius jam comprobavimus. Non intelligimus tamen, quid sibi velit Ughellus, cum ait, Garibertum Attonis ejus Decessoris pium exemplum obedientiæ erga Romanum Pontificem minimè fecurum fuisse; nihil enim actum ab ipso profert, quod inobedientiam sapiat; sed tantum profequitur referre, fuisse ab hoc nostro Præsule missas militares suppetias ad Albericum Balbianum, qui in Agro Piceno dominabatur, ut inde Saracenos expelleret. (Galefinius in *Tabula* scribit, ut Saracenos ex Apulia ejiceret, nec cognomen *Balbani* Alberico tribuit) Unde uterque hoc hauferit, ignoramus; Ripamontius enim, qui et ipse eadem narrat, nullum antiquum profert Auctorem. Ceterum, ut redeamus ad Ughellum, nihil peccaverat Garibertus contra Sedem Apostolicam, mittens ad Albericum auxiliares copias, cum ipsemet Joannes X. Summus Pontifex, collectis undique militibus, eosdem Saracenos fregerit depuleritque ab Arce Gariliani, quam occupaverant atque muniverant. Cognomen verò *Balbani*, quod Alberico adscribit Ughellus, an rectè appositum sit, peritis rerum antiquarum Viris expendendum relinquimus.

Mi-

Migrasse ad Dominum Antistitem hunc nostrum Anno CMXX., ex Successoris electione asserit Ughellus; sed verè vitam produxit Garibertus usque ad Annum CMXXI., & mense Augusto ad Superos abiit; Papebrochii opinione non attentâ, qui uno semper anno posterius Mediolanensium Episcoporum obitum figit. Sedis annos ad biennium incompletum Ughellus contraxit; Catalogi tamen antiqui ultra biennium menses octo regimini Gariberti assignant; adeoque in hoc etiam emendandus est Ughellus.

Sepultus est juxta eosdem Catalogos in Ecclesia Sancti Stephani ad Fontem, quæ olim jacebat media inter Basilicam Majorem, & Cœnobium Vindelindæ (nunc Sanctæ Radegundæ) erecta a Sancto Eustorgio II. Mediolanensi Episcopo, ut seorsum a Viris sacro Baptismate abluerentur Fœminæ, adjecto etiam Puellarum Monasterio, quæ ad illas detergendas, cum exirent de lavacro, necessaria subministrarent, ut magis pudori consuleretur. Nunc universi hujus Ædificii ne rudera quidem supersunt.



LAM-

L A M P E R T U S.



Ediolanensem Insulam favore Berengarii Regis recepit Lampertus, seu Lambertus Anno CMXXI., non præcedenti, ut scripsit Ughellus, qui duos tantum annos Decessoris regimini attribuit. Etiam Galefinius lapsus est in assignando Summo Pontifice, quo sedente delectus est Archiepiscopus Lampertus; non enim id contigit sub Joanne XI., qui Apostolicum Solium conscendit Anno CMXXXI., Lamperto jam defuncto; sed sub Joanne X., qui sedit ab Anno CMXIV., ad CMXXVIII., teste Pagio.

Depingitur hic Antistes ab Ughello tamquam *Vir bellicosus & ferox, novisque rebus additus, magis quam pro Episcopo*. Non ita acerbe in ipsum insurgit Galefinius; quinimo Lampertum vocat *Virum solertis ingenii summiq; consilii*. Et sanè eximium religionis cultum ostendit tunc quando, seditione contra Berengarium Regem mota a nonnullis, captus est Oldericus Palatii Comes, alter ex Principibus conjuratis, traditusque custodiæ Lamperti. Cum enim peteretur a Berengario reus iste, ut iustâ pœnâ plecteretur, Lampertus intrepidè negavit, se redditurum, indignum esse asserens, *Sacerdotem ad supplicium hominem tradere*, prout refert Siginus de *Regn. Ital.* ad Annum CMXX. In obitu quoque amor hujus nostri Antistitis erga Ecclesiam suam eluxit; adnotatum siquidem legimus in *Calendario vetustissimo*, edito a Cla-

Clariss. Muratorio Tom. IV. *Rerum Italicar. judicasse* Lampertum *Custodibus Majoris Ecclesiæ quidquid juris sui erat in Mandello, vel in ejus territorio*, ut religiosius ea Basilica coleretur. Collegium istud XVI. Custodum antiquitus erectum abolevit Sanctus Carolus Borromeus, substituto *Ostiariorum Collegio*.

Equidem non inficiamur, plurimis implicitum fuisse curis Lampertum; sed illas exigebat Dignitatis culmen, quod ipse conscenderat: Redactis enim ad plenam veluti libertatem Italicis rebus, Principes & Optimates hujus Provinciæ de Regno Italiæ decernebant, eo delecto, quem paci & tranquillitati magis profuturum, atque illustri hoc honore digniorem existimarent. Archiepiscopus autem Mediolanensis, utpote inter ceteros auctoritate & potentia conspicuus, primus in Comitibus habebatur, atque ideo præcipuam veluti sollicitudinem gerebat, ut rectè omnia dirigerentur. Ob hanc causam, cum inciperent Italici Optimates lividis jam oculis intueri Berengarium, & etiam in Campis Brixienfibus conjurationem excitassent, converso in Rodolphum Burgundiæ Regem animo, Lampertus ad eum Legatos misit, eidem nomine sociorum Principum Italicam spondens Coronam; quam ille Anno CMXXII. a Lamperto recepit, quemadmodum in Adnotationibus ad Sigonium *de Regno Italiæ* jam comprobavimus.

Hac occasione Lampertus supplices ad Rodolphum preces dedit, ut dignaretur Regia auctoritate confirmare Abbatiam Sancti Remigii de Berceto, quæ hætenus in jure erat Episcopatus Parmensis. Rex verò prædictus benignas aures præ-

K

buit,

buit , ac Diploma expedivit , cuius exordium exhibemus ,
desumptum ex Tomo VI. *Antiquit. Ital. M.d. Ævi* , Clariss.
Muratorii , colum. CCCXXV. „ In nomine Sanctæ & Indi-
„ viduæ Trinitatis , Rodulfus Divina favente clementia Rex
„ &c. Omnium fidelium Sanctæ Dei Ecclesiæ , nostrorumque
„ præsentium & futurorum comperiat universitas , Dominum
„ Lampertum venerabilem Archiepiscopum , & Adelbertum
„ gloriosissimum Marchionem , dilectissimos fideles nostros sup-
„ pliciter nostram exorasse clementiam , ut Præcepta nostro-
„ rum Antecessorum Regum & Imperatorum , quibus Abba-
„ tiam de Berceto , in honore Sancti Remigii constructam ,
„ in Comitatu Parmensi , cum omnibus suis pertinentiis
„ juri & dominio Parmensis Episcopii perpetualiter donantes
„ subjecerunt , nos quoque pro æterna remuneratione per
„ nostræ concessionis & confirmationis paginam roborare di-
„ gnaremur . Quorum precibus acclinati hoc nostrum
„ donationis ac perpetuæ confirmationis Præceptum scribi ius-
„ simus , per quod prænominatæ Sanctæ Parmensi Ecclesiæ
„ prætaxatam Abbatiam de Berceto cum omnibus casis , re-
„ bus concedimus , & perpetua firmitate roboramus
„ &c.
„ Datum Ticini II. Nonas Februarii , Anno ab Incarnatione
„ Domini Nostri Jesu Christi CMXXII. , Indictione X. , Re-
„ gnante Domino Rodulfo Rege , Anno in Burgundia XI. ,
„ in Italia I.

Neque se amantem novitatis ostendit Lampertus ; quin-
imo cum Ermengarda Adelberti Tusciæ Marchionis Filia ,
& secunda Uxor alterius Adelberti Eporediæ Marchionis Pa-
pian

piam occupasset, Rodulpho, qui in Burgundiam diverterat, redeundi auxilium præstitit, ut illam recuperaret, Sigonio referente ad Annum CMXXV.

Non diu tamen sereni affulsere dies Rodulpho; pertæsis namque ejusdem regiminis Italiæ Proceribus, Lampertus Archiepiscopus, non genio rerum novandarum ductus, ut cum sugillat Ughellus, sed ex sententia Joannis X. Summi Pontificis & reliquorum Italiæ Principum, ut scribit Sigonius, Nuncios ad Hugonem Comitem Arelatensem misit, ut eum invitarent urgerentque ad Italicum Regnum capeßendum, ipsorum accedentibus auxiliis facillè comparandum. Itolorum votis assensum hilariter præstitit Hugo, utpote qui ejusdem Regni acquirendi desiderio jamdiu æstuebat. Interim Rodulphus, qui in Burgundiam secesserat, conjurationem Itolorum Principum præsentiens, Burchardum Ducem, Socerum suum, ad Lampertum legavit; isque Mediolanum ingressus circumire Urbem cœpit, specie quidem invifendi amplitudinem ambitûs, sed revera exploraturus mœnium firmitatem, sibi que elabi ab ore has minas idiomate Teutonico permisit, quod Civibus ignotum putabat, videlicet: *Si omnes Italienses uno uti calcare tantummodo, informesque caballicare equos non fecero, non sum Burchardus.* Admonitus de hac re Archiepiscopus a pannoso homine, Germanicæ Lingvæ perito, qui hæc audierat, prudenti consilio notitiam hanc silentio contextit, & singulari conitate Burchardum excepit. Verùm confcios de hostili animo per Literas fecit Papienses, nonnullosque Regni Optimates, qui cum in Burgundiam redeuntem, missis aliis quibus copiis apud Novariam interfecere: Quod ut audivit

Rex Burgundiæ Rodolphus, Italiam dereliquit. Narrat hæc, præter Sigonium, Auctor *Chronici Farsensis*, vulgati a Clariss. Muratorio in II. Parte Tomi II. *Rer. Italicar.*, scriptique circa medium Seculi XI.

Igitur hoste depulso, Hugo in Italiam advolavit Anno CMXXVI., seu præcedenti, quemadmodum in Adnotationibus ad Sigonium, fide plurium documentorum firmare studuimus, exceptus ab omnibus summo studio, ac Papiam petiit: Subinde Mediolani coronatus fuit ab Archiepiscopo Lamperto. Postquam in Regno Italico firmatus est Hugo Arelatenſis, Auſtes noster Lampertus eundem exoravit, ut Monasterio Monialium Sancti Xilti in Urbe Placentina, Privilegia confirmaret. Benignè annuit Rex Hugo, atque sequens Diploma scribi iussit, quod ex Archivo ejusdem Monasterii, nunc ad Monachos Benedictinos translatus, eruit Clariss. Muratorius, ac publica luce donavit Tom. II. *Antiquitat. Ital. Medii Ævi*, colum. CDXI „ In nomine Domini „ Dei æterni. Hugo divina largiente clementia Rex &c. „ Noverit omnium fidelium Sanctæ Dei Ecclesiæ, nostrorum- „ que præsentium scilicet & futurorum industria, Lamper- „ tum Sanctæ Mediolanensis Ecclesiæ Archiepiscopum, nec- „ non & Adelbertum Sanctæ Bergomenſis Ecclesiæ Præfulem, „ & Ermengardim gloriosissimam Comitissam Karissimamque „ nostram, & Gisbertum illustrem Comitem Palatii umili- „ ter nostram exorasse Celſitudinem, quatenus per nostri „ Præcepti paginam quoddam Monasterium infra Civitate „ Placentinam in honore Sancti Sixti dedicatum, Ber- „ tæ gloriosissimæ Abbatissæ, consanguineæ nostræ, cum „ „ omni-

„ omnibus suis pertinentiis confirmare dignaremur
„ Quorum petitionibus tota devocione faventes, id fieri an-
„ nuimus, hoc nostrum Præceptum scribi jubentes, per quod
„ prælibatæ Bertæ eundem (sic) Monasterium confirma-
„ mus &c. Actum Papia . Anno Dominicæ Incarnationis
„ CMXXVI., tertio Nonas Septembris Indiétione XV., Anno
„ Domini Hugonis primo .

Hæc fusius referre opus fuit, ut sædam eam labem
bellicosi & ferocis, quam inspergit nostro Antistiti Ughellus,
abstergeremus; neque enim ullum in Historiis vestigium elu-
cet, eundem bella gessisse, aut aliquod immitis vel intem-
perantis animi indicium edidisse; quod Episcopum dedeceret.

Longè etiam a veritate abludit Galefinius, qui missum
ad Genuenses militare auxilium a Lamperto contra Sarace-
nos enarrat: Baronius namque eam irruptionem, a Liut-
prando relatam Libr. IV. Cap. II., describens, qua Januen-
sis Urbs a Saracenis incensa fuit, deprædatæque opes, ac
multâ cæde repleta compita, captis quoque ac abductis se-
cum viris fœminisque, ait, id contigisse Anno CMXXXVI.,
ac proinde quinquennio post obitum nostri Antistitis. Licet
autem Pagius hanc cladem retrahat ad Annum CMXXXI.,
nihilominus difficile est intelligere, quomodo Lampertus, qui
eo anno obiit, mense Janio, colligere & expedire potue-
rit militum copias, ad Januensium vires augendas. Ceterum
alienis subsidiiis minimè indiguere Cives illi, ut Barbaros pro-
pullarent; revertens enim in Portum eorundem Classis, quæ
aliò fuerat expedita, in Adversarios vela convertit, eoique adeò
fregit, ut dimittâ prædâ coacti fuerint in patrium litus sese re-
cipere.

De-

Defunctus est Lampertus Anno CMXXXI., die XIX. Junii; atque in hoc errant Ughellus & Papebrochius, quorum primus obitum hujus Præfulis consignat Anno CMXXX. Calendis Julii; alter vero Anno CMXXXII., juxta morem sæpius memoratum.

Ecclesiam hanc rexit, ut tradunt antiqui Catalogi, annis IX., mensibus VIII., diebus XV.; sepultusque fuit in Ecclesia Hyemali.



HILDUINUS.



Subrogatus est Lamperto Hilduinus, natione Belga, Anno CMXXXI., nona præcedenti, ut scribit Ughellus, aut etiam Papebrochius, qui sequenti anno hanc electionem figit, perseverans in jam admisso errore; quemadmodum in hac serie Episcoporum Mediolanensium ostendimus.

Varias vitæ conditiones, nunc prosperas nunc adversas passus est noster hic Præsul: Plura tamen a Galefinio & Ughello referuntur, vel dubia vel repugnantia veritati. Uterque enim eum Monachum facit, & quidem Lobienfis Cœnobii; cùm tamen Fulcuinus illius Abbas in *Chronico* aperte asserat, Hilduinum fuisse Clericum Ecclesiæ Leodiensis, & concordēs idem tradant Sammartani Fratres in novissima Editione *Galliæ Sacræ*, actâ Parisiis Anno MDCCXXV. Tom. III., iisque adstipuletur Papebrochius in *Exegesi*, Tomo VII. Maji præfixâ.

Prosequitur Galefinius eum affirmare, fuisse familiarem Stephani IX. Summi Pontificis, & creatum Archiepiscopum Mediolanensem sub Martino III. Sed in hoc extra orbitam prorsus graditur, cùm Stephanus IX. (verius VIII. juxta Pagiū) nonnisi octennio post electionem Hilduini Pontificiam thiarā receperit, multòque seriùs Martinus III. (verè autem Marinus II.) Successor Stephani, fuerit eo mortuo creatus Pontifex Maximus Anno CMXLII., mense Decembri, ut pro-

probat Pagius ad Annum CMXLIII. num. I.

Interim Galefinius omittit referre Hilduinum, instante Giliberto Duce Lothariensium fuisse electum Episcopum Leodiensem, & etiam consecratum ab Herimanno, Colonienſi Archipræsule; sed Parte adversâ refragante & Richarium substituente, delatam fuisse Causam ad iudicium Joannis X. Summi Pontificis, qui ambos Electos unâ cum Ordinatore Archiepiscopo Herimanno Romam advocavit. Verùm Hilduino se non sistente ad Pontificium tribunal, favorabilis sententia cessit Richario; expulso a sua Sede Hilduino, ac etiam anathemate percusso, ut narrat Chronicon Wirtdunense.

Amotus a Leodiensi Ecclesia in Italiam venit, confugitque ad Hugonem Regem, qui exacto aliquo tempore eum promovit ad Episcopalem Sedem Veronæ; ac subinde mortuo Lamperto, Hugonis ejusdem favore translatus est ad Archiepiscopalem Mediolanensem. In hac Sede constitutus dicitur a Galefinio, Regio ferto præcinxisse Hugonem Burgundiæ Ducem, & Ludovici III. Filium. In hoc tamen omnino fallitur; neque enim Hugo Comes Arelatenſis Parentem habuerat Ludovicum, sed Teutbaldum, seu Teobaldum, qui sibi matrimonio conjunxerat Bertam, Filiam Lotharii Lotharingiæ Regis; quemadmodum ipsemet Hugo testatur in Charta, primum a Boucheo Tom. I. *Historiæ Provinciæ* productâ, dein a Pagio relatâ ad Annum CMXXXVI., num. II., ubi sic habet: *Ego Hugo humilis Comes & Marchio Viennæ* (idest Provinciæ) *adjicientes memoriale Patris mei Teutbaldi, & Matris meæ Bertæ, simul & Uxoris quondam meæ Villæ, necnon & præsentis Conjugis meæ Hildæ &c.* Ex hac etiam Charta evin-

evincitur, nihil in Burgundia propriè dicta trans Montem Juram, pertinuisse ad Hugonem; adeoque malè appellari a Galefinio *Burgundiæ Ducem*; præsertim cum Hugo ipse in enunciata proximè Charta Comitem & Marchionem Provinciæ tantum se nuncupet. Quod veritati Historiæ consonat id est, dominationem in eam Burgundiæ provinciam tunc exercuisse Rodolphum II., mutato etiam nomine *Ducis* in illud *Regis* a Rodolpho I. ejusdem Patre. Alterum Galefinii errorem jam emendavimus, ostendentes, Hugonem Italicæ Coronæ fuisse a Lamperto donatum, non ab Hilduino Regem inauguratum.

Meliùs se gessisse videtur Ughellus in designando Rege Italiæ, quem Hilduinus Anno CMXXXIII. coronasse dicitur in Basilica Ambrosiana, nempe Lothario Hugonis Filio, a Patre in Regni consortium assumpto Anno CMXXX; quamvis, si rem in fonte expendere velimus, juxta Seriem a nobis adornatam Episcoporum Mediolanensium, Hilduinus impositæ Lothario Regiæ Coronæ honorem sibi adscribere non potuerit. Siquidem memores sumus, in Adnotationibus ad Sigonium *de Regno Italiæ* nos duplicem Epocham constituisse; alteram consortii in Italico Regno donati Lothario ab Hugone Patre Anno CMXXX., alteram Coronationis Mediolanensis anno sequente: quo posito hæc celebritas peracta fuisset a Lamperto Deceffore, non ab Hilduino, cum iste non cœperit pastorale Ecclesiæ Mediolanensis Pedum sustinere, nisi Anno CMXXXI., mense Junio, & Lotharius coronatus fuerit in Paschali Solemnitate ejusdem Anni, quo adhuc in vivis agebat Archiepiscopus Lampertus. Attamen ne vi-

deamur, velle nimium nostræ opinioni fidere aut blandiri, ob novam hanc Epocham inductam, ut pugnancia Documenta & Chartas invicem conciliaremus, a proferenda sententia abstinemus, donec veritas dilucidius emergat.

Prosequens Ughellus res gestas ab Hilduino recensere, adhibet verba Chronici MS.ti, cui titulus: *Flos Florum*, scilicet: *Hic fuit primus ex Archiepiscopis Mediolani, qui se unquam intromisit de electione Imperatoris; ipse enim congregato Consilio Prælatorum & Baronum in Ecclesia Sancti Ambrosii elegit in Regem Italiæ Hugonem &c.* Superiori autem paginâ hæc leguntur: *Habito diligenti consilio a Lamperto Archiepiscopo (dum viveret) rimatisque Privilegiis suis per Beatum Gregorium Papam collatis, determinatum fuit, quod electio Imperatoris pleno jure spectaret ad Archiepiscopum Mediolani; quod de facto complevit Hilduinus.* Huic laudi de re tam illustri, tributæ nostris hisce Præsulibus, non ita facile adducimur, ut subscribamus; de his enim Privilegiis, a Beato Gregorio Ecclesiæ Mediolanensi concessis nullum in Historiis illius ætatis testimonium occurrit, nec ulla ad oculos nostros tam excelsi muneris in usum deducti Charta pervenit; Imperatoris autem nomen & auctoritas, quam Hilduinus, primus inter Prædecessores suos, tribuisse dicitur Hugoni & Lothario, inania prorsus vocabula videntur, cum hæc in pluribus quæ adhuc perennant Diplomatis nunquam ab iisdem usurpata legantur. Nimium igitur credulè hujus Chronici dicta adoptavit Ughellus.

Præterire non possumus quod Mabillonius, Pagius, Puricellus, alique passim referunt, & ipse etiam Ughellus in
Epi-

Episcopis Veronensibus, videlicet initium Epistolæ a Rathério Lobienſi Monacho scriptæ ad Joannem XII. Summum Pontificem, cui enarrabat calamitates quas paſſus fuerat, cùm ter Veronæ Episcopus, bis Leodii creatus Antistes, coactus est Ecclesias illas dimittere, ob Principum tyrannidem, & invidiam Æmulorum. In ea igitur hæc habet: *Revertor a Romana Sede, peractâ Legatione, ferens privilegium pro jam dicto Domino meo (Hilduino) actum, cum Archiepiscopali Pallio.* Scriptum hoc Ratherii, doctissimi ac piissimi Præſulis, maculam omnem diluit, qua Ecclesiæ Mediolanensis decus infecerant Sigonius, Ughellus, aliique asserentes, per ducentum annos fuisse divulsam a communione Ecclesiæ Romanæ. Imo etiam, ut superius innuimus, Papebrochium refellit, qui mitiori quidem vocabulo, sed adhuc nobis injurioso decantatum Schisma, *negativum* appellat, scribens, in hoc fuisse Schismaticos Antistites nostros, quòd per illud temporis spatium petere a Summo Pontifice Pallium obstinatè renuerint, ab Angilberto videlicet, usque ad Heriberrum, Ecclesiæ nostræ Pastorem institutum Anno MXVIII.; hunc enim primum dicit fuisse, qui frontem demiserit Pontificio Solio, ac petierit, ut Archiepiscopali Pallio insigniretur. Quid enim clarius ad exfusiandam istam ab eruditissimo eo Viro excogitatam originem Schismatis Mediolanensis, quàm Rathérium testari, a se allatum Româ fuisse Archiepiscopale Pallium Hilduino, centum ferme annis ante Heriberrum Archiepiscopo? Sed fusiùs hac de re disserimus in *Vindictis de Adventu Mediolanum Sancti Barnabæ apostoli*.

Hunc Archiepiscopum nostrum fuisse a Consiliis Hugonis & Lotharii Italiæ Regum, docet Charta a Clariss. Muratorio evulgata Tom. III. *Antiquit. Ital. Med. Ævi*, column. LVII., quæ ita incipit: „ In nomine Domini nostri „ Jesu Christi, Dei æterni. Hugo & Lotharius gratia Dei „ Reges &c. Noverit omnium fidelium Sanctæ Dei Ecclesiæ, „ nostrorumque præsentium scilicet ac futurorum universitas, „ Domnum Hildoinum Sanctæ Mediolanensis Ecclesiæ venerabilem Archiepiscopum, & Widonem Sanctæ Placentinæ „ Ecclesiæ Episcopum, excellentissimos fideles ac Consiliarios „ nostros, nostram humiliter exorasse Celsitudinem, quatenus „ Annæ, quondam Imperatrici relictæ Divæ memoriæ Berengarii Imperatoris, nostræ confirmationis Præceptum fieri „ juberemus, per quod duas Cortes, olim de jure Regni „ nostri pertinentes, quas idem Imperator ei contulit „ confirmaremus & corroboraremus. Quorum petitionibus annuentes, prout justè & legaliter possumus, confirmamus „ & corroboramus ei prædictas duas Cortes cum illarum „ integritatibus &c.

„ Actum Papiæ XVI. Cal. Julii, Anno Dominicæ Incarnationis CMXXXVII., Regni verò Hugonis X., Lotharii V., „ Indictione VIII.

Si anno in hac Charta adnotato standum esset, ad Hilduinum minimè pertineret, qui superiore anno, juxta calculum nostrum, morti concessit. Verùm oculatissimus Muratorius jam animadvertit, vitium aliquod huic Epochæ inesse, sicut in duabus aliis Chartis, sub iisdem Regibus expeditis jam adnotaverat, cum minimè componi possint Anni Christi cum

cum numeris Indictionum; subjungitque, *aut excogitandam aliquam aliam, ignotam hactenus, Indictionis methodum, aut aliam Anni periodum.*

Defunctus est Hilduinus Anno CMXXXVI., IX. Calendas Augusti, ut rectè adnotavit Ughellus, quamvis aliter sentiat Papebrochius, sed perperam, cum jam in Prædecessoribus cum uno anno errasse palam fecerimus. Præfuit Ecclesiæ Mediolanensi annis quinque, & aliquot diebus, juxta antiquos Catalogos; non autem annis sex, ut voluit Galestinus.

Sepulcrum recepit in Ecclesia Hyemali, uti nos docent inemorati Catalogi. Sepulcri locum ignoravit Ughellus, qui Antistitem istum laudat satis præclaro Elogio, eundem appellans *Virum mitis ingenii, pacisque quàm belli artibus procliviorum.*

Scripsisse dicitur Hilduinus, teste Trithemio, *Chronicon Abbatum Lobiensum*; sed non appositè, cum illud composuerit Fulcuinus illius Cœnobii Abbas. Hinc orta est confusio nominis *Fulcuini*, cum *Hilduino*, quæ in errorem traxit etiam Ughellum, ut animadvertit in *Exegesi* Papebrochius. Eidem Hilduino adscribuntur etiam Liber *de peregrinatione Sancti Dionysii Arcopagite ac de gestis Apostolorum*, & *Sermones ad Fratres.*

A R D E R I C U S .



Mortuo Hilduino , Ardericus Civis Mediolanensis , delectus est Anno CMXXXVI. in Archiepiscopum ; non quidem sub Agapito II. Summo Pontifice , ut tradit Galefinius , cum ille in Solio Pontificio confedere non cœperit , nisi Anno CMXLVI. , mense Junio .

Porro præcipua Cleri Populique propensio in Ardericum , ex splendore ejus virtutum ut ad tantam dignitatem promoveretur , sincera erat . Non ita animus Hugonis Regis Italiæ , qui designaverat evehere ad Insulam Mediolanensem filium suum Manassem . Verum cum puerilis ejusdem ætas tanto oneri ferendo impar foret , curam omnem Hugo impendit , ut communia suffragia conspirarent in Ardericum , senem grandævum : Siquidem spe alliciebatur , fore ut pressus annis novus hic Antistes , vacuam Sedem citò relinqueret . Diuturna tamen incolumitas ac integritas virium , Hugonis votum irritum reddidit . Quamobrem , ut optatam metam attingeret , facinus indignissimum molitus est , mortem videlicet Arderico inferendi . Papiæ itaque indicto Concilio Episcoporum & Procerum , secretas Antistiti nostro insidias texit , jubens Comitibus sui Palatii , ut excitati inter colloquendum rixâ , in Ardericum irruerent , illumque ferro conficerent . Divinitus factum est , ut Præsul noster opportuno fugæ remedio truculentum Regis consilium eluderet , cæsis nihilominus naginta

naginta Nobilibus Viris qui Episcopi sui tutelam susceperant . Perfusus igitur sceleris sui pudore , ac pœnitentiâ ductus Rex Hugo , ut sacrilegam Archiepiscopo illatam pensaret injuriam , construxisse dicitur ab Arnulpho rerum Mediolanensium Scriptore Seculi XI. Abbatiam Nonantulæ in agro Mutinensi , eamque Mediolanensi Præsuli dono dedisse .

In hoc postremo , manifesti erroris Scriptorem memoratum optimè redarguit Ughellus , cùm Nonantulanum Cœnobium ducentis ferme annis ante , a fundamentis erectum fuerit a Duce Anselmo , qui Monachus ibidem effectus , præsuit eidem tamquam primus Abbas , Aistulpho Longobardicum Regnum moderante . Lapsus tamen memoriâ est etiam Ughellus , dum Anselmum Nonantulani Monasterii conditorem , vocat *Aistulphi Regis fratrem* ; in Episcopis namque Mutinensibus , ubi agit de Widone illius Urbis Antistite , profert Chronicon vetustissimum Nonantulæ , ubi expressè legitur affinitas tantum Anselmi cum Rege , ob Sororem suam Giseltrudem , Regio thalamo junctam .

Quid actum sit de Manasse Hugonis Filio , Historiæ nostræ non referunt . Intrusus quidem fuit in Cathedram Mediolanensem MANASSES alter , qui jam ab Anno CMXIV. constitutus fuerat Episcopus Arelatenfis : Verùm iste a Sammartanis Fratribus dicitur tantum *Nepos* , seu *affinis Hugoni* fuisse .

Ceterum , licet Hugo pœnitentiæ signa dedisset , ob mortem Arderico intentatam , persecutus tamen est exercere tyrannidem in Italos Procures , eos Dignitatibus exuendo , ut Burgundiones exornaret . Quocirca Ardericus omnium querelis exci-

excitatus, Berengarium II. accivit, quem privatis suasionibus sollicitaverant quamplures etiam Optimates, ad iter capefendum in Italiam, eosque a turpi hoc jugo eximendos. Pervénit igitur Berengarius ad Urbem Veronensem, ubi Legatione Præfulis nostri acceptâ, tamquam Regem cœpit se gerere, quemadmodum Sigonius refert ad Annum CMXLVI., seu veris præcedentem, ut in Adnotationibus ad eundem annum innuimus.

Don Bartholomæus Aresius, Abbas Monasterii Sancti Ambrosii Mediolani in Serie typis editâ *Privilegiorum & Diplomatum* ejusdem Cœnobii, refert Synodum in illametipsâ Basilica celebratam Anno CMXLV. ab Arderico, aliis Alderico, Olderico, Alerico, Olrico &c. Subscripti leguntur XXII. Episcopi, unâ cum Legato Apostolico Rogerio Episcopo, & Legatis Hugonis & Lotharii. In ea autem, post absolutam Liturgiam, perlectæ sunt coram omnibus postremæ Tabulæ Attonis Vercellensis Episcopi ibidem adstantis, quibus inter alia Legata, Sanctæ Mediolanensis Ecclesiæ Archiepiscopo, Cardinalibus, & Presbyteris Decanatus integrum dominium assignavit quatuor Vallium Belleniæ, Leventinæ, Biaschæ, & Intraschæ. Diploma hoc minimè fuit Muratorio probatum in *Appendice Tomi I. Antedotor.* Cap. postremo; quinimo argumentum præposuit his verbis: *Synodus Mediolanensis omnino ficta est.* Quid ille in contrarium attulerit, legi potest loco laudato; cum tamen ipse fateatur, hanc se controversiam levi brachio tetigisse, Pater Eustachius a Sancto Ubaldo, cui Appendicem totam nuncupaverat Muratorius, Synodi ejusdem patrocinium suscepit in Libro *D: Metropoli*

Mc-

Mediolanensi, num. CCLVII., & seqq., dilutisque omnibus navis, qui eruditissimo illi Viro falsi suspensionem ingesserant, eumque etiam impulerant, ut ad apocrypha & Commenta Documentum illud ablegaret, genuinum & sincerum prorsus esse ostendit Exemplar, quod Aresius vulgavit. Quamobrem celebrati hujus Concilii laus integra manet Archiepiscopum nostrum Ardericum ex hujus docti Viri sententia, quam nos intactam relinquimus, ad alia securiora progredientes.

Insigni erga Deum & Sanctos religione floruit hic Præsul, cujus in præsentem diem aliqua leguntur vestigia in Sacello, ab ipso erecto in Basilica Sancti Nazarii Mediolani, Sanctoque Lino Papæ dicato. Construxisse quoque dicitur Ecclesiam Sancti Andreæ *ad murum ruptum*; quamvis Puricellus in *Dissertat. Nazarian.* Cap. LXXXIV. num. III. minimè assentiat huc narrationi, asserens ex antiquis Documentis, extitisse multò jam ante Sacram illam Ædem, eamque potius de novo restructam ab hoc nostro Antistite fuisse. Ceterum idem Puricellus sanctimoniam vitæ Arderici plurimum celebrat, inquiens adeo excelluisse, ut olim in Æde Nazariana, tamquam inter Sanctos relatus coleretur. Pluribus productis Documentis hunc cultum confirmare nititur; attamen in Catalogis Archiepiscoporum Mediolanensium nusquam hoc Titulo insignitum illum invenimus.

Quæ de auctoritate & dominio in hanc Metropolim Mediolanensis Archiepiscopis, tempore Arderici subjungit Ughellus ex *Chronico MS.to Flos Florum*, hic omittere opportunum duximus, nam in Prolegomenis ad Commentaria Ritus Ambrosiani, omnia quæ Archiepiscopos nostros condecoravere,

pleno Capite in lucem proferentur.

Decessit Ardericus Anno CMXLVIII. , III. Idus Octobris quemadmodum in Adnotationibus ad Sigonium *de Regno Italia* invictis argumentis ostendimus; neque enim attendendi sunt Ughellus & Papebrochius, qui ejusdem mortem in annum sequentem differunt.

Sedit annis XII. mensibus II., ut ex antiquis Catalogis constat. Qua in re multum aberrant Galestinus & Ughellus, qui huic Præsuli octo tantum regiminis annos attribuunt, dilatâ ad plures annos ejusdem electione.

Sepulcro datus est in Basilica Apostolorum, in memorato Sancti Lini Sacello, ab ipso constructo: Qua autem in parte adhuc ignoratur.



ADEL-

ADELMANUS.



Urbulentum admodum regimen contigit Adelmano, seu Aldemaro, legitimis Cleri suffragiis ad Insulam Mediolanensem delecto Anno CMXLVIII. Rem totam describit Liutprandus, illorum temporum Scriptor, hæc præmittens Libr. IV. Cap. III. *Hugo Rex, se Regnum securius obtinere sperans, si affinitate sibi conjunctis Regni officia largiretur, contra jus fasque Veronensem, Tridentinam, Mantuanam commendavit Manassæ, seu, quod verius est, in escam dedit Ecclesias; ac ne bis quidem contentus (Manasses) Tridentinam adeptus est Marchiam; quo honore impellente, cum miles esse inciperet, Episcopus esse desit.* Libro autem V. Cap. XII. narrat, Berengarium II. ab Italis Optimatibus accitum, contra Regem Hugonem descendisse in Italiam e Svevia per Venustam Vallem, & applicuisse castra secus Arcem Formicariam, quæ a MANASSE Marchiæ Tridentinæ Domino commendata fuerat Adelardo Clerico suo. Hoc Clerico usus est Berengarius, ut MANASSEM alliceret ad favorem atque auxiliarem manum sibi porrigendam contra Hugonem. Quoniam verò probe noverat ambitionem MANASSIS, eidem in præmium pollicitus est Insulam Mediolanensem, juramento etiam firmans promissum. Accepto hoc nuncio MANASSES, derelicto Hugone, qui cum tot donis cumulaverat, non solum Formicarum Castrum aperiri Berengario jussit, sed Italos omnes ad ejus auxilium.

invitavit. Accessit etiam Legatio Arderici Mediolanensis Archiepiscopi, dum Veronæ moraretur Berengarius, Italiæ Regnum eidem offerentis, ut Hugonem Regem inde expelleret: Quamobrem Mediolanum statim concessit. Mortuo autem Arderico, Berengarius quod MANASSI spoponderat implevit, eundem in Ecclesiam Mediolanensem intrudendo.

Ughellus Sigonii vestigiis inhærens tradit, per multos annos Adelmanum, & intrusum MANASSEM inter se divisim Ecclesiam Mediolanensem administrasse, atque interim neutrum fuisse consecratum. Porro si de MANASSE loquamur, is consecratione non indigebat, cum a triginta quatuor annis Ecclesiæ Arelateni præsideret. De Adelmano autem nullum in Historiis reperitur indicium quòd tamdiu Consecratione caruerit; & valde difficile creditur, eum voluisse protrahere titulum illum, quo validius invasori obistere valeret, nempe integram hujus Sedis possessionem mediâ Consecratione.

Neque omittendum est, errasse quoque Ughellum asserendo, hunc MANASSEM fuisse Fratrem Lotharii, cum minimè illum distinguat ab altero Manasse, qui verè Filius erat Hugonis, sed ob ætatem puerilem minimè substitutus Hilduino Archiepiscopo defuncto, ut supra jam diximus in Arderico. Constat hoc ex Charta Confirmationis sive Donationis Villæ Juliaci, ab ipso Manasse peractæ favore Aimardi Abbatis Cluniacensis, mense Septembri Anni CMXLIX, in qua non alios Fratres suos memorat, nisi Hugonem, Ricardum, & Bosonem. Refertur hæc Charta a Fratribus Sammartanis in *Gallia Christiana*, ad calcem Tomi I. pag. XCIV.

Plu-

Pluribus annis MANASSES Regii patrocinii auspicio fultus, Mediolanensi Ecclesiæ incubuit, gregis potius Lupus, quàm Pastor. Abrupit tamen hæc diuturnæ servitutis catenas adversa Berengario fortuna: Captus namque amore Adelcidis, quam viduam reliquerat Rex Lotharius, thalamo suo eam jungere blanditiis tentavit. Sed cùm illa renueret, metu cogendam censuit, arctâ ideo Canusium, quo illa se receperat, obsidione præcingens. In hæc angustias compulsa Regia hæc Fœmina, Ottonem I. per Literas e Germania evocavit; utque acrius eundem sollicitaret, nuptias suas spondidit. Accepto hoc nuncio Imperator, in Italiam festinus descendit, incussoque in Berengarii copias terrore, ipsum non modò a Canusii Arce exercitum retrahere, sed etiam in Saxoniam (ad quam redierat Otto, celebratis solemnibus pompâ nuptiis cum Adeleide) se conferre cœgit, ut supplex pacem peteret, quam benignè Imperator indulxit simul cum Italico Regno. Reversus tamen Berengarius ferociori quàm antea animo, omni injuriarum genere incessere intulit Summum Pontificem, Episcopos, Abbates, Comitesque Italiæ, eos in ordinem cogendo, neque fortunis aut dignitati ullius parcens, ac ubique insignia avaritiæ atque superbix exempla relinquens, quemadmodum scribit Sigonius ad Annum CMLIII. Quamobrem pertæsi omnes tam barbaræ dominationis, imploravere auxilium Ottonis, qui demum fractis prorsus Berengarii viribus, eundem unâ cum Coniuge captivum in Bajoariam relegavit. Donec igitur Berengarius Regno potitus est, perseveravit MANASSES in dilaceratione Ecclesiæ nostræ, Archiepiscopum Mediolanensem se professus non tam in Comitibus Augusta-

gustanis , Anno CMLIII. , VII Idus Augusti celebratis ; sed etiam Anno CMLX. , quemadmodum testatur Liutprandus Libr. VI. Cap. VI. Expulso autem ejusdem Patrono Berengario , quid actum sit de hoc Pseudo-Episcopo , nihil Scriptores memorant ; quamvis Papebrochius arbitretur , eundem ad primævam Ecclesiam , quam numquam dimiserat , rediisse .

Dum de Comitibus Augustanis sermo incidit , excusare non possumus Ughellum , quòd loco Manassis Adelmanum iisdem interfuisse perperam scripserit ; patet enim veritas ex subscriptionibus , editis a Labbeo , & a Fratribus Sammartanis in *Gallia Christiana* .

Restitit MANASSI Adelmanus , quantum eidem licuit , declinando perfidam Berengarii sævitiam in Episcopos furentis . Verùm cum ab æmulo Pseudo-Episcopo , & ab hoc Italiæ Rege se oppressum videret , virgam Pastoralem deposuit , multò antequam mors communi lege ab ejusdem manu illam decuteret , idest Anno CMLIII. . Extorris itaque obiit Anno CMLVI. , postquam Ecclesiam Mediolanensem per quinque annos administrasset .

Galesinius & Ughellus quatuor tantùm annos regiminis eidem tribuunt . Nos tamen antiquos Catalogos sequentes , quinque assignamus , ab Anno videlicet CMXLVIII. , ad Annum CMLIII. . Adhærere quoque Ughello non possumus in anno mortis Adelmani statuendo ; annus enim , quem ipse signat CMLIII. , abdicationis est , non mortis .

Editores Veneti , in Additamentis ad Ughellum , Epitaphium Adelmani retulerunt , quod nos jam vulgavimus in Annotationibus ad Sigonium , & præstat hic recudere . Ita autem se habet .

Hic

*Hic tumultatur Adalmanus, Præsulque beatus,
Clavio in tanta qui fuit Urbe potens.
Hujus origo fuit celsæ de sanguine ducta
Pauperibus largus extitit atque pius.
Huc gressum referens modicum tu siste viator.
Dic famulo requiem, crimina pelle Deus.
Obijt autem Anno Incarnationis Dominicæ CMLVI.
Mense Decembris, Indictione decimaquinta.*

Hinc verò confirmatur tempus mortis, a nobis statutus, & Consecratio ejusdem in Episcopum, quam negavit Ughellus; liberalis enim caritas pietasque erga pauperes, quæ in Epitaphio Adelmani commendantur, eundem fuisse verum Mediolanensis gregis Pastorem clarè testantur.

Quo autem in loco tumulum habuerit, prorsus nescitur.



V A L P E R T U S .



Substitutus est Valpertus a Clero in hac Sede Adelmano adhuc viventi, sed ob impotentiam Berengarii & tyrannidem coacto ab Ecclesia sua recedere. Id autem prudentissimo consilio effectum est, ne destitutus legitimo Pastore grex Mediolanensis, voraci Manassis licentiæ dilaniandus relinqueretur. Incidit ista electio in Annum CMLIII., quo Adelmanus Ecclesiæ hujus regimen dimisit, ut optimè adnotavit etiam Ughellus, quamvis falsa persuasione captus, obiisse Adelmanum hoc eodem anno affirmet; cùm superiùs jam constet ex ejusdem Epitaphio, fuisse illum in vivis superstitem triennio sequente. Neque intelligimus ea quæ subjungit idem Scriptor, videlicet inisse Valpertum pacificam suæ Ecclesiæ possessionem, cùm statim hanc periodum subtexat: *quamquam ea sui Pontificatus sit nactus exordia, quæ illum in Germaniam ad Ottonem compulerint, contra deservientem Aldebertum Francorum Comitem (verius Regem Italiæ cum Berengario Patre); hæc enim nonnisi Anno CMLX. contigere, quemadmodum ex Liutprando tradit Sigonius ad illum annum.*

Ughellus dum hæc refert, non alium nominat, quàm Aldebertum Francorum Comitem, de quo Galvaneus Flamma, ab eodem descriptus, plura congeffit in *Chronico Majori*, quæ minimè veritati consentiunt, utpote hausta è luto-
lento in hac re Landulphi Senioris fonte, idest ejusdem Hi-

storia

storia Mediolanensi, vulgatâ Tom. IV. *Rerum Italicar.*; Si-
quidem non alii Reges in Italia regnare, quàm Berenga-
rius, ejusque Filius Aldebertus, quos expulit ab Italicis fini-
bus Otto, teste Sigonio, & etiam Arnulpho nostro Scripto-
re, edito inter *Rerum Italicarum* Historias Tomo eodem.

Extra omnem dubitationem quidem est, Valpertum Me-
diolanensem Archiepiscopum, unâ cum Valdone Comensi Epi-
scopo, profectos esse in Germaniam ad Ottonem, ut eum
solicigaret ad iterum adeundam Italiam, contra Berengarii
& Aldeberti rabiem, qui Ecclesias violabant, sæviebantque
fœdissimè in Italos omnes atque etiam Proceres; simulque
spopondisse eidem Imperatori regiam Italiæ Coronam, quem-
admodum jam præstiterat etiam Joannes XII. per Legatos
suos, Augustale diadema pollicitus, cum & ipse ab illis
Regibus indigna pateretur. Adfuit Otto validis copiis in-
structus, comiteque Valperto eodem, statim ac victor se-
expedivit a bello contra Sclavos; & Mediolanum delatus,
omnem Berengarii familiam urgere in fugam non destitit.
Valpertus verò memor promissi, de more, convocato Epi-
scoporum & Principum Concilio, Ottonem in Ecclesia Am-
brosiana elegit in Regem, seroque ferreo solemniter coro-
navit, Regno exauctoratis Berengario & Aldeberto.

Auctum hoc honore Otto, ut acceptum a Valperto bene-
ficio digno se munere pensaret, dono eidem dedit tres in
Agro Mediolanensi Ditiones, quæ Regibus Italis olim pare-
bant, videlicet Comitatum Parabiagi, Seprii, & Bazarix,
Ducatum Burgariæ, & Marchiam Marthesii, quemadmodum
Sigonius comptiori nomenclaturâ eadem enumerat ad Annum

CMLXI; Ughellus namque Loca enunciatæ ferè omnia nonnisi luxatis nominibus refert. Clariss. Muratorius in *Dissertat. I. Tom. I. Antiquit. Ital. Med. Ævi* explicare studet, quæ parte Italiz jacerent Ditiones istæ, & cur relatis nominibus appellarentur; adeoque illum consulere poterunt qui erudiri hac in re peroptant.

Ut ergo ad Ottonem revertamur, Romam subinde progressus est, Valperto Archiepiscopo & universo exercitu comitante; ibique exceptus a Civibus incredibili plausu, & ab Archiepiscopo Mediolanensi oblatus Summo Pontifici Joanni XII., Augustalem Coronam ab eodem solemnè pompâ recepit Anno CMLXII. circa medium mensem Januarii, ut notum facit Charta, in Archivo Basilicæ Sancti Georgii ad Palatium Mediolani reperta, & a nobis edita atque illustrata in *Historia Literario Typographica Mediolanensi, ad Annum. MCCCCLXXXVI.*

Subscripsisse Valpertum Synodo Romanæ tradit Galefinius in Tabula nostrorum Antistitum. Hoc tamen, si verum fateri volumus, potius in ejusdem dedecus quàm laudem vergit. Siquidem Eruditorum omnium consensu Synodus ista verè Conciliabulum fuit; exortis enim dissensionibus, quas narrant Baronius, Sigonius, alique, inter Ottonem & memoratum Pontificem Maximum, Romam reversus Imperator, ac Procerum quorundam Romanorum consilio extimulatus, Synodum Episcoporum cogi curavit Anno CMLXIII., in qua depositus est a Sede Romana Joannes XII., & intrusus Pseudo-Pontifex Leo VIII. Alterum certè Concilium celebravit Joannes anno sequente, cum Urbe excessisset Imperator, in quo

quo Acta omnia rescilic, quæ Episcopi superiore anno congregati contra ipsum conscribere ausi fuerant; & Pontificem ab ipsis electum sacro anathemate percussam inferis devovit. Huic autem legitimæ Synodo Valpertus subscriptus minimè legitur; fortasse enim eo anno Româ discesserat. Appositum quidem est Valperti nomen Diplomati expedito Anno CMLXVII. a Joanne XIII. in Concilio Ravennatensi, ob exauthorationem Heroldi Archiepiscopi Salisburgensis, cœcitatibus & quorundam criminum ibidem recitatorum causâ; subrogato in ejus locum Friderico, ut rectè adnotavit Ughellus.

Concilium aliud Provinciale celebravit Valpertus Mediolani in Sanctæ Theolæ Basilica. Occasionem huic cogendæ Synodo dedit sœda & barbara depopulatio, illata a Saceracis Hungarisque Suffraganeæ Ecclesiæ atque Urbi Albenfi, ob quam eò inopie devenerat Florardus seu Fuchardus ejusdem Episcopus, Anno CMLX. creatus, ut victum propriis manibus quærete cogeretur. Bonis avibus illinc pertransiverat Otto, Romam ad recipiendam Augustalem Coronam festinans, qui tactus miseratione tam atrocis spectaculi extremæque Antistitis indigentiz, ad aliam Urbem delatus cum Summo Pontifice Joanne XII. egit, ut tanto infortunio remedium pararetur. Acta res est in Concilio Episcoporum Romæ existentium, a Pontifice Maximo ibidem collecto; neque alia via est commodior via refarciendæ huic cladi, quam si Albenfis Ecclesia Astensi, tunc florentissimæ uniretur. Itaque datæ sunt Literæ tum a Pontifice Maximo, tum ab Ottone ad Valpertum Mediolanensem Antistitem, ut auctoritate Apostolica rem hanc in Provinciali Concilio perficeret. Is autem,

accitis Mediolanum Suffraganeis Episcopis, accepta ab Urbe mandata optimè implevit. Ughellus, cui notitiam Mediolanensis hujus Concilii debemus, in Albensibus Episcopis enumerat Præsules, qui eidem interfuere; cum iis autem recensetur Augustanus, adhuc Suffraganeus Metropolis Ambrosianæ. Memoratus Scriptor censuit, peracta ista fuisse, *cum Otto Romam secundò est profectus, hoc est Anno CMLXVI.* Fallitur tamen Vir doctissimus; Otto namque illo anno Romam non pervénit, nisi expirante Decembri, testibus Baronio, Sigonio, & Pagio, qui Natalem Domini ibidem ab hoc Cæsare celebratum fuisse ex Continuatore Reginonis tradit. Quis verò credat, tam brevi tempore perfici ea omnia potuisse, quæ superius narravimus? Præterea statim ac ingressus est Urbem Otto, compescendis tumultibus ibidem jampridem excitatis, infligendisque in eorumdem Auctores atrocium suppliciorum poenis totum se addixit: Neque tunc Romæ aderat Summus Pontifex, cum quo de Albensis Ecclesiæ pessima conditione sermonem habere posset. Adnotare etiam opus est, lapsum memoriâ fuisse Ughellum, dum in Episcopis Astensibus, ubi de Rozonæ Antistite illius Ecclesiæ agit, repetens Historiam hucusque descriptam, ait, Concilium Mediolanense celebratum fuisse a Landulpho Archiepiscopo; Valpertus enim multò etiam post Annum CMLXVI. in Ambrosianæ Ecclesiæ regimine perduravit.

Ughellus in hujus Archiepiscopi Vita Documentum refert Sententiæ, quam Valpertus sedens pro Tribunali in Aula Domus Sancti Ambrosii (Palatii nempe Archiepiscopalis) protulit in favorem Gompaldi, seu Grimpaldi Abbatis Coenobii Tol-

Tol-

Tollani in Placentino agro, circa quasdam terras *Sancti Cassiani & Sancti Angeli*, præfato Monasterio *legaliter subditas, & iniuste denegatas*. Lata est hæc Sententia Anno decimo Pontificatus Valperti, ut ibidem adnotatur, adeoque Anno CMLXIII.

In assignando temporis spatio, quo Valpertus Mediolanensem Ecclesiam administravit Scripto es omnes consentiunt, asserentes unà cum antiquis Catalogis, præfuisse illum suo Gregi octodecim annis. Non ita concordēs sunt in anno obitus indicando. Papebrochius eundem mortuum tradit Anno CMLXIX, cùm ceteri passim testentur, illum e vivis excessisse Anno CMLXXI. Porro Vir iste, non solum excellenti doctrina, sed etiam accurato criterio præditus, defecisse videtur in hisce calculis ineundis; cùm enim legisset in Ughello, latam a Valperio Archiepiscopo sententiam in favorem Gompaldi Abbatis Cœnobii Tollani in Agro Placentino, Anno CMLXIII., in cujus Documento enunciatum, tunc decurrisset annum decimum Pontificatus ipsius, nihilominus stataendam electionem memorati Archiepiscopi censuit Anno CMLI. adeoque aut falsi arguit prædictæ sententiæ Documentum, quod signat decimum Valperti annum, cùm signare debuisset duodecimum, aut memoriâ lapsus fuisse dicendus est laudatus Auctor, qui ut locum faceret octodecim annis regiminis Valperti, biennio prævertit ejusdem inaugurationem. Hoc unum certò scimus, & in figendo tempore initæ Dignitatis, & in exitu vitæ Valperti designando præclarum hunc Scriptorem biennii anachronismo peccasse.

Longius aberravit Pagius, qui ad Annum CMXCVII., num. IX. recensens Legationem Arnulphi II. Archiepiscopi Mediolanensis, emendare studet Papebrochium, qui decessisse Valpertum tradit Anno CMLXIX., retrahens illius obitum ad Annum CMLXVI., fretus testimonio Arnulphi Scriptoris Mediolanensis (nunc editi inter *Rerum Italicar. Scriptores* Tom. IV.), qui narrat, Libr. I. Cap. VII., captivitate & obitu Berengarii in Svevia, Anno mox enunciato, claudit illud Caput, & exordiens octavum, hæc habet: *Eodem tempore obeunte Valperto, Cathedram suscepit Arnulphus* &c. At Vir doctissimus minimè advertit, ab hoc Auctore plura in unum congeri, quæ diversis annis accidere; adeoque usum fuisse illâ formulâ *eodem tempore*, non *eodem anno*; proinde accipienda esse prædicta verba ampliori significatione. Certè eadem in hunc modum optimè intellexit, qui in margine ad illud Caput Arnulphi Annum CMLXXI. adnotavit.

: Citra formidinem itaque erroris arbitramur, statui debere obitum hujus nostri Archiepiscopi ad Annum CMLXXI., VIII. Idus Novembris; Ejus autem Corpus sepulchro datum est in Ecclesia Hyemali.



ARNULPHUS I.



Sedem Mediolanensem adeptus est Arnulphus hujus nominis primus, Anno CMLXXI. ad finem vergente. De hoc Archiepiscopo parum in Historicas tabulas retulere Scriptores Patriæ nostræ: Arnulphus verò alter, iis temporibus proximus, qui Historiarum rerum eâ ætate gestarum in hac Urbe Posteris scriptam reliquit, quique eidem Antistiti consanguinitate conjunctus erat, utpote illius ex Fratre Pronepos, non aliud adnotavit, nisi fuisse hunc Præsulem, *Virum declinantem a malo, & facientem bonum*. Hinc autem prorsus refellitur opinio eorum, qui scriptis tradidere, hunc Archiepiscopum missum fuisse Legatum ab Ottone I. ad Joannem Zimiscem Imperatorem Constantinopolis, ut Theophaniam ejus Neptem, in uxorem Ottonis filii sui postularet. Quis enim enarrare debuisset gloriosum hoc munus, gestum a Propatruo suo, quàm Scriptor ille, qui tam arcto sanguinis vinculo eidem adhærebat? Præterea cum Sigonius & Pagius hanc Legationem expeditam fuisse asserant Anno CMLXXI., manifestum sit, eam minimè committi potuisse Arnulpho, qui nonnisi labente Decembri ejusdem anni donatus est Insulâ Mediolanensi; aliunde verò constat, Theophaniam sub primos menses anni sequentis, idest die XIV. Aprilis, ut ex Chronographo Hildesheimensi, coronatam Romæ fuisse a Joanne XIII. Summo Pontifice, & Ottoni II. matrimonio conjunctam. Mirum autem

autem foret , si tam brevi temporis spatio confecta fuissent , terrâ marique suscipienda itinera ad tam distitas Regiones : Præcipuè cum ageretur de Augusta Fœmina , & Sponsa Principis , Occidenti imperantis , quæ solempni celebritatis apparatu excipienda erat , utpote Procerum Græci Romanique Imperii comitatu stipata .

Condonare tamen hos nævos Viris memoratis , alioquin eruditissimis , possumus , qui longè ab hac Metropoli scribebant , neque obvias habebant Historias nostræ Urbis , per ea tempora adhuc manu exaratas in Scriniis latentes . Non ita excusandus videtur Galestinus , diu apud nos immoratus , qui de Arnulpho plura congeffit in Tabula nostrorum Antistitum , longè recedentia ab historica veritate . Ait enim , Antistitem hunc , filium extitisse Bonitit Ducis , cum nemo Scriptorum res nostras narrantium id asseruerit . Sigonius quidem Landulphum , hujus Arnulphi postmodum Successorem , & Ripamontius Arnulphum etiam II. , ab hoc Duce , infimæ conditionis homine , progenitos tradiderunt ; ad primum autem Arnulphum , Bonitii seu Bonizonis stirpem minimè pertaxere , Tristano Calcho solum Landulphum , de quo suo loco erit sermo , Bonizonis filium memorante . Hinc autem arbitramur , sumptam fuisse a Galestinio opinionem , quod iste Arnulphus , Clero reclamante , Archiepiscopalem Cathedram occupaverit ; de hoc enim silent qui Archipræsulum Mediolanensium seriem texuere ; & potius censendum est , id accidisse Landulpho , ex obscuris natalibus ad Præsularis honorem evecto .

Quod verò subjungit Ughellus , nempe a Præsule nostro Arnulpho conscriptam fuisse Historiam sui temporis , prorsus refel-

resellitur ab ejusdem Pronepote, qui verbis patentibus se il-
lius Auctorem fuisse profitetur.

Præfuit Arnulphus I. Mediolanensi Ecclesiæ annis III.,
mensibus IV., quemadmodum tradunt antiqui Catalogi, ejus-
que Pronepos Arnulphus. Obiit XVI. Calendas Maji, Anno
CMLXXV., sepultus in Ecclesia Hyemali.



G O T H I F R E D U S .



Ost obitum Arnulphi consecutus est Insulam Mediolanensem Gothifredus , mense Julio Anni CMLXXV. , moderante Romanam Ecclesiam Benedicte VII. , non VI. , ut tradidit Galefinius . Papebrochius *in Exegesi* biennio prævenit hanc electionem , errore jam admissio in Valperto , ut ibidem adnotavimus .

Hujus Archipræfulis electionem minimè tranquillam fuisse discimus ex memorato Arnulpho , rerum Patriæ nostræ Scriptore , qui narrat , reprobaturum cum primò fuisse a Clero & Populo , quòd Diaconi & Presbyteri gradum minimè conscendisset , Subdiaconi tantum ordine decoratus (constans enim erat tunc temporis in Ecclesia Ambrosiana antiquæ disciplinæ custodia , ne quis per saltum ad Episcopalem Dignitatem promoveretur) ; nihilominus in gratiam Ottonis Imperatoris , qui illum proposuerat , receptum fuisse . Laudat etiam Gothifredum Arnulphus , ob summam fidelitatem Ottoni præstitam , in bellis ab eo susceptis contra Berengarii Filios , quos ab Italico Solio dejecit , atque in alienas terras dispersit . Cetera , quæ ad Ecclesiasticum administratum munus pertinent , antiquitatis silentium nobis invidit .

Unicum perenne testimonium singularis liberalisque amoris , quo Sanctum Ambrosium Patronum colebat Archiepiscopus Gothifredus , est Vas eburneum elegantissimè ornatum , ejusdem Basilicæ dono oblatum , ut , cùm inaugurandi essent

sent solemnè ponipà Cæsares, ad Italicum Regnum capef-
sendum, aspergendis aquâ lustrali Regibus eorumque Infi-
gniis, Mediolanensi Archiantistiti, Hydriæ loco, inserviret.
Visitur adhuc pretiosum hoc munus in Cimiliarchio Metro-
politani Templi; illudque exactè descripsit in suis ad *Mo-
numenta Basilic. Ambros.* MS.ris Additamenti diligentissimus
Puricellus ad num. CLXXXIV. pag. CCCVI. his verbis :
„ Manubrium habet ferreum, sed auro illitum. Labrum.
„ quoque habet exterius, binis ejusmodi versibus circumqua-
„ que insculptum :

„ ☩ VATES AMBROSI GOTEFREDUS DAT TIBI SANCTE

„ VAS, VENIENTE SACRAM SPARGENDUM CÆSARE LYMPHAM.

„ Vates igitur, hoc est, notâ inter Sacrorum carminum.
„ Auctores significatione, Antistes & Archiepiscopus noster
„ Gotefredus, nobile illud Vas Ambrosio Sancto dabat, quo
„ Aqua benedicta contineretur, & ad spargendum exhibere-
„ tur tunc temporis, quando delecti Imperatores Mediola-
„ num venirent, ad Italici Regni Coronam ex Archiepiscopi
„ nostri manu capefendam : Quam quia capefcebant in Sancti
„ Ambrosii Basilica, propterea etiam Gotefredus eidem San-
„ cto talem a se hydriam dari profitebatur. Ceterùm hæc
„ ipsa exteriorem habet ambitum variis omniquaque orna-
„ mentis ac figuris cælatum. Quinis est distincta spatii,
„ quibus totidem insunt imagines, unquæque suo superne
„ circumdata versiculo. Medium locum Deipara obtinet Vir-
„ go, Basilicæ Metropolitanæ Tutelaris, ac duobus hinc inde

„ Sanctis adstantibus infantulum Jesum gremio gestat . Reli-
 „ qua porro loca singillatim occupant quatuor Evangelistæ ,
 „ cum propriis quisque Symbolis , quibus communi Ecclesiæ
 „ Catholicæ usu designari consueverunt . Versiculi verò illi
 „ sunt hujusmodi :

„ **VIRGO FOVET NATUM, GENITRICEM NUTRIT ET IPSE .**
 „ **ORA GERENS HOMINIS MATHEUS TERRESTRIA NARRAT .**
 „ **ORE BOVIS LUCAS DIVINUM DOGMA REMUGIT :**
 „ **CHRIITI DICTA FREMIT MARCUS SUB FRONTE LEONIS :**
 „ **CELSA PETENS AQUILÆ VULTUM GERIT ASTRA JOHANNES .**

.. Rexit Gothifredus Ecclesiam Mediolanensem annis quin-
 que , mense uno , & aliquot diebus , ut ex vetustis Cata-
 logis liquet . Ughellus ultra modum protendit regiminis ejus-
 dem tempus , quindecim annos Sedis liberali calamo Gothi-
 fredo attribuens , nixus opinioni nonnullorum (quorum ta-
 men nomina non indicavit) , qui hosce annos Archipræsuli
 huic nostro assignant . Malè etiam ca'culos iniit hic Auctor ;
 cum enim fixerit obitum Gothifredi Anno CMLXXXVIII. , &
 electionem Anno CMLXXV. , cuique patet , non quindecim
 annos , sed tresdecim tantum intercessisse . Nos justum sequen-
 tes ordinem , hujus Episcopi mortem statuimus ad Annum
 CMLXXX. , quo verè e vita decessit , XIII. Calendas Octo-
 bris . Sepultus est in Ecclesia Hyemali .

LANDULPHUS II.



Romotus est ad Sedem Mediolanensem.,
Gothifredo e vivis erepto, Landulphus II.
de Oppido Carcanensi Anno CMLXXX.
Puricellus in *Dissertat. Nazarian.* Cap.
LXXXVI. num. VII. varias recentium.

Scriptorum opiniones recenset, quæ invicem sese implicant, & a vero prorsus exorbitant. Siquidem aliqui biennio, alii octennio, & etiam decennio differunt hujus Antistitis electionem. Nos venerandæ Catalogorum veterum auctoritate firmati, annum superius enunciatum novo huic Archiepiscopo ad Ecclesiæ nostræ regimen delecto assignamus, ut ad justam lancem (quantum nobis potis est) subsequantium Antistitum series componatur.

Filius hic erat Bonitii, seu Bonizonis evecti ab Ottone II., ob ingenii præstantiam, ex vili Lanionis arte ad hujus Metropolis moderationem, sub Ducis titulo. Puricellus ex ultimis Tabulis Landulphi Archiepiscopi, ab ipso inspectis adnotat, Patrem ejusdem nomen habuisse *Ambresii*, fertasse enim Bonitius seu Bonizo duobus hisce nominibus appellabatur; proinde etiam Ughellus Landulphi Patrem, *Ambrosium Carcanum* vocavit. Landulphus alter, Mediolanensis Historiæ Scriptor, publici juris factus Tom. IV. *Rerum Italicar.*, refert obtentam fuisse vitiosè ac venali modo ab isto Archipræsule Insulam Mediolanensem. Cum enim Pater ejus ambitione turgeret, ac desiderio urgeretur copulandi simul

simul Ecclesiasticum, ac Civile imperium, quod ipse Cæsaris favore administrabat, *suo Filio Landulpho, in pondere auri & argenti magno, Archiepiscopatum Mediolanensem, contra omnium ordinum Clericorum voluntatem adquisivit.*

Pravis hisce artibus ad Archiepiscopale Solium euectus Landulphus, Patris tyrannidem in Cives populumque imitari cœpit, Altaria argenteis ornamentis denudans; opulentas Ecclesiæ opes in Fratres Amicosque dispergens, qui effrenatâ licentiâ debaccantes, testibus Calcho & Sigonio, in omnes insurgabant. Quamobrem plebs Mediolanensis tumultum excitavit; eosque insolenti superbia atque alieni cupiditate in omnem audaciam perrumpentes, Urbe expulit, & contra eosdem armis conflixit apud Vicum Carbonarium in Agro Seprienfi, eorumque exercitum in fugam coniecit: pessimo quidem exemplo; inde enim orta sunt inter Plebem, & Nobiles pertinacia ea dissidia, quæ cælibus & ærumnis hanc Metropolim usque ad XIV. Seculum implere, ut adnotavit Sigonius; qui etiam subdit, ex hac perturbata civilis concordie pace, emeruisse aliquod Reipublicæ Mediolanensi bonum: Siquidem excusso barbaro Ducum iugo, ac restituto antiquo Consulium regimine, publicæ res tranquillius utilisque floruerunt.

Ut autem ad Landulphum redeamus, cum in memorato prælio apud Carbonariam actô, cecidisset quidam nobilis Tarius, unus ex ejusdem vernulis, ceteris animosior, Mediolanum reversus, atque domum Bonizonis Ducis ingressus, eundem fensetute gravem pugione confodit. Non tulit hoc probrum Archiepiscopus; sed fractum videns Fratrum exercitum,

tum, in Germaniam ad Ottonem II. iter suscipiens, illum enixè rogavit, ut admodis Mediolanum armis huic vulneri mederetur; obtinuitque subsidium quod optabat. Reversus enim Imperator in Italiam, arctâ obsidione hanc Metropolim cinxit: Sed compositis privatim inter Cives & Archipræsulem simultatibus, removensteque a mœnibus Ottone militares copias, omnia impofterum prosperè contingere. Landulphus verò suæ Sedi restitutus, in emendationem eorum, quæ de Ecclesia subriperat profuderatque, Cœnobium Sancti Celsi a fundamentis extruxit, & proximam Ecclesiam in meliorem formam redegit; assignatis prædiis, ut alerentur Monachi ad Divina Officia persolvenda, quemadmodum constat ex ejusdem ultimis Tabulis, a Puricello relatis in *Dissertat. Nazarian.*, dicto Cap. LXXXVI., ubi fusè de hoc Monasterio loquitur.

Varas de hujus Antistitis regiminis annis retulimus opinionones in Adnotationibus ad Sigonium *de Regno Italiæ*, sub Annum CMXCIX., ex quibus perspicuum sit, perdurasse Landulphum in Mediolanensi Sede usque ad Annum CMXCVIII., auctoritate præsertim Diplomatis, asservati in Archivo Monialium Sanctæ Mariæ Vallis Mediolani, dati ab Arnulpho Landulphi Successore Anno MXIV., in quo numeratur decimus septimus Pontificatus sui annus, qui supputari nequit, nisi ab Anno CMXCVIII., quo Landulphus numerum annorum XVIII. Sedis, in antiquis Catalogis eidem assignatorum absolvit.

Lubet hoc loco attexere Chartas nonnullas, adhuc luce carentes, quæ in Tabulario Basilicæ Sancti Georgii appellati in *Palatio* asservantur. Primæ duæ vigilantiam hujus nostri

Pasto-

Pastoris compertam faciunt, qua Sacris Ministris providere studebat, eorumque bono prospicere, ut Dei cultui impensius alacriusque incumberent. Anno igitur CMLXXXVIII. contractum iniit Landulphus cum Cive quodam Mediolanensi tradendi in jus illius aliqua prædia, quæ Sancti Georgii Basilica, seu ejusdem Officiales possidebant in Loco Fontecilli seu Fontegii, receptis in permutationem nonnullis aliis terræ portionibus in territorio Cixinusculi: Omnia verò hæc commensurata fuere per *juges*, & *perticas jugiales*, in Charta proximè referenda descriptas. Quid autem essent *juges*, Ducangius minimè explicavit, asserens tantummodo testimonia Chartarum, in quibus mensura hæc adnotatur. Nos ex altera Charta ejusdem Archivi, cujus mentionem egimus in *Historia nostra Tipographico-Literaria Mediolanensi*, ad Annum MCCCCLXXXVII., initis calculis deprehendimus, mensuram hanc, esse portionem terræ ex duodecim perticis constatam. Jam itaque Chartam ipsam proferimus.

„ In Christi nomine. Anno ab Incarnatione Domini nostri
 „ Jesu Christi nono centesimo octuagesimo octavo, mense
 „ Jenuario, Indictione prima. Comutacio bone fidelis noxitur
 „ esse contractum, ut ad vicem emcionis optineat firmitas
 „ tem; eodemque nexu obligationis contraentes. Placuit itaque
 „ & bona convenit voluntate inter Dominus Landulphus
 „ Archiepiscopus Sancte Mediolanensis Ecclesie, nec non &
 „ inter Romedius Judicem filium quondam Angisfredi Nociatori de Civitate Mediolani. Ut in Dei nomine debeat
 „ dare sicut & a presenti dedit is ipse Dominus Landulphus
 „ Archiepiscopus eidem Romedii Judici in causa comutacionis

nis

„ nis nomine presenti die suo jure habendum. Ideſt petia
„ una de terra cum buſcalia ſuper habente in alnis de al-
„ veum fluvio Lambrii in ſimul tenente juris Baxilice San-
„ cte Marie que dicitur ad Fonticillo, que Baxilica cum
„ omni ſua pertinencia pertinere videtur de ſub regimine &
„ poteſtate Eccleſie Sancti Georgii ſita intra Civitate Medio-
„ lanenſis, prope locus, ubi Palacio dicitur, & rejacet ſu-
„ pradiſta petia de terra foris Civitate Mediolanenſis, non
„ longe de Baxilica ſupradiſta Sancte Marie, & nominatur
„ amundadia. Coheret ei a mane terra ipſius Eccleſie & via
„ publiſa, a meridie rio qui dicitur naureni, a ſera Mo-
„ naſterium Sancti Ambroſii, & fluvio Lambro a monte
„ ipſius Eccleſie, & eſt eadem petia de terra cum parte de
„ alveum fluvio Lambro inſimul per meſuram juſtam jubeas
„ legiptimas viginti. Unde ad vicem recepit is ipſe Dominus
„ Landulphus Archiepiſcopus ab eodem Romedio Judice ſimi-
„ liter in cauſa comutationis nomine presenti die ad partem
„ ipſarum Eccleſiarum habendum. He ſunt rebus territorii
„ illis juris eidem Romedii, que habere viſus eſt in loco
„ & fundo Cixinuſculo & Malebaira, quod eſt prope nomi-
„ nato loco Cixinuſculo, & ſunt ipſis rebus Vineæ cum area,
„ ubi eſtat petia una, campora petias undecim. Silva caſtanea
„ cum area, ubi eſtat petia una; prata petia una. Silva Stal-
„ larea cum area, ubi eſtant petias tres. Jam diſta Vineæ,
„ & primo campo inſimul tenente dicitur Vigniale de agone.
„ Coheret ad ſupradiſtum a mane via, a meridie de Mona-
„ ſterio quod dicitur Giſoni, a ſera Bonicioni & area ex ipſa
„ vineæ, per meſuram perticas jugales octo. Secondo cam-

„ po dicitur campo de Leo . Coheret ei a fera & monte
 „ via , & est per mensuram jugias legiptimas duas , & per-
 „ ticas jugales ses . Tercio ibi prope est ei a meridie via ,
 „ a fera Adeleberti , & est per mensuram perticas jugales
 „ undecim . Quarto dicitur a Runco . Est ei da meridie
 „ Johannis , da fera de heredes qu. Gisenperti , & est per
 „ mensuram cum incisa sua jugiam legiptimam unam , &
 „ perticas jugales quinque . Quinto dicitur ab Alalestro . Est
 „ ei da mane Sancti Protaxi , a meridie Walperti , & est
 „ per mensuram perticas jugales quinque . Sexto dicitur alo
 „ dofo de Et est ei a mane & monte via , & est
 „ per mensuram perticas jugales ses . Septimo campo cum prato
 „ infimul tenente . Coheret ad super totum a Sera Wal-
 „ perti , a monte Anselmi , & est eodem campo & nomi-
 „ nato prato infimul per mensuram perticas jugales octo .
 „ Octavo campo dicitur a pescairolo . Est ei ab una parte
 „ Sancti Mauricii , & est per mensuram perticas jugales ses .
 „ Nono campo dicitur Abrigasto . Est ei a fera Sancti
 „ Ambrosii , & est per mensuram jugia legiptima una . De-
 „ cimo campo dicitur in Luraxa ; est ei da meridie Angil-
 „ berti & Uberti , a monte Walperti , & est per mensu-
 „ ram perticas jugales ses . Undecimo campo ibi prope . Est
 „ ei da una parte de hæredes qu. Gisenperti , & est per
 „ mensuram perticas jugales duas . Nominata Silva castanea
 „ dicitur a Silvango , & est ei a mane Sancti Johannis , a
 „ meridie Adeleberti , & est area ejus per mensuram per-
 „ ticas jugales septem . Prima stallarea dicitur a purtillia ,
 „ est ei da una parte Walperti , & est area ejus per men-
 „ suram

„suram perticas jugales ses. Secunda stallarea dicitur a Ban-
„dido, est ei da una parte Sancti Michaelis, & est area
„ejus per mensuram perticas jugales duas. Tercia stallarea
„dicitur ab Aragare, & est ei da una parte Walperti,
„& est area ejus per mensuram juga legiptima una. Qui-
„dem & ut legis ordo deposcit, & ad anc previdendam
„commutationem accessit super is rebus ad previdendum
„idest Petrus Presbiter de Ordine ejusdem Sancte Mediola-
„nensis Ecclesie, & Missus ejusdem Domni Landulfi Ar-
„chiepiscopi una cum duos homines estimatores, quorum
„nomina subter legitur. Quibus eorum omnibus comparuit,
„& estimatores isti estimaverunt & dixerunt eam esse me-
„lioratam causam, sicut lex abet accipere. Item ipse Do-
„mnus Landulfus Archiepiscopus a parte ipsi &
„ab eodem Romedio comutatore quam ei darent & in-
„comutacio inter eorum legibus. Hac firmiter fieri poseder.
„Is autem rebus supradictis lex comutationis una cum su-
„perioribus & inferioribus, cum finibus & accessionibus ea-
„rum in integrum & aliter ipsis comutatores sibi invicem
„comutationis nomine tradiderunt faciendum pars parti de
„eadem, ut supra legitur in comutatione recipiunt cum
„heredibus & successoribus suis proprietario jure legibus.
„Quidem voluerimus aut previderimus sine omni uni eo-
„rum alterius, eorumque heredes vel successores contra-
„dictione. Et sponderunt se ipsi comutatores sibi unus
„alteri invicem cum heredibus & successoribus suorum ut
„supra in comutatione dederunt omni tempore, ab omni
„homine defendere, ut lex expostulat. Et penam inter se

„ posuerunt, ut quis ex ipsis, aut ex hæredes vel succes-
 „ fores se de ac comutatione removeere aut causare presum-
 „ pserint, vel si ab unumquemque homine non compensave-
 „ rit & non permanserit qualiter ut supra legitur, tunc
 „ componat pars parti illa pars que non conservaverit, ad
 „ partem que servaverit pro pena is rebus quas comendave-
 „ rit in duplum sicut pro tempore melioratis fuerint sub
 „ estimatione in eisdem locis, quia sic inter eos convenit.
 „ Unde due charte comutationis uno tempore scripte sunt.
 „ Actum ista Civitate Mediolani

„ Landulphus Dei gratia umilis Archiepiscopus subscripsi.

„ Ego Petrus Presbiter Dei gratia umilis Missus fui ut
 „ supra & subscripsi.

„ Martinbertus Iudex Sacri Palatii estimavi ut supra &
 „ subscripsi.

„ Anselmus Iudex Sacri Palatii estimavi & subscripsi.

„ Petrus Iudex estimavi & subscripsi.


„ Adam Notarius rogatus subscripsi.

„ Benedictus Notarius rogatus subscripsi.

„ Petrus Notarius rogatus subscripsi.

„ Amelbertus qui & Benzo rogatus subscripsi.

„ Arialduus Notarius scripsi, post tradita complevi &
 „ dedi.

„  Ego Anselmus Iudex hautentica hujus exempla

„ vidi & legi, & sic in eo continebatur, sicut in isto le-
 „ gitur exemplo extra literas plus minuve.

„ 

„✠ Ego Fredencionus Notarius hac Judex autentica
„hujus exempli vidi, & legi, & sic in eis continebatur,
„sicut in isto legitur exemplo exemplavi extra literas plus
„minusve.

„✠ Ego Otto Notarius autentica hujus exempla vidi
„& legi, & sic in eo continebatur, sicut in isto legitur
„exemplo, extra literas plus minusve.

Altera Commutationis pariter Charta nobis refert novum cum Petro Laudensi Cive initum a Landulpho contractum, quo eidem cessit quædam prædia proxima Basilicæ Sancti Stephani, quæ ad Basilicam Sancti Georgii in Palatio spectabant, recepitque ad vicem, quamdam terræ portionem, simulque Domum cum vinea, proximam Basilicæ Sancti Bassiani, Laudensis Urbis. Confecta est hæc Charta Anno CMXCVII., die XXXI. Januarii, atque ita se habet.

„In Christi nomine. Tercius Otto gratia Dei Imperator
„Augustus, Anno imperii ejus primo, pridie Calendas Fe-
„bruarii Indictione decima. Comutacio bone fidei noscitur
„esse contractum ut ad vicem emcionis obtineat firmitatem,
„eodemque nexu obliat contraentes. Placuit itaque & bona
„convenit voluntate inter Dominus Landulfus reverendus
„Sancte Mediolanensis (Ecclesiæ) Archiepiscopus, necnon
„& inter Petrus Negotiator de Civitate Laude, filius
„quondam Leoni, ut in Dei nomine debeat dare, sicut &
„a presenti dedit his ipse Dominus Landulfus Archiepisco-

„pus

„ pus eidem Petro comutatori suo in causa comutacionis
„ nomine presenti die suo jure abendum libere pecia una de
„ terra , ubi orto excolitur , juris Basilice Sancti Georgii ,
„ que est constructa intra hac Civitate Mediolani , que re-
„ jacet ipsa terra ubi orto excolitur intra Civitatem Laude
„ prope Basilica Sancti Stefani , que Basilica ipsa Sancti
„ Georgii cum omne sua pertinenencia pertinere videtur de-
„ sub regimine & potestate Domni & Archiepiscopatus ip-
„ sius Sancte Mediolanensis Ecclesie ; ubi coherent ei ab ipsa
„ terra , ubi orto excolitur in circuitu ad fines , da mane
„ Leoni , & ingresso da meridie eidem Petri comutatoris ,
„ da fera via , da montes ipsius Basilice Sancti Georgii ,
„ quas ipse Dominus Landulfus Archiepiscopus a parte pre-
„ dicta Basilice Sancti Georgii reservare videtur , & est ter-
„ ra ipsa , ubi orto excolitur infra ipsas coerencias , scilicet
„ tantum , quantum ipse Dominus Landulfus Archiepiscopus
„ eidem Petri in comutatione dare videtur per mensura-
„ justa tabulas legiptimas jugalis quatuordecim . Unde ad
„ vicem recepit his ipse Dominus Landulfus Archiepiscopus
„ ab eodem Petrone comutatore suo similiter in causa co-
„ mutionis nomine presenti die a parte predictae Basilice
„ Sancti Georgii abendum . Id sunt : Petia una de terra
„ ubi orto excolitur , cum casa una & area in qua extant ,
„ & vineas pecias duas & areas ubi extant , juris eidem
„ Petri , quibus abere visus est jam dicta terra ubi orto
„ excolitur infra ipsa Civitate Laude jam dicta Casa , &
„ predictas vineas foris & non multum longe de ipsa Ci-
„ vitate , & de Basilica Sancti Basiani ; superscripta terra
„ ubi

„ ubi orto excolitur, nominatur in Binda, & prope Ba-
„ filica Sancti Blasi, est per mensura iusta tabulas legipti-
„ mas octo, ubi coeret ei da mane Angelberti, da meri-
„ die via, da sera Leoni. Et superscripta Casa foris ipsa
„ Civitate est prope Porta que apelatur Placentina in bur-
„ go, est area & ipsa Casa per mensura iusta tabulas le-
„ giptimas tres. Est ei da mane Andrei, da meridie via,
„ da sera accessio comuno, da montem Giselberti. Prima
„ vinea nominatur a jugo maturi; est area ejus per men-
„ sura iusta perticas jugalis quinque: Est ei da mane &
„ montes Angelberti, & accessio comuno, da meridie Leo-
„ ni, da sera Sancti Basiani. Secunda vinea est ibi prope,
„ & dicitur similiter, cum area ejus est per mensura iusta
„ perticas jugalis quinque: Est ei da mane Leonis & Ro-
„ zoni, da meridie & montes item Leoni, & in alia da
„ parte montes via, da sera via. Quidem & ut hordo Le-
„ gis deposcit, & ad ac providenda Comutatione accessit
„ super ipsis rebus ad providendum, idest Landulfus Cleri-
„ cus & Notarius, de hordine ejusdem Sancte Mediolanen-
„ sis Ecclesie, & Missus eidem Domni Landulfi Archiepi-
„ scopi, simul & alii Deum timentes homines extimatores,
„ eorum nomina vocantur Leo qui & Azo, Urso qui &
„ Petrus germanis filii, qui dicitur Ruginerii, & Joannes
„ filius quondam Teudini de eadem Civitate Laude, quibus
„ omnibus comparuit & extimatores ipsis. Iphis rebus exti-
„ maverunt & dixerunt eo quod meliorate & ampliate res
„ reciperet ipse Dominus Landulfus Archiepiscopus a parte
„ predictae Basilice Sancti Georgii abendum ab eodem Pe-
„ trone

„ trone Comutatore suo , quam ei dare & accomutare in-
„ terest eis legibus ac firmiter fieri posset . Iis autem rebus
„ superius dictis & comutatis cum superioribus & inferiori-
„ ribus , cum sinibus & accessionibus suarum in integrum
„ Comutatores ipsis sibi unus alterius nomine tradiderunt ,
„ faciendum exinde de eo quod ut supra in comutatione
„ receperunt pars parti cum heredibus & successoribus suo-
„ rum jure proprietario nomine legari heredes sine omni uni-
„ eorum , alterius eorum , atque heredes & Successores con-
„ tradiet. . . . , Et sponderunt se ipsis comutatores sibi
„ unius alterius , una cum heredibus & Successoribus suo-
„ rum de eo quod ut supra in Comutatione dederunt in
„ integrum ab omni homine defensare . De quibus etiam
„ penam inter se posuerunt , ut quis ex ipsis Comutatores ,
„ aut eorum heredes vel Successores se de ac comutatione
„ removeret quæserint , & non permanferint in ea omnia ,
„ que hic superius leguntur , tunc componant illa pars , que
„ non conservaverint , a parte fidem servanti duplis ipsis
„ rebus , sicut pro tempore melioris fuerint aut valuerint
„ sub extimacione in eisdem locis , quia sic inter se con-
„ venit . Actum Civitate Mediolani .

„ Signum manus superscripto Petri , qui anc Cartulam
„ Comutationis ut supra , fieri rogavit , & ei relecta est .

„ ✠ Landulfus Clericus ac Notarius Missus fui ut su-
„ pra & subscripsi .

„ Signum manum m. b. istorum Leoni qui Razo , &
„ Ursoni qui & Petrus germanis , filiis quondam Raginerii ,
„ seu

„ seu Joanni, filii quondam Teudini, de suprascripta Civitate
„ Laude, qui super ipsis rebus accesserunt, & extimaverunt
„ ut supra, & in hac Cartula Comutationis ad confirmandum
„ manum posuerunt.

„ Ego Anselmus Notarius rogatus subscripsi.

„ Ego Lutefredus Notarius Domni Imperatoris rogatus
„ subscripsi.

„ Signum manuum mem. b. Radaldi, filii quondam Joan-
„ ni, de Loco Blafsonno, & Sigefredi, qui & Sigezo, de
„ Civitate Mediolani, Vassallo eidem Domni Landulfi Archie-
„ piscopus; seu Leoni de suprascripta Civitate Laude, filii
„ quondam Anzacii, testis.

„ Ego Aldo Notarius scripsi, post tradita complevi &
„ dedi.

Similem ex eodem Archivo erutam adjungimus pergamenam Chartam, quæ aliquid eruditionis Ecclesiasticæ Mediolanensis nobis exhibet. Ultima hic describitur voluntas Andreæ Presbyteri, & Primicerii de Ordine Decumanorum Sanctæ Mediolanensis Ecclesiæ, Officialis Basilicæ Sanctæ Mariæ, quæ dicitur *Hyemalis*. Vult autem memoratus Andreas, ut Presbyteri, qui tunc (idest tempore mortis suæ) & in perpetuum in Basilica Sancti Laurentii (Mediolanensis Urbis) Officiales fuerint, quotidie Missas, Vesperas, & Matutinum, & reliquum Officium faciant, in animæ suæ, Parentum, seu Landulphi (II.) Archiepiscopi remedium. Assignat verò eis dotem, idest prædia quædam ibi enumerata, ex quorum annuis redditibus portionem tribui singulis Officialibus decernit.

Q

Por-

Porro primum hoc est exemplum, quod nobis in Historiis occurrit quotidianæ Residentiæ in Choro, & perceptionis fructuum, qui æqualiter dividi debeant inter Sacerdotes sacrum illud munus implentes. Neque redendum est, id omne peractum fuisse absque consensu & approbatione Landulphi Archiepiscopi Mediolanensis, cujus mentionem in hac Charta Andreas Presbyter non semel agit, utpote eidem affinis. Plurimum itaque laudis in Ambrosianam nostram Ecclesiam profuit ex hisce ultimis Tabulis, cum tam citò præveniret in Laurentiana Basilica Conciliorum Decreta, quæ Residentiam quoridianam Canonicorum Collegiis sollicitâ curâ præscripserunt. Integram damus memoratam Chartam, confectam Anno secundo Ottonis III. Imperatoris, hoc est Anno CMXCVII., die decimo mensis Novembris, Indictione XI.

„ **P** In Christi nomine. Tercius Otto gratia Dei Imperator Augustus, Anno Imperii ejus secundo, decimo die mensis Novembris, Indictione undecima. Ego Andreas, Presbyter & Primicerius, de hordine Decomanorum Sancte Mediolanensis Ecclesie Officiale Basilice Sancte Dei Genitricis Virginis Marie, que dicitur semalis, qui professus sum ex natione mea Lege vivere Langobardorum (presens) presentibus dixi. Vita & mors in manu Dei est, melius est enim homini metu mortis vivere, quam spe vivendi morte subitanea preveniri. Et ideo ego qui supra Andreas Presbyter volo & iudico, seu per hanc paginam ordinationis & iudicato meo confirmo, ut petia una de terra, est ex parte
„ busca-

„ buscalia superabente juris mei, quam abere viso sum, sitam
 „ non multum longe ab ac Civitate Mediolani, ad locum
 „ ubi Bativaca dicitur, & nominata de Arpano de Prande-
 „ lando. Coeret ab ipsa pecia de terra in circuitu da mane
 „ rebus de filii quondam Remedii Monerio, da meridie re-
 „ bus Domini Regis, da sera meo, quod mihi reservo,
 „ da mons similiter de heredes quondam Remedii. Et est
 „ pecia ipsa de terra, ex parte buscalia desuper, infra ipsas
 „ coerentias illud tantum, quantum ego per ista mea ordi-
 „ natione ordinare videor, per mensura jugias decem. Que
 „ autem pecia de terra & ex parte buscalia desuper, & su-
 „ periore & inferiore & accensione sua, sic superius mensu-
 „ ra legitur, in integrum a presenti die in antea deveniat
 „ in potestate de presbiteris illis, qui tunc tempore in Ba-
 „ silica Sancti Laurentii, constructa foris ab ac Civitate,
 „ non longe ad Portam quod clamatur Ticinense, Officiales
 „ fuerint & faciant temporibus illis que tunc
 „ & in perpetuum Basilica Sancti Laurentii Of-
 „ ficiales fuerint de jam dicta pecia de terra & ex parte
 „ buscalia, ad eorum usu & sumptu liberas venditiones de-
 „ fruges & census, quibus exinde annue Dominus dederit
 „ inter eis equaliter abendum, quod voluerint pro me &
 „ parentorum meorum, seu Domini Landulfi Archiepiscopi
 „ Seniori meo animas mercedem. Ita tamen ut ipsis Pres-
 „ biteris, qui tunc & in perpetuum in eadem Basilica San-
 „ cti Laurentii Officiales fuerint, mei qui supra Andrei
 „ Presbiteri, & parentorum meorum, seu ipsius Domni Lan-
 „ dulfi quotidie Missas, Vesperas, & Matutinum, & reli-
 „ Q 2 „ quum

„ quum Officium faciant , ut nobis proficiat ad salutem ani-
 „ me , & gaudium sempiternum ; ad firma anime , & om-
 „ nia ut supra , pro mea & parentorum meorum seu ipsius
 „ Domni Landulsi animas remedium . Quia sic decrevit mea
 „ bona voluntas . Et si mihi qui supra Andrei Presbiter
 „ propter onera Sacerdotii mei mihi lege Romana ,
 „ & nec me liceat ullo tempore nolle quod volui , sed quod
 „ a me hic semel factum est , semper placeat , & sub
 „ jusjurandum inviolabiliter conservare quod intendo , cum
 „ stipulatione subnixa . Actum superscripta Civitate Medio-
 „ lanum .

„ ✠ Andreas Presbiter & Primicerius a me facto sub-
 „ scripsi .

„ ✠ Johannes Judex Sacri Palatii rogatus subscripsi .

„ ✠ Agapetus Notarius Domni Imperatoris rogatus sub-
 „ scripsi .

„ ✠ Adam Notarius Domni Imperatoris rogatus sub-
 „ scripsi .

„ ✠ Angelramus Notarius & Judex Domni Imperatoris
 „ scripsi , & post tradito complevi & dedi .

Obiit Landulphus XVIII Calendas Octobris , memorati
 Anni CMXCVIII. , sepultus prope januam Ecclesie Sancti
 Celsi , quam ære suo refecerat , condito ad ejusdem latus
 Monachorum Cœnobio , ut superius retulimus .

ARNULPHUS II.



Xempto ab humanis Landulpho, Archiepiscopalem Dignitatem suscepit Arnulphus II., Anno CMXCVIII.. Discrepant in hac assignanda Epocha Scriptores nostri; sed prodigere tempus non vacat in eorum opinionibus refellendis, cum nobis certum sit ex authenticis Chartis, quas jam adduximus, & mortuum Landulphum hoc anno, & institutum Successorem Arnulphum fuisse.

Præclarum munus gessit Archipræful hic noster, Ottone III. jubente; Legationem namque Constantinopolim decorè obivit ad Græcum Imperatorem Constantinum, ut Filiam ejusdem, ultra omnes Virgines splendidissimam, in Conjugem Ottonis impetraret: Cum enim mortuâ primâ Uxore nullus ex ipsa genitus masculus Filius in lucem prodiiisset, prolem Imperii hæredem a secunda Conjuge peroptabat. Expressè id adnotavit Landulphus Senior, Historicus Mediolanensis, qui eodem Seculo florebat. Sigonius *de Regno Italiae* ad Annum CMXCVI., etiam nomen prodidit Augustæ primæ Fœminæ, nempe *Mariam*; quamvis historiolum, quam ibidem subjungit de Comite Mutinensi ab ipsa tentato ad illicita, & apud Maritum falsò accusato, ac poenâ capitis innoxie damnato, ad fabulas rejiciendam esse censent eruditissimi Viri Pagius & Struvius, a nobis in Adnotationibus adducti, quibus novissimè adhæsit etiam Clariss. Muratorius in *Antiquitat. Ital.*

Ital. Med. Ævi Tom. I. colum. CCCLVII.

Profectus est ad Regiam Urbem Arnulphus opulento apparatu, illum stipantibus Optimatibus pluribus, ingressusque Constantinopolim, eximiam sui, & Imperatoris exultationem Civibus illis ingessit, atque a Constantino faciliè impetravit quod poscebat, nempe Filiam, Ottoni Augusto in matrimonium sociandam. Imo, ut scribit Arnulphus Historicus Libr. I. Cap. XIII., adeò gratiam Græci Imperatoris acquisivit, ut nihil quod peteret, ipsi denegaret. Hac occasione donatus dicitur inter alia pretiosa munera *Æneo Serpente*, quem Græci autumabant, illum eundem esse, a Moyse in Deserto exaltatum. Sed de hoc paulò infra differemus.

Statuto Augusto Conjugio iter Mediolanum versùs aggressus est Arnulphus eo comitatu ac pompâ, quam describit Landulphus. Verùm allato tristi nuncio mortis Ottonis, versâque in luctum lætitiâ, dimissa Constantino Patri est Puella, solusque in Italiam reversus est Archiepiscopus, secum deferens (ut ajunt) *Æneum Serpentem*, quem deinde in Ambrosiana Basilica deposuit, adhuc oculis nostris conspicuum. Mirum est, quantum hæc opinio mentes recentium Scriptorum pervaserit, exultantium Ambrosianum Serpentem verè illum esse, quem Moyses ad compescendos sanandosque ferales morsus ab insectis in Deserto Serpentibus Israëlítico populo inflictos erexit. Plurium nomina id constanter affirmantium in contextis ab iisdem Patriæ Historiis, & Catalogis Mediolanensium Antistitum recenset Puricellus in *Monument. Basil. Ambrosian.* num. CXC VII. & seqq. Neque ipsemet omnino ab illis discordem se ostendit, asserens num. CXC VIII.,

CXCVIII., Serpentem in hac Metropoli ab Arnulpho indutum aut eundem esse quem Moyses exaltavit, contractum quidem ab Ezechia, sed postea collectis ex ordine coagmentatis fragmentis reintegratum, aut ex ipsius ære liquefacto conflatum. Hæc omnia nos in memoratis ad Sigonium Adnotationibus ad fabulas amandavimus; nobisque consentit Joannes Mabillonius in suo *Irinere Italico*, qui cachinnis excipiat Opusculum, a Petro Paulo Bosca vulgatum, in quo opinionem de Mosayco Serpente, tamquam inconcusso fundamentum firmatam, totis lacertis propugnat. Rem hanc novis curis pertractavit Clarissimus Muratorius Tom. V. *Antiquit. Ital. Med. Ævi*, Dissertat. LIX. colum. LXXIII. & seqq., ubi rejectis variis Auctorum de Serpente Ambrosianæ Basilicæ opinionibus, sententiam suam profert, inquit, „ non „ alio consilio ab antiquis æneum illum Serpentem collocatum in Ambrosiano Templo fuisse, quàm ut exprimeretur „ quod Divinus Redemptor noster *Joann. Cap. III. v. 14.* „ dixit: *Sicut Moyses exaltavit Serpentem in Deserto, ita „ exaltari oportet Filium hominis* „. Et post nonnulla alia subiungit: „ Geminas ergo Columnas in Ambrosiana Basilica „ Veteres constituerunt; super unam prototypi & veritatis „ effigiem locantes, hoc est Christi in Cruce exaltati imaginem; super alteram typum, seu Symbolum Crucifixi „ ipsius, idest Serpentem a Moyse in Deserto exaltatum. „ Hanc esse veram Serpentis Ambrosiani originem nos quoque opinamur.

Prosequitur Puricellus referre ex MS.to Codice Galvani Flammæ, nuncupato *Flor Florum*, præter æneum Serpentem, alla-

allatam fuisse ab Arnulpho Archiepiscopo etiam magnam partem Dominicæ Crucis, eamque insertam alteri lignæ Crucî, super lateritiâ Parastadem in Ambrosiana Basilica, ex adverso columnæ æneum Serpentem sustentantis collocasse. De hoc prorsus silent Historiæ Arnulphi, ac Landulphi. Porro extra omnem dubitationem positum est, extitisse Anno MDLXVI. in Sancti Ambrosii Templo duo eminentia fulcra, sibi invicem respondentia, Columnam nempe, & Parastadem. Siquidem in Actis Visitationis, a Sancto Carolo Borromeo eo anno peractæ hæc leguntur: „Altare Crucis rubæ nuncupatum, secus Pilastrum in medio Ecclesiæ constructum, fuit dotatum a quondam Domino Stephano de Rosate. Possidetur per præfatos Venerabiles Monachos. Hoc Altare, sicut supra, in medio Ecclesiæ constructum, & ornatum, Ecclesiæ quodammodo impediens, videtur tollendum, & ad aliud Altare transferendum. Econtra hoc Altare adest quidam Serpens æneus, in summitate cuiusdam columnæ marmoreæ impositus, qui vulgò habetur pro illomet, quem Moyses in Deserto, ex præcepto Dei, pro epidemia sananda fabricare fecit. Est quædam superstitio ibi mulierum, pro Infantibus morbo vermium laborantibus. Quæ hic Sanctissimus Præful tantum admonendo innuere videtur, veluti præcepta in praxim deducta fuere, sublato Altari & Cruce, atque abolitâ mulierum superstitutione. Verùm de hoc Serpente jam satis; reliqua enim apud Puricellum legi possunt.

Quo tempore Arnulphus, optimè quidem functus munere sibi injuncto, sed infelici exitu ob inopinatum obitum Ortonis III., reditum in Italiam meditabatur, Arduinus Marchio

chio Eporedienſis, nonnullos Proceres atque Optimates alliciens ſpecioſo lenocinio reſtituendæ huic Provinciæ regiæ Dignitatis, quæ imperantibus Ottonibus ad Germaniam illuſtrandam translata fuerat, in Comitibus Papiæ habitis purpuram & Sceptrum aſſumpſerat, Italiæ Rex acclamatus. Hoc intellecto plurimùm indoluit Arnulphus, ob violatum jus & auctoritatem Archiepiſcopi Mediolanenſis, ad quem potiffimùm ſpectabat Electio & inauguratio huiusmodi Regum. Quamobrem obviam ſibi procedentem Arduinum ſeverâ objurgatione longè a ſe repulit; collectoque ſtatim Concilio Epiſcoporum atque Abbatum in Roncallis (non in Urbe Laudis Pompejæ, ut perperam Gaſſinius ſcripſit) Legationem expedivit ad Henricum, Germaniæ Regem jam inſtitutum, Italicam eidem Coronam offerens, ſimulque rogans, ut contra Arduinum arma moveret. Votis Arnulphi placidè libenterque annuit Henricus, compoſitiſque in Germania rebus, Italiam cum exercitu petiit: Et quamvis validis Langobardorum copiis obſiſteret ad Cluſas Arduinus, in Ticinenſem nihilominus Urbem penetravit Anno MIV.; ibique plaudente univerſo populo ac Proceribus, diadema Italicum ab Archiepiſcopo Mediolanenſi recepit. Hanc Coronationem minimè agnovit Sigonius; ſed eam retulit Dithmarus, & ex eodem Bironius *Annalibus* ſuis inferuit. Verum quidem eſt, exiguo tantùm tempore moratum Papiæ fuiſſe Henricum; excitatâ namque nocturnâ ſeditione ab ipsis Langobardis, qui novo Regi ſuo Arduino obſequium & fidelitatem juraverant, Henricus incenſis in vindictam eorum domibus, reverſus eſt in Germaniam. Non deſtitit tamen Arnulphus a præſtanda Regi Hen-

R

rico

rico fide & auxilio, militaribus copiis Arduinum insequens, donec iterum descendens in Italiam Anno MXIII. Rex memoratus, Æmulum ita contrivit, ut spe omni frustratus purpuram exueret, monasticam vestem induens in Fructuariæ Monasterio, ubi etiam Anno MXV. vitam deposuit.

Diximus ab initio, Legatum missum ab Ottone Constantinopolim fuisse Archiepiscopum hunc nostrum Arnulphum: Neque enim concors est in hac re Scriptorum etiam insignium sententia. Sigonius in primis apparatus describit hujusmodi Legationis, eamque absque omni hæsitacione attribuit Arnulpho I. Archipræsuli Mediolanensi, ut Teophaniam Nicephori Imperatoris Filiam in Ottonis II. uxorem deposceret; tantique valuit apud Venetos Ughelli editores Sigonii auctoritas, ut adjectâ ad Arnulphi II. Vitam adnotatione, Lectores monuerint, malè attributam esse huic Præsuli Legationem istam, quæ primo Arnulpho debebatur; cum tamen in nostris Adnotationibus ad Sigonium compertum fecerimus, malè a Sigonio adscriptam fuisse Arnulpho primo. Erravit quidem Ughellus asserendo, Puellam matrimonio copulandam Ottoni III. nomen gessisse Theophaniæ; quam enim peroptabat in Uxorem, Constantini Imperatoris Filia erat; hic autem tres genuerat Fœminas Eudociam, Zoëm, & Theodoram, nullam verò quæ Theophaniæ nomine appellaretur, quemadmodum adnotat Pagius ad Annum CMXCVII.; qui tamen & ipse mendo non caret, cum utrumque Arnulphum sua Legatione decoratum fuisse scribat; primum Ottonis Magni jussu, pro petenda Filio suo in Conjugem Theophania Anno CMLXXI.; secundum verò mandante Ottone III. Con-

stan-

Constantinopolim adiisse, ut alteram ab ipso designatam ex tribus Constantinensi Puellis thalamo suo sociandam exposceret: Siquidem Ottonis II. uxor Theophania non ab Arnulpho nostro, sed a Liutprando Cremonensi Episcopo in Regiam Urbem missa, consentiente Imperatore Joanne Zimisce, obtenta fuit, ut notum est ex descriptione, quam de sua Legatione Liutprandus ipse vulgavit.

Ut autem prosequamur res præclare gestas ab Arnulpho Archiepiscopo, præter vindicatam contra Arduinum Italici eligendi Regis auctoritatem, jus quoque suum Metropoliticum, memorando apud Posteris exemplo, inviolatum servavit. Alericus seu Oldericus, Mainfredi Marchionis Frater, Henrici Imperatoris indulgentiâ, Episcopalem Astenfis Ecclesiæ Sedem obtinuerat. Prædecessore suo adhuc Mediolani latente ob metum Imperatoris; cùmque a Metropolitano Archipræsule Arnulpho impetrare Consecrationem non valeret, quia, contra vigentem illâ ætate Ecclesiasticam disciplinam, absque ejusdem consensu ad eam Cathedram promotus fuerat, Romam profectus, a Joanne XVIII. Summo Pontifice subreptitiis precibus Sacrum Chrisma recepit. Admonitus de hac re Arnulphus, iusto percitus dolore, non tam in Conventu Provincialium Episcoporum Ecclesiastico illum anathemate perculit, sed etiam militaribus copiis Astensem Urbem arctâ obsidione circumdedit; persistitque in ea, donec coacti fuerint Alericus & Mainfredus Fratres pacem petere, asperâ conditione acceptâ, quam etiam implere. Siquidem Mediolanum adventantes, tertio ab Urbe lapide denudatis pedibus, Alericus Evangeliorum Codicem manu ferens, Mi-

infredus verò Canem humeris bajulans (hæc enim veteri consuetudine pœna erat Nobilium , reorum perduellionis , ut adnotat Otto Frisingensis Lib. II. Cap. XXIX.) reliquum iter confecerunt ; ingressique Urbem ante fores Ambrosianæ Basilicæ consistentes , commissam culpam confessi sunt , Alericus Templum adiens , Baculum & Annulum super Aram Sancti Ambrosii reposuit , quæ benignè postmodum Arnulphus eidem restituit ; Mainfredus verò plura obtulit auri talenta , e quibus aurea Crux confecta fuit , quæ adhuc superstes , in Solemnioribus Supplicationibus ante illius Basilicæ Clerum defertur . Denum simili demissâ incedendi formâ ad Templum Maximum per Urbis compita procedentes , veniam & libertatem ab Archiepiscopo humanissimè receperunt .

Relatam hæcenus Historiam Ughellus in Astensibus Episcopis evertere velle videtur , suspectæ fidei damnans Arnulphum Scriptorem Mediolanensem , qui eam literis consignavit . Admirati nos sumus , huic Contribuli nostro inultam fuisse probrosam hujusmodi notam , cùm Arnulphus idem profiteatur in proœmio ad Historiam suam præfixo , se tantum referre *quæ ipse vidit , & quemadmodum a videntibus audivit* ; multoq̃ue magis obitupimus , cùm allatas a laudatissimo eo Auctore conjecturas expenderimus . Duas enim ille protulit , ut fidem Arnulphi elevaret , aut eam saltem dubiam redderet , videlicet unum esse illum , in cujus Scriptis ista legantur ; secundo verisimile minimè esse , Henricum Arduino adversantem , cumque inimico ferro insequentem , eò adduci potuisse , ut Alericum Fratrem germanum Arduini (paulò ante Ughellus illum vocaverat Nepotem , sed falsò ; revera enim

Fra-

Frater erat germanus, idest Consobrinus, ut pater ex Serie Genealogica, a Clariss. Muratorio digesta & vulgata inter *Antiquit. Estenses*) nobili adeò Episcopatu donasse. Veniam petimus a benemerito hoc Viro, si hæc animadversiones, fuitiles ac stramineas liberiore voce appellamus. Quid enim obstat integritati & fidei Scriptoris nostri, quòd ex unico fonte hausta sit historia, proximè a nobis descripta? Nemo aliud, ex vetustis Scriptoribus, qui exteri omnes fuere, hanc provinciam susceperat enarrandi potissimùm quæ in hac Metropoli tunc temporis digna adnotatione contigerant. Quòd verò minimè credibile sit, ad conspicuam Astensem Sedem ab Henrico promotum fuisse Alericum, tam arcto sanguinis vinculo eidem Arduino conjunctum, facilè exfufflare valemus, si coævorum testimonia consulamus; ab iis namque edocemur, non omnes Italiæ Proceres, etiam cognatione propinquos Arduino, perstitisse in ejusdem fideli clientela, sed plures defecisse ad Henricum seu per Literas, seu per Internuncios. Id concordēs adnotavere Dithmarus, Adelboldus, Chronographus Saxo, & ipse etiam Arnulphus, qui Lib. I. Cap. XVIII. narrat, multos ex Optimatibus Italiis, timore Henrici, Papiæ in Regem Italiæ instituti, aut fugisse, aut deditionem parasse. Inter hos autem admodum veritati consentaneum videtur, connumeratos fuisse Alericum atque Mainfredum Fratres; cùm iste postremus minimè legatur comprehensus inter quatuor Marchiones Italiæ, quos *captione unâ ab Henrico constrictos* fuisse, ob fidelitatem præstitam Arduino, testatur Arnulphus Scriptor noster; licèt memoratus Mainfredus Marchio plurimùm potentiâ divitiisque in Italia floreret, quem-

admo-

admodum fusè refert Clariss. Muratorius Part. I. *Antiquitat. Etsnf.*

Septennio post compositum hoc diffidium, idest Anno MXV. Comites duo Vallis Mercuriolæ & Plebis Arzate, qui Mediolano vectigal pendebant, teste Sigonio ad annum memoratum, excussio Legum fræno, Agrum Mediolanensem incurfionibus & latrociniiis fœdè vexabant. Occurrit iisdem opportunè Arnulphus Antistes noster, cui tunc pro munere Archiepiscopalis Dignitatis incumberebat onus publicæ conservandæ quietis, eosque prælio fractos in fugam conjecit; tantâ omnium laude, ut Henricus Imperator universa quæ juris fuerant Hugonis & Brengarii, unâ cum Titulo Comitis, in Ecclesiæ Mediolanensis Archipræfulem benignè transfulerit. Supererant religendi in ordinem Cremonenses Cives, qui contra pactam fidem perduellibus iis Comitibus hospitium auxiliumque præbuerant. Itaque aggressus Arnulphus eorundem Urbem, adeò validâ obsidione illam vallavit, ut occupatis tribus Portis eos adegerit ad renovandam firmandamque iurejurando fidem Mediolano.

Non attitit Ughello hæc in Arnulpho militarium expeditionum frequentia, adeòque claudens ejusdem Vitam, illustrem memoriam tanti Episcopi in ævum duraturam, subscriptâ hac Epigraphe non parùm obnubilavit: *Arnulphus bellicosus spiritus gessit magis, quàm pro Episcopo*. Verùm quid umquam alienum ab Ecclesiastica Dignitate, in qua eminebat, ab Arnulpho gestum est, cùm milites in aciem eduxit ad compescendos tumultus illos, qui Rempubicam perturbabant? Conditio temporum tunc ferebat, ut Episcopi, ceu prima-

ria

ria Civitatum Capita , non tam Lituo pastoralis oves suas regerent , sed etiam militari virga devios reducerent , ac contumaces contererent . Archiepiscopus autem Mediolanensis præter auctoritatem , quam exercebat in populum hujus Metropolis , primus etiam habebatur in Comitibus Principum & Optimatum Italarum , cum de publicis negotiis , seu de novo instituendo vel exauthorando Italiæ Rege consilia agerentur . Quamobrem eidem Præsuli opus erat , militaria quoque vexilla explicare , ut facta testata servarentur jura tum Ecclesiastica , tum Civilia , & publica tranquillitas ubique floreret : Præsertim cum gravibus hisce sumptibus ferendis vires suppetere , quoniam opulenti censibus ac patrimonio Ecclesiam Mediolanensem aliasque Italiæ , Regum & Cæsarum largitas abundè locupletaverat , prout tot Diplomata ab Ughello relata apertè testantur . Nihil tamen apparatus istius bellorum , Pastoralibus muneribus officiebant ; utrique namque huic officio præ ceteris satisfecit Arnulphus , quemadmodum plura , quæ adhuc extant in Historiis , docent testimonia eximie pietatis , diligentie , largitatis erga pauperes & pia Loca , aliarumque Episcopaliū virtutum , quæ in Arnulpho eluxere , atque ejus diuturnam in Sede Mediolanensi moram mirificè exoriant .

Landulphus Senior , editus , ut jam monuimus , Tom. IV. *Rerum Italicar.* , factum narrat perenni memoria dignum . Illud referre placet verbis ipsis hujus Scriptoris , ut securior fides narrationi accedat . Dum Constantinopoli debebat Arnulphus , pro Ottone III. Legatione fungens , ut ex Aula illa in Italiam deduceret Imperatoris Filiam illi desponsam , „ Im-
„ pera-

„ perator Arnulphum , ut secum venatum , quasi ad depel-
 „ lendas corporum gravitudines irer , precatus est. Arnulphus
 „ autem voce benigna , primò paululum tacitus inter se cogi-
 „ tans Ordinem Episcopalem , in quibus se exercere debet ,
 „ tandem dixit : Ego enim a vobis si placet qua hora meas
 „ venationes insequi solitus sum , meis armis meisque mili-
 „ tibus crastinò die mediante ad Vos veniens præparatus ero .
 „ At Imperator de quibus armis quibusque militibus Arnul-
 „ phus dixisset , minimè per Interpretem ipso balbutiente
 „ intellexit. Veniens autem Arnulphus die statuta , Episcopa-
 „ libus indumentis ornatus , cum Stola (sine qua numquam
 „ foris aut in Civitate , ullis negotiis intervenientibus aut
 „ perturbantibus esse solitus fuit) & Chryssa , honorabilis-
 „ simisque Clericorum Ordinibus vallatus , quos secum tulerat ,
 „ & tribus cum Ducibus honorandus pervénit ad Imperato-
 „ rem . Quo viso Imperator permultum inter se admirans ,
 „ videns tantum Virum in Dei opere religiosum , sapientem ,
 „ discretum , atque benignum , aliquantulum quod de vena-
 „ tione dixerat , verecundatus , per omnia laudans atque ma-
 „ gnificans , ac græcè sermone ipsum extollens substitit .
 „ Quod factum Græci Episcopi , Archiepiscopi , Sacerdotes
 „ quamplurimi , qui eo in tempore Curie insitebant , mi-
 „ rantes , erga Latinos tantam religionem minimè fore cre-
 „ dentes , permultum Beatum Ambrosium benedicentes dice-
 „ bant : Decens & competens ratio fuit , ut sicut nos Bea-
 „ tus Ambrosius usque hodie Divinis alit alimentis , scientis-
 „ simisque admonitionibus , uti suos Filios lactè & melle
 „ verbi Dei informat ; sic Dominus Arnulphus , tanti Viri

„ tantique Patroni Successor, suis nos exemplis modò colam, phizando informaret „ . Hæc Landulphus memoratus. Arnulphus quoque Historicus Mediolanensis, in calce Libri primi, obitum Arnulphi Archiepiscopi referens, de Pastoralibus ejusdem virtutibus ista per compendium narrat: *Arnulphus sacerdotaliter suam regebat Ecclesiam, Clerum fovens ac populum, suisque planè vacans negotiis. Hujus beatitudinem plura Ecclesiis tradita commendant beneficia.* Quid clarius ac nobilius dici potest, ut proberetur, impletum opimè fuisse ab Arnulpho Episcopi munus?

Excusationem fortasse prætereptum potuisset Ughellus, quòd nempe Historiæ memoratæ, cum ipse res gestas a Præfulibus Mediolanensibus colligeret ac vulgaret, adhuc manuscriptæ in privatis scriniis laterent. Attamen legere poterat in *Monumentis Basilicæ Ambrosianæ*, a Puricello editis, e quibus ipse multa decerpit, legere, inquam, poterat, quæ Scriptor ille refert num. CXCVII. loquens de Arnulpho II., videlicet eundem celebrari in aliquibus Catalogis & Historiis insigni hoc Elogio: *Vir magnæ Sanctitatis*. Obvia etiam erat Tabula Mediolanensium Archipræfulum a Galefinio adornata, in qua Arnulphus appellatur *Vir pietatis nomine illustis*. Et revera non tam ea, quæ hætenus retulimus, sed etiam religiosa vestigia adhuc sub oculis nostris posita, fidem faciunt singularis venerationis, qua ille Deum & Sanctos colebat, insigne videlicet Cœnobium Monachorum Sancti Victoris Martyris, quibus ille amplas Ædes aperuit, atque ad eorum alimenta non mediocrem copiam frugum assignavit, teste Arnulpho proximè allato.

S

Huic

Huic nostro Archiepiscopo tribuitur a Galeasio & Sigonio laus impositæ capiti Ottonis III. Italici Regni Coronæ. Perperam tamen; fundamentum enim substructum a Sigonio Celebritati huic ab Arnulpho peractæ, ubi de eadem agit ad Annum CMXCV., multum labare ostendimus in Adnotationibus ibidem apposis. Præterea verò prorsus concidit, si animadvertamus, nondum Arnulphum eo anno fuisse Insulæ Ecclesiæ Mediolanensis decoratum, cum nonnisi triennio post, communibus Cleri suffragiis, ad eam recipiendam promotus fuerit, quemadmodum veterum Documentorum fide jam comprobavimus.

Aucta quidem est, Arnulpho Ambrosianæ Ecclesiæ clavum tenente, Civitas Mediolanensis novo ad pietatem incitamento, Basilicâ nempe, quæ a Fulcuyno Conditore, nostro etiam ævo *Fulcorinæ* nomen gerit, Canonicorum Collegio decorata, & in venerationem Nativitatis Beatissimæ Mariæ Virginis Deiparæ extructa. Neque modicum hoc decus est Metropolis nostræ, quod a tot ætro Seculis felicissimo huic Natali cultum præstiterit eâ Solemnitate, quam Fulcuynus ipse in ultimis suis Tabulis (relatis a Clariss. Muratorio Dissertat. LXI. Tom. V. *Antiquit. Ital. Med. Ævi*, colum. CLXXI.) præscripsit, statuens ut in Vigilia Nativitatis Beatæ Virginis, idest septimo Septembris die, Metropolitanus Clerus illuc accederet ad canendum Vesperas, Missamque sequenti mane celebrandam, omnesque a Cardinali Presbytero invitati, juxta temporis illius vigentem apud nos antiquam consuetudinem, prandio exciperentur; cuicumque verò ex Sacris Ministris, qui Celebritati illi interessent, denariorum frugumque

que portio ab eodem Testatore assignata distribueretur. Utrum autem etiam ante hoc tempus inducta in Urbem Mediolanensem fuisset festiva Nativitatis Beatæ Virginis memoria, definire non audemus. Sanè Puricellus in *Dissertat. Nazarian.* Cap. XLV. num. I. nonnulla Calendaria impressa profert, in quibus ista leguntur: *Hæ sunt Vigiliæ a Divo Ambrosio observatæ & commendatæ: Vigilia Sancti Martini Episcopi, Epiphaniæ, Purificationis, Nativitatis Beatæ Virginis Mariæ &c.* Verùm tam alti exordii, præsertim circa Vigilias memoratæ Festivitatæ, nullum solidum fundamentum habemus. Imo repugnare videtur testimonium Sancti Augustini, qui in *Sermone de Nativitate Sancti Joannis Baptistæ* ait: *Hinc attendat Caritas vestra, quàm magni hominis natiuitas facta sit. Natales dies carnis nulli Prophetarum, nulli Patriarcharum, nemini Apostolorum celebravit Ecclesia. Solos duos Natales celebrat, hujus, & Christi.* Fusius de hac re dissertulimus in *Dissertatione pro Sanctis Corporibus Protasii & Gervasii Martyrum Mediolano vindicandis* Cap. I. num. XV. De antiquitate & progressu in universa Ecclesia festivæ venerationis erga Nativitatem Beatæ Virginis Mariæ egregiè & eruditè pro more suo scripsit Cardinalis Prosper Lambertinus, nunc Benedictus XIV. in Libro inscripto: *Annotazioni sopra le Feste di Nostro Signore, e della Beatissima Vergine*, Tom. I. Part. II. num. CXXVII editionis Bononiensis. Consultò ista digessimus, ne Lector aliquis nobis objiciat testimonium Galvani Flammæ, in *Opusculo* impresso Tom. XII. *Scriptor. Ital.*, colum. MXVII; loquens enim ille de Azonæ Vicecomite, cui corvæ erat, imo in ejus

Aula degens, hæc scripsit: *Isto anno fecit incipi Azo Vicecomes, Dominus Civitatis, ad honorem Virginis almæ Festum Nativitatis ejus de mense Septembris, & misit Edictum, ut omnes Civitates & Burgi, vel Terræ nobiles, seu Castra insignia portarent pannos de serico cum Vexillis Communiatum suarum, & in Civitate Mediolani in Ecclesia offerrent: Nemo enim non videt, accipienda hæc esse non pro Festo Nativitatis Beatæ Virginis Mariæ die, sed pro nova Celebritate, quam Azo instituit, advocando in Urbem nostram subditos suos cum propriis Vexillis, ut Festivitas ista nobilius ageretur. Confectæ sunt postremæ Tabulæ Fulcuyni, a nobis superius indicatæ, Anno Henrici Regis quarto, octavo die mensis Octobris, Indictione ingrediente sexta, hoc est Anno MVII, qui clarè nobis innotescit ex chronicis notis, acceptis a Coronatione Henrici I., peractâ Papæ Anno MIV.*

Cum tempus Sedis apud omnes constet, fuisse annorum XIX., mensium IX., dierum VI., dubium est inter Scriptores, quo verè anno Arnulphus e vita migraverit: Siquidem unusquisque sibi præfixit eum annum, in quo expiraret prædictum regiminis spatium, juxta statutum ab ipsis Sedis initium. Nos qui antea publicis Documentis firmavimus præcedentium Archiepiscoporum chronologicam Seriem, constanter asserimus, non posse affigi Arnulphi obitum, nisi Anno MXVIII. Junio mense in finem vergente (non die XXIX. Martii, ut tradit Ughellus), ita testantibus antiquis Catalogis. Hanc Epocham a nobis propositam validè confirmat Heriberti Successoris Diploma, relatum ab eodem Ughello, datum Anno Incarnationis Dominicæ MXL., in quo signatur

tur *anni XXII*. Archiepiscopatus ejusdem . Si autem retro calculus deducatur , clarè intelligimus , Anno *MXVIII*. verè Arnulphum animam Deo reddidisse , & Successori Heriberto locum aperuisse .

Sepultus est in Ecclesia Sancti Victoris Martyris , adnexa Cœnobio Monachorum , ab ipso constructo .



HE-

HERIBERTUS..



Eribertus, seu Aribertus (quemadmodum ipsemet in expeditis relatisque ab Ughello Diplomatis nomen suum promiscuè subscribit) a nobilibus Parentibus sanguinem derivavit, appellatus *de Antimiano*, Loco prope Canturium in Mediolanensi Dioecesi. Ut annum statuant, quo delectus est ad regendam post Arnulphum hujus Metropolis Ecclesiam, in diversa feruntur Scriptores. Optimè collimavit in scopum Papebrochius, Annum MXVIII. assignans electioni Heriberti; atque ita in viam redit, a qua hætenus, ut vidimus, aberraverat. Eandem Epocham nos quoque figimus, freti Chartæ superius memoratæ Donationis scriptæ in favorem Cœnobii Tollenfis Anno MXL., & ab Ughello relatæ, in cujus calce numerat Heribertus vigesimum secundum annum initi a se Archiepiscopatûs.

Veneri Auctores novæ Editionis Ughelli, post allata Papebrochii verba, cum emendandum asserunt, & initium Episcopatûs Heriberti triennio saltem antevertendum affirmant, eo argumento ducti, quod in ejusdem Ughelli Tom. II. Romanæ editionis, pag. CMXCVI., Archiepiscopus iste legatur subscriptus Concilio Romano, habito in Basilica Lateranensi a Benedicto VIII. Summo Pontifice Anno MXV. Ut diluamus difficultatem hujusmodi, quæ decretoria videtur, non multum nobis insudandum esse arbitramur. Siquidem fieri

fieri potuit, ut in archetypo prædicti Concilii initialem tantum nominis sui literam *A* exprefferit Arnulphus, adedque dubium relictum sit, cui ex proximis hisce duobus Archiepiscopis adaptanda foret ea litera, cum uterque ab eadem nomen suum inchoaret. Neque hoc gratitudo in medium adducimus ad opinionem nostram firmandam; in altero enim Concilio, Papiæ celebrato a prædicto Pontifice Maximo Benedicto VIII., initiali solummodo litera *A* subscriptum legimus in Labbeo Tom. IX. *Conciliorum*, Archiepiscopum Mediolanensem: Quapropter ad eluendam omnem ambiguitatis fuliginem opus esse censuere Editores hujus Operis, adnotare in margine *Arnulphus*, vel *Aribertus*. Cum autem Charta Ariberti indicata superius, clarè enunciet, vigesimum secundum annum Archiepiscopatus ejusdem decurrissè Anno MXL., manifestum sit, Anno tantum MXVIII. fuisse illum ad hanc Sedem promotum; alioquin anni XXV. saltem numerandi fuissent, cum tunc Charta prædicta condebatur. Itaque ut duo hæc Documenta illius ævi inter se pugnantia ad veritatem concilientur, dicendum est, errasse primum exscriptorem Concilii Romani, qui conceptæ opinioni suæ nimium blandiens integrum nomen *Ariberti*, literæ initialis loco substituit. Cum autem securo fundamento innitatur, supervacaneum videtur, reliqua dissentientium Auctorum meditata circa exordium Pontificatus Heriberti ulterius discutere.

Varias modò aridentis, modo adversæ sortis vicissitudines pati in suo regimine debuit hic Præsul. Primò enim sub piissimo Imperatore Henrico placidè Mediolanensi Ecclesiæ præfedit; si excipias brevem contentionem habitam cum Epi-

Episcopo Ticinensi, de qua sermo erit inferius. Eodem verò Henrico cœlesti Patriâ donato, agitari cœpere consilia in Comitibus, ab Heriberto Archiepiscopo indictis pro novo substituendo Italiæ Rege; cùmque in diversa Principes & Optimates abirent, in Germaniam Anno MXXIV. *solus* se contulit, ibique (ut tradit Ughellus) Conradum *Cæsarem* salutavit, eidemque *Augustalis detulit ornamenta*. Fallitur tamen Clarissimus Scriptor, cùm eo anno Conradus, Rex tantùm Germaniæ inunctus, nondum *Cæsaris* nomen sumpisset; neque ad Archiepiscopum Mediolanensem *Augustalis ornamenta deferre* umquam spectaverit. Quòd autem *solus* illuc perrexerit, Italiæ Regnum Conrado oblaturus, diversa prorsus refert Wippo, a Struvio editus, qui præsens erat huic electioni in Urbe Constantiæ; ait enim: *Ibi Archiepiscopus Mediolanensis Heribertus cum ceteris Optimatibus Italicis Regi occurrerant, & effectus est suus, fidemque sibi fecit per sacramentum, & Obsidium pignus*. Quidquid tamen sit de hisce dissonis narrationibus, accepta plurimùm Conrado fuit spontanea hæc Coronæ Italiæ oblatio; utque benevolum gratumque animum suum erga Archiepiscopum nostrum ostenderet, præter plurima dona, Laudensem Episcopatum eidem concessit, ut *sicut consecraverat, ita investiret Episcopum*, Arnulpho testante Libr. II. Cap. II.; Idque contigit Anno MXXV., non præcedenti, ut censuit Ughellus.

Post reditum Heriberti in Italiam, Conradus quoque e Germania proficiscens Mediolanum ingressus est, atque ab eodem Archipræsule solemnî pompa exceptus, Italici Regni Coronâ, in Sancti Ambrosii Basilica de more præcinctus fuit

fuit Anno MXXVI. Sigonius post relatam Mediolanensem Coronationem subjungit, voluisse Conradum Coronâ ferreâ redimiri in Oppido Modoëtiensi, juxta antiquum morem, ut ipse ait. Struvius tamen in *Sintagm. Histor. German.* Tom. I. recitat Sigonii verba, ac statim subdit: *Hujus facti memoriam reperire apud antiquos nondum licuit.* Eadem habet Flavius Blondus Decad. II. Libr. III., qui licet fabulosa narret de Constitutione, a Germanis Principibus editâ ob duplicem Coronationem, Mediolani ac Modoëtiæ suscipiendam in itinere Romam versûs, ut ibi Cæsareo diademate praeingerentur, loquens de illa Conradi candidè profitetur, nullum de hac vestigium reperiri, inquires: *Conradus Italiam ingressus, Modoëtiam-ne adierit, non invenimus.* Idem silentium occurrit in Arnulpho Scriptore coevo Rerum nostrarum. Quocirca Calchus in *Historia Patria*, unicam Coronationem, nempe Mediolanensem, de Conrado agens enunciat.

Liceat nobis hoc loco referre, quod Wippo Scriptor Vitæ Conradi, & ejusdem itinerum comes testatum reliquit his verbis: „Eo tempore (nempe Anno MXXVI.) maximus calor Italiam vexabat, itaut animalia multa & hominum multitudo inde periclitaretur. Rex verò Chuonradus nemini cedens, nisi soli Deo, & caloribus æstivis, ultra Atim fluvium (la Tosa in Lacum Verbanum influens) propter opaca loca & aëris temperiem in montana secessit, ibique ab Archiepiscopo Mediolanensi per duos menses & amplius regalem victum sumptuosè habuit. Hinc autem compertum fit, quantâ magnanimitatis & opulentiae amplitudine polleret Heribertus, cum hospitaes Aides

aperuerit Germaniæ & Italiæ Regi, nobilissimo Aulicorum comitatu stipato, ac tamdiu ære proprio magnificè illum Aulamque totam aluerit.

Incunte Anno MXXXVII. progressus iterum in Italiam Conradus, simul cum Heriberto Archiepiscopo Romam contendit, ubi exceptus a Joanne XIX. Summo Pontifice, eique oblatas, Augustale diadema simulque Cæsaris nomen est consecutus. Dum hæc Celebritas ageretur (ut narrat Arnulphus) dissidium exortum est inter Archiepiscopum Ravennatem, & Mediolanensem; Ille enim proprio veluti jure dexteram Conradi sacro Chrismate inungendi, præsumpsit arripere: Contra verò Mediolanensis, ne communes plausus cum privatis jurgiis miscerentur, abstinuit a contentione, atque inde recessit. Fieri tamen nequivit, quin adstantium murmur & strepitus audirentur; quos Rex Conradus percipiens, sciscitatus est, quam ob causam excitatus esset tumultus ille. Intellectâ autem Ravennatis insolentiâ, hæc verba stans protulit: „ Certum est quidem, Reverendi Patres, „ quia sicut privilegium est Apostolicæ Sedis Consecratio Imperialis, ita Ambrosianæ Sedis privilegium est Electio & „ Consecratio Regalis. Unde ratum videtur, ut manus quæ „ benedicit & prius Coronam imponit Regni, si præsens affuerit, repræsentet Regem ad Imperium promovendum Sancto Petro ac ejus Vicario: quatenus Ambrosiano testimonio jure possit imperare, qui Ambrosiana Consecratione dicitur & coepit regnare. „ Annuit quoque Pontifex Maximus cum reliquis Episcopis ibi adstantibus; datusque est locus ille dignior Arderico Vercellenfi Episcopo, qui vices absentis

sentis Metropolitani sui gessit, *ut pater in filio, & Magister videretur in discipulo*, quemadmodum refert Arnulphus Cap. V., qui etiam subjungit, post aliquot dies convocatam fuisse a Joanne XIX. Synodum Episcoporum, qui tunc Romæ aderant, ibique statutum, ut in omnibus negotiis Pontificalibus Ravennas nullo modo Antistiti Mediolanensi se præferat; & si fortè præsumpserit, Canonica legi subjaceat. Constitutio ista in Labbeo desideratur; sed Arnulphus idem profiteatur, se ex hujus Concilii authentico Codice pauca hæc decerpisse.

Altera contentio emerfit, quæ Archiepiscopum nostrum plurimum exagitavit. Superiùs memoravimus, collatum fuisse Heriberto, a Conrado electo in Regem Italiæ, jus in Laudensem Episcopatum. Itaque ille, mortuo Nocherio illius Urbis Antistite, unum ex Cardinalibus Metropolitanæ Mediolanensis Ecclesiæ, nomine Ambrosium, illius Sedis Successorem instituit. Verùm obstitere Laudenses, animoque in repulsam obfirmato, adigi numquam potuerunt, ut eundem admitterent. Quamobrem indignatus Heribertus militares copias expedit, eorumque Urbem arctâ obsidione circumdedit; ac tandem obrinnit, ut fracti diurnâ vexatione Cives Ambrosium intra mœnia receptum, ad Episcopale Solium deducerent: In quo postmodum tantâ virtutum omnium luce enituit, ut pertinaciæ suæ illos puderet, & usque ad sepulcrum eximiâ semper veneratione atque amore eundem sint profecuti. Mansit nihilominus altè pectori infixum hoc telum, injuria nempe, qua se affectos arbitrabantur ob cinctam obsidione illorum Urbem, coactosque Cives inviso jugo colla

submittere. Quapropter caprà occasione Valvassorum Mediolani, qui contra Heribertum caput erexerant, & vexilla in castris explicuerant, a jurata eidem fide descivere, junctisque copiis cum rebellium Civium Mediolanensium exercitu, ad arma conclamaverunt. Decertatum est in *Campo*, appellato *Malo*, prope Mottham, magnà utrinque cæde, & considerato in ea pugna Episcopo Olderico. Hunc Oldericum existimavit Ughellus, fuisse Laudensem Antistitem, quem ipse putat a Civibus illis delectum, ut Ambrosio Mediolanensi, ab Heriberto in Episcopum iis dato, locus intercluderetur. Attamen hallucinatus est, ac proflus a vero aberravit. Si quidem Præsul ille, qui in prælio *Campi mali* cecidit, non Laudæ, sed Astæ Episcopus erat, Mediolanensi Archipræsuli fœderatus, quemadmodum clarè docet Arnulphus cœvus Libr. II. Cap. XI. Alterum errorem hausit Ughellus a Sigonio, qui Libr. VIII. de *Regno Italiae*, initum fuisse prælium apud *Campum Malum* Anno MXXXV. tradidit. Verùm animadvertens in Documentis Astensium Episcoporum enunciaci mortem Olderici, & Sepulcrum Taurini sub Annum MXXXVI, atque ideo minimè componi posse annum pugnae a Sigonio statutum, cum anno obitus Astensis Olderici, novum Oldericum a Laudensibus ad Episcopale Solium evectum, sibi in mentem induxit. Revera tamen & prælium *Campi Mali*, & cædes Astensis Præsulis contigit Anno proximè indicato MXXXVI, testibus Arnulpho, & Wippone in Vita Conradi, aliisque illius ævi Scriptoribus.

Hoc autem loco non incongruum arbitramur referre quod superius innuimus, scilicet contendere debuisse Heribertum
etiam

etiam cum Episcopo Ticinensi Eusebio, pro tutanda integritate antiqui jura Ecclesiæ Mediolanensis, etiam antequam Henricus Imperator vitâ decederet. Rem prout accidit, narrat Landulphus Senior, Seculi XI. Scriptor Libr. II. Cap. XXI. Indixerat Henricus Imperator, redux ab Apuliæ aliarumque Urbium finitimarum suscepta expeditione, Colloquium in Roncaliis, ad quod vocaverat Italicos Antistites & Optimates. Cum ecce Papiensis Episcopus Eusebius illuc accessit, prælatâ ante ipsum Cruce. Ut eminus hunc vidit Heribertus, rei novitate perculsus constitit; illumque obvium habens gravi sermone coarguit, quod auctoritatis suæ limites prætergressus fuisset, & posthabita Ambrosianæ Ecclesiæ reverentiâ, apparatu, qui a Suffraganei conditione abhorrebat, coram Metropolitano sisti non vereretur. Commoti quoque animo Præfules Procereque circumstantes, eundem incusare de violata Metropolitici culminis Dignitate; tanto Eusebii pudore, ut facti sui poenitens Crucem deposuerit, quæ in Secretario Ecclesiæ Mediolanensis recondita postmodum fuit, in testimonium Posteris relatâ contra audacem Antistitem Ticinensem ab Heriberto victoriæ. Clariss. Muratorius Tom. I. *Antiquit. Ital. Med. Ævi* Cap. ultimo, scrutari satagit tempus, quo ista contigerint, & reponenda censet in eo annorum spatio, quod effluxit ab Uberto Ticinensi Episcopo (verius Raynaldo, ab Ughello reperto, ac ceteris Episcopis addito) ad Guidonem II. Non videmus tamen, cur tam longè protendere debeamus dubitationis hujus limites; Auctores namque cœvi apud Pagium, uno calamo consensuque susceptum ab Henrico iter in Apuliam, & reditum

ditum ad Insubres Civitates affigunt Anno MXXII. ; quo posito nemo non videt , Colloquium habitum in Roncaliis referri debere ad Anni ejusdem exitum ; aut ad exordium sequentis ; cum inde Henricus se Germaniæ restituerit , biennio post terris ereptus ac Cælo donatus .

Acerbius infortunium , quod serenos regiminis Heriberti dies atrâ procellâ obnubilavit , profectum est ab inconstantia animi Conradi Imperatoris . Cùm enim bellum incœptam a Valvassoribus contra Archiepiscopum Mediolanensem . (ut superius retulimus) semper acrius increbresceret , & cuncta cœdibus fœdarentur , Heribertus miseratione Gregis sui tam crudeliter discepti intimè tactus , ut pace securâ dissidentes animos componeret , ad Conradum confûgit , quem propitium semper votis suis expertus fuerat , illumque invitavit , ut in Italiam armatus descenderet . Annuit quidem Conradus ; verùm quem Archipræsul noster adiutorem expectabat , habuit inimicum . Siquidem statim ac fines nostros attigit , seu aliqui de fide Heriberti conceptâ suspicione , seu malevolentâ invidorum ad iram concitatus , dum in Placito , Papæ indicto ad controversias tollendas causasque dijudicandas consideret , in custodiam mitti jussit Archiepiscopum , qui immutationis hujus inscius , tamquam ad Amicum sese illuc contulerat : Quinimo privilegium in Laudensem Episcopum , antea illi sponte concessum , prorsus abolivit .

Inhorruere ad hanc Præsulis sui captivitatem amantissimi Cives ; Nobiles verò per finitimas Urbes concursare , ut Italiæ populos ad arma contra Conradum excitarent ; dum interim Sacerdotes & Monachi , necnon Sanctimoniales susus
ad

ad Deum precibus, jeuniis, ac pœnitentiæ exercitationibus Pastori suo libertatem pristinam a Patre misericordiarum enixè implorabant. Nec irrita fuere publica hæc vota; ductus namque ad Trebiam prope Placentiam Heribertus, adjuvante Abbatissa Sancti Xisti, ab ipso olim consecratâ, e manibus Custodum incolumis evasit, effusissimo populi gaudio Mediolani exceptus. Nobile inventum, quo prædicta religiosa Fœmina curavit, ut Archiepiscopus Mediolanensis militares vigilias eluderet, accuratè descriptum legitur in eodem Landulpho Libr. II. Cap. XXII., & seq., pressius autem in Arnulpho Libr. II. Cap. XII., Seculo eodem scribentibus.

Ut fugæ hujus nuncium intellexit Conradus, infremuit, irâque impotenti succensus, in universos Mediolani Cives odium & arma convertit, validâ militum manu Metropolim nostram obsidens oppugnantque. Neque hac indignationis suæ significatione contentus, jura omnia Episcopalia ab Heriberto abrogavit, Ambrosium quemdam, Mediolanensis Ecclesiæ Canonicum in ejusdem locum substituens, teste Wippone. Verùm minax hic turbo in auras evanuit; soliditas namque murorum & præstantia Civium vacuos inanesque reddiderunt assultus omnes Conradi, adeò ut coactus sit inde recedere. Itaque ignominie ruborem non capiens, in agros, viocos, & Oppida circumjacentia rabiem effudit, universa igne ferroque devastans; tantâ insanie licentiâ, ut nec ipsis Sacris Ædibus parceret, in eas equos inferens, & verendas cœlestibus quoque Spiritibus Aras in jumentorum stabulum impiè convertens. Non tulit hanc injuriam Supremus ultor Deus, pœnaeque illico exegit. Præstat has referre verbis ipsis

ipſis Wipponis , qui exterrito animo ſuiſque met oculis inſpexit vindicem Summi Numinis iram . Ait igitur : „ Dum „ Imperator quoddam Caſtrum Sancti Ambroſii , quod Cur- „ bitum dicitur (apud Landulphum noſtrum legitur *Curia- „ piſta* , nunc *Corbetta*) juxta Mediolanum obſideret , accidit „ ibi quod plures pro miraculo habuerunt . In Dominica „ Sancta Pentecoſtes , ante horam Tertiam , de magna ſere- „ nitate Cœli ſubitò fulmina cum tonitruis eruperunt tantæ „ fortitudinis , ut multa pars hominum & equorum periret in „ Caſtris . Quidam præ tanto terrore in exceſſum mentis vene- „ runt , itaut poſt aliquot meſes vix illi ſenſus rediret . „ Venientes autem qui extra caſtra fuerant , nec vidiffe nec „ auდიſſe aliquid tale dicebant „ . Addit Puricellus plurimum teſtimonio fretus , Sanctum Ambroſium apparuiſſe Branoni Epifcopo Sacra facienti , vultuque iram ſpirante , in Impe- ratorem , qui adſtabat , converſum , ſtriſtum manibus gladium , minitantis in modum , contra eum intendiſſe . Porro de hac re coævi ſilent Scriptores ; cùm tamen Wippo fateatur , repentinum eum turbinem a pluribus fuiſſe pro miraculo ha- bitum , non alienum a veritate cenſeri poteſt , ſua huic Tra- ditioni fundamenta minimè deſuiſſe . Id autem pro certo ha- benus , terrore correptum Imperatorem , tentoria reſixiſſe , atque unà cum copiis ſuis Papiam commiſſaſſe .

Hermannus Contractus , & Auctor Chronici Hildenſhei- menſis apud Pagium , ad Annum MXXXVIII . , rem ab aliis ſynchronis Scriptoribus omiſſam reſerunt , nempe Benedictum IX. Summum Pontificem poſt juſtas crebras admonitiones , com- muni Epifcoporum decreto in Paſchis excommunicationis telum

Heri-

Heriberto Archiepiscopo infixiſſe, quod Imperatori Conrado rebellis foret. Addit verò Hildensheimenſis Chronographus, *Heribertum nihilominus in ſua obſtinatione perduraſſe, & Imperatori pro poſſe, in omnibus per præſentem, & etiam ſubſequentem Annum (MXXXVIII. & XXXIX) incommodaſſe.* Admirationem nobis inſecit gravis hæc pœna, in Antiſtitem noſtrum illata a Pontifice Maximo, cùm de eamēto nulla in Annalibus noſtris, & etiam in antiquis Scriptoribus, ut Pagius fatetur, occurrat. Fortaſſe indoluit Benedictus IX., exprobravitque Heribertum, pertinaci bello infeſtantem Conradum Imperatorem, qui inſignia Romæ dederat experimenta Chriſtianæ Religionis. Siquidem cùm quidam ex Principibus Romanorum (verba ſunt Rodulphi Glabri) conjurantes in Papam Romanum, cupientes illum interimere, ſed minimè valentes, a Sede tamen propriis expulcrunt &c. Verùm tam pro hac re, quàm aliis inſolenter patratæ, Imperator illuc proficiſcens, propriæ Sedi reſtituit. Porro Heribertum opinatum fuiſſe cenſemus, ſe juſta de cauſa adverſus Conradum arma moviſſe, tum propter vincula captivitatis in illum injecta, tum propter Urbem Mediolanenſem obſeſſam, animo eandem excindendi, & vaſtationem agris Oppidisque circumjacentibus, ferro & flammis miſerrimè illatam, ut jam ſuperius memoravimus.

Longè poſito, & citò etiam e vivis erepto Conrado, nondum tranquilla & conſtanti quiete frui potuit Heribertus; amoro namque Imperiali hoſte, domeſticum bellum exarſit; quod ut dilucidius fiat, recolendum eſt quod ex Sigonio ſuperius retulimus in Landulpho II. Archiepiſcopo Media-

nenſi, excitatum primò tunc fuiſſe civile diſſidium inter Nobiles, Plebemque; eoque veneno ſemel infectam Civitatem noſtram, nonniſi poſt integra Secula convaluiſſe. Igitur antequam Heribertus e vivis excederet, recrudit hoc vulnus. Siquidem cum nimium inſolenti arrogantia ſe gererent Nobiles erga vilioris conditionis homines, & quadam die unum ex hoc cœtu jurgiis ac ferro malè habuiſſent, reliqui ex vulgo inſurrexere, atque rei indignitate Commoti, arma ſumpſerunt injuriam vindicaturi; tantumque in ultionis propoſito perſiſtere, ut neque plurium menſium atque annorum decurſu, ſervens in compitis ſeralis hic ardor extingui poterit. Heribertus pro Paſtorali ſuo munere ſe totum impendit exhortationibus, precibus, paterniſque blanditiis, ut inſanabilem hunc tumultum ſedaret. Sed, cum animadverteret, fruſtra ſe laborare, ne odium aut Nobilium aut Plebis in ſe converteret, Modoetiam profectus eſt. Interim verò validior facta ob ſuccreſcentem multitudinem Plebejorum factio ita prævaluit, ut adacti fuerint Nobiles cum uxoribus, liberis, ac ſupelleſtile Urbe excedere. Non depoſuere tamen vindictæ deſiderium; ſed collectis hinc inde Amicorum auxiliis, Mediolanenſem Metropolim valida obſidione cinxerunt. Triennio domesticum hoc bellum perduravit; donec Lanzo miles, quem ſibi Plebs Ducem delegerat, ægris oculis ſerens inſtruoſam Patriæ ſuæ tam inſeſtino diuturnoque odio laceratæ calamitatem, ut teſtante Landulpho nulla dies ſine ſanguine abſcederet, Henricum II, Conradi Succellorem adiit, atque ab eo ſubſidium quatuor millium Equitum (non quatuordecim millium, prout perperam tradit Sigonius) impetravit.

Ve-

Verum reversus in Patriam , reque melius perpensâ , colloquium cum Nobilium Ducibus habuit , profecitque adeo , ut absque novo hoc oneroso militum exterorum augmento pax felicissimè fuerit conciliata . Referunt hæc omnia memorati Scriptores Arnulphus & Landulphus Senior .

Ughellus hæc historicis fontibus cum ista scriberet (non tamen Sigonio) destitutus , rem omnem pervertit ; ait enim : *Heribertus Henricum II. Conrado suffultum coronavit , quem paulo post Mediolanum obsidione cinxisse , agris oculis intuitus est ; cujus excidium ne iterum oculis usurparet , concessit Modiciam ; ubi jam graviter senescenti contigit videre verum conversionem tranquilliorē , cum minùs posse sperari videretur .* Collatam fuisse Regi Henrico II. Italiæ Coronam ab Heriberto , non ita facile quisque in antiqua eruditione versatus admitter . Tristanus Calchus Libr. VI. celebritatem hanc Anno MXLIII. actam fuisse a memorato Archipræfule credidit , nixus Diplomate a se inspecto , Immunitatis concessæ Ecclesiæ Sancti Felicis eo Anno , ut ipse tradit , expedito . Carolus tamen a Basilica Petri Libr. II. *Novariæ Sacra* , id referendum esse affirmat ad Annum' MXLVI. , quo jam Heribertus e vivis excefferat , & Henricus in Italiam verè se contulit . Et sanè illius ævi Historiæ , Pagius , Sigonius , aliique hoc tantùm tempore profectionem e Germania , a Rege Henrico Conradi Filio susceptam adnotavere . Quòd autem Mediolanensem Urbem Rex ille obsederit , non opus est refellere , cum prorsus veritati repugnet , quemadmodum allati superius Auctores manifestum fecerunt ; & obsidio ista non Germaniæ Regis , sed Nobilium Civium in Plebem furentium vindictæ opus fuerit .

Jam verò ut ad reliqua recensenda virtutum ornamenta, quibus illustrem admodum reddidit Pontificatum suum Heribertus, sermonem convertamus, illud præ ceteris immortalæ memoria dignum est, quod relictum posteris ab hoc Archiepiscopo in exemplum admirandæ Caritatis erga pauperes, præsens in nostra Urbe testis Landulphus Senior Libr. II. Cap. XX. *Hist. Mediolan.* chartis commisit. Cum enim ingravesceret per universam Italiam annonæ penuria, atque ideo hujus Metropolis Cives fame rabida affligerentur, Heribertus ut inopiæ Gregis sui opportuno subsidio confuleret, octo mille panes mixturæ & cereris per unumquemque diem summo mane distribui jussit, & culinariæ rei præfectis pariter mandavit, ut octo leguminum modios quotidie coquerent, in eleemosynam egenis ministrandos. Quin etiam, ut Landulphi verbis utamur, *omni mense circa Calendas, nummos multos & novas vestes propriis manibus dabat*. Neque parvo temporis spatio effusa hæc largitas in liberalissimo Antistite emicuit. Cum enim fames ista per XX. annos hanc Provinciam vexasset, ab Anno nempe MVI., usque ad Annum MXXVI., per octo saltem annos ab inito Archiepiscopali munere, horrea sua & nummarias arcas aperire debuit amantissimus Ovium suarum hic Pastor, fidem faciente Landulpho jam dicto.

Nec minori luce enituit Religio & amor, quo Heribertus in Deum & Cœlites ferebatur. Viget incolome in hunc diem insigne ejusdem sacre magnificentiæ monumentum, Cœnobium nempe prope Ecclesiam Sancti Dionysii, tunc extra mœnia, a fundamentis erectum, in quod Archie-

chiepiscopus iste novam Monachorum Coloniam induxit, ut quotidie Æterno Patri Divinam hostiam litarent, & perpetuas Sanctis Dionysio & Aurelio Episcopis laudes perfolverent; Et ne penuriâ aliquando laborarent, paternos Censūs ac prædia liberali dono in eorum jus transtulit, expedito Diplomate, in quo (ut ait Calchus) *perborrendo Editio sanxit, ne quis ullo umquam tempore alia a se immutaret*. Fallitur tamen Clarissimus hic Auctor, statuens Monasteriū hujus San-Dionysiani initium Anno MXXXIII.; Puricellus namque Diploma erectionis a se perspectum fuisse testatur in *Monument. Basil. Ambros.*, num. CCXXVIII., illudque etiam vulgavit Cap. ultimo *Vitæ Sancti Herlembaldi*, in quo superiles memoratur Magnus Henricus Imperator, adeoque ante Annum MXXIV., qui Vitæ hujus Imperatoris postremus fuit. Hinc manifestum fit, primum illius Cœnobii lapidem, decennio saltem ante, jactum fuisse. Certè Mabillonius in *Annalibus Ordinis Sancti Benedicti* Tom. IV., sub primos annos Archiepiscopatus Heriberti conditum tradit Sancti Dionysii Monasterium.

Neque hoc unicum fuit vigentis in Heriberto eximiæ Religionis indicium. Alios quoque adjuvit in amplificando Dei cultu, novisque excitandis Ecclesiis, ut vota sua eidem offerre quotidie possent Fideles, quemadmodum enarrare profequitur Clariss. Mabillonius ad Annum MXXVIII. Cum enim ad hanc Metropolim se contulisset quidam Civis Aurelianensis, nomine Ansegifus, & benignè acceptâ ab Archiepiscopo nostro facultate, Ecclesiam in honorem Sepulchri Domini ædificasset prope Vicum Trinade (vulgò *Ternato*)
hæud

haud procul ab Oppido Befurio, Agri Mediolanensis, rogatus Heribertus eandem solemnī ritu consecravit. Subsequentibus autem quamplurimis signis, quibus Dominus dignatus est ostendere, sibi placitum fuisse religiosum hoc munus, Archiepiscopus noster de consensu Cardinalium Ecclesiæ Mediolanensis, Locum illum, & eleemosynas a densis populorum illuc confluentium turmis collatas, eidem Anse-giso dono concessit, dato Diplomate, quod in Puricello pariter, loco laudato legitur, sub num. CCXXIII.

Alterum documentum profert Ughellus, ex quo colligimus, ab Heriberto donatas fuisse duas Cartes cum omnibus adnexis juribus, Abbati & Monasterio Tollenſi, in obsequium Supremi Numinis, atque in animi sui grati testimonium, quod captivus a Conrado factus, & prope hoc Cœnobium in custodia militum detentus, singulari Dei beneficio, & ope etiam Abbatis ibidem ab eo constituti, incolumis a tam gravibus periculis evasisſet.

Demum, ut alia hic omittamus, de quibus mentionem agemus in referendis ultimis ejusdem Tabulis, id unum, piissimi animi erga Dei cultum monumentum proferre, necessarium censemus, scilicet inductam fuisse ab Heriberto in militaria quoque castra religionem. Siquidem primus vehiculum quoddam excogitavit, appellatum subinde ab Italis *Carrociū*, in cujus medio vexillum procero malo affixum dependebat, venerandam Imaginem Crucifixi depictam referens. Trahendo huic Curruī subdebantur altioris formæ Bo-ves, candido operi panno, ipsumque validiori præstantes robore militum cohortes circumſepiebant. Nec deerant Sa-cer-

cerdotes, qui præsto essent morientibus, & Sacramenta accepto gravi vulnere laborantibus subministrarent. Accuratam hujus *Carroci* descriptionem Libr. VIII. *de Regno Italia* Sigonius, atque *Historiæ suæ Cremonensi* Antonius Campi (qui etiam typum exhibet) inferuerunt.

Celebre etiam redditum est Archiepiscopi Heriberti regimen, ob enatum eo tempore Religiosum Ordinem Humiliatorum. Epocham hujus novæ Institutionis alii sub Conrado Salico, aut Henrico V. Germaniæ Rege inceptam scribunt; alii vetò graviore anachronismo, sub Federico Ænoarbo jacta fuisse fundamenta memorati Ordinis tradidere. Securius sententia ea est, quæ Anno MXIX. ejusdem exordium figit. Hanc amplexi sumus & firmare contendimus in *Historia Typographico-Literaria Mediolanensi*, ad Annum MCDLXXXIII., quam Lector consulere poterit, cum hic non vacet, de inexplorata adhuc hujus Instituti origine progressuque plura disserere.

Præterire nolumus, quod Clariss. Mabillonius dignum censuit, ut in *Annales* suos inferretur sub Annum MXXVIII., convocatum videlicet fuisse ab Heriberto Archiepiscopo Monachorum Sancti Benedicti Conventum, ad componendos eorum mores juxta purioris disciplinæ & Regularum leges, simulque ad dirimendas lites circa prædia, quæ ipsis largiti fuerant tum Reges tum Archiepiscopi; ut in posterum quietè ac commodè rebus Divinis vacarent. Chartam ejusdem Archipræfulis manu firmatam, omnia hæc complectentem, edidit Puricellus in *Monum. Bas. Ambros.*, num. CCXXII.

Ultimæ Tabulæ, quas integras recitat nunquam sati-
lau-

laudatus idem Puricellus, num. CCXXIV., manifestius semper, ut superius innuebamus, religiosissimum Heriberti animum produunt. Siquidem celebrioribus omnibus tum intra tum extra Urbem Ecclesiis, ac Cœnobiis Monachorum & Sanctimonialium aut prædia & castra, quæ juris ejusdem erant, aut numeratam pecuniam in eleemosynam legavit, ut Deo laudes decantarent, animæque suæ & suorum fuis omni anno precibus suffragarentur. Cùm autem plura ex ibidem designatis Cœnobiis, nominibus quæ tunc vigeant atque in præsentia obsolescere, appellarentur, campum hinc sibi aperuit memoratus Puricellus, ut eruditionem suam effunderet, & eadem explicando antiquitatem illustraret.

Morti proximus alterum condidit Testamentum, in quo hæredes ex asse paternorum Bonorum Nepotes & Pronepotes suos declaravit; uno tantum ipsis onere imposito, ut scilicet Monasterio Sancti Ambrosii quolibet anno erogarent libras duas argenti, ad celebrandos solemniore pompâ dies festivos, eidem Sancto Patrono dicatos. Hæ quoque Tabulæ recitantur a Puricello in *Monum. Basil. Ambros.*, num. CCXLV.

De temporis spatio, quo Mediolanensem Ecclesiam administravit Heribertus, nulla est inter Scriptores dissensio, cùm æquè antiqui & recentes Catalogi annos XXVII. enumerent. Obiit die XVI. Januarii, Anno MXLV., quemadmodum nos docet Inscriptio, Lapidi Sepulchrali insculpta hisce carminibus:

⊕ HIC JACEO PULVIS, CUI QUONDAM CLARUIT ORBIS.
TUNC HERIBERTUS ERAM, NIMIOQUE DECORE VIGEBAM,
OFFICIO PLACIDI FUNGEBAR PRÆSULIS ALMI,
NUNC TUMULOR SERVUS SERVORUM CHRISTE TUORUM:
PRO MERITIS HORUM TIBI DIGNE' COMPLACITORUM,
SANGUINE QUÆSO TUO MIHI TU MISERERE REDEMPTO:
HUC VENIENS LECTOR SIBI DIS: IGNOSCE REDEMPTOR,
ET VIVENS VITA REQUIESCAT SEMPER IN IPSA.

OBIIIT ANNO DOMINICÆ INCARNATIONIS MILLESIMO
QUADRAGESIMO QUINTO, DECIMASEXTA DIC
MENSIS JANUARIJ, INDICTIONE
DECIMATERTIA.

Non acquievit antiquo huic testimonio Puricellus, asserens in fine num. CCXLVIII., Heriberti mortem transferendam esse ad Januarium mensem Anni sequentis MXLVI.. Opinionem istam validè (ut arbitramur) oppugnavimus in Adnotationibus ad Sigonium *de Regno Italiae*, sub Annum. MXLIV. tum auctoritate Landulphi tunc in hac Urbe viventis, tum etiam ex Epocha Pisana, quæ eo Seculo in Italia frequenter usurpabatur, tum denique ex consuetudine, Sigonio præsertim familiari, annum inchoandi a Natalis Domini Solemnitate.

Sepultus est in Basilica Sancti Dionysii, cujus Cœnobium ipse construxerat.

Antequam calamum hinc removeamus, abolenda est macula, quam Heriberti famæ immeritò ac falsò inusserunt

X

Gal-

Galvaneus Flamma in *Chronico*, & Bernardinus Corius in sua Italica Historia, uxoratum scilicet fuisse Heribertum Archiepiscopum; asserentes etiam, vestigium adhuc extare in Vinca, contigua Monasterio Sancti Dionysii, nomen ferente *Uffris*, ob uxorem prædicti Antistitis, quæ ita appellabatur, quæque eandem, utpote juris sui, religiosus Viris in eo Cœnobio degentibus in perpetuum legaverat. Fabula hæc per vulgi ora, in præsentia quoque excurrit. Verum quàm iniquus sit hujusmodi rumor, constat ex iis, quæ Puricellus in *Vita Sancti Herlembaldi* Cap. XCII. profert, & quæ Pagius ad Annum MXLV. addit, affirmans nullum umquam ex Archiepiscopis Mediolanensibus incontinentiæ labe fuisse notatum a cœvis Scriptoribus, neque ab ipso etiam Sancto Petro Damiani, misso Mediolanum a Romano Pontifice, ad extirpandam a ceteris Sacerdotibus hujus Metropolis, perversam conjugiorum licentiam.



V I D O.



Ingredimur campum, scrobibus sentibusque
asperum obstitumque, ætatem videlicet illam
calamo attingentes, qua Clerus Mediolanen-
sis non tam Simoniaca lue qua Italia fer-
me omnis inficiebatur, sed etiam Nicolai-
tico morbo miserrimè contabescerat. Id in-
super ætumnas nostras augebat, quod nempe Ecclesia Me-
diolanensis quatuor simul Archiepiscopos pati debuerit, uno
tantum ex iisdem legitimè electo, sed numquam con-
secrato.

Primus ad viam huic malo aperiendam fuisse dicitur
VVido, seu Guido, Heriberti Successor. Cum enim, Sede
vacante, quatuor ex Ordine Majori insignes doctrinâ ac pie-
tate Viri a Civibus propositi fuissent, iique unâ cum Le-
gatis Mediolanensium Solio Henrici Germaniæ Regis adstite-
rent, ut qui acceptior eidem foret, per virgam & an-
nulum, pro mote illius temporis, Archiepiscopus institue-
retur, VVido qui ob revelatum criminosè (ut ait Landul-
phus Senior) quoddam Heriberti arcanum eundem Henri-
cum sibi propitium reddiderat, oblatâ pecuniâ Mediolanen-
sem Cathedram impetravit. Galestinus hunc VVidonem, Ec-
clesiæ Mediolanensis Canonicum Ordinarium appellat, & Re-
gis Henrici a Secretis; Arnulphus tamen eo tempore in hac
Urbe degens, dum primò loquitur de VVidone, hæc habet;
Henricus neglecto nobili ac sapienti primi Ordinis

Claro, idiotam & a rure venientem elegit Antistitem, cui nomen fuerat VVido; statimque subdit Davidicum illud Psalm. LXXVII. Revera sustulit eum de gregibus ovium, & de post fœtantes accepit eum.

Diem & annum, quo VVido in pleno Legatorum Mediolanensium & Principum Germanorum Confessu renunciatus est ab Henrico Ambrosianæ Ecclesiæ Archiepiscopus, nobis servavit Landulphus prædictus, nempe XVIII. mensis Julii, Anni MXLVI., in Festo Sancti Materni, hujus Metropolis olim Antistitis. Is quoque Historiam suam prosequens, ac præsens rebus quæ agebantur, conficios nos reddit de insigni anachronismo, quo peccavit Galvaneus Flamma ab Ughello relatus, qui tradidit, redeuntem e Germania VVidone ægro animo exceptum fuisse a popularium Cœtu; quinimo cum primam Missam in Pontificalibus, in Ecclesia Majore celebraret, ab universo Clero & populo juxta Altare, solum relictum, & tamquam Simoniacum ante Leonis Papæ præsentiam citatum fuisse. Sanè hæc vera sunt; sed minimè hoc Anno accidere, cohibente omnes tum populi, tum Cleri tumultus Regis Germaniæ metu, quemadmodum refert memoratus Landulphus Libr. III. Cap. II. his verbis: *Cum Guido venisset Mediolanum, usu antiquo ac imperiis Imperatoriis urgentibus, honorificè ac devotè susceptus est: qui per viginti Ambrosianum Archiepiscopatum pacificè rexisset annos &c.* Suo itaque loco de his differemus.

Vergentē in finem Anno eodem, Italicam expeditionem suscepit Henricus II.; cumque Metropolim nostram adiisset, a VVidone Archiepiscopo summā celebritate Regni Italici

Co-

Corona est redimitus. Scimus nonnullos rerum Mediolanensium Scriptores gloriam hujus Coronationis contulisse in Heriberto VVidonis Decessorem. Sed cum hæc assertio unice innitatur Diplomati Anni MXLIII., cujus fragmentum edidit Calchus, cœvi autem Scriptores Germani nullam aliam expeditionem Henrici in Italiam referant, nisi eam quam suscepit Anno MXLVI., nec integrum Diploma viderimus a Calcho relatum; abstinemus a ferenda ea Sententia, quam in Adnotationibus ad Sigonium sub Annum MXLVI. jam dedimus. Opportunum quidem confirmandæ huic Epochæ adventus Henrici in Italiam, testimonium nobis suppeditat Documentum ab Ughello relatum in *Episcopis Veronensibus*, colum. DCLX. Venetæ Editionis. Curaverat Henricus, ut in Urbe Ticinensi Synodus congregaretur Anno MXLVI. Indictione XV., mensis Octobris. Illuc se contulit VValterus Episcopus Veronensis, petiitque a collectis Patribus, & Henrico ibidem præsentē, ut sedes in Conciliis, ad dexteram Aquilejensis Patriarchæ, quam sibi de jure competere assererat, non alteri Episcopo eandem sibi arroganti, decerneretur. Genuinis itaque ab ipso productis Documentis, omnium suffragiis in ejusdem favorem est definitum. Calculum suum inter alios propitium præbuit etiam VVido Mediolanensis Antistes, quemadmodum docent Acta illius Synodi, quorum fragmentum hic damus. „ Anno Dominicæ Incarnationis „ MXLVI. Indictione XV., octavo Calendas Novembris, „ regnante Domino nostro invictissimo Rege Henrico III. „ &c. in ejusdem gloriosi Regis præsentia, interfuit Eberdardus Aquilejensis Patriarcha, VVido Archiepiscopus Mediolanen-

„ lanensis , Adelbertus Archiepiscopus Remensis &c. Refi-
 „ dente namque Domino Eberardo venerabili Patriarcha in
 „ jam dicta Papiensi Synodo , cum glorioso Episcoporum
 „ Collegio , Domini VValterii Veronensis Episcopi sedile
 „ ad jam dicti Patriarchæ dexteram decenter jussum est poni ,
 „ & per victoriosi Regis Henrici præceptum , & Sanctæ
 „ Synodi laudatione atque corroboratione statutum , ut per
 „ Synodos & Concilia Urbs Verona apud Aquilegium se-
 „ cundam sibi sedem vindicans possideat , & ab hinc perpe-
 „ tualiter secunda habeatur &c.

Accepto Italix regali Serto Sutrinum profectus est Henricus ,
 ibique alteri Synodo interfuit , in qua depositi fuere tres
 Romanæ Ecclesiæ Pseudo-Pontifices , qui hæcenus Apostoli-
 cam Sedem tyrannicè occupaverant. Romam verbò delatus ,
 auctoritate ac studio suo id effecit , ut Svidgerus Bamber-
 gensis Episcopus (quo nullus melior in Romana Urbe tunc
 reperiabatur , teste Victore III. a Pagio ad hunc annum re-
 lato) plenis suffragiis in legitimum Pontificem deligeretur .
 Consecratus est Svidgerus in Summum Hierarcham Natalitio
 Domini Nostri die , sub nomine Clementis II. , qui expletis
 Pontificalibus Sacris , Angustali diademate Henrici ejusque
 Uxoris Agnetis capita exornavit .

Anno sequenti MXLVII. ineunte Clemens II. Concilium
 indixit ac celebravit adversus Simoniacos ; eidemque interfuit
 VVido Mediolani Archiepiscopus , qui licèt eodem morbo in-
 fectus , tunc veluti genuinus Pontifex habebatur . In ea Sy-
 nodo , iterum altercatione exortâ inter Ravennatem & Me-
 diolanensem Antistites , cuinam eorum dexterum latus Summi Pon-

Pontificis deberetur, refert Ughellus, statutam fuisse a Clemente Papa aliisque Episcopis adstantibus dexteram manum. favore Ravennatis Archiepiscopi, nisi forte Imperator affuerit. Deest hoc Concilium in Labbeo; leguntur tamen in Appendice Tomi IX. Literæ Clementis II., quæ hoc Decretum innuat, desumptæ ex eodem Ughello in Archiepiscopis Ravennatibus. Veruntamen de hoc Concilio & Literis memoratis Clementis II., nemo ex cœvis Scriptoribus Arnulpho & Landulpho Seniore quidquam enunciat. Sigonius verò, qui hanc altercationem rerulerat in primis Editionibus Libr. VIII. *de Regn. Ital.*, in postrema Bononienfi, quam secundis curis diligentiori examine publici juris fecit, prorsus expunxit, utpote stramineis & fallacibus fundamentis innixam. Nos id consultò adnotavimus in nostris animadvertionibus ad Sigonium, sub Annum MXLVII. Sanè Puricellus in *Vita Sancti Laurentii* Mediolanensis Archiepiscopi solidis argumentis commentitium vocat memoratum Clementis Diploma, atque confictum esse tradit post Annum MCXXII. ab homine, qui extollere vellet Ravennatem & Aquilejensem Ecclesiam, supra Mediolanensem. Pater quoque Eustachius a Sancto Ubaldo, in *Libro de Metropoli Mediolanensi*, Sect. IV. integrâ Dissertatione Decretum hoc ad fabulas rejicit. Id quidem verum est, exortum fuisse dissidium de primo ad dexteram Pontificis Maximi loco inter Mediolanensem & Ravennatem Antistites, in Concilio, Romæ a Leone IX. celebrato, Anno MXLIX., narrat enim illud Landulphus Senior Libr. III. Cap. III.; victoriam tamen stetisse pro VVidone Mediolanensi Archiepiscopo clarè testatur: Atque hujus

vin-

vindicati Archipræsuli nostro antiqui honoris exemplum habemus in Concilio altero, Romæ habito a Nicolao II. Summo Pontifice Anno MLIX. contra Berengarium & Simoniacos; Arnulphus enim Libr. III. Cap. XIII. hæc scribit: *Decibiliter trallatur (VVido) ab Apostolico tunc Nicolao, cujus dextro positus est in præsentì Synodo latere.* Labbeus Acta hujus Concilii refert, omisiss tamen Episcoporum nominibus, qui eidem subscripserunt.

Ut verò Seriem chronologicam retexamus, quam hætenus abruptimus, ut simul omnia ad hanc controversiam spectantia cumulemus, notum est, insurrexisse Anno MLVI. egregium Evangelicæ veritatis præconem Arialdum, ex Nobilibus de Alzate, qui nunc in Sanctorum Martyrum Cœtu ab Ecclesia colitur, contra Cleri & populi Mediolanensis corruptelas, ut funditus eas extirparet. Hunc VVido ipse Diaconum consecraverat (cùm eum minimè tunc prævideret, futurum sibi hostem acerrimum) isque novo hoc Ordinis Sacramento initiatus in apertum campum pugnaturus profiliit, cœpitque Apostolicâ eloquentiâ in Simoniacos Clerumque incontinentem publicè declamare. Non tulit VVido hoc quo ipse arbitrabatur probrum, injustè illatum Ecclesiæ Ambrosianæ. Quamobrem Provinciale Concilium in Fontaneto, agri Novariensis Oppido, congregavit, atque ad illud accessit etiam Arialdum, & Landulphum Presbyterum (qui se eidem in Divini verbi prædicatione conjunxerat) ut ab impaetis accusationibus de subversa publica pace ac quiete sese expurgarent. Renuit Arialdus illuc accedere; optimè noscens paratas sibi in eo Præsulum Cœtu, uxoris Sacerdotibus favente,

vente, calumnias injuriasque; quemadmodum etiam exitus compertum fecit. Siquidem ab hujusmodi repulsa vehementius exacerbati Episcopi, latam a VVidone sacri anathematis contra ipsum sententiam unanimes approbavere. Arianus immerito hoc ictu percussus Romam contendit, ibique coram Stephano IX., exposito indigno facinore Apostolicas Literas obtinuit, quibus intrepidè prosequi susceptum opus jubebatur. Quinimo Pontifex ille tres Mediolanum Legatos misit Anno MLVIII., ut turbas hæc compescerent, & serpentes in nostra Urbe perniciosam luem opportunis remediis eliminandam curarent. Hi fuere (ut Arnulphus testatur) Hildebrandus Cardinalis Archidiaconus, Petrus Ostiensis, & Anselmus Lucensis Episcopi. Attamen re infecta, ob plebis & Sacerdotum pertinaciam, hinc recedere coacti sunt, ac Romam reverti; nec aliud quidquam moliri potuit in Ecclesiæ hujus bonum Sanctissimus is Pontifex, quippe post paucos menses e vivis ereptus ad Superos evolavit. Nihilominus ejusdem vota implevit Nicolaus II., viduæ Sancti Petri Ecclesiæ regendæ suffectus: Proinde duos ipse ex antea missis a Decessore suo Legatos Mediolanum direxit Anno sequenti MLIX., nempe Petrum Damiani Cardinalem Ostiensem, & Anselmum de Badagio Episcopum Lucensem. Quid egerint in hac Metropoli duo isti Apostolici Præsules, fuscè narrat Puricellus in *Vita Sanctorum Arialii & Herlembaldi* Libr. IV. Cap. X. Hoc unum memorare lubet, perfractam adeò fuisse veterem Nicolaitarum audaciam, dexteritate atque sermonibus Petri præsertim Damiani, ut VVido ipse Archiepiscopus unà cum Clero, geminas quibus inficiebatur hæreses

ses Simoniz atque incontinentiz publicè ejuraverit, datâ spon-
sione defœcationis vita, ac optimè impletis pœnitentiz one-
ribus sibi injunctis. Legationis Mediolanensis Acta omnia re-
fert ipsemet Petrus Damiani, in Opusculo eundem Titulum
ferente, inter Sancti hujus Cardinalis Opera jam vulgato.

Emerferat ea ætate audax Berengarii Hæresis, qua Eu-
charistici Sacramenti Fidem & venerationem inaudito scelere
proterere conabatur. Ad hanc tutandam veluti basim Ca-
tholicæ Religionis, Synodos sparsim per Gallias & Italiam
Archipræsules in suis Provinciis collegere. Leo IX., qui Ni-
colao II. successerat, Vercellis Concilium indixit, eique etiam
interfuit, Berengario illuc accito; qui tamen, dolosa excusa-
tione per duos Clericos oblatâ, absentiam suam Summo Pon-
tifici aliisque Patribus minus exosam reddere tentavit. Ni-
hilominus serio examine discussis rebus, cunctorum suffragiis
excommunicationis sententiam retulit. Ad hoc Concilium voca-
tus est a Summo Hierarcha etiam VVido, qui in partem
venit communis gloriæ, ob profligatum calculo quoque suo
receptissimi apud Christifideles dogmatis everforem.

Sed citò disciplinæ jugum excussit Archiepiscopus iste;
in ejuratam namque hæresim iterum relapsus est. Ac primò
Clericos duos Modoëntenses, qui ob Arialdi prædicationem
sefe ab initis connubiis expediverant, capi præcepit atque a
Satellitibus abduci in Castrum Leuci, ubi (ut Andreas Mo-
nachus scribit in *Vita Sancti Arialdi* Cap. XXIII.) ea per-
pessi sunt, quæ neque a Paganis illata Martyribus in Hi-
storiis leguntur. Subinde rabie odioque in Arialdum incensus
ac furens, universam Urbem interdicto subjecit, additâ etiam

Lai-

Laicis poenā *jaeturae* divitiarum & vitæ, donec in hac Metropoli hospigaretur Vir Dei. Cū verò Arialduſ Urbe excederet, per inſidias captum, ad Lacum Verbanum deportari juſſit, ibique per Sicarios acerbiffimis cruciatibus mortem eidem inferri. Omittendæ minimè ſunt extremæ voces Sancti hujus Martyris; interrogatus namque, dum membratim concideretur, a Sicariis, verus-ne foret Archiepiſcopus VVido, intrepidè reſpondit: *Nec eſt, nec fuit unquam, quia opus Archiepiſcopi in ipſo non eſt, nec fuit unquam*; etenim per Simoniam ingreſſus, Simoniam diſtrahere Sacra non ceſſabat, hoc referente Baronio ad Annum MLXVI.

Ferale nuncium barbaræ hujus necis, bonorum omnium aures horrore implevit, converſaque in Auctorem iræ odioque, abruptus fuit decurſus ille viginti annorum, quem proſperum ac tranquillum in ſuo regimine tranſegerat VVido, ut ſuperius ex Landulpho retulimus. Siquidem tunc ſolus relictus eſt a Sacerdotibus & populo, dum Sacra Solemnia perficeret: Herlembaldus verò Cotra, qui Arialdi Cauſam, ſeu potiùs Caſtitatis partes armis tuebatur, accepto etiam a Summis Pontificibus Sancti Petri vexillo, Romam ante Arialdi. eadē Anno MLXVI. contenderat, receptiſque Apoftolicis Literis latè in VVidonem excommunicationis ſententiæ ab Alexandro II., eaſdem Mediolanum reverſus obrulit Archiepiſcopo in Eccleſia degenti: Cūque ille perſevaciæ ſuæ fidenſ Sectatores ſuos ad vindictam armaret, pugnamque inſtitueret, fractus in prælio vix ſe recipere in tutum valuit; Plebs tamen de proſtrato Pſeudo-Archiepiſcopo exultans, in Palatium Archiepiſcopale irruit, diripuitque omnia, veluti

devictæ iniquitatis spolia in triumphum reportans.

Interea cùm frequentibus cædibus ac deprædationibus scateret hæc Civitas, miseratione commotus Alexander II. Pontifex Maximus Legationem Mediolanum direxit, ut pacis fœdera conjungeret inter plebem & Clerum. Calchus ex Arnulpho vetusto Scriptore hæc refert; Baronius verò ad Annum MLXVII. nomina Legatorum enunciat, nempe Mainardum Cardinalem Silvæ-Candidæ, & Joannem Presbyterum Cardinalem, simulque recitat Constitutiones ab ipsa præscriptas Calendis Augusti. His minimè contentus Summus Hierarcha, cùm Anno eodem celebrandam Mantuæ Synodum indixisset, Mediolanum divertit, *multaque fecit Statuta de statu Mediolanensis populi & Cleri, Beatunque Arial-dum Sanctorum Martyrum Catalogo adscriptis*, verba sunt Landulphi Junioris, *a Sancto Paulo* mancupati, Libr. III. Cap. XXXVIII., qui pariter editus est Tom. V. *Rerum Italianar.*

VVido ut eluderet Pontificium Decretum, atque eriperet sese a populi insultibus, pactâ cum Gothofredo sibi a Secretis pecuniâ, Virgam & annulum ad Henricum Imperatorem remisit, qui eundem Gothofredum, Archiepiscopum illico declaravit. Verùm cùm novus hic Præsul ab ea Dignitate rejiceretur, Clero & populo reluctante, desiderium in VVidone revixit Sedem dimissam recuperandi; utque id facilius obtineret, reconciliare se Herlembaldo studuit, obtinuitque; sed deteriori exitu quàm sperasset: Herlembaldus enim specie in Metropolim illum introducendi, ad Celsianum Monasterium constitit, ibique sub custodia eum inclusit, ad agendam commissorum scelerum pœnitentiam, Anno quem

quem Puricellus congruentibus tradit MLXX. . Excitato autem seivissimo incendio per hanc Metropolim , in Annalibus nostris ad funestam memoriam descripto , VVido e Monasticis Claustis dimissus , in Derthonensem agrum concessit ; ibique Dignitate omni exutus , tandem ignobili morte in Bergolio Oppido , ad Tanarum amnem sito , vitam clausit Anno MLXXI. ibidem sepultus , non sequenti , ut tradit Ughellus .

Mediolanensi pręfuit Ecclesię annis XXVI. , relictā post cineres exosā sui nominis famā .



G O T H O F R E D U S .



Cum Mediolanensem Cathedram Gothofredus, cujus paulo ante mentionem fecimus, conscendere vetaretur, quinimo expulsus Urbe foret, ad paternum Castrum, appellatum *Castellionum*, naturæ & artis munitis optimè instructum, tamquam ad asylum confûgit. Non segnes tamen fuere Mediolanenses ad arma arripienda; collecto namque exercitu, & paratis ad Arcis illius oppugnationem bellicis machinis, Duce Herlembaldo, illuc accurrere, ut inde etiam extruderent hunc Pseudo-Præsulem, qui frequentibus eruptionibus vastationem agris proximisque vicis inferebat. Voti autem compotes facti fuissent, nisi vorax incendium, quod (ut diximus) Tempia & Domos Metropolis hujus miserrimè depascebatur, quamplures ex Civibus in Castris degentibus Mediolanum revocasset; ut suppellectili ac Familiæ periclitanti consulerent, & reliquias saltem paternorum larium atque opum ab ignis faucibus eriperent.

Quandoquidem verò armis remove a propugnaculo suo Gothofredum dominatui Ecclesiæ inhiantem minimè valere, consiliis in hac Urbe habitis imminenti malo mederi Cives curaverunt. Quapropter Herlembaldus, qui auctoritate ac præsentia Mediolani primas tenebat, colligere populum Clerumque studuit, ut legitimum Gregi huic Pastorem communibus suffragiis instituerent, quemadmodum etiam consecutum

ctum scribit Arnulphus. Sed de hoc novo Archiepiscopo inferius differemus.

Interim ne a Gothofredo recedamus, cum cerneret iste, Æmulum contra se in campum educi, Henricum Impetorem, patronum suum precibus ac muneribus adiit, ut in Solio Ecclesiæ Ambrosianæ potestate regiâ confirmaretur. Nullam in hac re moram interposuit Imperator. Quapropter, expedito Legato interventore, Suffraganeis Provinciæ Mediolanensis Episcopis præcepit, ut apud Urbem Novariam convenientes Gothofredo manum Consecrationis imponerent, Arnulpho testante. Acceptâ Chrismatis sacri unctione Archiepiscopus iste excidii timorem in audaciam convertit. Siquidem erumpens e Castro Castelliono, Brebiam & Leucum, Oppida tunc Archiepiscopalis Mediolanensis Ecclesiæ, invasit; quamvis milis illuc Mediolano opportunis militum subsidiis, ejectus a Castro Leuci, etiam Supremum Ducem suum, in præceptum actum ab alta rupe, amissum lugere debuerit.

Dum hæc dissidia & prælia in Langobardiæ finibus agerentur, defuncto Romæ Alexandro II. Summo Pontifice, Anno MLXXXIII., delectus est in Successorem Hildebrandus Archidiaconus, sub nomine Gregorii VII. Is autem conficiis luctuosæ calamitatis, qua Ecclesia Mediolanensis sub tyrannico Pseudo-Archiepiscopi iugo premebatur, Literas misit ad Beatricem & Mathildem Tusciæ ac Liguriæ Dominas, easdem admonens, ut a communione recederent tum Gothofredi, tum Antistitem qui eundem consecraverant. Sollicitavit insuper per Epistolam Gulielmum Papientem (Pictaviensem errore fortasse Typographi legimus in Pagio) Epi-

Episcopum, necnon fideles omnes Sancti Petri Apostolorum Principis Antistites populosque, ut manus darent ad extirbandum a Sede Mediolanensi Gothofredum invasorem. Præterire silentio nolumus verba ipsa, quibus Sanctus iste Pontifex Epistolam hanc postremam signavit: „ Nam sicut scitis, Gothefredus vivente Guidone, dicto Archiepiscopo „ Mediolanensi, eandem Ecclesiam, quæ quondam meritis „ gloriosissimæ Virginis & Gentricis Dei Mariæ, necnon auctoritate Clarissimi Doctoris Beati Ambrosii inter ceteras „ Longobardorum Ecclesias religione, libertate, ac speciali „ gloria enituit, nunc quasi vilem ancillam præsumpsit emere, Sponsam videlicet Christi Diabolo prostituere, & a „ Catholica Fide tentans eam separare, misus est simoniacæ „ Hæresis scelere maculare „ &c. Demum collectâ Romæ ex omnibus Italiæ Episcopis Synodo, Gothofredum simul cum iis Præsulibus, qui eidem manus imposuerant, anathemate confixit, narrante Arnulpho; seu potius confirmavit excommunicationem, quam in eosdem tulerat Alexander II. in Synodo V. Romana, ut Pagius animadvertit,

Henricus quidem Imperator, rebellis factus Ecclesiæ Romanæ, cujus obedientiæ sese submiserat, datis ad Gregorium VII. Literis, Gothofredum, licet Pontificio decreto exautoratum atque ab Ecclesiæ corpore anathemate rescissum, iterum in Sede Archiepiscopatus Mediolanensis expedito Diplomate confirmavit, quemadmodum Pagius ex Vita Gregorii VII. a Paulo Bernriedensi scriptâ docet ad Annum MLXXV. Verùm, cum Mediolanenses Schismatici eodem anno Legationem misissent ad Henricum, rogantes ut viduæ tamdiu vero

vero Pastore Ecclesiæ alterum substitueret, Imperator ipse, destituto Gothofredo, Thedaldum, de quo inferius loquemur, in Archiepiscopum dedit. Itaque omni Archiepiscopali jure exutus Gothofredus, invisus omnibus, extorris & profugus obiit, nemine excepti extremi spiritûs d tique sepulcri gloriam sibi aucupante, quemadmodum in Commentariis ad Sigonium *de Regno Italiae* Libr. IX. sub Annum MLXXV. am adnotavimus.

In Catalogis vetustis nulla Gothofredi mentio occurrit; electus namque simoniacè, nec umquam a Mediolanensibus receptus, indignum se reddidit qui hujus Ecclesiæ Archiepiscopis accenseretur, ejusque nominis memoria in nostris monumentis perennaret.



A T H O.



Gnotus quoque est antiquis! Catalogis Atho Clericus Mediolanensis, electus in Archiepiscopum Anno MLXXII., cum tamen canonicè ad Cathedram istam promorus fuerit, assentiente scilicet Summo Pontifice, ac saniore Cleri parte suffragium suum in eum conferente: Et licèt Sacro Chrismate inunctus non fuerit, aliquam saltem sui memoriam in hisce Chartis meretur.

Defuncto apud Tanarum Widone Archiepiscopo, Herlembaldus qui partes continentiae tuebatur, atque institutus fuerat a Summis Pontificibus Simoniae oppugnator, iurejurando Civitatem Mediolanensem obstrinxit, ut rejecto Gothofredo, quem intruserat Henricus, Pastorem sibi deligeret hac labe minimè infectum, castæque in Sacerdotibus religionis intrepidum assertorem. Statutus quoque est Epiphaniæ Domini Solemnis dies Anni MLXXII. ad perficiendum hoc Opus gloriæ Dei plenum. Nec irritus fuit conatus; præsentē namque Bernardo Cardinali, Apostolicæ Sedis Legato, acclamatus est in Archiepiscopum Atho. Verùm ea Cleri pars & populi portio, quæ Henrico savebat, illique injuriam ac probum ardebat inferri, si alium Antistitem acciperet nisi quem ipse daret, concitato tumultu in Aulam convivii irrupit, tantoque in Athonem furore exarsit, ut vix pepercerit vitæ. Itaque eo periculo deterritus novus Præsul

Tem-

Templum Maximum adiit, ac suggestum conscendens publicè professus est, se liberè juri suo cedere, & in perpetuum ab ea Dignitate sese abdicare.

Inter argumenta illa, quæ Schismaticos Cives moverunt ad fervidam adeò repulsam optimi hujus Pastoris, nonnulli Scriptores nostri censuere, illud fuisse, quod Arnulphus Libr. III. Cap. XXIII. scripsit, nempe extitisse Athonem *tenera ætate juveniculum*. Puricellus tamen Libr. IV. *Vita Sancti Hildebrandi* Cap. XXII. egregiè oppositum tuetur, ostenditque solidis, ex Gregorio ipso Summo Pontifice, documentis mendacem fuisse Arnulphum, utpote Schismaticis addictissimum. Et sanè, quis valeat opinari, Hildebrandum Cardinalem, paulo post Pontificem Maximum, approbare voluisse in Archiepiscopum contra Sacrorum Canonum sanctiones Adolescentulum, & puerum nondum pubertatis annos egressum, quemadmodum illum depinxit Ripamontius? Validius etiam fallax hæc fama dissolvitur, si quod Romæ postmodum gestum est attendamus; Accepto namque hoc nuncio illuc perlato, Alexander II. Synodum Episcoporum coëgit, in qua Athonis abdicationem ab Archiepiscopatu Mediolanensi, utpote vi ac metu mortis extortam, irritam declaravit; cum potius damnanda fuisset Electio, cui repugnasset antiqua Ecclesiæ consuetudo, quæ immaturam ætatem prorsus ineptam censuit Episcopalibus exercendis muneribus.

Dum hæc Romæ agerentur, intempestiva mors rapuit terris Alexandrum Summum Pontificem; & Sedem Sponso suo viduum implevit Hildebrandus, ut diximus, Gregorius VII. appellatus. Ad hunc igitur Atho hinc profectus se contulit,

tulit , a quo (ut Cachus refert) *perbenignè exceptus* , & *publicè a Pontifice laudatus* , in *penitiorum familiaritatem admissus fuit* . Trahit hoc contubernium Athonis in Aula Pontificia , tot benevolentiæ signis a Pontifice Maximo acceptis firmatum , trahit inquam Ripamontius in sua *Histor. Ecclesiast. Mediolan.* , in argumentum superbiæ ; ac si Atho Romæ instigaret Gregorium , & Herlembaldus Mediolani sus deque omnia confunderet ac ruinam Patriæ minitaretur , ut Solium Archiepiscopale Athonis altius extolleret , & sibi liberam in Cives Urbemque pararet dominationem . Verum . Puricellus in *Vita Sancti Herlembaldi* Libr. IV. Cap. XXXVII. carpit dicacitatem Scriptoris hujus , nimiamque licentiam in ista re tam ignominiosè descripta , contra omnem fidem Testium cœvorum . Porro nihil minus cogitavit Atho , quàm ut dissidia foveret , & per Contribulium odia cœdesque , viam sibi ad Mediolanensem Cathedram aperiret . Misit quidem Gregorius Pontifex Mediolanum Literas ad Herlembaldum , quibus ipsum hortabatur , ut pro virili susceptam Causæ defensionem ageret , eidem injungens , ut benignè se gereret cum iis qui a Schismaticorum Cœtu recederent , & inchoatum opus ad Dei gloriam & Ecclesiasticæ castimonie leges , prudenti qua poterat clementiâ urgeret consummaretque . Collecto autem , ut supra indicavimus , Italicorum Præfulum Romæ Concilio , Gothofredum damnavit , atque electum Athonem coram omni Cœtu præsentem laudavit , quemadmodum refert Arnulphus .

De hoc Athone nihil ultra in Historia legimus , cùm debaccante in Insutribus altero Pseudo-Archiepiscopo , simoniacè

niacè ab Henrico Imperatore electo, numquam patuerit Atho-
ni locus recipiendæ Consecrationi: cujus defectu ipfius no-
men Mediolanenfium Antiftitum Catalogo minimè adfcriptum
videmus.



THE-

THE DALDUS.



Thedaldum proferimus, tragicæ hujus Scenæ Actorem postremum. Fuerat is Metropolitane Mediolanensis Ecclesiæ Subdiaconus; cumque Henrici Regis sibi gratiam comparasset, in Aulam vocatus eidem Sacris faciendis infervit. Missa autem a Civibus nostris Legatione in Germaniam, ut jugum excuterent Gothofredi, nimia ambitione ac rapinis undique defævientis, Henricus Imperator, nullâ ipsius habitâ ratione, cujus patrocinium hæstenus susceperat, Thedaldum Archiepiscopum Mediolanensem constituit Anno MLXXV. Hic verò indignationem Apostolicæ Sedis justè metuens, per Amicos tentari curavit animum Gregorî VII., illiusque consensum viis omnibus petiit. Attamen prudentissimus ille Ecclesiæ universæ Rector, datis Literis ad eundem Thedaldum, ei præcepit, ne Sacris Ordinibus Archiepiscopalem gradum sumere præsumeret, donec recto inito examine dignoiceretur, quis ex duobus Archiepiscopis, altero Mediolani electo & tunc Romæ degente (nempe Athone), altero ab Henrico Imperatore dato, jus æquius ad Cathedram Mediolanensem possideret. Id autem declarari debere in proximè indicto Romano Concilio, notum eidem fecit; utque facilius causam suam ageret, Thedaldum Romam invitavit, tutum iter, moram, redditumque securissimum spondens. Alias quoque Literas ad omnes Mediolanensis Ecclesiæ Suffraganeos expedit, iisdem

vetans manuum impositionem Thedaldo exhibendam, cujus institutio nondum pro legitima habebatur, & a collectis in prima Romana Synodo Patribus dijudicanda committebatur. Extant hæc Literæ inter alias Gregorii VII., quas recitant Conciliorum Editores. Verùm fefellit spem optimi Pontificis pervicax Thedaldi & Episcoporum hujus Provinciæ contumacia; spretis namque Apostolicæ Sedis præceptis, illimet Episcopi, qui Gothofredum consecraverant, Thedaldum quoque Sacro Chrismate inunxerunt. Testis est Arnulphus, qui licet Schismaticus, in hanc exclamationis vocem erupit, *Historia sua* Libr. V. Cap. V. *Res mira, & cunctis retro temporibus inaudita, ut Urbis unius uno electo Antistite, sacrato altero, uno eodemque tempore tertius erumpat!*

Thedaldus hac Gregorii æquissima Sanctione præ superbia sua exacerbatus, junctis cum Guiberto Archiepiscopo Ravenate Schismatico amicis foederibus, in Summi Pontificis perniciem conjuravit. Quinimo excitationis bellicis tumultibus universam hanc Metropolim fœdissimè exagitavit; quodque dolendum magis est, Herlembaldus continentis Sacerdotalis egregius Patronus, Pontificum Romanorum præconiis celebratus, atque per Epistolas ad ipsum datas ad intrepidè perseverandum in suscepto munere Dactoris armorum pro Dei & Ecclesiæ gloria conservanda commonesfactus, in quadam inita concertatione ferro hostili percussus interiit, Anno MLXXXVI., relictis mortalibus exuviis insolentis ac ludibrio plebis, quæ illas impiè diripuit, & lapidibus obruit, Arnulpho hæc describente Libr. IV. Cap. X.

Itaque vincente mitissimi Gregorii patientiam, hujus Pseudo-

do-Episcopi nostri arrogantia, cum aliis Langobardiæ Schismaticis Præfulibus fœderati, Pontifex ille Maximus in tribus Conciliis Romæ habitis, ipsum aliosque Socios Episcopos sacri anathematis telo iterum iterumque confixit. In postrema autem Synodo Anno MLXXX. confirmata est inter cetera Depositio Thedaldi ab Archiepiscopatu, additâ hac clausulâ, *sine spe recuperationis*. Quamobrem extorris ab Urbe, circum Verbani oras erravit Thedaldus, vitamque Aronæ explevit Anno MLXXXV.. Malè hoc Oppidum locavit Papebrochius, & ex eo Pagus *ad Fluvium Abduam, mediâ inter Comum & Bergomum viâ*; jacet namque ad oram Verbani Lacus, quinque milliaribus distans a Vico appellato *Sexto*, ubi e dicto Lacu Ticini Flumen iterum egreditur & fluit.

Obiisse Thedaldum in Schismate pertinacem tradidere Puricellus, Ughellus, & alii. Porro si solidis veterum Documentorum ac Testium fundamentis innixa forent ea, quæ narrat Antonius Bessa Negrinus in *Elogiis* italicè scriptis *Genius Castillioneæ*, videlicet eluisse hunc Archiepiscopum male actæ vitæ maculas poenitentiae lacrymis, obtentâque a Summo Pontifice absolutione præteriti Schismatis, dies suos in pace clausisse, non modica eidem gloria accederet, nostræque Ecclesiæ decus repararetur. Id quidem etiam Gaspar Bugattus *Historia suæ* Libr. III. inseruit: Verum, cum de hac poenitentia omnino sileant superiorum ætatum Scriptores, calaniam suspendimus, donec certiora proferantur.

Non ita prætereundum est quod Bonaventura Castillioneus scriptum relinquit in Libro *de Gallor. Insubr. antiquis Sedibus*, vide-

videlicet conditum esse a Thedaldo Aronæ Templum ac Coenobium, & inductis in ipsum Monachis Sancti Benedicti, ampla ad eosdem alendos prædia in perpetuum fuisse assignata. Difficultate tamen non caret etiam hoc eruditissimi Auctoris testimonium. Siquidem Carolus a Basilica Petri, ubi agit in *Novaria Sacra* de Oppido Invorio antiquam Inscriptionem metricam refert, cujus primum carmen hoc est:

MEMBRA SUB HOC TUMULO REQUIESCUNT PRINCIPIS ADÆ.

Et post pauca:

ET STATUIT TEMPLUM HOC IN HONORE DEI.

FECIS COENOBIIUM SUB NORMÆ TRAMITE DIGNUM:

SUFFICIENS VICTUM FRATRIBUS ESSE DEDIT.

Alii verò quemdam Obizonem Angleriæ Comitem, ejusdem Coenobii conditorem fuisse testantur: Sed hoc postremum, mendacio proximum facile dignoscitur ex *Dissertatione* inserta *Vindiciis Sanctorum Corporum Protasii & Gervasii*, a nobis in lucem editis, in qua *Comitum Angleriæ, & Vicecomitum Mediolani* Historia fabulis expurgatur. Anonymus Auctor *Tabule Choreographiæ Italiæ Mediæ Ævi*, impressæ Tom. X. *Rerum Italicar.* pag. CXVII., ea quæ leguntur in Inscriptione de Principe *Adæ*, & quæ narrantur de Thedaldo Archiepiscopo nostro, assertis Conditoribus Templi & Monasterii Aronensis, ingeniosè atque eruditè conciliare studet, chronologicis animadversionibus rem hanc in tenebris adhuc latentem illustrans. Ait verò, omnia quæ expressa sunt in

A a

lapi-

lapide , tumulo Adæ apposito , Seculo XI. optimè convenire , itaut Perusii Aronam se conferens miles seu Princeps Ada , secumque ferens pretiosa pignora Sanctorum Martyrum Gratiani & Felini , invenerit ibidem Thedaldum a patrio solo exultantem , ejusque opibus dono datis , aut prædiis sibi divenditis , Templum & Cœnobium construxerit ; eoque titulo a recentioribus Scriptoribus existimatus fuerit primus Cœnobii Auctor , Archiepiscopus Thedaldus .

Annos regiminis IX. , menses III. , dies XXI. huic Archipræfuli tribuunt Catalogi antiqui ; Sepulcrum autem Scriptores omnes receptum ab eo fatentur in Aronæ Oppido , tunc juris Archiepiscopalis . Nec dubium esse potest , cùm Petrus Paulus Bosca *in Notis ad Martyrolog. Ambros. , ad diem I. Junii* , testetur effossum fuisse Thedaldi Cadaver Anno MDCXCV. , dum *fundamenta cujusdam propugnaculi jacerentur ad mœnium tutelam* . Opinatur autem Anonymus Auctor *Tabula Chorographica* , superius memoratus , ibidem olim extitisse Templum ac Cœnobium , aliò translatum Anno MCDLXXXIX.

De emortuali die Thedaldi dubium se ostendit Puricellus , asserens neminem se habuisse , cui satis acquiescere posset . Nos tamen antiqui Catalogi testimonio freti , eundem migrasse ex hac vita VIII. Calendas Junii secure pronunciamus .

ANSELMUS III.



Post annum vacantis Sedis Mediolanensis, Anselmus a Vico Rhaude oriundus suffectus est Thedaldo, Anno nempe MLXXXVI., mense Julio vix inchoato, juxta calculum Papebrochii. Utrum verò canonicè electus fuerit, an ab Henrico Imperatore Schismatico, hujus Metropolis Archiepiscopus fuerit institutus per virgam & annulum, variè opinantur Scriptores. Baronius in *Annalibus* ad Annum MLXXXV. relatà Thedaldi morte, ista subdit: *Mediolanensis Ecclesia erigere caput cepit, excussoque e cervicibus jugo Schismaticorum, Catholicum sibi delegit Antistitem Anselmum, ejus nominis tertium.* Ughellus quoque in hanc sententiam concessit, asserens Anselmum a Catholicis fuisse electum in Archiepiscopum. Eadem Pagius repetit, fugillans Puricellum, & Sigonium, qui hunc Anselmum *Henricianum* appellant. Attamen doctissimus Vir in hac re plurimum a vero aberravit. Primò enim credidit, superiora verba a Baronio prolata, esse eadem, quæ Bertholdus synchronus Scriptor *Historiæ suæ* inseruit, cum tamen nihil tale Auctor ille somniaverit, ne dum chartis mandaverit (in hunc errorem incidit etiam Papebrochius in *Exegesi*). Deinde argumentum illud, quo Pagius fulcire ex Bertholdo contendit opinionem suam, videlicet tunc temporis Mediolanenses cum quibusdam aliis Langobardiæ Civitatibus conjurasse contra Henricum ejusque fautores ad vi-

ginti annos, inane prorsus est; Bertholdus enim rem hanc affixit non Anno MLXXXVI., ut Pagius censuit, sed Anno MXCIII., quemadmodum in Adnotationibus ad Sigonium *de Regno Italia* sub Annum MLXXXIV. compertum jam fecimus. Itaque securior sententia videtur ea, quam Sigonius, Puricellus, & Papebrochius adoptavere, nempe Anselmum verè ab Henrico Mediolanensis Ecclesiæ Archiepiscopum fuisse institutum; sed postmodum vel a Victore III. Gregorii Papæ VII. Successore, vel ab Urbano II. qui brevem Victoris Pontificatum excepit, in Catholicæ Ecclesiæ communionem receptum. Idque etiam validè confirmatur auctoritate Landulphi junioris, appellari *de Sancto Paulo*, qui *Historiæ suæ* Cap. IX. loquens de Grossulano Mediolani Archiepiscopo hæc habet: *Grossulanus dedit sententiam depnendi Andreæ Primicerium, & alios Sacerdotes, quos Anselmus de Rode Mediolanensis Archiepiscopus, & a Rege Henrico investitus ordinavit*; scribebat autem in nostramet Urbe, sub finem Seculi ejusdem. In hac controversia, in qua Pagius, commendatione omni alioquin dignissimus, nimium judicio suo detulit, ac conceptæ opinioni blanditus est, reliquos, Sigonium præsertim, contrarium asserentes acri stylo configens, veritatis propugnandæ gratiâ nonnulla hic cogimur adnotare. Primò insignis iste Scriptor Puricellum coarguit, qui minimè inficiatur, potuisse Anselmum ab Henrico Cæsare institui, sed ait subinde, Ecclesiæ Romanæ fuisse reconciliatum, inquit, *nonnisi positivis argumentis in medium adductis id asseri posse*. Porro quid ad fidem statuentdam magis idoneum, quàm auctoritas Arnulphi, & Landulphi

dulphi junioris cœvorum, & apertis verbis rem hanc testantium, desiderandum relinquitur? Rediisse autem in gratiam Apostolicæ Sedis Anselmum ipsemet Pagius negare nequit, cùm Bertholdi de illo Elogium paulo antea protulerit, videlicet *Venerabilem Anselmum Mediolanensem Archiepiscopum in causa Sancti Petri fuisse studiosissimum*. Quod autem ad Sigonium spectat, qui pariter institutum ab Henrico in nostrum Antistitem Anselmum proficetur, miramur, e Pagii calamo excidisse hæc verba: *Sigonius multa de suo dicere solitus est, & cum magna cautela legendus*; quamvis enim Scriptor iste celeberrimi apud omnes nominis, inopiâ documentorum, quæ ex pulverulentis Tabulariis postmodum emergere, aliquando a vero aberraverit, hoc loco tamen veritatem optimè consecutus, injuriosam hanc notam minime promerebatur. Sed Pagio fucum fecere verba illa, quibus Baronius paragraphum narrationis suæ de electione Anselmi in Archiepiscopum Mediolanensem claudit, videlicet: *hæc ex Bertholdo*; censuit enim eruditissimus Pagius, in Bertholdo reperiri omnia, quæ Baronius eo loco narraverat, minime animadvertens, plura in eam paginam Baronium e suo penu intulisse, inter quæ numerari debet periodus illa, cujus gratiâ disceptare aggressus est contra illos, qui in adversa parte constiterant. Præstat eandem hic transcribere: *E medio sublato potentissimo Ecclesiæ Mediolanensis invasore (Thedaldo) erigere caput ea caput, excussoque e cervicibus jugo Schismaticorum, Catholicum sibi delegit Antistitem Anselmum, ejus nominis tertium*. Verùm evolutâ ab exordio ad calcem Bertholdi Historiâ, ne vestigium quidem assertæ a Baronio Catholi-

tholicæ electionis Anselmi nobis occurrit. At de his satis.

Parcè admodum Auctores ævi illius præclaras Anselmi nostri Antistitis res gestas recensuere; splendidis tamen elogiis ornatum ejusdem nomen ad nos transmiserunt, ut infra videbimus. Nonnulla nos innuamus, quæ laudem illi non modicam peperere; eaque ex Urbani II. Epistolis, & Bertholdo cœvo Scriptore colligimus. Incidit in illa tempora Anselmus, quæ pacatis in hac Metropoli rebus, lætiori Civibus nostris dierum serenitate affulgebant. Siquidem ab Anno MLXXVII. fessi diuturna calamitate ad meliorem frugem sese converterunt qui Henrico favebant, & Pontificii anathematis vinculo irretiebantur; atque ob hoc ipsum Legationem miserunt ad Gregorium VII., ut solutionem a clementissimo Pontifice consequerentur. Nec ille abnuerat, ad se revertentes Mediolanenses excipere: Quinimo expeditis Mediolanum duobus Legatis, nempe Anselmo Lucense, postea Sanctorum Catalogo adscripto, & Gerardo Ostiense Episcopis, potestatem iis tribuit, Civitatem universam ab excommunicatione absolvendi; quemadmodum etiam feliciter peractum est a Legatis, trium dierum eloquenti prædicatione præmissâ. Narrat hæc Arnulphus Libr. IV. Cap. XII., qui unum se fuisse ex Oratoribus ad Apostolicam Sedem missis, sequæ ad saniores vitæ castigationis integritatem ejus muneris occasione redactum testatur.

Supererant reliquæ aliquæ transacti Schismatis abolendæ in Sacerdotibus, quos Aris restituere opus erat. Urbanus itaque II. peculiari erga Ecclesiam Mediolanensem caritate succensus, Literas ad Anselmum Antistitem nostrum dedit, ut
hæc

hæc etiam labes ab ejusdem vultu abstergeretur. Ejus verba sunt : „ Discretionis nostræ videtur , quatenus secundum „ præcepti nostri tenorem , quando *secundum Ecclesiæ usum* „ *morem* sacros daturus quibuslibet aliis Ordines , benedicere coeperis ; eos quos tua duxerit solertia reconciliandos , „ inter benedicendum & manus imponendum facias interfere , se : quibus cætera omnia consecrationis instrumenta præter „ unctionis explebis ; & sic ad Sacra ministeria reconciliabis . „ Refert hoc Urbani Rescriptum Baronius sub Annum MLXXXVIII. ; sed cum illud ex Ivone Part. VI. Cap. CDVI. desumpserit absque ullis Chronicis notis , quo verè anno datum sit , nos ignorare candidè profitemur .

Ancipites hæere non possumus circa ea , quæ narrat Bertholdus memoratus ad Annum MXCIII. , ait enim : *Civitates de Longobardia Mediolanum , Cremona , Lauda , Placentia contra Henricum in viginti annos conjuraverunt* . Hæc autem omnia in laudem non modicam Anselmi refluunt . Neque enim opinari quisquam potest , Societatem hanc inter finitimas Civitates initam fuisse absque consilio & consensu Archiepiscopi Mediolanensis , qui in Comitibus , arduisque rebus disponendis principem in Italia locum obtinebat , ut Eruditus Viris notum jam est .

Altera non minus decora Celebritas peracta est ab Anselmo , Anno supra memorato . Cum enim Conradus Henrici Imperatoris filius a Patre , quem pudendis aliis sceleribus scatentem toties Summi Pontifices execraverant , descivisset , & Mediolanensem Urbem adiisset , noster iste Archiepiscopus expansis ulnis illum excepit , Regemque Italiæ institutum

ferreo

ferreo diademate solemnī pompā præcinxit, quemadmodum narrare prosequitur idem Bertholdus. Neque omittendum est elogium, quo illius memoriam celebrat Auctor prædictus, subdens: *In Longodardia Venerabilis Anselmus Mediolanensis Archiepiscopus, in Causa Sancti Petri studiosissimus, & qui nuper Conradum Regem incoronavit, satis laudabilem finem fecit, magnumque merorem Fidelibus Sancti Petri reliquit.*

Octo omnino annos Mediolanensem Ecclesiam administrasse Anselmum, tradit Ughellus. Verum antiquus Catalogus dilucidè adnotat; *Sedit ann. VII., menses V. diebus IV. Obiit pridie Nonas Decembris, sepultus in Basilica Apostolorum.*

Antequam manum retrahamus ab hujus Archiepiscopi Vita, necesse ducimus refellere, quæ præposterè inseruit Galefinius *Tabulæ Archiepiscoporum Mediolanensium*; scribit enim, ab Anselmo III. *magnam classē exercitusque comparatum, ut Babylonem caperet; quod profectus, multis commissis præliis nihil profecit.* E lutulentis certè fontibus hæc hausisse Scriptorem istum, in ceteris commendatissimum, credendum est. Neque enim umquam audivimus, Classes paratas a Præsulibus nostris, nec ullus eo tempore de expeditionibus in Saracenos sermo increbuerat. Itaque excusare prorsus non valemus amplum anachronismum quo peccavit Galefinius, quodque omnino expungendum est ab eadem Tabula, ne oscitantæ nobis labes inuratur.

ARNULPHUS III.



Tatim ac Anselmus vitâ decessit, Arnulphus hujus nominis tertius, appellatus *de Porta Argentea*, idest quæ in nostra Urbe Orientem spectat, assumptus est in Archiepiscopum Anno MXCIII., teste Bertholdo, die verò VI. Decembris, post unum tantum Sedis vacantis diem, ut ex antiquo Catalogo colligit Papebrochius. Quæ autem fuerit causa hujus præter morem festinæ electionis, excogitare aliam nequimus, nisi eam, ne videlicet Henricus Imperator antiquæ consuetudinis tenax, alium in hac Dignitate per virgâ & anulum constitueret. Attamen Ughellus a Sigonio deceptus affirmare non dubitavit, per virgâ & anulum, tradente Cæsare, fuisse Arnulphum Mediolanensis Ecclesiæ institutum Archiepiscopum. Porro, quantum ista repugnet Historiæ hæcenus allatæ, conjunctionis nempe Langobardiæ Civitatum in viginti annos contra Schismaticum Henricum, & adventus in hanc Urbem Conradi filii, in eundem pugnantis, nemo est qui non videat. Plura in hanc rem adnotavimus in calce ad Libr. IX. Sigonii *de Regno Italiæ*, ad Annum MXCII., quæ hic non vacat repetere, cum manifestè pateat error tum Sigonii, tum Ughelli eundem exhibentis. Id quidem certum est, Arnulphum electum minimè tunc manum admovisse ad habenas in hac Ecclesia regendas, causâ alterâ id prohibente. Siquidem deficientibus Episcopis Suffraganeis, qui anathemate ob contumaciam

B b

in

in Schismate innodati erant ab uno tantum Catholico Episcopo, iis quidem consentientibus, sed non imponentibus manum, consecrationem receperat. Quamobrem Apostolicus Legatus irritam eandem declaravit: Neque (ut optime animadvertit Ughellus) Præsul ille, cujus cordi plus insita erat pietas quam ambitio, quidquam in sui favorem adduxit, sed Ecclesiastica acceptæ Dignitatis Insignia deponens, Cœnobio se inclusit, ibique honestissimam vitam transegit, donec Urbanus II. absoluto felicissimè Concilio Placentino, Mediolanum se contulit, ad aliud Claromonte in Gallia celebrandum profecturus. Tunc enim educus est e Claustro Arnulphus, & iussu ejusdem Pontificis Maximi a Dimone Saltzburgenſi Archiepiscopo, Gebardo Constantienſi Episcopo, & Udalrico Pataviensi, sacro Chrismate unctus, ritè huic Ecclesiæ datus est Pastor; imo etiam a memorato Summo Pontifice Pallio decoratus Anno MXCV., reſte Bertholdo.

Neque hoc solummodo beneficium Mediolanensibus attulit Urbani II. præſentia, ut videlicet paterna Arnulphi cura & regimine, quo supra annum caruerant, fruerentur, ac legitime ſedentem in Solio Archiepiscopum suum conſpicerent; ſed etiam aliud nobilius Aris ipsis nostris impartitus eſt, Sanctorum Martyrum Catalogo adſcribens Herlembaldum, Civem hujus Metropolis claro genere ortum, qui pro inducenda in Sacerdotes caſtimonia, atque abolenda Simonie corruptela vitam poſuerat. Puriſcellus inſuper reſert, voluiſſe quoque hunc Summum Pontificem Sacrum Corpus effodere, ac e priori Tumulo in alterum Ecclesiæ Sancti Dionysii honeſtiores transferre. Huic autem pio operi perſiciendo adſuit noſter etiam Antistes Arnulphus, quem-

quemadmodum testatur Inscriptio, quam recitat idem Puricellus Cap. LXXIX. *Vita Sancti Herlembaldi*, & his verbis clauditur :

URBANUS SUMMUS PRÆSUL; DICTUSQUE SECUNDUS;
NOSTER ET ARNULPHUS PASTOR PIUS ATQUE BENIGNUS,
HUIUS MEMBRA VIRI TUMULANT TRANSLATA BEATI :

Comitem quoque se dedisse Arnulphum Urbano in Gallias proficiscenti, ut simul cum eodem, Concilio Claroniensi inter-
esset, fidem facit Claudius Robertus, qui id adnotavit in *Gallia Christiana* Appendice, ubi Catalogum texit Archiepiscoporum Mediolanensium.

Expeditis in Gallia maximis pro Ecclesia negotiis, & statuta in pluribus Conciliis morum regulâ, necnon indictâ in Saracenos expeditione, sese Romam restitutus Urbanus iterum Mediolanum invisit, ubique beneficentiæ suæ fructus relinquens. Landulphus a Sancto Paulo mentionem faciens in Chronico suo rei cuiusdam in juventute sua gestæ, hæc habet Cap. XXVIII. „ De Francia Mediolanum (Urbanus) redivit „ (Anno MXCVI.) in qua Civitate cum ipse Papa staret, in „ Pulpito Sanctæ Theclæ, immensæ multitudini hominum utrius- „ que sexûs prædicavit, & prædicando de magna sapientia sua „ protulit; quod minimus Clericulus de Ecclesia Dei est major „ quolibet Rege mortali. Addidit etiam, quod Clerici & Sacerdotes per pecuniam in Ecclesias non sunt introducendi, „ sed per electionem hominum, qui sunt Ecclesiarum vicini „ Cur autem in Templo Sanctæ Theclæ potius, quam in sug-

gestu Metropolitanae Basilicae Concionem habuerit Pontifex Maximus, ea ratio est, quod Ambrosiano tunc temporis Ritu Primarius Clerus a Paschate Resurrectionis usque ad tertium Dominicum diem Octobris, in Ecclesia Sanctae Theclae, quae ideo *Aestiva* dicebatur, Sacra omnia peragebat.

Pagius in Critica Baronii ad hunc Annum, num. XVI. Puricello adversatur in iis, quae superius ex ipso retulimus, nempe in Sanctorum Album relatum fuisse Sanctum Martyrem Herlembaldum, ejusque exuvias tumulo nobiliore donatas a memorato Summo Pontifice, antequam Gallias adiret; asserens, convenientius sibi videri, transferenda haec esse ad secundam Mediolani moram, cum minimè opinandum sit, festinantem Urbanum ad urgentia universae Ecclesiae negotia componenda, peculiari huic Ecclesiae voluisse gratificari, atque in hisce, piis licet, operibus tempus impendere, gravioribus curis destinatum. Parùm tamen id nostrà refert, sive ante discessionem ab hac Urbe, sive in reditu ad nostram Metropolim dignatus sit Maximus ille Pontifex, Herlembaldum novo Tumulo & Aris donare, & hanc geminatae praesentiae suae gloriam immortalem. Mediolanensibus indulgere. Ceterum vix credibile est, a Landulpho, qui praesens erat rebus Mediolani eo anno gestis, & non tantùm Concionem ab Urbano pronunciatam, sed etiam ejusdem argumentum chartis commisit, omissam fuisse ignavo silentio sacram Celebritatem, a Summo ipso Romano Hierarcha raro admodum exemplo apud nos peractam; praesertim cum, procul dubio eidem interesse debuisset frequentissima Civium & Exterorum corona, si verè Urbanus illam tunc instituisset: Proinde standum esse Puricelli narrationi securiùs arbitramur.

Quanto

Quanto erga Deum amore ac desiderio amplificandi ejusdem cultûs æstualet Arnulphus, colligimus ex Diplonate, quod nos jam vulgavimus in Dissertatione *ad vindicandam veritatem* &c. Cap. XIV. in calce, ex Tabulario Metropolitanæ Mediolanensis Capituli. In eo autem ista leguntur: „ Non bis in nostra Mediolanensi Domo, nostrorum Cardinalium, „ scilicet Presbyterorum, Diaconorum, & Subdiaconorum in- „ terventu residentiibus, animarum nostrarum saluti providen- „ tes, & nostræ Sancti Gemuli pauperculæ Ecclesiæ vigilantes, „ tam præsentibus, quàm futuris, norum fieri volumus, quate- „ nus vigintiquatuor denarios, quos homines de Belare, qui „ vocantur Garilioli, Presbytero de Arcidiate dabant, duode- „ cim propter duodecim Missas, quas in Sancti Gemuli Eccle- „ sia cantabat, & duodecim propter duodecim prandia, dein- „ ceps nullo modo dentur. Candelæ verò, quæ in ipsius San- „ cti Gemuli festivitate Ecclesiæ Sancti Victoris de Arcidiate „ dabantur propter luminaria, amodo ab aliquo non exigan- „ tur „. Ne autem plebs illa detrimentum pateretur, a *Venerandis Viris, scilicet Athone Presbytero, Ingizone Judice, & Arderico Cancellarii Aripbrandi Germano, qui abjecto Mundo ad eandem Sancti Gemuli concurrerunt Ecclesiam*, tanta terræ portio emptæ est, unde annualiter reciperet Plebs segetem & panicum, quem posset Canonice de Arcidiate persolvere, simul cum quatuor ceræ candelis, tribuendis Sancti Victoris Ecclesiæ pro luminaribus supradictis. Vult autem Arnulphus, ut *omni anno mittantur ad Ecclesiam Metropolitanam Sanctæ Mariæ duæ Candelæ, per unamquamque unam libram ceræ habentes, quæ in Domini & Salvatoris Nostri Nativitate ardeant super Altare Sanctæ*

Sanctæ Mariæ in nocturna Missa Sanctæ Anastasiæ , & peractâ Missâ perveniant in potestate Cimiteriarchæ illius Ecclesiæ . Præcipit etiam , ut Ambrosianum Officium celebretur *a Presbyteris , & Clericis* , vel aliis, quos ipsi elegerint. Eximit demum Ecclesiam illam omnino a jurisdictione *Presbyteri , vel Clericorum de Arcidiace* . Subscripta est hæc Charta manu propria Arnulphi , Dei gratiâ Archiepiscopi Mediolanensis , Gothofredi Archipresbyteri , & aliorum ; data verò est *in Domo Sancti Ambrosii , Anno Dominicæ Incarnationis millesimo nonagesimo quinto , secundo die mensis Novembris , Indictione quarta .*

Diploma hoc Arnulphi postmodum typis commisit Clariss. Muratorius , inferuitque Tom. V. *Antiquitat. Ital. Med. Ævi* , colum. CCLXVII. Anjmadvertit autem diligentissimus Scriptor iste , nullum Monachorum ibidem habitantium vestigium in hoc Privilegio occurrere ; Cùm tamen Bosca *in Martyrologio Mediolanensi* ad diem IV. Februarii hæc adnotaverit : *Monasterium Gannense fuit olim Benedictinorum : Nunc Cœnobitis caret ; illius siquidem redditus Pius IV. Pontifex Maximus addixit Nosocomio Majori Mediolani* , verisimile censet Muratorius , tunc Cœtum aliquem Clericorum cum in locum coaluisse , cùm ipsum Arnulphus Archiepiscopus eximat a jurisdictione Archipresbyteri , seu Plebani Arcidiacensis Ecclesiæ ; postea verò sibi elegisse Abbatem , & Institutum Benedictinum suscepisse . Perennem certè memoriam meretur pietas Arnulphi Archiepiscopi , qui campum aperuit hac institutione , ut pauperula ea Sancti Gemuli Ecclesiæ religionis hominum evaderet domicilium , ac subinde Cœnobium Monachorum .

Hallucinari plurimum sunt Galefinius non secus ac Ughellus, qui constanter asseruere, ab hoc Arnulpho Archiepiscopo collecta fuisse septem militum millia Cruce signata, ut ad redimendam e Barbarorum manibus Jerosolimam mitterentur; de hoc namque bellico Arnulphi apparatu ne verbum quidem protulere Scriptores: Neque tempus eidem superfuit, rem tot difficultatibus obstatam, tantique dispendii propemodum excogitandi; siquidem morte præreptus Anno MXCVII., die XXIV. Septembris Ecclesiam hanc regere desuit; multoque magis hoc verum esset, si Ughellum sequeremur, qui uno ante anno defunctum Arnulphum scribit: quo tempore vix promulgata in Concilio Claromontano Expeditio in Barbaros fuerat, sed nondum instructa.

Ecclesiæ Ambrosianæ præfuit annis III., mensibus IX., diebus XIX., ut ex antiquo Catalogo discimus.

Sepulchrum fuisse Arnulphum apud Sanctum Victorem, *cujus ille Templum ditaverat fortunis gratiisque, ac privilegiis exornaverat*, proximè relatus Ughellus testatur. Si tamen veteres Catalogos consulamus, tumulum Arnulphus habuit in Monasterio Clivatenſi; atque idem adnotavere Galefinius, alii-que. Quocirca facillè cenſeri poteſt, fucum feciſſe Ughello duplex Cœnobium Monachorum Montis Oliveti, alterum Mediolani, alterum in Vico Clivate Mediolanenſis Diœceſis, ut unum pro alio designaret, in quo Archiepiſcopi hujus noſtri Oſſa condita fuerint.

ANSELMUS IV.



Lectorem Anselmi IV., de Buis appellati, in Archipræsulem Mediolanensem describit Landulphus de Sancto Paulo, illius temporis Scriptor, qui ait, defuncto Arnulpho Archiepiscopo, Mediolanum advenisse Armanum Brixiensem Episcopum electum, Provinciæ nostræ Suffraganeum, atque collectis Comitibus designatum fuisse Successorem Landulphum de Badagio, Præpositum Canonici Sancti Ambrosii, Virum moribus ac vita optimè ornatum; sed eodem Antistite Armano minimè consentiente, acclamatum postea fuisse Anselmum Canonici Sancti Laurentii Præpositum, & gratiâ Comitissæ Mathildis, necnon Urbani II. Summi Pontificis assensu accedente confirmatum. Quandoquidem verò Sacris Ordinibus carebat, eodem statim recepit; deficientibus autem Suffraganeis, ab alterius Provinciæ Episcopis in Archipræsulem Mediolanensem est consecratus. Nec defuit eidem exornando in hac Dignitate Pontifex Maximus, mittens ex veteri more per Legatum suum Stolam seu Pallium, quo in solemnibus Sacrificiis indueretur.

Prudentiæ suæ præclarum testimonium statim dedit Anselmus; cùm enim Obertus quidam, cognomine *Baltricus*, Sedem Brixiensem invadere tentaret, utpote ab Henrico Imperatore Schismatico ad eandem promotus, constanter obstitit Archiepiscopus noster, eoque prorsus rejecto, sacro

Chris-

Chrismate inunctum Armanum, illius Ecclesiæ jampridem electum, ut diximus, Episcopum declaravit.

Insederat eo tempore altè animo Episcoporum ac Principum Italiæ desiderium ac sollicitudo instruendi exercitum adversus Saracenos, undique personantibus vocibus, quæ populum ad magnanimum hoc Opus impigrè aggrediendum incitarent; præcipuè cum Urbanus II. frequentibus Monitis Literisque, etiam ad Anselmum nostrum datis, Expeditionem in Orientem urgere prosequeretur. Proinde successus ab iisdem Antistes noster vires omnes impendit, ut ex Insu-
bribus ac Langobardicis huic Metropoli subditis Provinciis validum militum subsidium pararetur exercitui, jam profecto ad sacrum contra Barbaros bellum aperiendum. Nec sibi ipsi perperit inclytus Præsul, citatis itineribus per Italiæ Urbes excurrrens, ut præsentia & servidis exhortationibus animos juvenibus ac viris adderet, ad sese sacræ militiæ conscribendos, vitamque pro tutanda Fide Deique gloria amplificanda, bellorum periculis intrepidè exponendam. Tantum autem industriâ laboreque profecit, ut Abbate Urspergensis & Sigonio testantibus, quinquaginta millia Langobardorum, inter quos septem millia Mediolanensium numerabantur, colligere atque armare valuerit.

Antequam tamen professionem in Orientem iniret, Pastoralis Officii sui munera exercere non desit. Ac primò, cum Ecclesiastica disciplina plurimum concidisset, depravatis Sacerdotum moribus, excitatis Civilibus bellis, & Henriciano Schismate in Ecclesias inducto, Concilium celebrare Mediolani statuit, pluresque Catholicos Episcopos non tam Pro-

vinciæ suæ, quàm exterarum regionum ad illud convocavit, aperuitque Anno MXCVIII., Iudictione VI. Nonis Aprilis. Nicolaus Sormanus antiquitatis peritissimus & Collega noster, ejusdem fragmentum publici juris fecit in suo Opere, edito in *Causa Præminentie* &c. Integrum ipse archetypum servat, quod optandum esset, ut quamprimum typos subiret, unâ cum ampla Serie Documentorum veterum ac Diplomatum, quam ipse summo labore ac studio ex Archivis collegit, Notisque illustravit. Hujus Concilii ea tantum vulgavit, quæ ad rem suam spectabant, addiditque Anselmi Diploma, quod absoluto Concilio expeditum fuit favore Canonorum Basilicæ Ambrosianæ, cum subscriptionibus Præsulum, qui eidem Synodo interfuere, iique ita describuntur: *Anselmus Archiepiscopus Mediolanensis*: *Guibellinus Arelatensis Archiep.*: *Gosfredus Magalonsis Ep.*: *Aldo Placentina Ecclesiæ Præsul*: *Bonsenior Regina Ecclesiæ Provisor*: *Ubaldu Mantuanus Antistes*: *Guido Cumanus Gubernator*: *Herimannus Brissensis*: *Guido Terdonensis*, *Azo Aquensis Electi*: & *Gregorius Romana Ecclesiæ Cardinalis*. Eruditissimus Pater Joannes Dominicus Mansi, e Congregatione Matris Dei, nostrique amantissimus in Tom. II. *Supplement. ad Concilia*, Lucensis Editionis Anni MDCCCLXIX. fragmentum istud inseruit fol. LV., suasque animadversiones adjecit, in quas mendum irrepsit, cum Anselmo *de Rode*, tertio hujus nominis, Anno MXCVIII. e vivis erepto attribuat hanc Synodum, quæ congregata est ab Anselmo *de Buis*, Anno MXCVII. ad Archiepiscopalem Mediolanensem Sedem evecto.

Alterum laudis argumentum in nostro hoc Antistite colligit

ligit Puricellus ex Lapide adhuc superſtite in fronte Atrii, præjacentis Templo Sancti Ambroſii, & ibidem poſito Anno MXCVII., quo ipſe præerat Eccleſiæ Mediolanenſi, conceſſam videlicet fuiſſe ab eodem Immunitatem a publicis vectigalibus, iis omnibus qui Mediolanum ſe conferrent ad celebrandam Sanctorum Protasii & Gervasii Martyrum Solemnitatem. Equidem libentiſſimè amplecteremur Puricelli ſententiam, cum ageretur de præcipuis Metropolis noſtræ Patronis, quos Sanctus Ambroſius profeſſus eſt, tales ſe ambire Defenſores. Verùm ſi expendamus ſerio examine Lapidem illum, clarè patebit, non cœpiſſe eo primùm anno ſolemnnem hanc institutionem: In eodem namque leguntur hæc verba: *Statutum eſt ab Archiepiſcopo Anſelmo, & ejus poſtea Succeſſoribus ſub nomine excommunicationis, & communi Conſilio totius Civitatis, ut non liceat alicui homini in eorum Feſtivate, & per tres dies antea, & per tres poſtea, Curatiam tollere*, id eſt Vectigal a viatoribus perſolvendum. Cum igitur de re præterita Lapis loquatur, quis ex tribus aliis Anſelmis fuerit primus Auctor hujus indulgentiæ, divinare non licet. Nihilominus negari nequit, plurimum gloriæ in hunc Anſelmum refluere, cum notum ſit, eo tempore principem locum habuiſſe Archiepiſcopum Mediolanenſem in publicis rebus; & præſertim cum ſubjungatur in ea Inſcriptione, *per octo dies ante Feſtum, & per octo poſt Feſtum, pacem omnibus hominibus ad Solemnitatem venientibus & redeuntibus communi Conſilio firmatum eſſe, Adam & Pagano huic bono opem dantibus, Anno jam dicto*. Sed de his ſufſidegimus in *Vindictis Sanctolorum Martyrum Protasii & Gervasii*, Cap. I. pag. XXV.

Solido procul dubio fundamento nititur Judicium habitum ab Anselmo Archiepiscopo Anno sequente MXCIX. Cùm enim controversia agigaretur diu vicens inter Vicinos Parœciæ Sancti Protasii, & Monachos Sancti Simpliciani, qui ibidem degebant antequam ad illud Cœnobium transmigrarent, re maturè perpensâ Decretum edidit Archiepiscopus in favorem Congregationis Monachorum, quo lites omnes in futurum compescuit. Extat hujus Sententiæ Exemplar apud Ughellum, ab ipso Anselmo subscriptæ, & latæ Anno MXCIX., IV. Nonas Februarii.

Eodem anno animum adjecit Antistes hic noster exci-
 randis Civium cordibus ad religiosiorem perfolvendum cultum
 Sancto Martyri Arialdo, incontinentiæ & Simonia, Sacros
 Altaris Ministros eo Seculo sædè contaminantium, egregio
 profligatori. Quamobrem institutâ solemnî Supplicatione, ejus-
 dem Corpus ex primo in Ecclesia Sancti Celsi Tumulo, ad
 Sancti Dionysii Templum transtulit, ut simul quiesceret cum
 altero Sancti Herlembaldi Martyris, qui in eadem arenâ tam-
 diu decertavit, donec fuso proprio sanguine triumphalem a
 Deo palmam promeritus fuisset. Recitat Puricellus in *Vita
 Sancti Herlembaldi* Cap. LXXXIII. Inscriptionem appositam
 Sancti Arialdi Sepulcro in prædicta Ecclesia Sancti Dionysii,
 in qua idem animadvertit, memoriam inferi etiam Socii sui
 Sancti Herlembaldi. Translationem hæc ab Anselmo per-
 actam fuisse circa tempus Autumnale scripsit Pagius ad hunc
 Annum. Serius tamen id contigisse nos docet Landulphus
 Senior Lib. III. Cap. ultimo; ait enim, susceptam fuisse a
 nostro Antistite sacram hanc curam post biennium sua Con-
 se-

secrationis. Cum autem ipse Episcopalem unctionem receperit die II. Novembris Anni MXCVII., memoratus verbò Auctor minimè asserat, statim post biennium in Æde Dionysiana collocata fuisse Ossâ Sancti Arialdi, clarè patet, fortasse provecto jam Novembre Sanctum Corpus ibidem fuisse repositum.

Interim perlatum est in hanc Urbem lætissimum nuncium, captam videlicet fuisse a Gothifredo Bullionio cum suis Commilitonibus Cruce-signatis Jerosolymam Idibus Julii, ibidemque erectum Sanctæ Crucis Vexillum. Quapropter festivis vocibus ac plausu resonantibus undique compitis, meditatus est Anselmus Archiepiscopus pereunte aliquod tantæ victoriæ monumentum in hac Metropoli figere. Aderat in Urbis meditullio Templum, Anno MXXXI. extractum a Benedicto de Rozone in honorem Sanctissimæ Trinitatis, quod religiosissimè colebatur. Hoc renovari placuit in accuratam similitudinem Sancti Jerosolymitani Sepulcri, atque hoc nomen in hodiernum usque diem eidem Templo perseverat, adjectis Clausis, & ibidem fixâ Sede Congregationis Oblatorum, quam postmodum instituit Sanctus Carolus Borromeus. Ipse autem Anselmus Archiepiscopus solemnem diem indixit peragenda Dedicationi, nempe Idus Julii, Anni sequentis MC.; utque alliceret Cives exterosque ad devotius solemniusque sacram hanc Celebritatem recolendam, expedito Diplomate, quod Puricellus, & Ughellus integrum recitant, sanxit, ut Supplicatio Cardinalium Ecclesiæ Majoris iniretur a Templo Maximo ad aliud Sancti Sepulcri, eaque quolibet anno imposterum renovaretur. Insuper edixit, ut *otto diebus ante Solemnitatem, & otto postea pax fieret, & tregua*
per

per Comitatum Mediolanensem. Nundinas etiam ab omnibus immunes vectigalibus, affluentes mercibus instituit, nihilque omisit, quod magnificentiam non spiraret.

Imminebat tempus statutum itineri in Orientem suscipiendo, Duce ipso Anselmo Archiepiscopo. Compertum minimè est, quâ viâ processerit. Conscendisse ipsum Genuæ Classem, quæ Calendis Augusti Anni MC. inde solvit, a Ligusticis Annalibus tradi Calchus affirmat. Nihil tamen de hac re habere Justiniani, & Folietæ Historias advertit etiam Pagius ad Annum MCI., num. VII. Addimus quoque Cassarum editum Tom. VI. *Rerum Italicar.*, qui exordiens Historiam suam ab Anno MC., nullum prorsus verbum facit de Archiepiscopo Mediolanensi, & ejusdem exercitu; cùm tamen professionem Trirēmum Januâ Jerosolymam accuratè describat. Arbitramur potius, terrestri Anselmum itinere Constantinopolim contendisse; Uspergensis namque Abbas refert, Langobardorum exercitum Carinthiâ permeatâ in Bulgariæ Civitatibus hyemasse, ac tandem Anno MCI. Constantinopolim pervenisse.

Duplicem professionem in Orientem nonnulli ex Scriptoribus ab Anselmo susceptam affirmant, præsertim Puricellus, & Ughellus; alteram scilicet Anno MXCVIII., ex qua reversus ea peregerit, quæ superius descripsimus; alteram Anno MC. post Dedicationem Ecclesiæ Sancti Sepulcri. Arduum tamen captu est geminatum hoc iter; cùm videamus quolibet anno, post indictam ab Urbano II. Summo Pontifice Expeditionem in Syriam, exercuisse Anselmum Mediolani Præfatus sui officia, & Celebritates, quæ absolvi non poterant brevi morâ ab ipso habita in hac Urbe; Concilium nempe collectum, ac celebratum

Anno

Anno MXCVIII. ; compositam litem inter Monachos Sancti Simpliciani , & Vicinos Sancti Protasii Anno MXCIX ; Translationem Corporis Sancti Aribaldi Martyris sub finem ejusdem anni ; & demum quam proximè retulimus magnifico apparatu peractam Dedicationem Templi Sancti Sepulcri . Porro quis autumare unquam valeat , Archiepiscopo tot publicis negotiis expediendis occupato superfuisset dies ac menses , quibus tam longam peregrinationem iniret , reditum expleret , ac iterum eidem itineri sese committeret ? Pater Eustachius a Sancto Ubaldo respondere nititur in Libro *de Metropoli Mediolanensi* Clarissimo Muratorio , qui eandem Sententiam tuetur , conciliare omnia satagens , quæ difficultatem non levi geminato huic itineri injicere posse videntur ; num. tamen CCLXXXIV. hæc habet : *Ut Muratorio meo morem gerere non desinam , eam assertionem , quod Landulphus (a Sancto Paulo) unam tantum Archiepiscopi Expeditionem referat , libenter amplector ; eam enim magis conformem rationi , & veterum Auctorum Scriptis agnovit .*

Pastoralis caritas , qua Gregem suum fovebat Anselmus , minimè passa est , vacuam relinqui Rectore suo Sedem Mediolanensem , atque ita occasionem præbere dilectis Ovis suis ejusdem absentiam inani dolore , ac multo earum dispendio lacrymis prosequendi . Quapropter ante discessum suum , consilium iniit Vicarium sibi aliquem substituendi , Virum peculiari doctrina ac prudentia instructum . Is fuit Grossulanus , quem ut præstantiori auctoritate muniret , Saonensi Episcopatu ab illius Clero & Populo ornari studuit , missis illuc duobus Legatis ; quemadmodum etiam communibus votis ad eam Sedem fuit promotus . Electionem hanc contigisse Anno MXCVIII. affirmat Ughellus

in

in Episcopis Saonenſibus ; ſeriùs tamen id factum ex Landulpho colligitur . Cùm enim eum dicat eodem tempore ordinatum Episcopum , quo Archiepiscopi Mediolanenſis Vicarius est constitutus , & in hoc munere per biennium perduraſſe , donec videlicet certum de Anſelmi obitu nuncium accepit , clare deducitur , non potuiſſe illum uſque ab anno memorato Episcopum eligi , atque ordinari ; ſecus namque quatuor annos in hujus Mediolanenſis Eccleſiæ adminiſtrandæ officio inſumpſiſſet , fide Landulphi repugnante . Statuenda igitur eſt huiusmodi electio , & conſecratio ad Annum MC. , ante menſem Julium , ſicuti eandem Pagius *in Critica* ad hunc Annum reſert . Quid egerit in hoc munere Groſſulanus , ſuo loco narrabimus .

Infelicem exitum habuit tot conſiliis ſumptibusque maturata Expeditio Anſelmi in Orientem ; conſerentibus namque manus militibus noſtris cum Turcarum copiis apud Daniſman , in Romania ſitam , improſperè cecidit pugna , ſiſis Catholicorum agminibus , ipſoque Archiepiscopo rix fugà elapſo . Radulphus , unus & ipſe ex Cruceſignatis , Familiaris Tancredi Antiochiæ Principis , cujus etiam res geſtas deſcripſit , narrat , initum prælium apud memoratam Urbem , & inter alios Duces nobileſque milites , Anſelmum quoque Mediolanenſem Archiepiscopum fuiſſe interemptum . Antiquorum tamen omnium , & recentium Scriptorum una vox eſt , obiſſe hunc Præſulem Conſtantinopoli . Itaque ne alicui ex coævis fides abnegetur , cenſeremus dici poſſe , exiſtimatum fuiſſe ab aliquibus in pugna ſervore mortuum Anſelmum ; ſed fortaiſſe poſt acceptum vulnus , Conſtantinopolim ductum fuiſſe , ubi in gravi luctu expiraverit . Certè modicum temporis eſſluxit ab inito prælio ad obitum
hujus

hujus Antistitis, adeòque verisimile admodum est, gravi alia de causa, quàm ex solo mœrore, ac luctu illum interiisse.

Inaudita res est, quam nobis in *Tabula Archiepiscoporum Mediolanensium* Galefinius obtrudit, inquires: *Fidei nomine in exilium pulsus* (Anselmus) *Constantinopolim venit, ubi obiit*; nusquam enim legimus enatam occasionem exilium indicendi Anselmo, quod alioquin eidem gloriosum fuisset. Commentum hoc vulgavit Cattaneus in Libro inscripto: *Successores Sancti Barnabæ*, ubi agit de Anselmo, hujus nominis quarto, & plura de suo miscet, a vero prorsus aberrantia, ut alibi jam adnotavimus.

Quo anno sublatus & vivis fuerit Anselmus, diversa tradidere Scriptores. Sigonius, Ughellus, alique annum Secularem statuunt ejusdem morti. Verius tamen sequens Annus MCL. & dies XXX. Septembris, postremus fuit vitæ Anselmi; atque in hunc etiam consensit Puricellus, qui Cap. LXXXIII. *Vitæ Sancti Hreimbaldi* priorem ab ipso vulgatam opinionem de Anno Seculari apertè rejecit.

Regimini Anselmi annos III., menses X., & dies XXVIII. assignat antiquus Catalogus; sepulcrum autem habuisse in Monasterio Sancti Nicolai in Byzantina Urbe connotavit.



GROSSULANUS.



Statim ac Anselmus IV. professionem in Syriam suscepit, Grossulanus Episcopus Saonen-
sis electus, Mediolani consecratus, & Vi-
carius Anselmi Archiepiscopi constitutus Anno
MC., quemadmodum proximè retulimus,
munus suum a Dei cultu & caritate in-
proximos inchoavit, instituens ut singulis secundis Fieriis cujuslibet hebdomadæ Clerus ac Cives omnes ad Sancti Ambrosii Basilicam sese conferrent, ibique fervidas preces ad Deum effunderent, ut felicem Anselmo ejusque exercitui peregrinationem largiri dignaretur. Insuper Grossulanus ipse non iis tantum Fieriis, sed in singulis ferme diebus Festis e suggestu concionabatur, quinimo parcitate cibi asperique vestitus, quo utebatur, exemplo ad Christianæ modestiæ ac virtutum exercitationem populum succendere conabatur. Per biennium in hac vivendi norma, Vicarii quoque officio perduravit; donec infaustum nuncium ad hanc Urbem perlatum est, Archiepiscopum Mediolanensem Constantinopoli obiisse. Postquam verò luctui & funebribus Sacris satisfactum est, ut anima tanti Antistitis ab expiatorio igne eruta celerem ad Superos transitum faceret, de substituendo altero Archiepiscopo cogitationem sumpsit Grossulanus, habitoque consilio cum Clericis & Nobilibus Comitia indixit; cumque spectante populo initum fuisset Colloquium ut Successor declararetur, & a Cleri Primicerio propositi essent duo ex Canonicis Metropolitanæ

Ba-

Basilicæ, qui a bello Jerosolymitano iter aggressi fuerant, in Patriam reversuri, Landulphus nempe de Badagio, & alter Landulphus de Varegate, qui ex Præposito Basilicæ Sancti Nazarii delectus est in Episcopum Aftensem, ac Beatorum albo etiam adscriptus; Grossulanus vetuit, ne in absentes suffragia ferrentur. Quamobrem, instante Arialdo Abbate Monasterii Sancti Dionysii, pars Cleri & populi Grossulanum ipsum in Antiitirem acclamavit: Is verò Archiepiscopalem Sedem illico conscendit, Episcopali paludamento indutus a memorato Arialdo Abbate, Anno MCII.

Non arrisit omnibus hæc electio; atque ideo excitatus est in compitis tumultus: Liprandus autem Rector Ecclesiæ Sancti Pauli (qui sociam opem præstiterat Sancto Herlembaldo in extirpanda labe incontinentiæ ac Simoniz, atque ob id a Sicariis naso & auribus fuerat mutilatus) Grossulanum de Simonia increpavit, seque obtulit ad eandem comprobendam judicio ignis. Imo Legatos Romam præmisit, qui Paschalem II. Pontificem Maximum admonerent, ne hunc electum Archiepiscopum consensione suâ firmaret. Non auditi tamen fuere Clerici ad Apostolicam Sedem directi; Bernardus enim S. R. E. Cardinalis, postmodum Parmensis Episcopus, impetratum a Summo Pontifice Pallium ipsemet Mediolanum detulit, eoque Grossulanum publicè exornavit. Non defuit promisso Liprandus, sed post varias concertationes tandem obtinuit, ut utraq; consentiente Parte suæ fidei experimentum daretur. Igitur coram Principibus & Episcopis, quos ex universa Provincia ad Synodum convocaverat Grossulanus Anno MCII., paratum se Liprandus obtulit

ad vitæ suæ periculum faciendum, ut Dei ipsius testimonio indubiè constaret, Grossulanum *simoniacum* esse per munus a manu, per munus a lingua, per munus ab obsequio. Itaque ineunte hebdomada Sanctiore Anni MCIII. (non MCI., ut perperam scripsit Ughellus) publico ære comparata ligna, ante Atrium Basilicæ Sancti Ambrosii disposita fuere hinc inde, in latitudinem decem ulnarum, atque in altitudinem superiorem humano corpore, idest ulnarum quatuor; via verò intermedia lignis pariter strata erat in latitudinem unius ulnæ & semis. Stato autem die, Feriâ nempe IV., ipso præsentē ac consentiente Grossulano, præmissis Sacris caeremoniis, quæ in hisce Judiciis ex more adhibebantur, intrepidus in ignem se conjecit L'prandus Sacerdotalibus indumentis ornatus. Tum verò recedentibus hinc inde flammis, quasi tramitem ad exitum commonstrarent, candentes prunas veluti mollem arenam calcavit, seque illæsum in tuto positum reperit, ne attractis quidem aut denigratis Sacris vestibus lineis sericisque. Hujusmodi Judicia vigeant illâ ætate, & non tam Statutis Judicum sed etiam Archiepiscoporum Mediolanensium præscripta erant, ut involuta ambagibus veritas eluceret. Extat MStus Codex in Ambrosiana Bibliotheca Consuetudinum Mediolani, Anno MCCXVI. Consulm & Judicum auctoritate compactus, in quo de variis Judiciorum generibus agitur, *Monomachia* videlicet *per Campiones*, *aquæ frigida*, & aliorum similium. Superfunt quoque in Antiphonario hujus Ecclesiæ Metropolitanæ nostrorum Antistitum regulæ, observandæ in Judiciis *firri candentis*. De his omnibus nonnulla exposuimus in nostra *Historia Literario-typographica*, ad Annum

num MCDLXXX. Plura protulit Muratorius sæpe laudatus in Tom. III. *Antiquit. Ital. Med. Ævi*, colum. DCXIII., & seqq.; fusè autem de his disseruit Edmundus Martene *de Antiqu. Eccles. Ritib.* Tom. II. Libr. III. Cap. VII. Perduravit mos iste in hac Metropoli usque ad medium Seculi XIV.; Statuta enim, eo tempore edita a Principibus ex Vicecomitum Familia, prædicta Judicia prorsus abrogavere.

Sed Grossulanum sequamur, qui audito clamore universæ Plebis, Presbytero Liprando plaudentis, Sedem Archiepiscopalem deseruit, & consensu equo, sese a Civitate propriens Romam profugit. Ibi non modò benignè exceptus a Paschali II. Pontifice Maximo, verùm etiam auctus est honore, cujus non alterum in Historiis exemplum legimus. Siquidem (ut verbis Landulphi de Sancto Paulo utamur) *ipse Papa Paschalis super Sedem suam ipsum Grossulanum posuit, & per quot dies ipse Grossulanus tunc temporis Laterani fuit, eundem super Sedem suam sedere fecit, atque ipsi sedenti cessit & locum dedit; suam quoque Curiam & omnes Causas Ecclesiasticas a se discernendas & judicandas, ipsi Grossulano ad discernendum & judicandum tradidit; idque contigit Anno MCIV.*

Sequente anno idem Pontifex Concilium II. Lateranense coëgit, ad quod convenere Grossulanus & Liprandus, necnon Landulphus de Vareglate, aliique Suffraganei Episcopi, & Clerici, qui adhuc Grossulano adhærebant. Exitus autem hujus Synodi fuit restitutio ejusdem in Archiepiscopum Mediolanensem, ab ipso Paschali & universis Patribus decreta. Quamobrem memoratus Archiepiscopus iter suscepit, ut Sedis pos-

possessionem reciperet. Verùm a Primoribus Cleri ac Civitatis admissus minimè fuit, nec ulla Arcium aut Locorum Archiepiscopalis Mensæ possessio eidem relicta. Quinimo Collegium Canonorum Ecclesiæ Majoris, regimen ejusdem suscepit, ac si Sedes vacaret, & per annos duos administravit; quod etiam factò comprobatur. Cum enim Anno MCV. in Ecclesia Sanctæ Mariæ appellatæ *ad Portam* inventæ fuissent insignes Reliquiæ Passionis Christi Domini, aliorumque Sanctorum, Cardinales Metropolitanæ Ecclesiæ, & Primicerius cum universo Clero Festum diem publicis Literis indixere, VII. nempe Idus Maji, quo a servilibus operibus vacaret populus, non secus ac in solemnioribus diebus Festis, darè etiam publicis nundinis quolibet anno a vestigalibus immunitate per octo ante, & totidem post dies. Statuta est etiam annua Supplicatio Cleri a Basilica *Ætiva* ad memoratam Sanctæ Mariæ Ecclesiam sub nomine Festi *Aylos*, idest *Sancti Sanctorum*. Integram hanc Epistolam recitat Landulphus de Sancto Paulo Cap. XXII.

Constans indignatio, quam Mediolanensis Civitas conceperat in Archiepiscopum Grossulanum, ob crimen Simonie quo infectum verè illum arbitrabatur, feralis occasio contentionum & etiam cædium fuit. Cum enim Antistes ille quamplures quoque ex Primoribus Viris ac Præsulibus fautores haberet, qui tamquam pro aris & focis in ejusdem gratiam decertabant, ut Solio hujus Ecclesiæ restitueretur; alii verò pari nobilitate ac opulentia præstantes Grossulanum excrarentur, pugnatum est sæpius, variè exitus conditione. Tandem propitia fors eò Grossulanum adduxit, ut Aronæ

Ca-

Castrum aliaque Loca Archiepiscopalis juris feliciter possideret. Aberat tunc Olticus Vice-Dominus, unà cum aliis Sociis studiorum causâ in Gallias profectus; admonitus autem de hac Grossulani (ut ait Landulphus) invasione, illico Mediolanum festinus advēnit; cūque collectis auxiliariis copiis Aronam sese contulisset, vacuum Arcem & finitima Loca a factione ejusdem deserta invēnit. Siquidem qui Grossulano familiares erant, eidem consilium præbuerant iter Jerosolymitanum aggrediendi, quod etiam admisit perfectique.

Landulphus hæc scribens, sequentia verba chartis commisit: *In hac manifesta dispositione, & alia non pluribus cognita, Grossulanus Jerosolymitanum iter intravit.* Pagius ad Annum MCX. num. II. censuit, vocem illam *dispositione* amanuensis mendum esse, ac loco illius reponendum *depositione*, quemadmodum in suo Exemplari ita scriptum Puricellus testatur; hoc enim verbo perspicuum fieri ait, Grossulanum tunc ab Archiepiscopali Sede sese prorsus abdicasse. Verum in geminis Exemplaribus Ambrosianæ Bibliothecæ, patentibus literis legimus *dispositione*; quamobrem in incerto adhuc versamur. Veritati tamen proximiorē esse lectionem nostram, ipse Grossulanus ostendit, qui & antequam iter in Orientem aggrederetur, sibi Vicarium in hac Ecclesia Ardericum Novariensem reliquit, & redux post biennium ab Jerosolymis, rectâ in hanc Metropolim iter intendit, & armis etiam ingredi eam tentavit, quamvis irritō conatu, ut infra narabimus.

Baronius in *Annalibus* ad Annum MCXVI. nobiliori de causa

causa extimulatum putavit hunc Archiepiscopum ad profecti-
nem in Jerosolymitanam Urbem, mandato scilicet Paschalis
II., qui eundem Legatum miserit ad Alexium Comnenum,
ob causam sibi incognitam. Hæc opinio in alios quoque
celebres Scriptores irrepsit, eamque Libris suis inferuere.
Verum silentibus cœvorum Historiis, Landulpho autem no-
stro asserente, sola Amicorum suasionem permotum Grossula-
num difficili ac longinquo huic itineri se dedisse, satis clarè
colligere possumus, hujusmodi Legationem supposititiam esse.
Sanè illam commentum vocat Pagius ad Annum MCXVI.,
a Leone Alatio adoptatum, & aliis passim. Nihilominus
certum omnino est quod a Viris istis celeberrimis traditur;
disputasse Archiepiscopum nostrum coram Alexio Imperatore
de processione Spiritus Sancti a Patre & Filio, contra Græ-
cos; legitur namque in Baronio fragmentum Orationis, quam
habuit in ejusdem Augusti Principis præsentia memoratus Præ-
sul Grossulanus, qua egregiè argumenta omnia Doctorum
Græcorum illam oppugnantium convellit. Intègrum hoc Opus-
culum asserari MSrum in Bibliotheca Regia Parisiensi, sub
titulo: *Petri Grossulani Episcopi de Processione Spiritus San-
cti*, testatur Pagius loco laudato.

Sigonius *de Regno Italiæ* Libr. X., aliique recentes Au-
ctores affirmant, a Grossulano impositum fuisse Henrico V.
Imperatori Regium diadema Mediolani, vel Modoëniæ Anno
MCX. Attamen Coronationem hanc ad fabulas rejiciendam
esse ex eo constat, quòd Landulphus præsens in hac Urbe
nullum de ea verbum profert; asserit verò, Grossulanum
mense Aprili recessisse ab hac Metropoli, ut Jerosolymam
pete-

peteret; Henricus autem ineunte Autumno in Italiam descendit, Donizone cœvo Scriptore id expressè narrante. Imo cum idem referat, excisam ferro & flammis fuisse Novariam, & Mediolanenses Henrico ipsi constanter obstitisse, arguere possumus, nedum minimè coronatum, sed nec fortasse etiam in Urbem nostram admissum illum fuisse in hoc suo adventu in Italiam. Hinc hallucinatos credimus Ciaconium & Sigonium, qui retulere, a Grossulano Henricum in ingressu Vaticanæ Basilicæ oblatum fuisse Paschali II., cum ad Coronam Imperii postularet admitti; quæ enim mox attulimus de itinere Grossulani in Orientem, ubi per biennium moram duxit, errorem evincunt; eoque etiam dilucidius, cum Henricus nonnisi Anno MC-XI. Imperii Coronam acceperit.

Dum Grossulanus cum Græcis pro Catholicæ Fidei dogmate de Spiritu Sancto gloriosè contendebat, Mediolani Pars eidem adhærens ignominiosâ contentione cum altera adversâ digladiabatur. Quandoquidem verò odia invicem fovebantur, & sanguis Civium affiniumque infractuosâ effusione a frequentibus plagis manabat, quidam Ardericus de Carimate, Archidiaconus Ecclesiæ Metropolitanæ, auctoritate plurima in hac Urbe pollens, ut finem civilibus bellis faceretur, meditatus est utramque Partem in unum conciliare. Approbatum est ejusdem consilium, simulque convenerunt, ut novem ex iis, qui Grossulanum peculiari patrocinio tutabantur, totidemque alii, qui eidem obstabant, coram Metropolitanæ Basilicæ Canonicis Ordinariis, & reliquo Clero, necnon Primoribus Nobilium, & Populi, judicium facerent, utrum Grossulanus absens posset esse Archiepiscopus Mediolani, necne; prætiro etiam ab om-

E c

nibus

nibus juramento standi Sententiæ, quam illi decemmoſto Viri protuliſſent. Itaque ſtatuta eſt dies Calendarum Januarii Anni MCXII., qua illuſcente, & Arderico ipſo cum Vice-Domino ſuggeſtum conſcendente definitum eſt in hæc verba: *Nos ſalvâ reverentiâ Papæ, ſecundùm auctoritatem & juſtitiam Canonum dicimus, quòd Groſſulanus non poteſt eſſe Archiepiſcopus Mediolani*; atque a cunctis hoc confirmato, in Jordanum de Clivi Presbyterum ſuffragia converterunt, eundem Mediolani Archiepiſcopum deligentes, conſentiente poſtmodum Summo Pontifice.

Semen tamen aliquod diſcordiarum adhuc remaſerat; quamobrem cùm Anno ſequenti MCXIII. Groſſulanus Jerolymis reverteretur, & intellectâ Jordani ſubſtituti electione, in hanc Metropolim greſſus dirigeret (quod certè abdicationem Mediolanenſis Præſulatus non ſapit, ut ſuperius contra Pagium dicebamus) occurrere illi, qui obſtinati in ejus obſequio erant & dilectione, eique hoſpitiū paraverunt in Turri, quæ imminabat Portæ, appellatæ *Romanæ*, juxta parvam Ædem Sancti Victoris. Qua re cognitâ a ceteris Civibus, illuc plurimi accurrerunt, & gravis pugna commiſſa eſt tanto ardore, ut egredi coactus ſit Groſſulanus, prorſus expulſus. Placentiæ igitur domiciliū ſibi ſtatuit in Monafterio Sancti Marci, Congregationis Vallis-Umbroſæ.

Tertio poſt anno, ideſt Annò MCXVI. Paſchalis II, ut utriuſque Archiepiſcopi Cauſa expenderetur, Concilium Lateranenſe indixit, ad illud advocans Jordanum, & Groſſulanum, qui Pontificiis mandatis illico parvere. Cùm ergo collecta eſſet Synodus, ſedit Jordanus, nullo intermedio, ad dexteram Paſcha-

chalis , Grossulanus verò ultimo post Archiepiscopos loco , sed ante alios Episcopos . Agitata est per quinque dies illius Causa , ipsomet egregium sui patronum agente . Demum Summus Pontifex doctrinam & eloquentiam Grossulani commendans , simulque mentionem faciens experimenti ignis , a Presbytero Liprando editi , & ea etiam quæ in Concilio Anni MCV. acciderant commemorans , Sententiam tulit , Synodo universa consentiente , in hunc modum , ab Abbate Urspergenſi descriptum in *Chronico* , ad Annum MCXVI. : *Translationes Episcoporum duobus fieri modis , necessitate , vel utilitate ; hujus autem translationis Grossulani , quæ videbatur , utilitatem , in animarum & corporum damna conversam* : Proinde ad Episcopatum Saonæ remittendum Grossulanum , Jordanum verò ab ipso approbatum Archiepiscopatu Mediolanensi dandum decrevit .

Absoluto Concilio Grossulanus , loco restituendi se Saonensi Ecclesiæ eamque administrandi , Romæ perſistit , Dignitatem Episcopi servans , hospitiumque elegit in Domo Sancti Sabæ , quæ olim a Græcis Monachis incolebatur . Ibi autem Anno MCXVII. extremum spiritum Deo reddidit VIII. Idus Augusti , post annum unum , & menses quatuor moræ habitæ in eo Monasterio . Catalogus antiquus Metropolitane Ecclesiæ annos VII. , & menses IV. regiminis Grossulano attribuit ; noster verò , quo hæcenus usi sumus , ad annos IX. , & menses IV. illud extendit . Conciliari tamen invicem possunt , si dicamus , in primo connotatum fuisse tempus restitutionis Anno MCV. , cùm antea putaretur Sedes vacasse ; in altero autem initos fuisse calculos ab electione , nempe ab Anno MCII. , usque ad MCXII. , quo electus est Jordanus .

Sepulcrum recepit in eodem, ubi degebat Cœnobio. Scriptores nostri Galefinius, Bossius, aliiq. passim asserunt, tumulatum fuisse Grossulanum Romæ, ad Sanctum Sebastianum; sed falsò, quemadmodum Puricellus ex vetustis Historiis & Catalogis solidè probat in *Vita Sancti Herlembaldi* Cap. LXXX. Epitaphium ejus Sepulcro appositum recitat idem Puricellus in *Monum. Basilica Ambros.* num. CCCXXVI., quod nos ex illo transcribimus.

INSUBRIUS PATRIÆ CHRYSOLAUS GENTIS ALUMNUS

AMBROSIAE PRÆSUL RELIGIONIS ERAM :

ROMANA LASSO PRO TE, NON ITALA TANTUM

LUSTRATA EST OMNIS PARRHASIS ORA MIHI :

INVIDA MORS MERITUM NIHIL EST QUOD TOLLIS HONOREM;

PENSATA ÆTERNIS SUNT MEA DAMNA BONIS;

Vir fuit eximius animi dotibus ornatus, nisi eas plurimum denigrasset impotens dominandi libido. Ceterum Theologicis Scientiis, Sanctorum Patrum & Canonum studio, Latinæque ac Græcæ Linguae peritiâ illa ætate excelluit, ut docent Libri ab eo editi, quorum Catalogum texuit Tritemius, & ex eo Baronius.

Monere hoc loco Lectorem opus est, ne se in errorem abduci sinat a Galefinio, qui de Chrysolao, seu Grossulano agens in Tabula Archiepiscoporum Mediolanensium hæc habet: *Henrici I. Imperatoris opibus adjutus Ecclesiam Mediolanensem occupavit, pulso inde Anselmo, eoque nomine apud Paschalem II.*

Pon-

Pontificem accusatus Romam venit . Sanè una ista periodus pluribus scatet mendis contra historicam veritatem . Primò namque Henricus I. Imperator ultra centum annos a Grossulani Præfatu distabat; in Henricum autem IV. per viginti annos conjuraverant Mediolanenses, ab Anno nempe CMXCIII. ; neque amplius ille in nostrorum Antistitum electionibus immiscere se potuit . Erroneum quoque omnino est, pulsum fuisse ab Archiepiscopali Sede Anselmum, cùm, sicuti vidimus, constitutus Grossulanus ab eodem fuerit in hac Diœcesi Vicarius, antequam peregrinationem in Syriam Anselmus susceperet; nec inde umquam redierit, Constantinopoli moriens . Quòd verò eo nomine accusatus Grossulanus apud Pontificem Paschalem II. fuerit, nemo hæcenus somniavit; de Simonia namque tantummodo, fortasse cum Optimatibus aliisque Electoribus exercita, qui postmodum in ejusdem favorem pertinaciter usque ad sanguinem perstitere, querimoniz Romam delatz sunt, sumptumque ignis Judicium, quemadmodum superiùs narravimus .



J O R D A N U S .



Lectum fuisse Jordanum de Clivi Anno MC-XII. Calendis Januarii, in Grossulano jam adnotavimus. Emendandus igitur est Calchus, qui id contigisse scribit biennio ante, nempe Anno MCX. Vocati sunt postmodum Suffraganei Episcopi, ut ejusdem Ordinationi interessent; Mamardus autem Taurinensis Romam contendit, Pallium a Summo Pontifice impetraturus, illudque obtinuit, eâ tamen conditione, ut Jordanus antequam eo indueretur, sacramentum præstaret. Quod esset hoc sacramentum, Landolphus non exprimit; attamen conjectare possumus, fuisse sacramentum fidelitatis erga Romanam Ecclesiam in ea rerum perturbatione, in qua plures Henrico V. Imperatori adhærebant, adeoque jura Episcopatus ab eodem Imperatore postulabant. Neque hoc caret exemplo; Innocentius namque II. in Concilio Pisano sacramentum a Robaldo, Archiepiscopo Mediolani electo exegit, antequam illum confirmaret. Revertit Jordanus oblatum a Mamardo Pallium induere; demum post sextum mensem passus est, illo se ornari. Sequenti mense post electionem suam in Ecclesia Hyemali, sacro Chrismate inunctus fuit ab Arialdo Januensi, & Mamardo Taurinensi Episcopis; Landolpho de Varegate Astensi Antistite adstante, quidem, non tamen ut Episcopo, sed spectatore; Reliqui verò Suffraganei Præsules Consecrationi interesse minimè voluerunt, acti metu Henrici Imperatoris,

toris, qui auctoritatem investiendi Episcopos, tot Summorum Pontificum & Conciliorum Decretis abrogatam, mordicus adhuc sibi arrogabat. Inter ceteros Azo Aquensis pertinaciter obstitit, seque incentorem constituit tumultuum & cædium, quæ subinde Urbem nostram luctu & sanguine repleverunt. Testis factiosi hujus animi est Epistola, quæ legitur in Codice Udelrici Bambergensis, ab Eccardo vulgato, in Tom. I. *Scriptorum Mediæ Ævi*. Missa autem illa est ad Henricum Imperatorem his inter alia verbis pag. CCLXVII. *Mediolanenses quendam Archiepiscopum (idest Jordanum) elegerunt, & a quibusdam Parochianis suis (intellige Suffraganeos Ariedum Jauensem & Mamardum Taurinensem) eum consecrari fecerunt; quod ego videns contra Imperii vestri honorem fieri, omnino interdixi, & licet ab ipsis multum rogatus, hujusmodi Consecrationi interesse, nec assensum præbere volui; imo dedi operam erigendi magnum parietem populi contra populum sub occasione cujusdam alterius Archiepiscopi (idest Grosfulani) quem pars illorum intendit deponere, Viri scilicet perfectissimè literati, & ingenio astutissimi & eloquentissimi, Curia vestra valde necessarii, cujus partem propter honorem vestrum tantum auxi, quòd medietas populi contra medietatem populi contendit. Nunc itaque videat pietas vestra, si ad hoc velitis me laborare, ut & populus ille maneat divisus, & antiquus ille Archiepiscopus a vestra Majestate adjuvetur, scribendo præcipite; quoniam quidquid mandaveritis & de his, & de aliis fideliter implere studebo &c.* An & quid rescripserit Imperator, adhuc in tenebris lateat.

Pontificatus sui initia illustria reddidit Jordanus, pactocum

cum Papiensibus & Mediolanensibus foedere; eique statuendo consensum suum præbuere ambo Anrhistes Jordanus Archiepiscopus, & Bernardus Ticinensis. Sed amicâ pace, quam cum Exeris sancivit Præsul noster, frui minimè potuit in hac ipsâ Metropoli. Siquidem cùm redux ab Oriente Grossulani Anno sequente MCXIII. Portæ Romanæ immineret, & ingressum sibi aperiret armis Civium qui eundem patrocinio suo fovebant, manus conferere debuit ad Sacram Sancti Joannis Ædem, appellatam *ad Concham*, ut Æmulum suum progredi tentantem e moenibus exturbaret longèque propelleret. Nihilominus, eo etiam absente, quies nulla Jordano fuit, vigentibus ferme quotidie inter adversas factiones frequentibus præliis per biennium; donec Paschalis II., coacto Lateranensi II. Concilio, ferale hoc incendium prorsus extinxit, deposiro ab hac Sede Grossulano, & ad Saonensem suam Ecclesiam recedere jussit; confirmatoque Jordano, ut superius innuimus.

Actis a Præfule nostro in Synodo prædicta demississimis gratiis, ab eodem Summo Pontifice erectus Pastoralem virgam recepit; sequenti verò die Brixensem Electum, nomine Villanum, in Episcopum consecravit, Armano ejusdem Urbis Anrhistre deposito ab illa Sede, quibus de Causis Historiæ silent. Eodem anno Româ Mediolanum reversus Jordanus mandata implevit, quæ ab Apostolica Sede injuncta eidem fuerant, & a Cardinali Joanne Cremenſe admonente receperat, ut videlicet Henricum Imperatorem, reum perpetrati sacrilegi criminis ob conjectum in vincula Summum Pontificem & Cardinales Sanctæ Romanæ Ecclesiæ, publicè ferali
ana-

anathemate perculsum denunciaret. Itaque conscendens Archiepiscopus Sanctæ Theclæ suggestum, coram universo Clero & populo eundem a Catholico corpore consuetis Ecclesiæ diris, veluti putidum membrum rescidit.

Sequens Annus MCXVII. infaustus Italiæ fuit ob infelita prodigia in aëre, in aquis, in montibus, in planitiis ac silvis visa, auditaque subterranea tonitrua magno cum populorum terrore, quæ iram Dei flagello armatam Civitatibus ostendebant. Inter cetera terræmotus ingens, tertio Januarii die cœptus hanc Metropolim aded concussit, ut non tam Domus & Palatia, sed Ecclesiæ ipsæ augustiores in ruinam deciderint, quemadmodum Landulphus præfens tunc infortuniis quæ accidebant, non sine lacrymis testatur. Peculiare est quod Rogerius de Hoveden, æqualis iis temporibus narrat, quadraginta nempe dierum spatio concussam fuisse Langobardiam; de nostra verò Urbe hæc tradit: *Viri Mediolani Patriæ dignitatis, dum de Republica tractantes sub una residerent Turri, auribus omnium vox foris insonuit, unum ex illis nomine vocans, & festinatò exire rogans; quo tardante, persona quædam apparuit, quæ vocatum Virum, ut egrederetur obtinuit. Exeunte illo, Turris rependè cecidit, & omnes qui ibidem erant casu miserabili oppressi.* In hac animorum perturbatione publica que calamitate Provinciale Concilium convocandum censuit Jordanus. Itaque missis nunciis Suffraganeos suos invitavit, ut Mediolanum concederent; illique restitutâ jam telluri quiete, & temperato pavore præteriti infortunii in unum convenere. Landulphus de Sancto Paulo innuit tempus, quo celebratum est hoc Concilium;

F f

ait

ait enim, *post hoc Colloquium, & tempus terramotus, non ultra decem menses & dimidium, Paschalem supervivisse.* Cùm ergo certum sit, diem obitus Summi illius Pontificis fuisse vigesimum primum Januarii, Anni MCXVIII., inito calculo assignare possumus celebrationi nostri Concilii finem Februarii, aut initium Martii anni præcedentis.

Collectam fuisse hanc Synodum *in patenti prato*, non verò in Ecclesia Hyemali, ut mos erat, noster Scriptor enarrat; fortasse ob metum, ne iterum subfiliaret tellus, Ædesque corruerent. Certè Landulphus tradit, nonnullis post diebus Jordanum venisse in locum, qui dicitur *Brolium Archiepiscopi*, ibique pias aliquas Causas audivisse, cuncto populo affluente *timore ruinarum*, ut Missæ & Concioni interesset. Adfuere etiam distinctis Sedibus, præter Archiepiscopum & Provinciales Episcopos, Consules duo, & Judices jurisperiti, adstante in circuitu innumera multitudine Clericorum & Laicorum, necnon mulierum quoque ac virginum *expellantium* (ut scribit Landulphus) *sepelitionem vitiorum, & suscitationem virtutum.* Quid actum sit in eo Concilio, Auctor noster, querelis suis describendis intentus, silentio præterit; ex communi tamen memorata expectatione cujuscumque conditionis hominum conjicere possumus, præscripta fuisse Decreta, apta placandæ Supremi Numinis indignationi, & moribus impofterum necessariò formandis ad Catholicæ vitæ normam. In eo etiam Conventu pertractatum fuisse de Causis Civilibus arguere licet ex ipso Landulpho Cap. XXXV., in quo refert, Calixtum II. Summum Pontificem Derthonæ commoratum fuisse Anno MCXVIII. circa finem Quadragesimæ, ibique in Ra-

nis

mis Palmarum declarasse, conjugium initum a Guazzone Clerico, Mediolanensis Ecclesiæ Lectore, esse legitimum, quod *Jordanus Archiepiscopus cum suis Consulibus in tempore terræmotus de suo Theatro divulgaverat esse adulterium.*

Comense Bellum, cujus feralis memoria in ore omnium viget, & in Historiis ad exemplum florentium aliarum Urbium, extremi excidii descriptione perennat, hoc Anno MCLXVIII. exordium habuit. Cives illi viribus suis & Arcium munitio- nibus, quæ Urbem circumvallabant, nimium fortasse confisi, violentas manus injecere in Landulphum de Carcano, Medio- lanensis Ecclesiæ Ordinarium, eumque carceri mancipaverunt; Nepotes autem ejusdem, Ottonem præsertim hujus Metropolis egregium Capitaneum, rabida aggressionem trucidaverunt. Per- lato Mediolanum inexpectato hoc nuncio, in iram exarsit po- pulus omnis, arma & vindictam inclamans. Itaque coacto mi- litum & Civium Conventu, actum est de conscribendo Exer- citu, & de movendis militaribus signis in hostes adeò præfer- vidos & superbientes. Jordanus quoque Concionem ingressus, plurimum conquestus est de irruptionibus in Ecclesiastica præ- dia, injuriisque illatis in homines, qui Archiepiscopali custodien- do patrimonio inserviebant; quamobrem animos jam ad ultio- nem paratos vehementius incitavit. Collecto igitur valido ag- mine, indictoque bello, Castra in Comensi Agro non longè ab Urbe fixerunt, viâque non custoditâ vallis, quæ torrenti Aperto adjacet, Comum descendere; cùmque vacua defensori- bus mœnia reperissent, ob egressum copiarum, quæ in Arce Ba- radelli confederant, Urbem ferro & flammis incenderunt, & Landulphum de Carcano e vinculis extraxere. Non diu tamen

ex hac victoria gloriam sibi aucupare potuerunt Mediolanenses; accurrentibus namque Cumanis militibus, qui proximos Colles tatabantur, intenti prædæ Cives nostri, acri pugna commissâ, irruenti hosti Urbem cedere coacti sunt. Decennium ferme absumpsit hoc Bellum, variâ hinc inde fortunâ; sed maximâ utriusque Partis cæde, excurrentibus undique infestis signis, & Classe navium in Lacu Lario ruinam Oppidis Vicisque adjacentibus inferente. Superest luctuosum monumentum hujus infelicitis & pertinacis odii inter æmulas Partes, in Poëmate inscripto *Cumanus*, quod publici juris fecit Palatina Societas Tom. V. *Scriptor. Italia*; illudque eruditis adnotationibus illustravit Vir Clariss. Joseph Maria Stampa Clericus Regular. Congreg. Somaschæ, Libris in lucem editis de Literaria Republica optime meritis. In eo leguntur quæcumque in longo hoc annorum curriculo accidere, & tandem refertur exitialis Obsidio, qua Cives Mediolanenses Comum vallarunt, aditum omnem subsidiis præcludentes, occupato etiam armatis navibus Portu. Quamobrem fessi Comenses diuturnis nocturnisque vigiliis, & spe dejecti conservandæ Patriæ ac libertatis, consulere studuere foeminis puerisque; ideoque excitato in Urbe magno fragore, ne obsidentes animadverterent fugam eorundem, cum muliebri cœtu ac thesauris ad proximam Arcem *Vici* confugientes, vacua compita reliquerunt, itaut manè facto, ex silentio obsessorum, de illorum recessu admoniti Mediolanenses, Comum ingressi injectis undique flammis, veluti parato funebri rogo, omnia excidentibus, nobilissimæ ac florentissimæ Urbi suismet sub ruinis sepulcrum præstitere Anno MCXXVII. Reliquum decenniî impensum est expugnandis Arcibus in Comensum circuitu, aut armis, aut de-

ditione . Stetit ferale hoc vestigium vindictæ & strenuitatis Mediolanensium , donec volventibus sese annis, erectisque in spem meliorem Civibus caritate in Patriam flagrantibus , effectum est, ut Novocomum e cineribus suis augustius renasceretur .

Jordanus Archiepiscopus , qui inter alios Proceres Mediolanenses manum admoverat succendendo huic Bello , citò naturæ debitum solvit , neque integro biennio superstes . Hæcæ autem vitæ suæ reliquias gravibus Sedis Romanæ negotiis absolvendis insumpsit . Mortuo Paschali II. , Gelasius II. cùm Capuæ moraretur , recentissimè anathemate confixerat Henricum Imperatorem . Langobardiæ Principes Marchiones & Comites , Regis sui æ gremio Ecclesiæ expulsi partes firmiter tuebantur . Ad Jordanum igitur querelas de injustè inflicta hac pœna direxere : Is autem convocato ex universa Provincia altero Episcoporum Conventu Anno MCXVIII. Concilium celebravit . Illic adfuere memorati Principes Proceresque , innocentiam Henrici comprobaturi , tantæque eloquentiâ peroravere , ut quamplures arbitrati sint , Henricum culpâ carere . Non hoc tamen senserunt collecti in Synodo Præsules , atque in primis Archiepiscopus noster , qui spectâ Imperatoris benevolentia ac Principum gratiâ , pro virili in favorem Gelasii II. egregiè disseruit , protulitque sententiam . Mortuo interim , integro nondum expleto anno , Gelasio Calixtus II. Pontificiam Sedem tenuit , qui statim in Gallias profectus , pluribus celebratis Conciliis , Romam revertebatur , ut inde eliminaret Burdinum Pseudo-Pontificem , sub nomine Gregorii VIII. ab Henrico intrusum . In itinere Derthonam pervenit sub finem Quadragesimæ Anni MCXX. Ad eum Mediolano properavit Jordanus , ipsum allocuturus de insolentia tum

Re-

Regis, tum Principum, qui in jura Ecclesiastica se ingerebant; ibique constitit usque ad Calixti recessum. Cum autem Petrus quidam in Episcopum illius Urbis delectus fuisset, Jordanus Archiepiscopus cum Suffraganeis suis Episcopale Chrisma eidem administravit; qui tamen Dignitate sua malè utens, ab Innocentio II. in Concilio Pisano exauthorari meruit ob manifestissimas vitæ culpas, teste Ughello in Episcopis Derthonensibus, num. LII.

Alterum ipse Jordanus Episcopum Anno MCXVII. amovit a Cremonensis Ecclesiæ Sede, nempe Ugonem de Noceto, antea Parmensis Ecclesiæ Archidiaconum; cum enim Henricus Imperator, virgæ & annuli traditione, illius Urbis Antistitem constituerat, quemadmodum refert Landolphus noster in extremo Capite *Historiæ Mediolanens.*; illique suffecit Obertum, sive Ubertum, quem ipsemet consecravit.

Recedente a Derthonensi Urbe Calixto II., ut Placentiam adiret, Jordanus se Mediolano restituit. Attamen paucis mensibus superstit in vivis; ineunte enim Octobri spiritum Deo reddidit Anno MCXX, IV. Nonas ejusdem mensis, non die VI., ut scripserunt Galefinius & Ughellus; cum sedisset an. VIII., mens. IX., dies III. Sepultus est in Basilica S. Ambrosii, juxta suggestum.

Prætereundum non est, plurimum etrasse Galefinium in Tabula sæpius memorata, dum ait, Jordanum Archiepiscopum nostrum *Concilio Guastallio, quod Pontifex* (Paschalis II.) *habuit, præsentem adfuisse.* Siquidem Concilium illud coactum est sex annis antequam Jordanus in Archiepiscopum Mediolanensem deligeretur, idest Anno MCVI., quemadmodum Pagius adnotavit ad eum Annum, num. IV., & Labbeus in Tom. X. *Conciliorum.*

OL

OLRICUS.



Post Jordanum defunctum, & mensem unum, diesque tresdecim Sedis vacantis, Olricus, aliis Henricus, ex Vice-Domino, & subinde Archipresbytero Ecclesiæ Mediolanensis, Archiepiscopali dignitate decoratus est die XVII. Novembris: Atque in hoc emendandus est Ughellus, qui eundem electum fuisse in Archiepiscopum Anno sequenti MCXXI. tradit; multòque magis Galefinius, qui hunc Antistitem substitutum fuisse Jordano scripsit sub Gelasio II. Summo Pontifice, creato & vitâ functo Anno MCXVIII. cùm adhuc viveret Jordanus.

Triennio post, idest Anno MCXXIII. (non XXII., ut censuit Ughellus, Baronius, aliique) Calixtus II. Pontifex Maximus, Concilium indixit, Laterani celebrandum ad reformatam præsertim (ut ait Baronius) labefactatam diuturnis Schismaticorum factionibus Ecclesiasticam disciplinam. Eidem adfuit Olricus noster, contra quem sæpius discussam ac definitam veterem controversiam excitavit Ravennæ Archiepiscopus, princeps post Summum Pontificem loco sedere præsumens. Attamen ausus iste irritus cecidit; Olricus namque dexteram Calixti Sedem tenuit, quam proximis temporibus Grossulanus & Jordanus (ut ostendimus) nullo contranite obtinuerant, quemadmodum testatur Landulphus Historicus, qui in eadem Synodo Causam suam præfens agebat; subdens etiam, vergente ad exitum Quadragesimæ tempore, eundem Olricum *orasse pro Henrico Rege,*

Rege, & ramos Palmarum, prout moris & legis consuetudo exigebat, per Landrianensem Thealdum, Ecclesiæ Mediolanensis egregium Notarium, in Germaniam misisse. Altum est silentium in Historiis Patriæ nostræ de hac lege & consuetudine mittendi Ramos Palmarum ad Reges Italiæ; sed cum asserat Landulphus, illam suo tempore viguisse ex more jam induceto, de eadem dubitare vix possumus. Huic autem, sive ex debito, sive gratuito eò libentius satisfecit Olricus, quod in eodem Concilio firmata pax fuerat inter Sacerdotium & Imperium, teste Pagio ad Annum MCXXXIII.

Fervebat Anno MCXXV. lis acerrima inter Episcopos Ardericum Laudensem, & Petrum Derthonensem de jure, quod ambo sibi adscribebant supra Cœnobîa Præcipiani & Lavianonis. Propterea cum ad Metropolitanum Olrici judicium appellassent, ipse in Broletto, juxta Domum Archiepiscopatus judiciario more residens, Suffraganeis Præsulibus adstantibus, in favorem Ecclesiæ Laudensis sententiam tulit. Placitum hoc Archiepiscopi nostri vulgavit Ughellus in Episcopis Laudensibus, actum Anno ab Incarnatione Domini Nostri Jesu Christi MCXXV. (oscitantia Typographi impressum fuit in Editione Veneta MCCCXXV.) mense Decembri Indictione IV. Subscribere novem Episcopi, coram triginta quinque Testibus ibidem signatis. Hanc Chartam iterum typis commisit Clariss. Muratorius Tom. V. *Antiquitat. Ital. Med. Ævi*, colum. MXXXVII.

Immortali memoria dignum est pium Institutum, quod Olricus in Ecclesiam Mediolanensem induxit, etiam antequam ejusdem curam Pastoralem susciperet, Jordano illam admi-
ni-

nistrante : Qua in re plurimum aberravit Galefinius , qui Jordanum ejusdem Auctorem fecit , cum illud tantum auctoritate sua firmaverit . Sanctus Odilo Abbas Cluniacensis Seculo XI. vivens , ut gementibus in expiatorio igne animabus Defunctorum æternæ gloriæ possessionem Divinique Sponsi nuptias acceleraret , commendatissimum Opus excogitavit , Commemorationem nempe omnium Fidelium defunctorum statò die in Ecclesiis celebrandam . Attamen intra illius Ordinis claustra solummodo vixit hæc consuetudo ; postmodum verò universi Christifideles illam amplexi sunt , designatusque est dies secundus Novembris ab Apostolica Sede , ut Sacrificiis precibusque ad Deum effusis tantæ pietatis Opus erga parentes , affines , amicos , omnesque alios in osculo Domini defunctos , collectis in unum suffragiis perficeretur . Contigit hæc gloria Ecclesiæ Ambrosianæ , ut prima exemplum fraternæ caritatis in mortuos , Olrico ejusdem Ecclesiæ Archiepiscopo ritum hunc præscribente , exerceret ; quamvis alio die statuto , nempe Feriâ II. post Dedicationem Ecclesiæ Majoris , quæ imperturbato ordine celebrata semper fuit tertio Octobris Dominico die . Betoldus ea ætate scribens Librum Cæremoniarum , *Manuale* appellatum , in paginas retulit quidquid in usu erat tunc temporis in nostra Ecclesia , circa Festorum dierum , Officiorum , & Missarum Solemnium celebrationem . De hoc autem Instituto ista habet : „ Feriâ II. „ post Dedicationem Ecclesiæ instituit Dominus Olricus bonæ „ memoriæ Archiepiscopus (quia post illam institutionem , „ eam Dignitatem adeptus est) Commemorationem & Officium fieri omnium Fidelium Defunctorum in Ecclesia

G g

„ Me-

„Mediolanensium pro animæ suæ remedio; quod hoc ordine celebratur. Finito itaque Matutino supradicti diei, omnia „tinnabula Ecclesiarum pulsantur, & Matutinum Defunctorum publicè cantatur. Simili etiam modo, facto mane, „Missæ ubique Defunctorum tantùm voce excelsa celebratur. „His verò finitis, & sonito Signo, universus Clerus Urbis „convenit in Ecclesiam Æstivam cum Præsule suo, ut vadat cum Processione in Ecclesiam Hyemalem, ubi Sacra Solemnia ab Archiepiscopo celebrabantur. Eleemosynas quoque Sacris Ministris erogandas quotannis Olricus legavit, earumque distributionem ita partitus est, ut Archiepiscopus solidos IV., & tantundem Hebdomadarii cum denariis IV., Presbyteri autem & Diaconi Cardinales per unumquemque denarios VI. haberent &c. Tunc namque monetæ valor, longè nostræ ætatis æs & argentum pretio superabat. Perduravit mos iste in nostra Ecclesia ferendi in universum suffragia Defunctorum animabus, memorato die post Ecclesiæ Dedicationem, donec Sanctus Carolus Borromeus Anno MDLXXXII. diem secundum Novembris fixit, ratus magis proficuum fore, si unâ cum Romana Ecclesia, Mortuorum Officium decantaretur, & conjunctis piis operibus Sacrificiisque, plenum levamen degentibus in lustrali igne Animabus a piissimo Domino omnes Christifideles deprecarentur.

In assignando mortis Olrici anno perturbatam admodum Seriem Mediolanensium Antistitum conspiciamus, cùm varii varias proferant opiniones. Puricellus in *Monum. Basil. Ambros.* num. CCCXXXV., Sigonium pluresque alios sententiæ suæ fautores enumerans, mordicus tenet, decessisse Olricum.

Anno

Anno MCXXIII. Pagius quoque eundem Annum adnotat il-
lius morti, licet in utraque Editione Antuerpiensi & Lu-
censi impressus per errorem legatur Annus MCXXII., cum
ipse Pagius fateatur, Olricum interfuisse Concilio Literanensi,
celebrato Anno MCXXIII.; alii verò hujus Archiepiscopi obi-
tum figunt Anno MCXXIV., XXV., & etiam XXVI., ipso Pu-
ricello adnotante. De hac controversia fusè egimus in *Com-
mentariis ad Landulphum de Sancto Paulo*, Cap. XXXVII.,
editis Tom. V. *Scriptorum Italiae*, in quibus accuratum cal-
culum inivimus juxta antiquos Catalogos, qui Olrici Sedi
assignant annos V., menses VI., dies XI.; obitum verò sta-
tuunt V. Calendas Junii, idest die XXVIII Maji. Hinc
autem retrogrediendo constabit, fuisse illum electum Anno
MCXX., die XVII. Novembris, post mensem unum & dies
tresdecim Sedis vacantis; ideòque e vivis excessisse Anno
MCXXVI., die XXVIII Maji. Papebrochius, qui optimè
noverat, Catalogos omnes in hoc consentire, quòd memo-
ratum Olrici regiminis tempus ad annos, menses, & dies re-
latos productum fuerit, ut sententiam suam tueretur de morte
Olrici figenda Anno MCXXIII., eos decurtare conatus est,
inquiens: *videntur Scriptori Catalogi obrepisse anni quinque
pro duobus, isaut obierit Olricus Anno ipso MCXXIII.* Equi-
dem mirum esset, si omnes Catalogi veteres ac recentiores,
mendaces forent, nec ullus umquam Scriptorum Patriæ men-
dum hoc deprehendisset, aut saltem suspicio diligentiam eo-
rundem ad veritatem inquirendam excitasset. Præterea non
soli Puricello innitendum erat, qui uni tantum Parti, nempe
Monachis Sancti Ambrosii militabat; postmodum enim duo


alia Documenta emerfere, vulgata a Nicolao Sormano Collega noſtro, in Libro ſcripto *ad Concordiam in Cauſa Præ-eminentiæ* &c., alterum Olrici Archiepiſcopi, alterum Calixti II. Summi Pontificis, quæ data ſunt meſe Octobri, & Decembri, Anni MCXXIII., & clarè oſtendunt adhuc viventem Olricum poſt Majum meſem, cui etiam Papebrochius affixit ejus deceſſum. Demum apud Ughellum legitur in Episcopis Laudensibus Sententia lata in favorem Episcopii illius Urbis, cui ſe ſubſcripſit Olricus Anno MCXXV. Indictione IV., meſe Decembri. Licet autem eidem ſubſcriptus ſit etiam Anſelmus Archiepiſcopus, facili negotio idem Paricellus nodum ſolvit in *Differtat. Nazarian.* Cap. CVI. nm. X. & ſeqq., afferens in exemplum binas Algiſii ſubſcriptiones, quæ in Diplomati a Sancto Galdino manu propria firmatis extant (de quibus ſuo loco agemus); ait enim, non eo protinus tempore appoſitas Chartis fuiſſe, quo Documenta ipſa conſecta fuere, ſed poſt aliquot inde annos: Fortè ſiquidem aliæ poſtea lites excitatæ ſunt, quibus e medio tollendis prodeſſet, ſubſcriptionem illam Archiepiſcopi ſuperaddi: quæ omnia aptari poſſunt Documento huic in cauſa Sententiæ ab Olrico prolata. Nec novum eſt antiqua verſanti Diplomata, reperire in Chartis veteribus geminas & etiam plures Archiepiſcoporum ſubſcriptiones uni eidemque pergamenæ adjectas, in confirmationem earum rerum, de quibus in illis agebatur.

Poſtrema ratio, quæ celebrium Scriptorum opinionem de morte Olrici Anno MCXXIII. prorfus evertit, teſtimonium eſt

est Landulphi de Sancto Paulo, qui Cap. XXXVII. narrat, se cum in Germaniam iter aggressus esset, ut felicem exitum Causæ suæ consequeretur ab Henrico Imperatore, intellexisse in confiniis Episcopatus Tridentini, memoratum Imperatorem vitâ excessisse, ideòque Mediolanum versus gressus revolvit. Dum verò in domuncula sua morabatur, & mercenario calamo alienas lucubrationes excubans victum sibi parabat, ululatum & gemitus Civium audivit, Olrici Archiepiscopi mortem desistentium. Quamobrem surrexit ab officio suo, & properè ad Anselmum de Pusterula perrexit, qui in Archiepiscopum a Clero & Suffraganeis Episcopis delectus fuerat, post mensem unum ac dies duos Sedis vacantis. Vivebat igitur Olricus post obitum Regis Henrici: Itaque cum notum sit Eruditis, obiisse Regem illum Anno MCXXV., X. Calendas Junii, nemo non videt, dici minimè posse, Olricum e vita migrasse Anno MCXXIII., nisi denegare quis velit fidem Scriptori rebus iis præsentibus, & omnia prout accidebant sincerè narranti. Imo ex ipso Landulphi textu clarè patet, superstitem adhuc fuisse hunc Archiepiscopum Anno sequente MCXXVI.; refert enim, se accepto nuncio mortis Henrici sub finem mensis Maji, cum longè ab hac Metropoli degeret, reditum in Patriam parasse, suæque in domo quievisse, donec excitatus a singultibus Civium lugentium Pastoris sui feralem jacturam, ad Anselmum Successorem jam electum properavit, ejusdem sibi gratiam conciliaturus. Hæc autem omnia componi certè nequeunt cum die XXVIII. Maji (cui Catalogi Scriptoresque Olrici obitum

494 **MEDIOL. ANTISTITUM OLRICUS.**
tum concordēs affigunt) Anni MCXXV. Transferenda igitur est mors prædicti Præfulis nostri ad Majum anni sequentis .

De loco Sepulcri nemo ambigit , obtrigisse Olrico in Ecclesia Hyemali , prope suggestum ,



AN-

ANSELMUS V.



Successorem Olrici habuit Ecclesia Mediolanensis Anselmum V., de *Pusterula* nuncupatum : In statuendo tamen Anno electionis eadem premimur difficultate, ob quam veluti ad scopulum aliis insignes etiam Viri, triennio imminutam Decessoris vitam voluere. Ad hunc implicandum validius nodum accessit auctoritas alterius Scriptoris, qui in Poëmate ab ipso confecto, Comense Bellum descripsit, eique interfuit; atque inter alia, duo hæc carmina inseruit Historiæ suæ poëticis numeris elaboratæ :

*Qui ferus Anselmo fuerat, tunc mittere tentant
Archiepiscopus inthronizatus, sed malè passus.*

Locum hunc obscurissimum, qui *Ædipo* indigebat, illustrare studuit eruditissimus Pater *Stampa* superius memoratus, in-
quiens, sensum Auctoris esse, missos Legatos ad Anselmum, Virum immitem, qui tunc videbatur *inthronizatus* Archiepiscopus Mediolanensis, sed malis pactionibus; seu (ut *Clariss. Muratorius* dilucidius explicat in Præfatione ad prædictum Poëma) *malè passus*, quia ut arbitratur inconsultâ, imo adversante Romanâ Curia se tamquam Archiepiscopum gerebat, intactâ tamen auctoritate ac redditibus Olrici viventis; veritati namque a nobis hætenus propugnata obsequens, professus ibidem est, Olricum verè obiisse Anno tantum

tum MCXXVI. Quocirca ut Partem utramque dissidentem conciliaret, hanc sibi cogitationem in mentem induxit atque etiam edidit, triennio nempe post Annum MCXXIII. super-
fuisse Olricum, Anselmum verò electum fuisse Archiepiscopum, ut vocant *Coadjutorem*. Hisce omnibus responsum jam dedimus in *Commentariis* tum ad *Landulphum de Sancto Paulo*, tum ad *Sigonium de Regno Italiae*. Ne igitur Lectorem fatigemus, ea regerendo in hunc Librum, quæ jam vulgavimus, pauca subjungimus; videlicet diversâ methodo incedere Historicum, ac Poëtam, nec eandem fidem mereri in singulis verbis unum, & alterum: Novimus namque, Poëtæ ludentis arbitrium hoc esse, ut res etiam veras figuratè exprimat, ac metaphoris involvat. Quo posito, quis nobis vadem se præbeat, Anonymum Comensem voluisse nobis depingere Anselmum ea Dignitate prorsus ornatum, qua verè (ut creditur) fulgebat; an potiùs ejusdem superbiam exprobrare, qua, Olrico in Lateranensi Concilio Romæ sedente, se gereret Mediolani veluti *Archiepiscopum intronizatum*, sed malè *passum*, idest omni fundamento prorsus carentem; fortasse enim in sui absentis vicem eidem Olricus injunxerat, ut Comense Bellum urgeret. Profectò divinando hæc proferimus, cum nota minimè sit Poëtæ intentio. Certè hoc absolum non est a mente & stylo Poëtæ. Subinde quomodo jam eversum Anselmum ad Solium referre poterat Anonymus, cum satente Clarissimo Muratorio possessionem Archiepiscopatus inire non posset, reluctante Curia Romanâ? Qua demum obfistente ratione rem tanti momenti silentio contegere debuisset Landulphus, qui Condiscipulum in
studiis

studiis Anselmum habuerat atque ad eum, statim ac mortuo Otrico delectus est in Archiepiscopum, advolaverat, ut superioribus jam diximus? Aut quid opus erat convocandis Episcopis Suffraganeis, ut alterius Antistitis post Otrici decessum electionem curarent, si jam & *Archiepiscopus & inthronizatus* Sedis suæ securus erat Anselmus? Addimus quoque, novam prorsus esse vocem hanc Archiepiscopi *Coadjutoris*, a laudato Muratorio adinventam, cujus nullum omnino vestigium occurrit in universis Præfulum Mediolanensium Catalogis, ac Scriptoribus Rerum nostrarum. Exemplum autem Algisii subscribentis se titulo Archiepiscopi, vivente adhuc Sancto Galdino, quod unicum profert in tot Seculorum, quæ ad hunc diem fluxerunt, intervallo, non modò levi manu evertitur juxta Puricelli doctrinam, paulo ante allatam in Documento subscripto a duobus Archiepiscopis Otrico, & Anselmo; sed etiam veritati omnino repugnat, cum (ut suo loco ostendimus). disputatum diu sit post Sancti Galdini obitum, quis ad Archiepiscopale Solum promovendus esset, in Archipresbyterum partim, partim in Archidiaconum conspirantibus suffragiis; Algisio ne quidem proposito, nisi ut contentio diuturna dirimeretur. His ita per compendium expositis, judicium Lectori relinquimus, cui magis fidendum sit, Landulpho Historico, aut Anonymo Poëtæ, ambobus synchronis. Scriptoribus, sed diversimodè illius temporis res gestas narrantibus. Nos certè in ea sententia consistimus, Anselmum haud electum fuisse, nisi post obitum Otrici Anno MCXXXVI. Id autem dilucidius firmatum ostendemus infra, cum de annorum spatio, quibus Anselmus Ecclesiam Medio-

lanensem rexit, sermonem habebimus.

Statim ac promotus est Anselmus ad Ambrosianam Sedem suffragiis Episcoporum Provinciae, Clerique & populi, ut adnotavimus, Romam se contulit, ut Stolam seu Pallium obtineret, reluctante licet universa hac Metropoli, ne antiquum decus Ambrosianae Ecclesiae imminueretur, illud recipiendo e manibus Summi Pontificis. Ibi Anselmum egregiè propugnasse Ecclesiasticas consuetudines & decora Mediolanensis Archiepiscopatus coram Honorio II. Pontifice Maximo & Cardinalibus, testis est Landolphus Cap. XXXVIII. Cùm autem de Pallio a memorato Summo Hierarcha suscipiendo actum est, Honorio illud ultro offerente, intrepidè abnuìt, & absque hoc ornamento se Mediolano restituit. Ambigente tamen Clero populoque, an ille secretò violasset Ambrosianae Ecclesiae veterum consuetudinum praerogativas, antequam Solum conscenderet, publicis in Tabulis jurare coactus est Anselmus, se non acceptando Pallium a Pontifice oblatum, easdem Romae intactas servasse.

Præstat hic referre quod in Commentariis ad dictum Landolphii Caput attulimus, ut de hac re lumen aliquod hoc etiam loco affulgeat. Consuetudo honorque Archiepiscopalis suae Dignitatis, quam apud Honorium & Cardinales præcipuè defendebat Anselmus, ea erat, qua donatam fuisse antiquitus Mediolanensem Ecclesiam ex Historiis colligimus, ut videlicet Pallium a Summo Pontifice, nonnisi per Legatos missum, acciperet. Id in usu positum reperimus usque ab Anno DXCIV., quo Indictione XII. scribens Sanctus Gregorius Magnus Constantio Episcopo Mediolanensi, Epistola I.

Libr.

Libr. IV. hæc habet : *Præterea Pallium ad Sacra Missarum solemnias utendum , ex more transmittimus .* Seculo X. , Anno circiter GMXXX. conservatam hanc honoris prærogativam. Mediolanensi Archiepiscopo legimus in *Historia Leodiensi* , in qua Ratherius Veronensis primò , ac dein Leodienfis Episcopus in Epistola sua testatur , Hilduino Antistiti nostro Pallium detulisse , a Joanne XII. ad eundem transmissum . Proximè verò ad hanc Anselmum , peculiaris decoris testimonium receperat ab Urbano II. Arnulphus hujus nominis III. , nec non Anselmus de Buis , & a Paschali II. Grosulanus atque Jordanus , ut Landolphus superiùs narravit . Quanti autem momenti decus hoc foret , ex Baronio intelligere possumus , qui ad Annum MLXX. refert , Lanfranco Cantuariensi Archiepiscopo petenti , ut ab Alexandro II. Pallium mitteretur , negatum hi fuisse , atque ab Ildebrando Archidiacono , postea Gregorio VII. , in hæc verba rescriptum : *Necessarium nobis videtur , vos Apostolorum limina visitare .* Præclarius est quod in Epistola sua apud Papebrochium in *Exegesi* , num. CII. ad Arnulphum præmemoratum scribit Urbanus II. : *Pallium Fraternitati tue , præter consuetudinem Romanæ Ecclesiæ , qua multi hoc Dignitatis genus , nisi præsentì , concedit , Literis tuis exorati ex Apostolicæ Sedis benedictione transmittimus .* De singulari hac prærogativa adeò tenaces fuere etiam post Anselmum Cives Mediolanenses , ut cùm electus in Archiepiscopum suum Robaldus , Pisas ad Innocentium II. se contulisset , ad juramentum fidelitatis eidem præstandum , ipsique Summus Pontifex Pallium offerret , ab illius præsentia recesserit , ac Mediolanum reversus fuerit ,

non modicæ Innocentii indignatione , quem postea Sanctus Bernardus Abbas Carævallenſis pacatum reddidit , obtinuitque ab eodem Pontifice , ut ad hanc Metropolim Pallium remitteret , quemadmodum infra patebit .

Fauſtiſſima contigere Anſelmo Archiepiſcopatûs initia ; redux namque a Romana Urbe exceptus eſt a Mediolanenſibus Civibus , eximiis benevolæ venerationis ſignia ; præſtitoque jurejurando , a ſe ne latum quidem unguem læſum fuiſſe Ambroſianæ Eccleſiæ honorem , ſolemni pompâ deductus eſt ad Solium Pontificium Mediolanenſe , atque ad omnium Arcium & Oppidorum ejuſdem Menſæ pacificam poſſeſſionem , juxta Catalogorum fidem . Ipi etiam obtigit propitia ſors conſummandi obſtinatiſſimum Bellum contra Comenſes , glorioſâ de illis relatâ victoriâ , dirutâque funditus eorum Urbe , ac ſpoliis opimis Mediolanum adveſtis Anno MCXXVII. Sequenti autem Anno illuſtri honore cumulatus eſt , Italicæ Regni Sertum imponendi Conrado in Italiam advenienti . Nec unâ tantum vice ; Landulphus enim de Sancto Paulo , qui præſens erat huic Celebritati , ſcriptum reliquit , memoratam Principem primò fuiſſe Modoëticiæ Coronâ ferreâ redimitum , ſequè virgam Paſtorales in ſolemni Supplicatione detuliſſe ab Eccleſia Sancti Michaëlis , uſque ad alteram Sancti Joannis Baptiſtæ , ubi Conradus diadema & Sacram unctionem ab Anſelmo recepit in Feſto Sancti Petri Apoſtoli . Poſt aliquot ſubinde dies , altera inſtituta eſt Celebritas Mediolani in Sancti Ambroſii Baſilica , in qua , plaudente populo , iterum coronatus acclanatusque eſt in Regem Italiæ .

At-

Attamen citò evanuit tranquilla hæc dierum serenitas, conversâ in luctum lætitiâ, plusuque in opprobrium, seu potius execrationem. Etenim cùm prædictus Conradus aliena jura invasisset, & debitam Lothario (legitimis suffragiis ac Honorii II. approbatione delecto ad Imperium Regnumque Germaniæ Anno MCXXV.) reverentiam contumaci rebellionē denegasset, ejus Imperium sibi arrogans, idem Summus Pontifex illum repulit a Romanæ Urbis ingressu, anathematis telo confixum. Eadem quoque adversa fortuna Anselmum Archiepiscopum afflixit; Joannes namque Cardinalis Cremenfis, jubente Honorio, Concilium Provinciale Papiæ convocavit, ad quod Anselmum in Castello Ecclesiastici sui juris morantem accivit: Cùmque nonnisi per Legatos Concilio interesse voluisset, Papiensis, Cremonensis, Novariensis, & aliarum Civitatum Episcopi, qui pro Lothario semper steterant, inclamantes, Coronationis opus ab Anselmo peractum, contrarium esse Deo & magno Regi Lothario, Nuncios ab illo missos rejecerunt, ipsumque Anselmum auctoritate Joannis Cremenfis Cardinalis, excommunicationis pœnâ multare, sicuti narrat Landolphus; qui tamen subdit, catholicam reverentiam a Mediolanensibus exhibitam fuisse Anselmo, donec in vivis fuit Honorius Pontifex Maximus. Celebratum est hoc Concilium Anno MCXXIX., non verò præcedente, ut Pagius tradit; ejusdem namque mentionem minimè agit Landolphus, nisi post relatum Conradi discessum ab Italia, qui contigit sub finem Anni MCXXIX., quo moratum illum fuisse in Italica regione ex Diplomatis constat; & valde credibile est, nonnisi expulso ab Italia Conrado,

rado , processisse Honorium ad plectendum Anselmum illius fautorem .

Parvo tempore superstes fuit Honorius II. , ereptus e vivis Anno MCXXX. , XVI Calendas Martii . Sequenti die post ejus mortem , idest XV. Calendas Martii electus fuit in Romanum Pontificem Gregorius Diaconus Cardinalis Sancti Angeli , sub nomine Innocentii II. , Vir tantâ morum integritate conspicuus , ut *unicus unica Dignitati Divinâ jam videretur providentiâ præformatus* , ut verbis utamur Arnulphi Sagienfis Synchroni , editi Tom. III. *Rerum Italicarum* . Sed minimè quieta electio fuit : Exortum namque est nefandum Schisma , quod Ecclesiam Dei summopere perturbavit . Siquidem postridie Innocentii electionem , idest decimosexto Februarii die , in Cathedram Apostolicam intrusus est Petrus , Petri Leonis filius , Presbyter Cardinalis Tiruli Sanctæ Mariæ trans Tiberim , flagitiis omnibus detutpatûs (ut idem Arnulphus Cap. III. scribit) *Anacletus II.* dictus , Pseudo-Papa . Anselmus Archiepiscopus , qui ab Honorii manibus Pallum fumere detrectaverat , illud recepit a Schismatico Anacleto , missum per suos Legatos a Landuipho descriptos . Ipse verò coram universo populo & Clero , ut obrenti ab hoc Pontifice adulterini honoris pompani ageret , publicè illud e manibus Legatorum accepit induitque . Addit Oldoinus , Anacletum , qui ut se in Pontificia Dignitate firmaret Amicos quamplurimos aggregare studebat , retulisse quoque Anselmum suarum partium fautorem in Pseudo-Cardinalium numerum Anno MCXXXI. , mense Decembri . Facilè allici se passus est ab Anacleti favore ad ejus obedientiam Anselmus

mus; quinimo (ut tradit Sigonius) & Mediolanenses Cives, & plerosque Langobardiæ Episcopos in ejusdem partes trahere contendit, sed exitu infelici. Siquidem cum plures ex Primoribus Metropolitani Cleri, Decumanis, & Sacerdotibus cœpissent Conradi & Anacleti causam latenter deridere ac spernere, Anselmus Archiepiscopus admonitus, atque acri in eos odio exstimulatus, ab Ecclesiæ gremio illos segregavit, excommunicationis telum publicè in eosdem contorquens, e suggestu Ecclesiæ Sanctæ Theclæ.

Non tulit injustè illatum hoc probum Major Ordo Metropolitani, & reliquus Clerus Mediolanensis. Quamobrem cum Anselmus Archiepiscopus ad Populi adhuc Conrado & Anacleto faventis Concionem provocasset, Archipresbyter, nomine Guandeca, cum ceteris patenti ore verba hæc a Landulpho relata, in Archiepiscopum conversus pronunciavit: *Tu es hæreticus, perjurus, sacrilegus, & aliis criminibus, quæ non sunt hic notanda, es reus*; seque paratum asseruit, omnia de quibus illum exprobraverat, comprobare, edito super Codicem Evangeliorum, quem manu tenebat, juramento coram Provinciæ Præfulibus. Placuit utrique Parti Synodi convocatio. Quapropter advocatis in hanc Metropolim per Consulum nuncios reliquis Episcopis, acclamatum est omnium vocibus, expellendum a Sede Urbeque Archiepiscopum. Dissoluto autem Conventu quisque ex Suffraganeis Episcopis ad Sedem suam rediit; Anselmus verò per Castella & Vicos Ecclesiæ Mediolanensis extorris oberravit. Hujus infortunii Epocham figit Pagius Anno MCXXXIII., quidquid in contrarium statuant Puricellus & Papebrochius, biennio inter se dissentientes.

In-

Interim Innocentius II. Generale Occidentis Concilium. Pisis congregavit ; statimque illuc confluxere Mediolanensis Cleri Primores Mystæ, ut legitimum Pontificem Innocentium revererentur, eique obedientiam jurarent ; Summusque ille Pontifex depositionem atque expulsionem sæpediti Anselmi de Pusterula firmavit. Supererat Populus ad unitatem Ecclesiæ & obsequium Lotharii Imperatoris revocandus, repudiato Conrado. Itaque Innocentius expedit Bernardum Abbatem Caravallensem, tamquam Angelum pacis, duosque simul Cardinales Guidonem Pisanum & Matthæum Albanensem Episcopum, unà cum Gaufrido Carnotensi Antistite. Quæ fuerit Mediolanensium Civium lætitia plaususque in tanti Viri adventu, explicari vix potest. Ad septem usque miliaria obviam illi occurrisse populum, tantæ sexûs omnis ac conditionis frequentia, ut triumphali veluti more excipi ac deduci in hanc Metropolim videretur, Ernaldus in ejus Vita Cap. II. Libr. II testatur. Longum esset, singillatim recensere, quantum profecerit in hac Urbe Abbas ille Caravallensis. Id unum satis sit referre, Mediolanenses Cives, tamquam Oves placidissimas, sese illius ductui commisisse tanta demissione, ut ad illius consilium ac nutum, ejurato Schismate & Anacleto, se converterint ad Innocentium Pontificem Maximum, & Lotharium Imperatorem. Proinde per Cardinales Legatos sublatum est ab Urbe Interdictum, redditus Metropoli pristinus honor, disrupta anathematis vincula, assidueque Ecclesiæ nostræ pax & tranquillitas restituta.

Anselmus, dum hæc festivis in Civitate acclamationibus agerentur, inter tristes ancipitis animi cogitationes fluctuabat;

bat ; cùmque se Dignitate exutum , abjectumque a Clero & populo inspiceret , nescius quò se verteret , consilium a Familiari petiit , qui ei suggessit , Romam pergeret experturus , an sub eo Cœlo serenius sibi que favorabilis Sidus asfulgeret , Anacleto ibidem cuncta regente . Verùm spes ista infelici auspicio concepta , extremam potiùs calamitatem eidem peperit . Siquidem cùm iter ingressus esset , & per Mantuanum ac Ferrariensem agrum Romam ire tentaret , ad Padum flumen incidit in manus Goizonis de Martinengo , captusque transmissus est ad Innocentium Summum Pontificem . Quis esset hic Goizo , divinare non licet ; verisimile tamen videtur , fuisse illum qui inter Cardinales ab Innocentio II. creatos appellatur *Goizo Presbyter Cardinalis , Titul. Sanctæ Cecilie* , & pluribus Diplomatis ejusdem Innocentii ab Ughello relatis subscriptus legitur , atque interfuit Comitibus pro eligendo Cœlestino II. , Innocentii Successore . A Pisana Urbe Anselmum Romam remisit Innocentius , ubi in custodia positus , vitam & fortunas , quas sibi auspicabatur , amisit .

Mortuum fuisse Anselmum die XIV. Augusti , fermè omnes Historici & Catalogi asserunt . De anno gravior dissensio est apud Scriptores . Tristanus Calchus & Morigia decessisse Anselmum tradunt Anno MCXXXIII. ; sequentem ejusdem morti assignant Puricellus , Pagius , & recentiores Catalogi . Papebrochius in *Exegesi* eam in Annum MCXXXV. conjicit ; neque enim (ut ipse ait) viderat , res tot tantæque a Landulpho narratas perfici potuisse illomet Anno , quo celebratum est Concilium Pisanum . Nos verò ex hoc eodem Papebrochii argumento seriùs etiam Anselmi obitum .

protrahendum censemus, nempe ad Annum MCXXXVI. Nec fundamento destituimur; siquidem cum in assignando regiminis tempore consentiant Catalogi, Anselmo tribuentes annos X., mensem I., & dies XIV., si calculum retro incamus a die XIV. Augusti, quo obiit Anno MCXXXVI., ad XXX. Junii diem Anni MCXXVI., pervenimus ad tempus, quo electus fuit post mensem unum & dies duos vacantis Sedis a morte Oltici. Et hoc posito implentur prorsus anni diesque Sedis, Anselmo tributi.

Antequam ultro progrediamur, necessarium ducimus, nonnulla de Actis ac morte Anselmi peculiariter adnotare: Tot enim commenta de Anselmo isto ubique in nostris Annalibus tradita occurrunt, ut eadem ex Landulpho nostro emendare opus sit, ne posteritati amplius imponant. Coronatum ab Anselmo Mediolani Lotharium Imperatorem refert Calchus ad Annum MCXXIII., & fidentissimè Zucchius etiam Modoëtiæ, testem producit Ottonem Frisingensem; cum nihil tale umquam narraverit Scriptor ille, nec Lothario Anselmus adhæserit, Conrado additissimus, atque ob id etiam a Sacris & Sede ipsa Mediolanensi repulsus. Absurdus est quod tradit Ripamontius Libr. I. *Hist. Eccles. Mediolan.* Part. II., ivisse videlicet Romam Anselmum, petendæ a Pontifice absolutionis gratiæ, ibique magnâ dignitate transigisse velut in altera Patria reliquum vitæ tempus, assiduam Pontifici Innocentio, qui amicè illum liberaliterque tractavit; Innocentius enim nec Romæ tunc erat, nec diu in ea Urbe supervixit Anselmus, carceri mancipatus ac mortuus illomet Augusti mense, quo Romam fuerat Pisis transmissus.

missus. Quid, quod memoratus Morigia, & Catalogus inscriptus *Succesores Sancti Barnabæ* testantur, videlicet ab Anselmo Sanctum Bernardum sæpenumero hospitio receptum, ejusque intuitu Carævallense Monasterium ab Anselmo Archinto constructum atque dotatum? Figmenta omnia fœdissima hæc sunt; cum ex Landulpho constet, dejectum a Sede atque extorrem fuisse hunc Antistitem, antequam redux a Pisano Concilio Mediolanum primò ingrederetur Sanctus ille Abbas. Adde, a Calcho Anselmum istum Mediolani defunctum affirmari, quo nihil a veritate magis alienum: Ut exteros Auctores prætereamus, Angelum nempe Manrique, qui in *Annalibus Cisterciensibus* ad Annum MCXXXIV. Cap. II. num. VII. inter alia falsò narrata de nostro Anselmo toto illo Capite, scribit, eundem sicuti Schismatis socium, ita Dacem poenitentiae Mediolanensibus fuisse, unionisque & debitæ obedientiæ persuasorem; imo impetratum ab ipsis, ut in Sede restitueretur: quæ quomodo cum Auctoris nostri, de re sibi præsentis scribentis, Historia componi possint, prorsus non videmus: Et Claudium Robertsonum, qui Part. II. *Galliæ Christianæ* sepultum Anselmum tradit in Monasterio a se condito Carævallis; humatum namque Romæ in Ecclesia Sancti Joannis Lateranensis docent Catalogi vetustiores. Inde autem colligit Pagius ad Annum MCXXXIV., num. XII. poenituisse Anselmum contumaciæ suæ, atque in Catholica Fide & unitate, anathemate solutum obdormivisse.

Omitti prorsus nequit Galefinius, cujus Tabulam Archiepiscoporum Mediolanensium nos emendare contendimus; Elenchum enim omnium errorum, quos hætenus retulimus, in-

Epilogo Vitæ Anselmi V. congeffit, hæc suo Marte addens, nempe missum eundem fuisse Legatum in Germaniam, ac reversum in hanc Urbem fregisse audaciam Astenſis Episcopi, detrectantis obedientiam & obsequium Metropolitano Archiepiscopo exhibere. Excusari tamen potest Vir iste doctus, quod diligentia suæ laudem crassis aded mendis sædaverit; nondum enim eo tempore a pulvere & tenebris emerſerat Historia Landulphi, quæ faciem prætulit superioris ævi caligini diluendæ.



SAN-

SANCTUS BERNARDUS.



Mediolanensium Archiepiscoporum numero Sanctum Bernardum Caravallensem Abbatem Gallesinus accensuit; jure quidem & merito: Quamvis enim admiranda ejusdem humilitas illustrem hanc gloriam nobis inviderit, illiusque animum ab acceptando splendido hujusmodi honore averterit retraxeritque, nihil tamen defuit, quin revera, ob summa quæ Ecclesiæ & Civitati Mediolanensi impertitus est dona, appellare illum debeamus ac colere, ut Pastorem ac Patrem. Insonuerat undique per Europæ Provincias fama sanctimonie virtutumque Sancti Bernardi; quamobrem cum evocatus ab Innocentio II. Summo Pontifice ad Pisanum Concilium e Galliis in Italiam transmigraret, Clerus omnis, Seniores, Nobilesque Viri, quorum non modica pars turbulento illo tempore mundanæ vanitatis fallacias agnoverat, rudique atque abjecto indumento per vias incedebat, Cisterciensis Ordinis disciplinam amplecti expetens, Nuncios ad illum direxerunt, rogantes, ut Pisas profecturus, Mediolanum versus iter suscipere dignaretur. Annuere precibus Mediolanensium non potuit Sanctus Abbas, urgente sollicitudine adeundi Pisas, cum immineret dies statuta aperiendo Concilio. Tres tamen Epistolas plenas venerationis amorisque erga hanc ab ipso laudatissimam Civitatem remisit, ad Clerum nempe, ad universos Cives, & ad Novitios apud Mediolanum conversos; quas, cum obvia sint in Operibus Sancti Bernardi toties recurs, non

non vacat referre. Itaque citatis equis profecutus est iter, atque illuc pervenit, pridie quam Synodus inchoaretur. Ibidem gravissimis expeditis negotiis Ecclesiæ universæ, injunctâque ipsi ab Innocentio Summo Pontifice Legatione ad Mediolanenses, viam ingressus est, hanc Metropolim versus, Anno MCXXXIV. Qua exultantis animi significatione illum exceperit Civitas nostra, quove proventu Ordinum omnium Urbis totiusque Diœcesis moram apud nos duxerit, jam superius retulimus. Plura tamen adhuc supersunt, quæ hic recensere opus est, cursim saltem, ut quanto emolumento fuerit Civibus omnibus hujus Sancti Viri præsentia dignoscamus. Siquidem non tantum publicam tranquillitatem nobis paravit, Innocentio & Lothario Augusto pacatis, sed etiam animabus corporibusque medelam qua indigebant indulxit, miraculorum frequentia. Ut brevitati consulamus, testimonio tantum utemur Landulphi Scriptoris, ea quæ propriis oculis perspexit, strictim narrantis Cap. XLII., ubi hæc habet: *Ad nutum hujus Abbatis omnia ornamenta Ecclesiastica, quæ auro & argento pallisque in Ecclesia ipsius Civitatis videbantur, quasi ab ipso Abbate despecta, in scriniis reclusa sunt; & non solum masculi, sed etiam mulieres consæ sunt, & ciliciis & laneis vilissimis induti ad qualibet religiosa convertuntur. Aqua in vinum mutatur, Dæmones fugantur, contracti eriguntur, & quoscunque captivos infirmos Mediolanenses habebant de inimicis suis in custodia, Abbas ipse solvit, & liberos dimittit.* Multò magis autem virtutem suam cœlitus datam exercuit Sanctus Bernardus in solvendis Dæmonum laqueis, quibus Energumeni premebantur; ait enim Ernaltus Bonævalensis Abbas in *Vita Sancti Bernardi* Libr. II. Cap. II. *Cum*
diu

diu sub *Anselmi Schismate*, qui *Petri* (*Antipapæ Anacleti*) fautor *Mediolanensem* occupaverat *Cathedram*, *Sacerdotes* *gementes*, *Virgines squalidæ*, *sanctificationes maledictæ*, *Altare pollutam iram Dei in populum provocassent*: At verò in adventu *Viri Dei*, *abdicatis Anselmi præstigiis*, & in *Sedis Apostolicæ obedientiam* sub *Innocentio* revocatâ *Ecclesiâ*, *impedita est Dæmonum licentia*; & *quotidie* *dabat locum*, & *ad preces Viri Dei diffugiebat Diabolus*; & *si quando resistere conabatur*, in ipso *conflictu succumbens gloriosius vincebatur*. Innumeræ sunt gratiæ aliarum curationum, quas *Mediolani* *larga manu* impertitus est *Civibus* nostris *Sanctus Bernardus*; easque singillatim recensuit ejusdem *Vitæ* *Scriptor Ernaldus* *loco laudato*, quas hîc præterire lubet, ut ad reliqua *progre diamur*.

Vacabat eo tempore *Sedes Mediolanensis*, deposito *Anselmo* in *Provinciali Mediolani Synodo*, & confirmatâ *Pisis* ab *Innocentio II.* ejusdem *exauthoratione*. Ideo cùm præsentem haberent *Cives Virum*, *Dei Spiritu plenum*, summisque omnium *virtutum donis ornatum*, effugere sibi e manibus opportunitum tempus nolebant implendi hanc *Sedem Pastore* tam digno. Quapropter confluentes turmatim ad *Hospitium Canonice Sancti Laurentii*, in quo *Bernardus* degebat, illum cum hymnis & laudibus, & solito suo *Kyrie eleison*, ut ait *Landulphus*, in *Archiepiscopum* acclamavere. Restitit festivis hisce vocibus illius humilitas; utque mitiori repulsa desiderium. Cleri populique teniret, inquit: *Ego in crastino ascendam Palafredum meum*, & si me extra vos portaverit, non ero vobis quod petitis. Responso tamen huic non acquievit Civitas.

vitas, *quæ* (ut refert Manrique in *Annalibus Cisterciens.* ad Annum MCXXXIV ex ore Venerabilis Ramaldi, Sancti Bernardi Socii, factò præsentis) cum ad illum accessisset, raptura potiùs unanimi consensu quàm electura, parata erat omnino vim facere, nisi latenter in fugam evasisset.

Desperato tam felicitis sortis beneficio, quæsitum est, ut saltem vestigium aliquod Sancti Bernardi apud nos perennaret, Coenobium videlicet Ordinis Cisterciensis, in quo si non præsentia, saltem spiritu tanti Viri in Alumpos suos effuso, Cives fruerentur. Spoponderant Mediolanenses Sancto Abbati Caravallensi, se locum extructuros excipiendis Filiis ejusdem, dum in hac Urbe moraretur; sed refrigerante caritate suspensum remanserat Ædificium, etiam post illius discessionem: Jamque Cistercienses Monachi, quos miserat ad hanc Urbem Sanctus Bernardus, rem infectam, cernentes, in Gallias reditum maturabant. Verùm Mediolanenses acti pudore, quòd a fide data Sancto Abbati deficerent, nuncios misere, ut ab itinere jam Novariam versùs suscepto, prædictos Monachos revocarent; opemque omnem contulerunt, ut constructo nobili Cœnobio, emptisque prædiis Sedem hujus Ordinis Alumnis, dignam hac Metropoli in perpetuum pararent, nomenque eidem indidere *Caravallis* Anno MCXXXV. Illius temporis memoria, insculpta Lapidi perantiquo caractere in hunc modum, etiam nunc legitur in Claustro, e quo in Ecclesiam itur:

ANNO

ANNO DOMINICÆ INCARNATIONIS MILLESIMO
CENTESIMO TRIGESIMO QUINTO CONSTRUCTUM
EST MONASTERIUM S. Mariæ CARÆVALLIS
TEMPORE SANCTI BERNARDI ABBATIS
CARÆVALLIS, UNDECIMO CALENDAS
FEBRUARIÆ.

Ex hac Inscriptione colligit Puricellus in *Monum. Basil. Ambrosian.*, num. CCCLXXXIII., diem prædictum, inclusum verè Anno MCXXXV. juxta Æram Incarnationis, pertinere ad subsequentem Annum XXXVI., sumptum ab ejusdem Domini Nativitate. Ad constructionem hujus Cœnobii, quarto ab hac Metropoli lapide distiti, liberalem opem contulisse Guidonem ex Capitaneis Portæ Orientalis, scriptum reperiri in antiquo Codice illius Monasterii affirmat idem Puricellus loco laudato. Nobilissimam quoque Familiam Archinteam, Patriciam Mediolanensem, amplissimis prædiis dono datis plurimum auxisse eorundem Monachorum Census, testis est Tabula Sepulchralis, ante Portam Ecclesiæ Carævallis adeuntibus obvia, quæ hæc verba refert:

MILLESIMO DUCENTESIMO VIGESIMO
OCTAVO CALENDAS MAJAS
MANFREDUS ARCHINTUS PATRICIUS MEDIOLANENSIS
EROGATIS ILLUSTRÆ CŒNOBIO LATIFUNDIIS
MONUMENTUM SIBI ET POSTERITATI P.

Hæreditariam veluti in Posteris hujus vetustæ præclarissimæ-
que Gentis Archintæ largitatem erga hujus Cœnobii Mo-
nachos commendare prosequitur Ughellus, afferens etiam mo-
numentum grati animi, exsculptum in marmore, in fronte
Ecclesiæ illius posito, licet mendosè descriptum.

Laudari etiam ipse Ughellus meretur, quòd inhærens
vestigiiis nostri Landulphi, inoffenso pede percurrerit Acta no-
strorum Antistitum illius ætatis. Non ita profectò cantè in-
cesserunt plures alii Mediolanenses Historici, quos hic emen-
dare juvat, ut defœcator rerum nostrarum series oculis le-
gentium occurrat. Corius plurimùm erravit, dum electum
Sanctum Bernardum Anno MCXIX. asseruit; eique subscrip-
sit etiam Gaspar Bugattus, expuncto prorsus Olrico, &
substituto statim Anselmo post Sanctum Bernardum: quod-
que mirum admodum est, in eandem scrobem impexit Tri-
stanus Calchus, qui ad Annum prædictum, ut in margina-
libus Notis legitur, Sanctum Abbatem Carævallensem impe-
trasse ait a Primoribus nostræ Urbis, in Theatro quod tunc
adhuc durabat sedentibus, exemptionem a vestigialibus pro
Cœnobio in Bergomatium Vico Pontida, ab iisdem constru-
cto in honorem Sancti Jacobi, expedito Diplomate, a quin-
que & triginta Viris subscripto. Auctores hos omnes in-
errorem duxit nomen *Bernardi*, quo appellabatur alter ex
tribus Monachis Mediolanum missis; non enim alium esse
arbitrati sunt eum, quàm Bernardum Carævallensem; cùm
tamen Cluniacensis Ordinis ii forent, & Sanctus Abbas non-
nisi Anno MCXXXIV. primò attigerit Mediolanensem Civi-
tatem, ut animadvertit quoque Puricellus in *Monum. Basil.*

Am-

Ambros. num. CCCXXXI. Alii tolerabiliori mendo statuerunt electioni in Archiepiscopum Sancti Bernardi Annum illum, quo censuerunt mortuum Olricum Decessorem, nempe MC-XXIII. (quamvis falsò, ut jam superius de Olrico agentes comprobavimus), eoque in errore versati sunt Sigonius, Joannes Franciscus Besutius, & Claudius Robertus in sua *Gallia Christiana*, qui omnes Anselmo de Pusterula præmittunt Sanctum Bernardum, acclamatum in Archiepiscopum. Neque maculâ suâ caret *Historia Chronologica Sancti Bernardi*, alioquin diligentissima, italicè edita ab Abbate Don. Gaspere Antonio Petrina Anno MDCCXXXVII. in Taurinensi Urbe: Ubi enim de Legatione ejusdem Sancti Abbatìs ad Mediolanenses agit Scriptor ille, inter cetera, quæ ab Innocentio II. Pisis morante obtinuit in favorem nostrorum Civium, impetrasse quoque narrat confirmationem in Archiepiscopatu Anselmi V. nostri Archipræfulis. Id autem repugnat veritati, cum nihil de hac re Landulphus scripserit; imo asseruerit, Anselmum in itinere ad Pseudo-Pontificem Anacletum Romam versùs suscepto, captum transmissumque Pisas ad Innocentium II., atque ab eodem traditum fuisse custodiæ Petri Latrì, Ministri sui in Romana Urbe, ibidemque e vita migrasse. Fieri quidem potest, coram legitimo Summo Pontifice ejurasse Schisma Anacleti hunc Præfulem, atque ab illo fuisse absolutum, quemadmodum Pagiù superius allatus piè credidit vulgavitque; sed confirmationem in Mediolanensis Ecclesiæ Solio habuisse Anselmum, admitti nequit.

R O B A L D U S.



X Archidiacono Majoris Ecclesiæ nostræ in Episcopum Albensem electus Robaldus Anno MCXXIV. , Ughello in eorum Antistitum Catalogo testante , Ecclesiam Mediolanensem administravit Vicarii titulo , ab Anno MCXXXIII. ad Annum MCXXXV. Siquidem cū in Concilio Præsulum Suffraganeorum Mediolani coactō , depositus fuisset Anselmus , atque a populo expulsus ab hac Metropoli , ne pastoralī curā vidua remaneret Ecclesia nostra , redeuntibus ceteris Episcopis ad Sedes suas , Robaldus hic constitit , ut in Chrismate & reliquis Episcopalibus officiis ipsa juvaretur , quemadmodum tradit Landulphus . Adveniente postmodum Mediolanum Sancto Bernardo , Clerus & populus , ingentibus beneficiis miraculisque ad amorem raptus tanti Viri , eundem acclamavit in Episcopum ; ipso autem recusante atque in Gallias profecto , Metropolitanæ Ecclesiæ Ordinarii , & Primicerius cum reliquo Clero Nuncios misere ad Litifredum Novariensem , Vidonem Hipporiensem , & ceteros Suffraganeos Ecclesiæ Mediolanensis , ut statō die Mediolanum convenirent , suffecturi optimo Pastori electo Bernardo , sed hunc honorem humillimè respuenti , egregium Successorem . Adfuere illi , collectique in Comitibus Robaldum ad Archiepiscopale Solium implendum delegerunt . Quandoquidem verò huic Electioni Sacri Canones obsistebant , ventantes , ne inconsulto Summo Pontifice ab una ad alteram

Ec-

Ecclesiam Episcopi commigrarent, dato ad Innocentium II. supplici Libello, favorable Rescriptum obtinuerunt. Id constat ex Epistola CXXXI. Bernardi, ubi Sanctus ille Abbas memorans beneficia, quæ in Mediolanenses contulerat Pontifex Maximus, gratiam hanc addit: *Si voluistis licuisse vobis quod illicitum, nisi pro magna quidem necessitate Sacri Canones judicant, Translationem Episcopi scilicet in Archiepiscopatum, concessum est.* Hinc autem refellendum censemus tum Mabillonium in Notis ad memoratam Epistolam, tum Pagium ad Annum MCXXXIV., num. XVIII., qui asserunt, hæc verba intelligenda esse de restitutione Dignitatis Archiepiscopalis, quæ ob Schisma ab Innocentio II. abrogata nostræ Urbi fuerat; loqui enim Sanctum Bernardum de nostro Robaldo, qui cum Episcopus esset Albenfis Ecclesiæ, ad Sedem Mediolanensem translatus est, cuiuslibet ipsius verba perpendenti perspicuum esse potest.

Fervebat adhuc eo tempore Anacleti Pseudo-Pontificis Schisma; Ecclesiæ autem Occidentis in partes scindebantur, eidem faventibus nonnullis, aliis verò Innocentio II. obtemperantibus. Quamobrem Episcopi huic addicti, antequam propriam Sedem inirent, iuramentum præstare fidelitatis Pastori legitimo tenebantur. Necesse igitur fuit, ut Robaldus electus, Pisas iterum commigraret, coram Innocentio fidelem constantemque obedientiam Sanctæ Romanæ Ecclesiæ juraturus. Verùm perturbationis non modicæ occasio fuit laudabilis hæc animi demissio. Quippe, cum Summus Pontifex non benigno tantum vultu, sed etiam liberali manu eum cumulare veller novis beneficiis, Archiepiscopale Pallium Robaldo

baldo obtulit : Is verò recipere illud de manu Innocentii recusavit , utpote privilegiorum Mediolanensis Ecclesiæ tenacissimus ; adeò ut , cùm Anselmus prædecessor Romæ se con-
tulisset , & Honorio II. offerente eidem Pallium ibidem suscipiendum , Robaldum Episcopum , qui comes itineris fuerat , consulisset quid ipsi agendum esset , responsum hoc reddiderit , *quòd ipse prius sustineret , nasum suum scindi usque ad oculos , quàm daret consilium* (Anselmo) , ut susceperet Romæ Stolum , & Ecclesiæ Mediolanensi præpararet hanc novam & gravissimam , quam Honorius Papa dicebat sibi imponere mensuram . Itaque inconsultis omnibus se Pisis proripuit , ac Mediolanum reversus est . In iram exarsit Innocentius , & expectato trimestri , meditabatur justam animadversionem in Robaldum , & Mediolanenses , quos adhuc tumultuantes intuebatur . Opportunè tamen , periclitantibus Civibus nostris , ne gratiam Innocentii amitterent adfuit Sanctus Bernardus , qui de hac re admonitus , Epistolam ad Summum Pontificem dedit , positam in Editione Mabillonii sub num. CCCIV. , in qua ejusdem Papæ animum placabilem reddere studebat , laudans Robaldum , eumque vocans *Virum boni testimonii & fidelem* , atque paratum esse *sine populo , quàm sine Domino* , & *pluris facientem Apostolicam gratiam , quàm Mediolanensem Cathedralam* . Officiosissimum hoc patrocinium Bernardi tantum valuit apud Pontificem illum Maximum , ut , quidquid petierat Civitas Mediolanensis , benignissimè indulserit . Quapropter idem Bernardus Epistolam direxit ad Mediolanenses , quos suos appellat , idest ad Universum Clerum & Populum , in qua commemorat beneficia omnia ab

In-

Innocentio in ipsos collata, subdens hæc verba: *In quo potestrem quæcumque rationabilis petitio filia, non dico refulsam, sed vel moram passa est apud piam Matrem (Ecclesiam Romanam)? En ad complementum Pallium præsto est, plenitudo honorum. Nunc verò audi me inclyta plebs, gens nobilis, Civitas gloriosa.* Prosequitur deinde omnes hortari, ut in Fide permaneant, & muneribus a Summo Pontifice acceptis grata obedientia respondeat.

Illustria quoque Robaldo contingere exordia Pontificatus, duobus exâdificatis magni nominis Cœnobiis Ordinis Cisterciensis, eo videlicet de quo jam supra differuimus, nempe Carzavallensi, & altero Morimundi, auctoritate ejusdem constructo in Valle Ticini, intra fines Mediolanensis Diœcesis, quod initium habuit Anno MCXXXVI. Ad hoc erigendum tres Mediolanenses Presbyteri patrimonia sua finitima in manus Robaldi liberali dono obtulere; iisque acceptatis idem Archiepiscopus assensum præbuit ædificandæ Ecclesiæ, ac Monasterio prædicto, quemadmodum constat ex Documento relato ab Ughello, & subscripto ab ipsis Presbyteris, ac firmato a Robaldo Mediolanensi Archiepiscopo. Crevit postmodum hoc Cœnobium in eam opulentiam, ut biscentum & eò amplius Religiosi Viri omni pietate instituerentur ibidem ad virtutem; ac inter celebriora Langobardiæ Monasteria recenseretur, eodem testante Ughello; qui etiam subjungit, temporum malignitate, ac invidorum (Papiensium) scelere feraleas eas vicissitudines passum esse memoratum Cœnobium, ut, nisi Mediolanensium Archiepiscoporum accessisset pietas, futurum esset, ut incultum sædatumque ad nostram usque ætatem jacuisset.

Quo

Quo tempore Sanctus idem Bernardus Mediolani morabatur, datâ Ecclesiæ nostræ pace, ad compescendas bellicas contentiones, quæ inter Mediolanenses, & Cremonenses præsertim fervebant, se contulit ac Cremonam ingressus, Cives illos ad concordiam pacificandam, depositis hostilibus odiis, cum Primoribus Urbis Mediolani conatus est provocare. Verùm re infectâ opus illi fuit ex ea Civitate discedere; & ne videretur officio sibi commissio defuisse, conscium itineris sui Innocentium per Epistolam fecit, eam videlicet, quam paulò ante retulimus, inquit *Cremonenses induraverunt, & prosperitas eorum perdit eos: Mediolanenses contemnunt, & confidentia ipsorum seducit eos. Hi in curribus & equis spem suam ponentes, meam frustraverunt, & laborem meum exinanierunt.* Ex hac pertinacia alacriorem animum sumentes Cives nostri, acrius bellum contra ipsos instauravere. Dum autem agros depopularentur, & munita etiam Castella invaderent, Lotharius Imperator, qui in Italiam descenderat, Langobardiæ fines ingressus est Anno MCXXXVI. Confluxere ad illum Civitatum Primores, qui infestis præliis se invicem proscindebant; præsertim verò Cremonenses, & Mediolanenses, ut ejusdem auctoritate judicioque finis bellicis contentionibus imponeretur. Placido animo excepit illos Augustus Princeps, & re maturè perpensâ, sententiam contra Cremonenses tulit, eoque Principum Italiæ consensu, hostes judicavit proscriptisque, quemadmodum narrat Otto Frisingensis Libr. VII. Cap. XIX. in hunc modum: *Ibi, nempe ad Carisallum* (idest Guardatallum, quem recenter occupaverat Lotharius) *Mediolanenses & Cremonenses diuturnum inter sese*
bel-

bellum habentes, obvius habuit; discusſâ utriusque Urbis Causâ, Cremonenses a Principibus Italiæ, hostes judicantur, proscriptique discedunt. Aderat in Castris Lotharii Robaldus Archiepiscopus Mediolanensis cum suis Suffraganeis, Landulpho teste, qui ad poenam augendam rebellium eorum Civium, anathematis quoque telum in ipsos evibravit, quia (ut ait Landulphus) non reddiderunt Imperatori Mediolanenses vincula & captionem sustinentes Cremonensem. Altera etiam causa infligendæ excommunicationis ea esse potuit, quam innuit memoratus Landulphus Cap ultimo, videlicet quòd, cum Ubertus consecratus a Jordano Archiepiscopo nostro, inauguratus fuisset Cremonæ Episcopus, juramento firmaverit, se fidelem futurum ipsi Jordano Ecclesiæque Ambrosianæ; postmodum, verò unâ cum Civibus suis ab hac obedientia prorsus desciverit: Landulphus enim eodem Capite hæc scribit: Hic fortassis Episcopus iste (Ubertus) remittitur amaritudinis, qua potatus fuit Mediolani in die suæ Ordinationis, cum, nempe, ut idem Scriptor explicat inferiùs, compulsus est jurare fidelitatem Ecclesiæ Mediolanensi, & Archiepiscopo Jordano.

Prosequitur idem Auctor narrationem suam his verbis: *Mediolanensem igitur Exercitum confortatus præsentis Imperatoris & vinculo excommunicationis, Sonzintum, Sanctumque-Bisuntum, & alia multa Castella Cremonensem destruxerunt. Innocentius II. qui adhuc Pisis morabatur, miseratione fortasse Cremonensem commotus, ad eorum preces excommunicationis vinculis, quibus eisdem innodaverat noster Robaldus, clementer solvit; Mediolanensis autem Exercitus etiam post ab-*

solutionem profectus est, armis eos comprimere, Juvenaltam Castellum diripiens, & quæcumque illius Civitatis Opida occurrebant, confertis agminibus devastans; neque ipsi Episcopo Uberto parcens, quem cum invenisset loricatum, hortantem suos ad pugnam, & perficientem homicidium, de Castello in quo includebatur pertraxit, captivumque per plures menses in custodia tenuit, donec Herlembaldus de Bresforio, qui eum in carcere custodiebat, infectus veneno ex improvise in mortem corruit; eoque sublato Episcopus eadem nocte fugam arripiens, Papiam primò, postmodum Cremonam adiit libertati restitutus. Verùm relata hæc sint obiter, cum nostræ provinciæ minimè sit, civilibus istis bellorum eventibus diutiùs immorari.

Communis Scriptorum Mediolanensium opinio tradit, Lotharium Imperatorem fuisse Italicâ Coronâ primò Mediolani, dein Modoëtiæ redimitum. Si tamen sinceriores Historias consulamus, nihil de hac gemina solempni Celebritate scriptum offendimus. Et sanè, si insistere itineribus a Lothario per Italiam ac Langobardiam susceptis velimus, nullum peragendæ huic Coronationi commodum tempus occurrit. Ea omnia singillatim recensuimus, ex Germanis nostrisque Scriptoribus desumpta, in Adnotationibus ad Historiam Landulphi Cap. XLIV.; proinde hic tantùm ista subijcimus, videlicet mirum valde fore, quòd Landolphus Historiam suam profectus usque ad Annum MCXXXVII. (qui postremus fuit illius Imperatoris, mortui in reditu ad Germaniam eodem anno), atque ubique eundem conveniens, ut Causam suam peroraret, nullum de ejusdem adventu in hanc Urbem verbum

bum protulerit, nullam de accepto Mediolani ac Modoëtiæ Regio Italico Serto memorem vocem suis in scriptis reliquerit, cum alias hujusmodi Regum inaugurationes utrobique peractas non tam retulerit, sed minutim etiam descripserit. Porro hoc silentium, tanti momenti Pagio visum est, ut Coronationem hanc prorsus commentitiam affirmer ad Annum MCXXXIV. num. XIX; multoque magis cum Germani etiam Scriptores de eadem silent omnino. Attamen hæc dicta volumus, ut sinceritas Historiæ prodatur, quia nulla invidiæ culpa in nos refundatur, ac si gloriam ab Urbe nostra & Modoëtiensi Oppido, quam Sigonius, Puricellus, alique plures nostro tribuunt, propulsare conemur. Candidè profitemur, libentissimè nos manus ipsis daturos, si validiora ad novum hoc decus Patriæ nostræ ac Modoëtiæ vindicandum suppeditentur.

Anno MCXLIII. revixit controversia de quibusdam juribus in Ecclesia Sancti Ambrosii, quæ censebatur jam consepulta, inter Canonicos & Monachos, ibidem alternatim. Deo Beatoque illi nostro Patrono laudes quotidie persolventes. Integrum annum absumpsit Causa hæc definienda, non sine magna animi perturbatione Archiepiscopi nostri Robaldi. Siquidem ad ipsius Tribunal primò delata, dein Consulum Mediolanensium judicio, ad declinandum Ecclesiasticum Forum, commissa, postremò iterum ad examen Robaldi, ac Goizonis & Hubaldi Sanctæ Romanæ Ecclesiæ Cardinalium. Legatorum Romanæ Sedis, Pontificiis decretis revocata, non parum laboris angustiarumque exegit, ut ad finem perduceretur. Extat in *Monum. Basil. Ambros.* a Puricello editis narratio

ratio hujus diuturnæ contentionis, quam ipse claudit recitato integro Diplomate a Robaldo subscripto, firmatoque a Galdino, tunc Subdiacono & Cancellario Ecclesiæ Mediolanensis. Ubertiora in publicam lucem protulit diligentissimus Collega noster Nicolaus Sormanus, ex Canonicorum Sancti Ambrosii Archivo eruta; dissidium enim omne, & varias hinc inde vicissitudines, quæ contigere, singillatim enuclear, Epistolas plures tum Robaldi, tum Legatorum ad Cælestinum II. & Lucium pariter II. Pontifices Maximos scriptas refert, imo etiam anathema in Abbatem & Monachos contortum, & confirmatum ab Apostolica Sede, cum aliis omnibus Documentis ad hanc rem pertinentibus in propatulum explicat. Demum quid statutum fuerit ad lites omnes inter sacros hosce Dei Ministros dirimendas, in Dissertatione sua Historica, *ad Concordiam* inscripta, typis impressit. Nostra minimè est, rebus istis jam agitatæ definitisque immisceri. Id tantum delibavimus, quod in laudem Archiepiscopi nostri, pacem Ecclesiæ suæ omni studio parare studentis, vergit, & perennem memoriam meretur.

Innocentius II. Summus Pontifex in Concilio Pisæ celebrato Anno MCXXXIV. teste Pagio ad hunc annum, Decretum promulgaverat, quo juebantur Monachi & Regulares Canonici de laboribus terrarum, quas propriis excolebant sumptibus, Decimas nullatenus persolvere. Has exigere præsumebat Præpositus de Rosate cum suis Clericis a Monialibus Monasterii Sanctæ Mariæ *de Montano*, nunc in *Valle* seu viciis in *Vallo* nuncupati. Itaque Robaldus Antistes Mediolanensis, ut jura hujusmodi Sororum tueretur, & Innocentii II.

Præ-

Præceptum executioni mandaret, Diploma expedit, quo prædictas Moniales a prætandis memorato Præposito de Rosate ejusque Clero Decimis eximebat, indictâ Præposito gravissimâ poenâ, nempe ab officio suo decidendi, aliisque Clericis aut Laicis anathematis comminatione, si Decimas ullas exigere præsumpssissent. En Charta hujus Præcepti, ex Tabulario ipso dictarum Monialium deprompta, quam *in suis Antiquit. Ital. Med. Ævi* transtulit Clariss. Muratorius Tom. III. colum. CCXXV.

„ Robaldus Dei gratia Sanctæ Mediolanensis Ecclesiæ Archiepiscopus. Dilectæ in Christo Filie Monasterii „ Sanctæ Genitricis Virginis Mariæ de Montano Abbatissæ „ & ejus Sororibus tam præsentibus quàm futuris in perpe- „ tuum. Venerabilis Pater noster & Dominus Papa Innocen- „ tius in Pisana residens Synodo, astantibus Religiosis Pa- „ triachis, Archiepiscopis, Episcopis, Abbatibus & aliis Sa- „ cerdotibus, Clericis, hoc promulgavit Decretum, ut vide- „ licet Monachi & Regulares Canonici de laboribus terra- „ rum, quas propriis excolunt sumptibus, Decimas nullacte- „ nus tribuant: quod etiam in Concilio nuper Romæ cele- „ brato innovatum Apostolicâ sanxit autoritate. Nos itaque „ prædicti Domini Nostri, & Sanctæ Romanæ Ecclesiæ autho- „ ritate suffulti definitivâ statuimus Sententiâ, uti Abbatissa „ Monasterii de Montano, & ejus Sorores sub Regula Beati „ Benedicti, ut credimus, regulariter degentes, quæ modò „ sunt, vel pro tempore fuerint, de laboribus terrarum, „ quas propriis excolunt sumptibus, Præposito de Rosate „ & ejus Fratribus, seu alieno Clerico vel Laico de cetero „ „Deci-

„Decimam minimè perfolvant. Si quis igitur, quod abſit,
 „Præpoſitus, Sacerdos, ſeu Diaconus vel Subdiaconus a
 „prædictis Monialibus amodo, contemtâ Sanctæ Romanæ
 „Eccleſiæ authoritate, Decimam exigere vel extorquere præ-
 „ſumpſerit, vel propter hoc eas perſequendo turbaverit,
 „gradus ſui periculo ſubjacebit; ſi verò Clericus vel Li-
 „cus fuerit, excommunicationi ſubjaceat.

„Ego Robaldus Dei gratia Mediolanenſis Archiepiſco-
 „pus ſubſcripſi.

„Ego Tedaldus Archipreſbiter ſubſcripſi.

„Ego Landulfus Preſbiter ſubſcripſi.

„Ego Wido Preſbiter ſubſcripſi.

„Ego Guifredus Preſbiter ſubſcripſi.

„Ego Obitus Subdiaconus & Cimiliarcha ſubſcripſi.

„Ego Adelardus Diaconus ſubſcripſi.

„Ego Anſelmus indignus Diaconus ſubſcripſi.

„Ego Wilielmus Diaconus ſubſcripſi.

„Ego Jordanus Diaconus ſubſcripſi.

„Ego Oprandus Camerarius ſubſcripſi.

„Ego Galdinus Cancellarius a me dictato ſubſcripſi.

Inter Aſceteria Monialium, quæ ſubſunt Archiepiſcopo
 Mediolanenſi, celeberrimum illud eſt, quod decimo ſexto ab
 Urbe noſtra lapide conſurgit in Loco Medæ. Si enim an-
 tiquitatem ſpectes, a noningentis circiter annis extructum
 fuit ob inſigne miraculum, quod typis vulgarum per manus
 omnium excurrit; ſi verò Privilegia Summorum Pontificum
 eidem conceſſa intuearis, peculiarem venerationem meretur.
 Hujus Cænobii indemnis ſervandi curam ſuſcepit Robaldus;
 cùm

cum enim in ejusdem jura sese ingerere tentasset ob loci proximitatem Præpositus Ecclesiæ, appellatæ de Seveso, delatâ ad Archiepiscopum Robaldum Causâ, Sententiam protulit in favorem Abbatissæ & Monialium, quemadmodum docet sequens Charta, ex Archivo ejusdem Monasterii deprompta :

„ Robaldus Dei gratia Sanctæ Mediolanensis Ecclesiæ Archiepiscopus . Dilectæ Filie Martine Abbatisse Monasterii „ Sancti Victoris siti in Loco Meda & ejus Sororibus in „ perpetuum . Sacrâ significante Scripturâ omnium & maxime spiritualium est Potestatum pacem inter discordantes „ componere , & in negotiis diffiniendis nec ad dexteram „ nec ad sinistram declinando , regio idest justitiæ incedere „ tramite , proinde ut quod debemus executioni pro posse „ mandemus , controversiæ inter Plebem de Seviso , & Abbatissam Metensis Monasterii exorte , inito cum Fratribus „ nostris Sanctæ Mediolanensis Ecclesiæ Cardinalibus , & Primicerio , aliisque religiosis Presbyteris & Clericis consilio , „ prout ratio exigit , & auctoritas dicitur , justum curavimus „ imponere finem . Controversia autem & ex utraque parte „ assertiones hec sunt . Prefate siquidem Plebis Præpositus , „ fretus que inferius ponuntur rationibus , assererat Capellam „ que in honore Sanctæ Mariæ Virginis in Loco Meta , videlicet in Foro sitam sub predictæ Plebis regimine & tamquam membrum capiti , & filiam sue Matrici Ecclesiæ „ debere esse subpositam , dicens , sepe nominata Capella infra „ Plebis terminos est fundata , deinde in domini signum annuatim ibi Sancti Sebastiani Festum celebramus , & resurrectionem

„ tionem a predictæ Capelle Capellano honorifice recipimus .
„ Chrisma & aquam ad pueros baptizandos in die Sabbati
„ Sancti sanctificatam a pretaxata Plebe habet , & non ali-
„ unde , & quod quondam predictæ Ecclesie Clericum , Otto
„ nunc , in nominata Capella , qui Capellam & populum sibi
„ commissum regeret , sua posuissent autoritate , pluribus ni-
„ tebantur asserere testibus . Econtra verò prefata Abbatiſſa fe-
„ dictam Capellam juris & regiminis Metensis Monasterii
„ Sancti Victoris esse , & ad Plebem minime pertinere his
„ assererat argumentis ; Sacerdotes namque , quibus ab Ab-
„ batiſſa que pro tempore in prescripto Monasterio fuit , fe-
„ dicta Capella est comissa , ut ibi Divina celebrent Of-
„ ficia , & Metensem populum regerent & gubernarent quiete
„ per triginta annos unumquemque voluit , Abbatiſſa libere
„ elegit , quorum unus , videlicet Otto , astante bone me-
„ morie Abbatiſſa Otta , investituram Capelle de altario re-
„ cepit , ad quod probandum quamplures legales & idoneos
„ producebat testes . Insuper Cartarum ostendebat Instru-
„ menta , in quibus quod pretaxati Monasterii Sancte memo-
„ rie Berlenda Abbatiſſa , tamquam potestatem & dominium
„ habens , comutationem de terra prenominate Capelle fe-
„ cerat , & comutationi consenserat , aperte demonstrabatur .
„ Diligenter itaque utrinque auditis rationibus & argumen-
„ tis , atque ad discernendam veritatem mentis intendentes
„ intuitum , quoniam testimonia super tricenali possessione ,
„ & investitura de Altari suscepta , competentia nobis visa
„ sunt atque sufficientia ; communicato ut superius diximus
„ cum Fratribus nostris consilio , sex Testium juramenta
„ susce-

„ suscepimus, quorum duo Abbatissam in sepedicta Capella
„ tricennali possessione ante introitum memorati Ottonis, re-
„ gimen & dominium optinuissē, & in ea, sua auctoritate
„ sine aliqua contradictione libere possuissē Sacerdotem, &
„ duo alii post ejusdem Ottonis introitum similiter per tri-
„ ginta annos quietē jus & dominium habuissē prestitis ju-
„ ramentis ante nos approbaverunt. Duo verò, quod Ab-
„ batissa astante, predictus Otto investituram Capelle in Loco
„ Meta, videlicet in Mercato fundate, de Altario Beati Vi-
„ ctoris suscepit, juramento firmaverunt. His ita peractis,
„ tot evidentibus atque perspicuis fultis rationibus, sepe no-
„ minatam Capellam ad jus & dominium predicti Monasterii
„ ex integro pertinere diffinitivā decrevimus Sententiā, &
„ ut inibi Sacerdotes, qui Divina celebrent Officia, & spi-
„ ritualiter populum regant atque gubernent, Abbatissa que
„ pro tempore fuerit, suā ponat autoritate unumquemque,
„ voluerit, jure concedimus perpetuo. Actum est hoc fe-
„ liciter a Domino Robaldo, Dei gratia Mediolanensi Ar-
„ chiepiscopo in Mediolanensi Palatio, Anno ab Incarnatione
„ Jesu Christi millesimo centesimo trigésimo octavo, Indi-
„ ctione secunda, Mense Decembris. Ex hac autem Sen-
„ tentia predictus Archiepiscopus duo Privilegia uno tenore
„ componi, & suo insigniri precepit sigillo, & in utrif-
„ que propria manu subscripsit.

„ ✠ Ego Robaldus Dei gratia Mediolanensis Archiepiscopus
„ p̄ me subscripsi, & affirmavi.

„ Ego Tedaldus Archiepiscopus interfui & subscripsi.

„ Ego Landulfus Presbyter subscripsi.

M m

„ Ego

- „ Ego Wido Presbyter subscripsi.
- „ Ego Amizo Archidiaconus subscripsi.
- „ Ego Adelardus Subdiaconus interfui & subscripsi.
- „ Ego Walterius Subdiaconus interfui & subscripsi.
- „ Ego Anselmus Diaconus interfui & subscripsi.
- „ Ego Jordanus Subdiaconus interfui & subscripsi.
- „ Ego Obitius Subdiaconus interfui & subscripsi.
- „ Ego Ardericus Cimiliarcha & Vicedominus subscripsi.
- „ Ego Berengarius Diaconus interfui & subscripsi.
- „ Ego Wifredus Presbyter subscripsi.
- „ Ego Nazarius Presbyter ac Primicerius interfui & subscripsi.
- „ Ego Stephanus Archipresbyter subscripsi.
- „ Ego Galdinus Cancellarius a me dictata subscripsi.

Neque in hac Urbe tantum ac Diœcesi Pastorale desiderium, quo incendebatur ad procurandam inter Oves suas sinceram & pacificam animorum consensionem, palam fecit Robaldus: Etiam ad Mediolanensis Provinciæ Greges paterni sui amoris curam extendit. Lis acerrima fervebat inter Canonicos Sancti Vincentii, & Sancti Alexandri Urbis Bergomatis de quibusdam juribus Ecclesiæ unius in alteram, quæ invicem utraque prætendebat. Controversias hæc componere nifus fuerat Innocentius II. Summus Pontifex, dato Pisis Diplomate ad Petrum Præpositum & Canonicos Sancti Alexandri Anno MCXXXV., aliisque tribus Epistolis ad Gregorium Episcopum Bergomensem directis. Verum cum exasperati Canonici animi minimè acquievisent Pontificiæ Sententiæ, & devoluta tandem fuisset Causa ad Archiepiscopum

scopum Mediolanensem Robaldum, Archipræful noster cunctas lites diremit, & capita omnia ejusdem Causæ, singillatim discussa, unâ cum Ecclesiæ Mediolanensis Fratrum suorum ac Legisperitorum consilio, definivit atque composuit, expedito Diplomate ad Albertum Archipresbyterum & Canonicos Sancti Vincentii Urbis illius Anno MCXLI., Prædie Nonas Augusti, cujus rei per Epistolam conscium fecit Gregorium Ecclesiæ Bergomensis Antistitem. Nonnulla in hisce Diplomatis deprehendimus ibidem in usu posita, quæ tunc in nostra quoque Mediolanensi Ecclesia vigeant, nempe mutatio Ecclesiarum statis temporibus cum *Aræ* delatione, & pertractio Pœnitentium in Ecclesiam, die Cœnæ Domini; de quibus sermo erit, cum publici juris fient Commentaria Ritûs Ambrosiani.

Eodem quoque desiderio pacis se inflammatum ostendit Robaldus, auctoritate sua compefcens injusta dissidia, ab Episcopo Derthonensi Gulielmo excitata. Prætendebat olim Petrus hujus Prædecessor dominium Cœnobiorum de Præcipiano & Lavianone, contra Laudensem Episcopum Ardericum; iste verò Causam ad Olrici Archiepiscopi Mediolanensis Tribunal deferens, favorabilem sententiam obtinuerat Anno MCXXV., quemadmodum in Olrici Vita retulimus. Effluxere quatuordecim anni a lata Sententia, quin Episcopi Laudenses ejusdem fructu fruerentur, possessione jurium controversorum apud Derthonensem Ecclesiam remanente. Quamobrem Joannes Episcopus Laudensis electus Anno MCXXXIX. querelas suas armavit coram Robaldo Metropolitano Archiepiscopo, ut Gulielmus Derthonensis Antistes sese

abdicaret a possessione jam memorata, in damnum Laudensis Ecclesiæ hætenus retenta. Robaldus compatiens Laudensî Præfuli, in iudicium vocavit Gulielmum Derthonensem; at iute conscientiâ suâ tactus inducias quæsit, quas benignè Mediolanensis Archiepiscopus indulxit. Verùm tentante illo Sententiam subterfugere, in contumaciam obstinati Antistitis, assentientibus Metropolitanæ Canonicis & Iudicibus, confirmavit Robaldus Decretum Oltici, iussitque ut Derthonensis Episcopus integram possessionem proprio Domino redderet; quinimo omnes etiam fructus, qui post promulgationem primæ Sententiæ Oltici Archiepiscopi quocumque modo ipsi obvenissent, absque mora restitueret. Actum hoc est in Palatio Mediolanensî, Anno MCXL., Mense Januario, Indiétione tertia. Refertur integrum Documentum ab Ughello in Episcopis Laudensibus num. XXIII.

Regimen Ambrosianæ Sedis produxit Robaldus usque ad Annum MCXLV., quo e vivis ereptus est, die XXX. Decembris. Hanc Epocham fiximus morti prædicti Archipræfulis, contra Puricellum & Ughellum, qui præcedentem Annum signant, multòque magis contra Sigonium, qui bienio etiam ante eum vitâ functum tradit. Ad id nos cogit tempus electionis ejusdem, nempe Annus MCXXXV., XXIX. Julii, & spatium annorum X. mensum IV. dierum XXVI. Sedis, adnotatum in antiquissimo Catalogo Ecclesiæ Metropolitanæ; initis namque calculis clarè patet, Robaldi obitum anno & mense prædictis contigisse: Dies autem, qui supersunt computo, tribuendi sunt moræ post electionem, ob expectandum Innocentii II. Placitum pro tollendo obstaculo

culo Episcopatus Albenfis, a quo transferendus erat ad Mediolanensem, ut canonica declararetur Electio.

Sepultus est in Ecclesia Hyemali, juxta suggestum, ut tradit vetusti Catalogi.

Præterire non possumus egregium Caritatis Opus, a Robaldo institutum, quod in ejusdem præconium inseruit Galestinus *Tabula sue Mediolanensium Antistitem*, videlicet Hospitales *Ædes Brolii* a Gothofredo Cive extruendas ipsum curasse: Cùm tamen nullo alio testimonio aut Documento id firmatum viderimus, hoc tantùm innuere in illius fide opportunum duximus.

Sequens Diploma, ex Archivo Coenobii Monachorum Sancti Ambrosii Mediolani desumptum, utpote anno carens, & in Archiepiscopi hujus nostri laudem vergens, postremo hoc loco subjungimus.

✠ „ In Nomine Patris, & Filii, & Spiritus Sancti,
„ Amen. Sicut Apostolo docente didicimus, quod non tantummodo malè agentes, sed etiam illis consentientes, digni
„ sint morte; ita ratione dictante cognoscimus, quod non
„ solum bene operantes, verum etiam eos consolantes, atque
„ in bonis operibus confirmantes, digni æterna remuneratione permaneant. Hujus itaque argumenti inventionem
„ suffulsi Ego Robaldus Dei gratia Sanctæ Mediolanensis
„ Ecclesiæ Archiepiscopus, dilecti Fratris nostri Petri, Celsanensis Episcopi bonam voluntatem approbo, atque ejus
„ bona opera absque ulla dubitatione confirmo. Unde tam
„ ego, quam omnium nostrorum Ordinarium Conventus,
„ ad honorem Dei & Beatæ Mariæ, necnon Confessoris
„ Christi-

„ Christi Ambrosii, Ecclesiam construendi, atque regularem
„ Canonicam ordinandi in Loco, qui dicitur Domergascus,
„ cum veræ caritatis affectu ei licentiam damus: Eâ tamen
„ conditione, ut in eodem Loco Ambrosianum Officium ce-
„ lebretur. Quidquid vero ad hoc Opus peragendum sive
„ retinendum præfato Episcopo, vel sibi adherentibus aut
„ ei succedentibus, bonorum Virorum donatione aut iusta
„ emptione collatum est, vel erit, sive Loco illi modis
„ omnibus iuste fuerit acquisitum, auctoritate Dei & no-
„ stra, sine ulla ambiguitate firmamus. Ipsum autem Lo-
„ cum, omnesque in eo habitantes & quidquid ad eum per-
„ tinet vel pertinebit, per Dei gratiam, & Beati Am-
„ brosii merita defendere atque manutenere modis omnibus
„ pollicemur. Si quis igitur, quod absit, præfatum Lo-
„ cum, aut ejus habitatores in aliquo disturbare voluerit,
„ Dei inimicitias & nostras sine dubio incurrere se cogno-
„ scat; unde in futuro Divinum iudicium, in præsentem vero
„ nostrum sollicitè pertimescat. Quilibet autem eum, vel in
„ eo habitantes, pro Dei amore, & sui Confessoris Am-
„ brosii honore manutenebit, & hinc nostra benedictione,
„ & in futuro Divina retributione proculdubio non carebit.
„ Tantâ enim affectione simul & devotione sæpèdictum Lo-
„ cum amplectimur, ut quæcumque in eum fiant, in nos
„ fieri computemus; quippe præter Deum & Beatum Am-
„ brosium, nullum alium defensorem requirit. Volumus ita-
„ que, firmiterque istud atque præcipuè confirmamus, ut
„ ab omni subjectione sive conditione tam Rosiatis Ec-
„ clesie, quam omnium aliarum liber in æternum perma-
„ neat.

„ neat. Præterea statuimus, quatenus Ecclesiæ & Altarium,
„ consecratio, necnon Clericorum in eodem Loco degentium
„ ad Sacros Ordines promotio, ad solum spectent Ambro-
„ sianum Pontificem. Præpositus vero præfati Loci ad Ge-
„ neralem Synodum vel Capitulum, a Sancta Mediolanensi
„ Ecclesia convocatus, venire nullatenus prætermittat. Sæpe-
„ nominati autem Loci benefactores sive Coadiutores Omni-
„ potens Dominus benedicat, qui in Trinitate perfecta sine
„ fine vivit & regnat. Amen. Item Præpositus in eodem
„ Loco, a suis Fratribus canonice electus, Mediolanensi
„ Archiepiscopo ad confirmandum præsentetur.

„ ✠ Ego Robaldus Dei gratia Mediolanensis Archiepi-
„ scopus subscripsi.

„ Ego Tedaldus Archipresbyter subscripsi.

„ Ego Landulfus Presbyter subscripsi.

„ Ego Amizo Archidiaconus subscripsi.

„ Ego Berengarius Diaconus subscripsi.

„ Ego Adelardus Diaconus subscripsi.

„ Ego Obitius Subdiaconus subscripsi.

„ Ego Odo Notarius subscripsi.

„ Ego Nazarius Presbyter & Primicerius subscripsi.

„ Ego Oprandus Camerarius subscripsi.

„ Ego Ardericus Notarius subscripsi.

„ Ego Galdinus Cancellarius subscripsi.

Extat in calce Sigillum in cera rubra, in quo cernitur
impressa effigies Sancti Ambrosii.

Cum Episcopatus Celanensis ignotus sit omnibus Cata-
logis Italiæ Sacræ, ab Ughello digestæ, ejusque memoriâ
careant

careant Romanæ Curix, ut vocant, Regesta, ad quæ sedulò exploranda Amicorum, antiquitatis studio & peritiâ insignium diligentiam sollicitavimus; neque ambigi possit de sinceritate ac fide archetypæ hujus Pergamenæ, in memorato Sancti Ambrosii Mediolani Tabulario asservatæ, & a nobis diligenter inspectæ, conjecturis agendum esse censemus, ut dignoscatur, cur Episcopus iste (ubicumque tandem Celenensis Ecclesia locata fuerit) curaverit, ut construeretur Ecclesia & Canonica Regularis in Loco Domergasco Diœcesis Mediolanensis. Itaque opinamur, hunc Petrum Præsulem fuisse natione Mediolanensem, atque paterna prædia ibidem possedisse; utque testaretur peculiarem, qua servebar erga Deum, Beatissimam Virginem, ac Sanctum Ambrosium, religionem publico aliquo atque perenni monumento, juris sui Bonæ in Sacris istis Ædificiis erigendis ac conservandis impendisse. Certè Vicus Domergascus, sive, ut corrupto vocabulo nunc appellatur *Domengasco* subjacebat Ecclesiæ Rosiatensi, in præsentiarum *de Rasate*, a qua parùm distat: Robaldus autem Archiepiscopus ab omni Rosiatensis seu alterius Ecclesiæ jurisdictione, Ecclesiam & Collegium illud exemit, adjectis conditionibus, ad Dignitatis Archiepiscopalis decus, & Ritum Ambrosianum, per universam Diœcesim in Regularibus etiam Claustris vigentem, omnimodè retinendum.

O B E R T U S I.



Post viginti tres dies Sedis vacantis, Ober-
tus, seu Ubertus, ex Capitaneis de Pi-
rovano, Robaldo successit die XXII. Janua-
rii Anni MCXLVI. Obierat Lortharius Im-
perator, ut diximus, Anno MCXXXVII.,
quemadmodum Struvius in *Historia Ger-
manie* plurium Scriptorum testimonio confirmat; eique in
Comitiis Confluentiæ, Oppidi Galliæ, celebratis substitutus fue-
rat Conradus II., olim rebellis & Schismaticus, tunc verò
legitimè electus. Hunc Augustum Principem, quem Ansel-
mus V. Archiepiscopus, Mediolani & Modoëtiæ Regio ferto
præcinxerat, atque ob id Pontificio anathemate, unà cum
Civitate Mediolanensi percussus fuerat, iterum eadem Coronâ
redimitum fuisse utrobique a Robaldo, seu ab Ober-to tra-
didere Scriptores nostri, quos enumerat Puricellus in *Monum.
Basil. Ambros.*, num. CD., atque inter eos etiam Calchus
ad Annum MCXXXVIII. Attamen commentum hoc esse Vir
ille antiquitatis peritissimus scribit; & meritò. Cùm enim
memoratus Imperator pluribus in Germania excitatis tumulti-
bus aliò distineretur, Rogerio invasore Siciliæ instigante,
ne Conradus Siciliæ Regnum recuperaret, quemadmodum
tradit Andreas Presbyter in *Chronico Bavarie*, minime po-
tuit in Italiam validâ militum manu sese conferre. Scribit
sanè Sigonius ad Annum MCLII., *Conradum Coronâ accipien-
de, Aulias recuperande, & Lombardiâ non tam componen-*

de quam comprimenda studio inflammatum jurasse, se pro-
pediem cum exercitu in Italiam trajecturum; verum eodem
Anno (idest MCLII.) repentino morbo oppressum, non sine
veneni suspitione, a Medicis indultu Rogerii dati, XV. Calen-
das Martii vitâ cessasse.

Inter primas hujus Archiepiscopi nostri curas ea fuit, ut ad preces Abbatis & Monachorum Ordinis Sancti Benedicti, in Cœnobio Sancti Simpliciani degentium, Diploma confirmationis omnium Bonorum, quæ tunc illi possidebant, expediret; quod etiam peregit Anno Dominicæ Incarnationis millesimo centesimo quadragésimo septimo, mense Januarii, Indictione decima. Subscriptus est huic Chartæ Obertus ipse Archiepiscopus, unâ cum aliis Collegii Ordinariorum Metropolitanæ, & Galdino Diacono ac Cancellario: Authenticum autem ejusdem Exemplum, jussu Ottonis Archiepiscopi Mediolanensis editum a Rodulpho Notario Mediolani Anno MCCXCIV., tertio exeunte Januario Indictione septima, servatur in Archivo memorati Monachorum Cœnobii.

Biennio post electionem suam Obertus in favorem quoque Monachorum Sancti Ambrosii Mediolani confirmationem indulgit omnium Privilegorum, quæ a prima istius Cœnobii origine, concessione Pontificum, largitione Regum vel Principum, oblatione Fidelium, seu aliis justis modis adepti erant. Extat hoc Documentum in Archivo eorundem Monachorum, ab Ughello jam vulgatam. Sedavit etiam animos invicem dividentes Præpositorum Ecclesiis Sancti Eustorgii (quæ nondum Sancti Dominici Alumnis cesserat) & Sancti Laurentii, controversias eorum definiens, quæ utrumque Canonic-

nicorum Collegium diu vexaverant; datâ Sententiâ in Palatio Mediolanensi, *Anno Dominicæ Incarnationis MCLII., mense Januarii, Indictione quintadecima*, cujus exemplar authenticum inspexit Puricellus in Archivo Basilicæ Sancti Laurentii.

Alteram Sententiam protulit Obertus Mediolanensis Ecclesiæ Archiepiscopus in controversia de electione Parochi Ecclesiæ Sanctæ Mariæ *ad Circum* nuncupatæ, inter vicinos ejusdem Ecclesiæ, & Abbatissam Monasterii Majoris: Illi enim prætendebant, proprii juris esse electionem Parochi memorati; contra verò Abbatissa antiqua jura sua in eam Ecclesiam, & consuetudinem in illos armabat. Obertus autem, cum prædictos Vicinos judicium detrectantes videret etiam post datas inducias, eorum petitionem in contumacia damnavit, latâ in favorem memoratæ Abbatissæ Sententiâ, cujus Exemplar Clariss. Muratorius intulit in Tomum V. *Antiquit. Ital. Med. Ævi*, colum. DLXV. Actum est hoc Placitum Anno Dominicæ Incarnationis MCXLVIII., mense Julii, Indictione undecima, subscriptusque est ipse Obertus Archiepiscopus, unâ cum aliis Canoniciis Metropolitanæ Basilicæ, sigillo etiam Archiepiscopali Chartam hanc muniti jubens. Cerrè in hodiernum usque diem Monasterii Majoris Abbatissa in hoc jure perseveravit, nutu suo eligens Parochum, qui Sanctæ Mariæ *ad Circum* Ecclesiæ, est pro tempore instituendus. Jam itaque Chartam ipsam subjicimus.

„ Obertus Dei gratia Sanctæ Mediolanensis Ecclesiæ Archiepiscopus. Dilectæ in Christo filiæ Margaritæ Monasterii Majoris Abbatissæ, ejusque Sororibus Salutem. Scriptum „ est: *si verè usque justitiam loquimini, rectè judicatæ sitis*

„ *hominum*, & alibi: *Beati qui custodiunt iudicium*, & *fa-*
„ *ciunt iustitiam in omni tempore*. His itaque auctoritatibus
„ *communiti*, discordiæ inter Abbatissam Majoris Monasterii,
„ *Vicinosque Ecclesiæ Beatæ Mariæ*, quæ dicitur *ad Circu-*
„ *lum*, diutius agitatæ debitum studuimus imponere finem.
„ *Controversia autem hæc erat: Prænominati siquidem Vici-*
„ *ni*, quodd de jure sibi competeret Sacerdotem vel Cleri-
„ *cum*, qui illi Ecclesiæ Beatæ Mariæ deserviret, petere,
„ *vel eligere*, & ipsam electionem solummodo Domno Ar-
„ *chiepiscopo*, & nullatenus Abbatissæ repræsentare, ut ab
„ *eo confirmaretur*, asserere nitebantur. Adversa autem pars
„ *eorum* refellens intencionem, prænominatam Beatæ Mariæ
„ *Ecclesiam* ad jus & dominium jam dictæ Abbatissæ ejus-
„ *que Sororum* spectare, ita quod inibi Sacerdotes vel Cle-
„ *ricos* inconsultis Vicinis liberè & sine eorum contradictione
„ *ponere possit & debeat*, pluribus inductis rationibus al-
„ *legabat*. Nos itaque hanc litem dirimere, & cuique jus
„ *suum* servare volentes, utrique Parti terminum præfiximus;
„ *ad quem prædicti Vicini* ante nos venientes, & adversam
„ *partem* nullatenus rationabiliter improbantes, a tramite ve-
„ *ritatis deviantes*, in suis defecerunt petitionibus. Quibus
„ *propterea* uti ad plenum, si quam in hac Causa iustitiam
„ *haberent*, dignosceremus, eisdem alias quasi ex abundantia
„ *dedimus* inducias. Ipsi verò tamquam Dei iustitiâ diffiden-
„ *tes*, nostrum subterfugiendo iudicium, per contumaciam,
„ *se absentaverunt*. Abbatissa autem tamquam innocens, &
„ *ut absolveretur* ad iudicium properans ad nos venit, pa-
„ *rata nostræ* obedire Sententiæ. Communicato itaque cum
„ *Fra-*

„ Fratribus nostris consilio , cū scriptum sit , quōd *absentes*
„ *per contumaciam* , ut *nihil de sua lucrentur contumacia* , tam-
„ *quam præsentes judicentur* , Galdino Cancellario nostro , uti
„ hanc promulgaret Sententiam injunximus . Qui nostro parens
„ mandato inquit . Si Abbatissa Majoris Monasterii per Advo-
„ catum suum juramento præstito affirmaverit , quōd Ecclesia
„ Beatæ Mariæ , quæ dicitur *ad Circulum* , sua sit , ita quōd
„ in ipsa Ecclesia Sacerdotes vel Clericos , qui in Ecclesia illa
„ Divina celebrent Officia sine consilio præfatorum Vicinorum
„ vel consensu , ponere , collocare possit & debeat , amodo Ec-
„ clesia illa in dominio & potestate illius Abbatissæ & aliarum ,
„ quæ pro tempore fuerint in Monasterio illo , perpetuo jure
„ permaneat , eandemque sicuti Ecclesiam suam de cetero dis-
„ ponat & ordinet . Ibique sæpeditæ Abbatissæ Advocatus ,
„ Obizo nomine , sicut in Sententia fuerat promulgatum , jura-
„ mento firmavit . Insuper etiam Guilielmus Cacainarca , & Am-
„ brosius Greppus , Scutolinus Butraffus de superscripta Ecclesia
„ in nostra manu per se , & per alios Vicinos finem fecerunt ,
„ & nos eam vice sæpenominatæ Abbatissæ suscepimus . Actum
„ est hoc , Anno Dominicæ Incarnationis millesimo centesimo
„ quadregesimo octavo , mense Julii , Indictione undecima .

„ Ego Obertus Archiepiscopus subscripsi .

„ Ego Tedaldus Archipresbyter subscripsi .

„ Ego Anselmus indignus Diaconus intersui & subscripsi .

„ Ego Willielmus Diaconus subscripsi .

„ Ego Jordanus Diaconus subscripsi .

Solitudinem quoque suam prout Obertus ad com-
ponendos animos Antistitem Mediolanensis Provinciæ . Cū-
enim

enim ferveret dissidium inter Obertum Cremonensem, & Girardum Bergomensensem Episcopos, sagacitate sua & consilio apud Legatum Apostolicum Guidonem de Summo, Sanctæ Romanæ Ecclesiæ Presbyterum Cardinalem ita omnia disposuit, ut discordia diutius vicens de medio tolleretur. Data est Sententia in *Palatio Mediolani, Anno Dominicæ Incarnationis MCXLVIII., IV. Idus Octobris, Indictione XII.* eamque eruit ex Regesto Cremonensis Episcopi Franciscus Antonius Zacharias, Societatis Jesu, in laudatissimo suo Opere *Cremonensium Episcoporum Series*, pag. CXX.

Præ ceteris tamen Pastoralis erga gregem amoris exemplis, quibus regimen suum illustravit Obertus Archiepiscopus, insigne admodum ac laude dignissimum illud fuit, inducendi in Collegium Canonicorum Metropolitanæ Basilicæ, communis vitæ Institutum. Nemini ignotum est, post felices annos Ecclesiæ nascentis, cum scilicet non tam Bonæ Christianifidelium communia tunc forent, sed etiam ob fraternæ caritatis vinculum, unum in ipsis cor esset & anima una, interpuisse fervidam hanc Societatem, ac prorsus decidisse. Seculo IV. jacta sunt in Italia fundamenta, ad hanc religiosam vivendi normam saltem inter Clericos renovandam; primusque fuit Sanctus Eusebius, qui vitæ communis methodum Clero suo Vercellensi insinuaret perficeretque, quemadmodum ex Sermonibus Sancti Maximi Taurinensis Episcopi, iis temporibus ferè æqualis, optimè evincit Clarius. Muratorius Tom. V. *Antiquit. Ital. Mediæ Ævi*, Dissertatio-
ne LXII. Sanè hac in re Sanctus Eusebius laudatores plures habuit, quàm imitatores. Octavo Seculo non tam reviviscere
cæpit

cœpit præclarum hoc Institutum; sed etiam Episcopus Medensis Chrodogangus Regulam hujusmodi Clericorum in commune viventium conscripsit; eamque postmodum Concilium Moguntinense, Anno DCCCXIII. coactum approbavit simul atque laudavit. In Italiam quoque sensum penetravit ista vivendi norma; pluraque instituta sunt Collegia Clericorum eodem Seculo, teste memorato Muratorio, qui Diplomata plura, ad eam statuendam in Italicis Ecclesiis data ibidem recenset. Extat in Labbeo Tom. VIII. *Conciliorum* Decretum Eugenii II. Summi Pontificis, prolatum in Synodo Romana, habita Anno DCCCXXVI., quod sic jacet: *Necessaria res existit, ut juxta Ecclesiam Claustra constituantur, in quibus Clerici disciplinis Ecclesiasticis vacent: Itaque omnibus unum sit Refectorium, ac Dormitorium &c.* Non segnis fuit Mediolanensis Metropolis ad hoc vitæ genus insignioribus Ecclesiis admittendum; Seculo namque decimo in iis vigeat Ordo Præpositi, & Canonicorum, ut fusiùs narravimus in *Dissertatione historica, ad vindicandam veritatem* &c. Cap. II., & XIV. In Metropolitano Templo Jordanus Mediolanensis Archiepiscopus (ut superiùs innuimus) datis Literis Anno MCXVI., potestatem Decumanis Ecclesiæ Majoris fecit, ut *Altari Sancti Blasii uterentur, ad Sacra peragenda in communi vita degentes*; Primarius tamen Clerus nondum eo tempore leges hæcæ amplexus fuerat. Reservata est Oberto huic Archiepiscopo laus redigendi in unum reditus omnes Collegii Ordinariorum Mediolanensium, ut simul degere possent, more in aliis Ecclesiis jam instituto. Supplex itaque per Literas ad Eugenium III. Pontificem Maximum perrexerit, qui, expedito Diploma-

plomate Anno MCXLIX, Oberti propositum summopere commendavit, eique auctoritate Apostolica indulgit, ut reditus omnes ac proventus Metropolitanæ Ecclesiæ ad communem vitam Canonicorum, qui in loco ipso pro tempore morabuntur, in unum colligeret, ac scripto Privilegio confirmavit; præcipiens, ut ea quæ ad servandam communem vitam adhuc decrant, quantociùs complerentur, videlicet, *ut in uno Refectorio comederent, atque in uno Dormitorio dormirent*. Quid subinde actum sit, Historiæ nostræ non memorant. Certè Sanctus Carolus Borromeus, hujusmodi exemplo commotus, niſu omni curavit, ut hoc Institutum in Metropolitano Collegio restitueretur; sed in irritum, ob subnascentes difficultates, religiosissima ejusdem vota cessere, quemadmodum narrat Glusianus *in ejus Vita* Libr. V. Cap. II.

In Tabulario Insignis Basilicæ Canonicorum Sancti Georgii, in *Palatio* appellati, asservatur Charta Placiti, ab Oberto lati, in Controversia, quæ tunc vertebat inter Guifredum Præpositum atque Canonicos, & Joannem Diaconum ejusdem Ecclesiæ, Superstantis munere fungentem. Eam, cùm nondum lucem viderit, & manu propriâ Oberti signata sit, integram vulgare, non incongruum existimamus.

„ **P** In Nomine Sanctæ & Individuæ Trinitatis. Recordatio Sententie, que data est a Domino Oberto, Sanctæ Mediolanensis Ecclesiæ Archiepiscopo, super Controversia, que erat inter Guifredum Canonice Beati Georgii Præpositum ejusque Fratres, & ex altera parte Johannem, qui dicitur Saracenus,

&c

„ & est ipſius Eccleſie Diaconus & Superſtans . Controverſia
„ autem hec erat . Conquerabatur ſiquidem Prepoſitus , quod
„ prefatus Johannes Superſtans , ipſius Eccleſie Cimiterium ,
„ quod ei non licet , nam ipſius Cimiterii diſpoſitio ſeu or-
„ dinatio ad Prepoſitum ejuſque Fratres liquidò ſpectare di-
„ noſcitur , uſurpaverat , & ut Domus quam in eodem Ci-
„ miterio quidam Superſtans , ut dicebatur , hediſcaverat ,
„ quia preſtat impedimentum , deſtrueretur , & oſtium alte-
„ rius Domus Superſtantie , quod ad ipſum vergit Cimate-
„ rium , clauderetur , intendebat . Econtra preſcriptus Johan-
„ nes , quoniam , ut cujuſque Eccleſie Superſtans , de Ec-
„ cleſia eſt , ſe licite Cimiterium poſſe tenere dicebat , nec
„ Domus deſtruenda , nec oſtium claudendum eſt , quoniam
„ tam ego , quàm Predeceſſores mei per XL. annos & eo
„ amplius hec omnia quietè poſſideo . Inſuper diſpoſitionem
„ ſepulcrorum , que in ſepeliſto Cimiterio ſunt , de quibus
„ Prepoſitus conqueſtus fuerat , ad ſe , non ad Prepoſitum
„ pertinere dicebat . Viſis itaque hinc inde rationibus & ar-
„ gumentis Venerabilis Domnus Archiepiſcopus , communica-
„ to cum Fratribus ſuis conſilio , hanc promulgavit Senten-
„ tiam , inquit . Oſtium , de quo dictum eſt , muro clau-
„ datur , domus deſtruatur , & ut Cimiterium uſque ad . . .
„ pedes , ut Canones diſtant , liberum , & ſepulture de ce-
„ tero in poteſtate . . . diſpoſitione Prepoſiti & Canonico-
„ rum conſiſtant , precepit .

„ Data eſt hec Sententia a Domino Oberto , Sancte Me-
„ diolanenſis Eccleſie Archiepiſcopo Anno milleſimo centeximo
„ quinquageſimo tertio , menſe Auguſto , Indicione prima .

O o

„ †

„✠ Ego Obertus Archiepiscopus subscripsi .

Alterius Sententiæ Documentum typis edidit ibidem Ughellus , in Controversia , quæ agitabatur inter Canonicos Ecclesiæ & Plebis Sancti Victoris de Casolate (vulgò *Casorate*) , atque Abbatem Monasterii Morimundi , constituti prope Coronagam , super XVII. agrorum possessionem , quam utraque Pars sui juris esse venditabat . Illam serio examine Testium , coram Arnaldo de Ludiglo Assessore suo & Iudice productorum , idem Archiepiscopus definivit , Abbatem & Monasterium de Morimundo a petitione Canonicorum seu Plebis absolvens . Data hæc est Anno Dominicæ Incarnationis MCLIV. , V. Calendas Martias , Indictione II. , & subscripta ab Oberto Archiepiscopo .

Quanto ardore ferveret Archipræsul noster Obertus inferendi in omnes Sacras Familias pacem & quietem , manifestum quoque facit Sententia , quam Puricellus vulgavit in *Monum. Basil. Ambros.* num. CDIX. Lata autem est Anno a Nativitate Domini MCLIV. , cùm ab Incarnatione assignari deberet Anno superiori . Controversiam circa legitimam possessionem Hospitalis & Ecclesiæ dicatæ Sancto Michaëli , quam Fratres prædicti Hospitalis sibi debitam prætendebant , instituto iudicio & Testium examine Obertus diremit , in Monachos Sancti Ambrosii potiori jure illam referendam esse dijudicans . Clariss. Muratorius eandem Chartam refert Tom. II. *Antiquit. Ital. Med. Ævi* , colum. MCCLXIX.

Incidit Archiepiscopus iste in ea tempora , quibus a Frederico I. Imperatore renovatum est , acrius quàm ante , Schisma in Ecclesiam Romanam , & ferale excidium in Mediolanen-

lanensem Urbem, a crudeli eodem hoste illatum. Inauguratus fuerat Imperator Fridericus post mortem Conradi Patruī, Anno MCLII Elapso biennio in Italiam se contulit, idest Anno MCLIV. Sigonius, Puricellus, alique Mediolanenses Scriptores tradidere, Fridericum Regium Italiæ Sertum tunc sumpsisse e manu Oberti Archiepiscopi in Basilica Sancti Ambrosii. Sed nimiam fidem adhibuere Galvano Flammæ, qui *Historiam suam Comitum Angliæ* Commentis iniuravit; Morena enim, qui præsens tunc erat, nihil de hoc refert; imo irâ fuisse inflammatum Fridericum contra Mediolanenses scribit, quòd Sicherium Legatum suum, ad eos missum in favorem Laudensium, malè habuissent. Pagius verò ad hunc Annum, num. XII. & seqq. singillatim dicta Scriptorum refellens, ad fabulas prorsus amandat prædictam Coronationem. Perrexit quidem Romam Fridericus, ubi ab Adriano IV. Summo Pontifice insignitus est Imperii Coronâ ac nomine Augusti, Anno eodem MCLIV., XIV. Calendas Julii; sed Italicum diadema minimè tunc recepit.

Liberalem etiam animum suum ostendit Obertus, præsertim circa Religiosos Viros, Sacra Deo litantes, & Ecclesiasticis Collegiis adscriptos. Siquidem Guisfredo & Canonicis Basilicæ Sancti Eustorgii jure perpetuo concessit *ordinationem, dispositionem, regimen, dominium, & investituram Superstantiæ ipsorum Ecclesiæ*. Chrtam hujusce Donationis a se inspectam Puricellus loco laudato, num. CDXIV., & num. CDXXI tradit, expeditam fuisse Anno Dominicæ Incarnationis MCLVI., mense Julii, Indictione quarta.

Superiùs innuimus, Sicherium Friderici Imperatoris Le-

gatum, missum e Germania ad Mediolanenses, ut pro Laudensibus peroraret, malè acceptum fuisse a Primoribus nostræ Urbis; imo exarxisse illos contra Laudenses, quòd Fridericum adversus hanc Metropolim malo animo incendissent. Quapropter Anno MCLVII. Cives Laudæ Mediolanum accivere, ut juramento fidem suam firmarent, præstarentque sinceram Mediolanensibus obedientiam. Paruère mandato Laudenses, collectique in Palatio Oberti Archiepiscopi, se paratos exhibuerant ad nutum Consulum & Primorum Urbis nostræ, excepto tamen juramento, ne juratam jampridem Imperatori fidem infringerent. Obertus idem miseratione commotus, cum eos pedibus suis jacentes stentisque conspiceret, enixè rogavit pro sua paterna pietate adstantes omnes Consules Primoresque Viros, ut aliquid indulgenter remitterent de injuncto præcepto: Sed frustra; ipsi enim cum valida militum manu Laudam petentes, eandem penitus exciderunt. Narrat hæc Otto Morena, qui tamen ubique se ipsum prodit, acerrimo livore in Cives nostros succensum, cujus in hoc uno tantum facundus est calamus, ut exosos posteritati reddat Mediolanenses.

Delatum est ad aures Friderici I. Imperatoris ferale hoc nuncium excisæ Laudensis Urbis; quamobrem irâ percitus vindictam in proximum Annum juravit, eòd tunc temporis implicitus esset Germanicis bellis. Anno itaque MCLVIII. superatis Alpibus, in Campos Italiæ extremo mense Majo cum suis copiis descendit, obsessâque primò Urbe Brixiz, quæ cum Mediolanensibus fœdus inierat, eandem ad dedicationem coëgit. Exterriti Cives nostri, ut imminentem jam sibi

sibi bellicam procellam averterent, Principes Viros ad Fridericum mittere, ut illius iram pecuniâ aut gratiâ mulcerent. Sed incassum, cum potius Imperator magis exacerbatus, Mediolanenses declaraverit hostes. Nec mora; Mediolanum obsidione cinxit, validoque impetu munimenta perfregit. Obstiteret quidem pro virili Cives nostri; sed cum effugia omnia salutis & libertatis auferri ac dirui viderent, pluresque eorum obstinatè usque ad extremum pugnare velent pro Patria, Guido Comes Blanderatensis, unus & ipse Mediolanensium Procerum, ut tradit Radevicus Frisingensis Libr. I. Cap. XL., prudenti solidaque adhortatione ostendit, amentis furiosique hominis esse, desperatè obniti contra hostem; mucrone jam faucibus insistentem. Orationem integram recitat Sigonius ad Annum MCLVIII. Quamobrem de petenda a Friderico pace consilium unanimes sunt amplexi; missisque ad Regem Boëmiae, & Ducem Austriæ Consulibus aliisque Civitatem moderantibus Optimatibus, ut benevolum redderent Fridericum, habitâ ab Augusto Principe securitate, ad illum supplices accedere primò Obertus Archiepiscopus cum Clero universo, prælatis Crucibus, ut tunc mos erat in Italia, dein Consules & Majores Civitatis, postremò turba omnis mulierum, & puerorum, clementiam implorantium. Excepit illos sereno vultu Fridericus, testatus se nonnisi invitum contra Clarissimam hanc Civitatem arma movisse. Verùm durissimis conditionibus, quas ex Radevico descripsit Sigonius, gratiam & benignum amorem suum supplicibus Civibus restituit, illosque liberos ad Urbem remisit. Processisse exinde Fridericum Modestiam,

tiam, ibique Regni Italici sermo ab Archiepiscopo nostro coronatum fuisse refert Continuator Ottonis Frisingensis Radevicus; silentibus tamen de hac re Ottone Morena, & Sire-Raul, in Urbe nostra tunc commorantibus. Statuit postmodum, Curiam habere in Roncaliis, ad repetenda Regalia, & Leges formandas: Idcirco convocatis omnibus Italiæ Principibus, necnon etiam Episcopis, eam aperuit die Festo Sancti Martini. Adfuit Archiepiscopus noster Obertus, qui nomine omnium Episcoporum ac Procerum eloquentissimè peroravit; eaque Oratio legitur Libr. II. Radevici *Historia*, Cap. IV. In hac autem cuncta jura, quæ hætenus possederant, Imperatoris arbitrio subidere, Legesque ab ipso editas acceptarunt.

Decefferat ex hac vita Calendis Septembris Anni MCLIX. Adrianus IV. Pontifex Maximus, eique substitutus fuerat a seniori Cardinalium Cœtu Rolandus Cardinalis, Sanctæ Romanæ Ecclesiæ Cancellarius, sub nomine Alexandri III.; Octavianus autem pariter Cardinalis, Tituli Sanctæ Cæciliæ, a duobus tantum Collegis suis electus, Pontificatum invasit. Huic adhæsit Ænobarbus: Quapropter ab Alexandro III. legitimè in Sancti Petri Cathedra sedente tum Octavianus (Victor III., seu IV. ut alii volunt, appellatus) tum Fridericus ipse Imperator, Anagninæ Anno MCLX., sacro anathemate confixi fuere. Imo Literas ipse Pontifex ad Principes & Civitates dedit, necnon ad Episcopos, ut prædictos Schismaticos execrarentur. Præcipuè verò ad Mediolanenses Joannem Anagninum Cardinalem legavit. Is autem III. Calendas Martii unà cum Oberto Archiepiscopo suggestum.

Majoris Ecclesiæ conscendens, Octavianum & Fridericum Sacris interdixere; die verò XII. Martii eodem telo perculerunt ceteros Episcopos ac Proceres, qui Schisma fovebant. Fridericus indignatione exarsit contra Mediolanenses, non hac tantum de causa, sed multò magis, quòd Legatos suos Raynaldum Cancellarium, recenter Archiepiscopum Coloniensem electum, & Ottonem Palatinum Comitem de Bajoaria, Mediolanum missos, ut Prætorem & Consules nomine Imperatoris crearent, excitato in Urbe tumultu ab hac Metropoli expulissent. Ideo iterum castra movit, ut Mediolanum expugnaret. Non defuit paterno erga Oves suas & Patriam amorì Obertus Archiepiscopus, qui (ut scripsit Sire-Raul, editus Tom. VI. *Scriptor. Italiae*, & præsens rebus quæ tunc agebantur) unà cum Milone Archipresbytero, Galdino Archidiacono, & Algisio Cimiliarcha hortatus est populum ex parte Dei Omnipotentis & Beati Ambrosii, ut viriliter ad bellum procederet; quin etiam collectis militibus ipsemet Varixium perrexit, & ad finitima Oppida Friderico addiit, ob tollenda Imperatori subsidia. Parùm tamen hæc omnia prudentiæ & strenuitatis consilia profuere; Fridericus enim Germanicis Italicisque copiis stipatus afflictam Civitatem diuturna obsidione, ferroque ac fame coëgit ad deditionem. Antequam tamen Mediolanenses fe suasque opes ac liberos voluntati victoris offerrent, Obertus cum memoratis Milone, Galdino, Algisio (qui omnes unus post alium Ambrosianam Cathedram conscenderunt) & aliis majoribus Ecclesiæ suæ Ministris Alexandro III. militantibus, Genuam se contulit ad eundem Summum

Pon-

Pontificem, qui illuc recenter appulerat. Interim Fridericus victoriâ relata superbiens, relegatis in Suburbia Civibus nostris, Urbem istam inimicis diruendam reliquit, eamque ingressus sub Quadragesimæ finem Anni MCLXII., benedictas Oleas de manu Abbatiss Sancti Ambrosii, Schismatis faventis, in ea Basilica more christiano recepit, cetero ejusdem Ecclesiæ Clero, ob præstitam Alexandro obedientiam, exilium libentissimè amplectente.

Auxit lacrymabilem calamitatem doloremque Civium ea insolentia, qua non tam Domibus, quàm Templis vastationem intulere effrænati Milites, pretiosumque Thesaurum, videlicet Corporum trium Sanctorum Magorum, qui Infantem Jesum in Bethlehemitico specu, flexo genu ac munerum oblatione adoraverant, aliò transportavere; Raynaldus enim superiùs relatus, Archicancellarii Italiæ dignitate jam insignitus eadem Sacra pignora, Friderico assentiente, ad Coloniensem Urbem transmisit, unâ cum aliis Sanctorum Reliquiis, veluti spolia e denudatis Altaribus evulsa, in crudelibus triumphis memoriam. itæc Sacra Corpora, utpote valdidissima Civitatis præsidia, religiosissimè asservata in Templo Sancti Eustorgii extra mœnia erecto a pluribus antea Seculis, ne in manus cederent Ænobarbi, imminente obsidione, intra Urbem traduxerant Mediolanenses, atque in Turri Sacræ Ædis Sancto Georgio dicatæ collocaverant super Tabulam candidi marmoris, columellis pariter marmoreis sustentant, quæ adhuc extat, & recognita fuit nuperrimè a duobus Canonicis Ecclesiæ Colonienfis, ex ea Urbe Mediolanum profectis, tamquam omnino congruens antiqui Scripturis,

curis, quæ in eorumdem Tabulario servantur. Solliciti semper fuere Mediolanenses, ut si non integra pretiosissima hæc pignora, saltem partes aliquas iterum in Ecclesiam nostram reducerent. Datæ propterea sunt non ad Colonienfes tantum, sed etiam ad Summum Pontificem aliosque Proceres Literæ a Ludovico Maria Sfortia Mediolani Duce Seculo XV., ac sequenti a Sancto Carolo Borromeo, & demum ab Eminentiss. Alphonso Litta Archiepiscopo Mediolani; sed irrita semper curâ, frustratoque nostrorum Civium desiderio, quemadmodum fusè narravimus in *Appendice ad Dissertationem pro vindicandis Mediolano Sanctorum Protasii & Gervasii Corporibus*, editâ in hac Urbe Anno MDCCXIX.

Verùm, ut insistamus venerandis Oberti Archiepiscopi nostri vestigiis, qui ad Alexandrum III. Genuæ degentem unâ cum Sociis confugerat, Historiam prosequimur. Non diu ibidem moram duxit Pontifex ille; sed in Galliam delatus comitem semper habuit Obertum nostrum, & Socios Mediolanenses in peregrinatione suscepta per eas Provincias, Concilia passim celebrans, quæ refert Labbeus. Ferme per quadriennium exulavere in Ecclesiis Gallicanis egregii isti Duces Fidei, & Schismatis oppugnatores, sicuti refert Anonymus Scriptor *Vitæ Sancti Galdini*, apud Bollandum, die XVIII. Aprilis, & Pagium ad Annum MCLXV., donec felicissimè in Italiam reversus Alexander Romam reperit, plaudente populo festivis acclamationibus. Redux e Gallis Pontifex Maximus Messanam appulerat; inde verò triremibus Gulielmi Regis Siciliæ transfretaverat mare, Salernum deductus, atque inde Romam. Verùm plerique Præfules, qui il-

lum comitabantur, pertæsi maritimum iter, ut tradit Sigonius ad Annum MCLXV., terrestrem viam aggressi in Beneventana Urbe consisterant. Obertus autem exilio, ærumnis, & senio confectus, ibidem extremo correptus morbo vitam deposuit Anno MCLXVI., V. Calendas Aprilis.

Huic Sanctissimo Archiepiscopo non defuere calumniæ, ab ipsis Mediolanensibus in eundem illatæ. Galvaneus Flamma, quo tamquam Magistro etiam alii paginas suas insecere, is fuit qui fœdissimum Commentum Scriptis suis iniecit; invehitur enim in Obertum, veluti hujus Metropolis proditorem, exilio etiam a Friderico ob id damnatum; subjungitque, memoratum Præfulem, cum se despectum atque exolum omnibus videret, jussisse, ut sibi mortuo præciderentur lingua manus & pedes; atque ita factum esse tradit: quo putido mendacio nihil detestabilius sub Sole audiri potest. Suscepit illius tutelam, justam sanè ac necessariam, Puricellus in *Monum. Basil. Ambros.* num. CDLXXIX., ne debita tanto Viro laus, apud infirma & imperita ingenia excideret ac deturparetur; sincerumque Scriptorum *Vitæ Sancti Galdini* testem adducit ita loquentem: *Contigit, ut Obertus Mediolanensis Archiepiscopus, Præcessor suus (Galdini) ad Dominum in pace migraret, omnibus relinquens exemplum, pro Fide & unitate Ecclesiæ se morti ac periculis dare, ac pro Domino caducam hanc & mortalem vitam ponere.* Pagius quoque ad Annum MCLXII. innocentiam Oberti tutatur, carpens nonnullos malè de eodem sentientes, præsertim Sigonium, qui Flammam sequi videtur, dum ait, urgente rabidissima fame tunc temporis Mediolani, accusatum

tum fuisse Obertum passim a Civibus, *quasi ille bello tunc tantò causam dedisset, aut parì moram atque impedimentum afferreret*. Hoc autem falsi omnino arguit narratio Morenzæ & Sire-Raul, tamem istam & excidium Urbis minutim referentium. Subjungit verò idem Pagius, optimè se gessisse Obertum in iis tumultibus, nec alia de causa prætulisse volutarium exilium amorì Patrìz, nisi quia Fridericus impensè faveret Pseudo-Pontifici, a quo ipse abhorrebat insensibilimè.

Galefinius in *Tabula Synodali* refert, hunc Archiepiscopum sollicitam curam habuisse, ut excisa a Friderico hæc Metropolis resisteret; adeoque Pontidenſe Colloquium cum finitimis Urbium Primoribus indixisse, ut fœdus inirent, excussoque jugo servitutis gravissimæ, sese in pristinam libertatem assererent; atque eidem adstitisse, ut ex Catalogo Archiepiscoporum Mediolanensium, inſcripto *Successores Sancti Barnabæ*, in Oberti Vita relatum videremus. Error tamen hic est recentium Scriptorum, Obertum cum Sancto Galdino confundentium: quo verè in Mediolanensì Sede constituto Societas Langobardorum statuta fuit, & in antiquum decorem Mediolanensis Urbs restituta.

Sedit Obertus in Metropolitana Mediolanensì Cathedra annis XX., mensibus II., & diebus VI, idest a die XXII. Januarii, Anni MCXLVI., ad XXVIII. Martii Anni MC-LXVI., Catalogis antiquis id adnotantibus.

Tumulum habuit Beneventi, in Ecclesia Sanctæ Sofiæ Ordinis Sancti Benedicti, dignis Exequiis summoque cum honore sepultus, Anonymo Scriptore *Vitæ Sancti Galdini* cœvo, & paulo infra memorando, id referente.

SANCTUS GALDINUS.



X nobili Valvaſſorum de Porta Orientali Stirpe, dictâ *de Sala*, progenitus Sanctus Galdinus, cooptatus in Collegium Metropolitane Mediolanensis Eccleſiæ, primò Subdiaconi & Cancellarii per diuturnum tempus, dein Archidiaconi munere functus fuit. In aſcendente autem Schiſmate, & Friderico Imperatore arctiſſima obſidione excidium huic Metropoli minitante, comitem Oberto Archiepiſcopo noſtro ſe dedit, ut Alexandro III. Summo Pontifici, cui ſemper fidus adhæſerat, præſentiæ ſuæ obſequium præſtaret. Poſt varia cum ipſo itinera in Galliis ſuſcepta per quadriennium, eundem proſecutus eſt uſque Salernum; Subinde Beneventum proſectus Anno MCLXV. evocatus eſt Romam, ubi jam Alexander morabatur; cùmque ille promptè obſequutus fuiſſet Pontificiis mandatis, adſcriptus eſt Cardinalium Collegio, ſub Titulo Sanctæ Sabinæ; annoque ſequenti mortem Oberti reſcivit, non ſine maximo dolore, ut teſtatur Anonymus in ejus Vita, inſiciens: *Beatus Galdinus tanto Patre orbatus, tantoque deſtitutus ſolatio, multas pro cariffimo Patre & Domino lacrymas fudit, metuens, ne tanto Patre ex hac luce migrante Mediolanensis periclitaretur Eccleſia, præſertim cùm eo tempore Civitas diruta jaceret, & populus ſub jugo captivitatis & duræ ſervitutis detineretur. Videant hic Oberti oſores, an proditoris titulo*

titulo aliisque dictis supra relatis denigranda sit fama Sacri hujus Viri, quem tantū faciebat Sanctissimus Præsul Galdinus.

Non expectavit Alexander Pontifex Maximus diutinam moram temporis ad refarciendam gravem hanc jacturam Mediolanensis Metropolis; sed disperso in hisce partibus Clero, Suffraganeis verò Episcopis ferme omnibus Schismate infectis, Romæ collegit Algisum Cimiliarcham, Galdinum Archidiaconum, & Milonem Archipresbyterum, ceterosque Primores Ecclesiasticos Viros, qui eum comitati fuerant, illisque instantibus, Galdinum Virum sanctissimum multisque præditum virtutibus (ut loquitur Auctor illius Vitæ) ad preces Fratrum qui aderant, in Episcopum consecravit Dominicâ II. post Pascha, quæ tunc incidit in diem XVIII. Aprilis.

Puricellus in *Dissert. Nazarian.* Cap. CVI. contendit, Galdinum Archiepiscopum factum, desisse Cardinalis Titulum usurpare, atque in hoc sese confirmat tum auctoritate Onufrii Panvinii, qui constanter asserit, iis temporibus Cardinales, Episcopos factos tamquam in altiori gradu constitutos non amplius fuisse appellatos eo Titulo, tum etiam ex Diplomatis ipsis Galdini, Mediolani datis, quæ ipsemet Puricellus refert cum inscripto nomine solummodo *Archiepiscopi & Legati Apostolici*. Non adeò tamen firma est hæc Sententia, ut refelli non possit; Edmundus namque Martene Tom. III. *Thesauri Anecdotor.*, colum. MCCXXXV. recitat Diploma Alexandri III., cui octavo loco subscriptus legitur: *Ego Galdinus Sanctæ Sabine Presbyter Cardinalis, & Archie-*

chieꝝ episcopꝝ Mediolanensꝝ subscripsi. Alterum nos exemplum adduximus in Adnotationibus ad Cap. I. Landulphi de Sancto Paulo, Tom. V. *Rerum Italicarum* vulgati.

Interim Friderico Ænoarbo impensius semper Schismate fovente, novoque Tyranno Paschali III., post mortem Victoris, in Sancti Petri Cathedram intruso, Lateranense Concilium celebratum est ab Alexandro Anno MCLXVII., in quo (ut scribit Joannes Saresberienſis a Pagio relatus) *abſtulit ab eo etiam Regiam Dignitatem, ipſumque anathemate condemnavit &c.* Hoc Itali audito, ab eo discedentes *reſtituerunt Mediolanum, Schismaticos expulerunt, Catholicoſ reduxerunt Episcopos, & Apoſtolice Sedi unanimiter adheſerunt.* Ad perficiendum opus Italo nomine & animo dignum, statutum est Cœnobium Pontidæ in Agro Bergomate, ad quod confluere deberent Proceres Civitatum, quas enumerat Continuator Morenæ, ut ſœdus juramento firmatum inirent, curarentque Mediolanum reſtituere in eam antiquæ fortitudinis & munimentorum gloriam, quæ reliquarum Italiæ Urbium defenſioni contra hoſtes inſerviret. Pacta autem ſunt hæc ſœdera VII. Idus Aprilis Anni MCLXVII., teſtibus Corio & Sigonio. Nec ſegnes fuere Mediolanenſes excavandis Foſſatis, reſarciendis Domibus, muniendis Portis, quantum fieri poterat; donec miſſis ab unaquaque Civitatum ſœderatarum Vexillis ac Legionibus, revocati ſunt in Patriam Mediolanenſes, per quinquennium exules, egeſtate ac ærumnis ſerè conſumpti, eaque feliciffima dies, fuit V. Calendas Maji, ejuſdem Anni. Tunc (ut tradit Auctoꝝ Vitæ Sancti Galdini) *fuit videre populum de Babylonica captivitate rediuntem, Vi-*

ros præ gaudio flentes, parvulos & mulieres præ lætitia clamantes. Ferebantur voces in Cælum, festinabat quisque ad propria. Ne verò temporum iniquitate in oblivionem decideret insignis memoria restauratæ hujus Urbis, incisus marmore fuit Annus diesque, quo, licet obnunte furenteque Friderico præ ira atque odio, illustrior resurgere cœpit exciâ Insulæ Metropolis, in hæc verba:

ANNO DOMINICÆ INCARNATIONIS MILLESIMO
CENTESIMO SEXAGESIMO SEPTIMO
DIE JOVIS V. CALENDAS MAGII
MEDIOLANENSES INTRAVERUNT CIVITATEM.

Extat hic Lapis in fronte Portæ, quæ Romam ducit, amplificatis ad gloriæ incrementum, dirutis olim, mœniis, quæ arctioribus confiniis Urbem cingebant.

Galdinus Romæ adhuc degens, accepto hoc prospero faustoque nuncio, iter in hanc Metropolim illico maturavit, & munitus ab Alexandro III. Summo Pontifice Dignitate Legati Apostolici per universam Langobardiam, ingressus est die V. Septembris (non Decembris, ut Calchus malè adnotavit) iis exceptus gratulationibus, quæ tantæ sanctimonie Præfulem & Patriæ Patrem decebant. Prima ejusdem sollicitudo fuit, injunctum sibi a Pontifice Maximo officium implere: Quamobrem ad Laudenses, & præsertim ad Albertum de Cazano Majoris illius Ecclesiæ Præpositum, Clerumque Diocesis, necnon & ad Consules, qui adhuc Schismate contaminati erant, delectos Nuncios misit, duos nempe Ab-

bates

bates Sancti Ambrosii, & Sancti Vincentii, Ordinis Sancti Benedicti, iis omnibus indicens, ut vel ejurarent Fridericum, & Paschalem Pseudo-Pontificem, aut Interdicto & Beneficiorum expoliationi illico subjacerent. Ancipites primò hæserunt Laudenses; meliori tamen accepto consilio, Galdini mandatis obtemperarunt, & deposito Alberico Merlino, Albertum Præpositum Ripæ altæ-siccæ in suum Antistitem elegerunt, quem ipse Archiepiscopus noster consecravit, maximo cum Diœcesis illius proventu; Albertus enim memoratus eximiis florens virtutibus, & miraculis decoratus in Sinætotum Album referri meruit. Plures alios Provinciæ suæ Episcopus sacro Chrismate inunxit Galdinus, cùm eos, qui in fœce diuturni Schismatis sese pertinaciter volutaverant, Apostolicâ auctoritate e Sede Episcopali deturbasset, anathemate facto percussos, subitituti probatæ fidei ac vitæ Præsulibus. Scorsim eos refert Ughellus, collectim autem Gotefridus Henschenius in *Annotis*, post *Vitam Sancti Galdini*, ad diem XVIII. Aprilis.

Quamvis in Germaniam fugam potius quàm iter arripisset Æno-barbus post sacrilegè dirutam incensamque Porticum Beati Petri in Romana Urbe, atque ideo iram Dei in se convertisset, sæviante pet exercitum teterrima lue, infesta nihilominus Schismatis radix in Papiensi solo, & ditione Marchionis Montisferrati Friderico adhærentium, identidem in Italiâ noxia germina emittebat, & florentem per saniores regiones obedientiam erga Catholicam Ecclesiam non tam inficere, quàm excindere nitebatur. Opportunum itaque censuerunt Rectores Civitatum, Alexandri Pontificis Maximi partibus mi-

militantium, a fundamentis erigere integram Urbem, quæ illas tueretur, & ingruentes Schismaticorum nifus contereret ac propulsaret; eamque in Summi illius Hierarchiæ reverentiam. *Alexandriæ* nomine decoravere Anno MCLXVIII. Neque inane fuit erectum hoc munimentum; irruente namque ad ejusdem obsidionem Friderico iterum in Italiam delato, & illius direptionem immisfis per subterraneos cuniculos militibus tentante, vigil custodia defensorum adeò in omnes partes sese diffudit, ut astum hostilem intrus cluserit, simulque exterius repentinâ eruptione in Obsidentes impetum fecerit, eosque in fugam conjectos, longè recedere motis castris compulerit pudore suffulos. Ferunt nonnulli Scriptores, quos inter Cardinalis de Aragonia in *Vita Alexandri III.*, visum fuisse Beatum Petrum, cui dicata fuerat Civitas, Catholicis copiis præire, albo equo insidentem, ac inimicas acies coruscantibus armis concutere. Ad hoc propugnaculum construendum non tam consilio, quàm liberali ære opem tulisse Galdinum, haud dubium est. Id certè novimus, ejusdem precibus, necnon Provincialium Episcoporum & Consulum Mediolani impetratum fuisse ab Alexandro III., ut Sedes Episcopalis institueretur in nova ea Urbe; quod etiam benignissimè indulgit Pontifex ille, designato in primum Antistitem Arduino Sanctæ Romanæ Ecclesiæ Subdiacono, inter Suffraganeos Mediolanensis Ecclesiæ Præsules numerando, & consecratione Galdini Archiepiscopi ad eam Dignitatem promovendo; licèt intempestiva mors & eundem Arduinum, & Successorem rapuerit, antequam eis manus a nostro Antistite imponerentur.

Ad abstergendum autem squalorem miserrimè in ruinis ja-

centis nostræ Metropolis animum, adjecit Sanctus Galdinus; teite namque Auctore ejus Vitæ, *Archiepiscopale Palatium*, ab inimicis funditus diruptum, *longè excellentius miroque decore & ornatu reparavit*. Temerè oblatravit contra hunc Sanctum Antistitem Georgius Merula Libr. III. *Antiquitat. Vicecomit.*, in eum invidiam Mediolanensium congerens, ac si Circum & Theatrum, vetusta Romanæ magnificentiæ monumenta deleverit, ut Ædificio suo materiem subministraret. Sed insulam eam opinionem egregiè fugillat Petrus Paulus Bosca in *Pontificatu Gasparis Vicecomitis*, pag. LXXIX., auctoritate veterum Scriptorum, necnon Calchi & Alciati, insignium Patriæ Historicorum. Nec tantùm curam suscepit Galdinus construendi Palatii; sed prædia etiam & Patrimonium Ecclesiæ, quod sæviente Ænobarbo in prædā rapinamque multorum datum fuerat, de faucibus eorum, qui illud deglutiuerant, quantociùs eripuit. Ecclesiam quoque Majorem, cujus pars magna Papiensium odio corruerat, cùm Turrim æris Campani miræ pulchritudinis præcipitem agerent, ad Galdini exemplum Nobiles Matronæ reparavere; ductæ namque eā religione, quæ semper floruit in fœmineo Mediolanensi Sexu, divenditis annulis, monilibus, aliisque muliebris mundi ornamentis, opes omnes contulere ad restituendam pristino decori atque opulentis Sacram Ædem, Deiparæ Virgini dicatam: Sanctus verò Galdinus Legati Apostolici auctoritate Civitatem Papiæ Ecclesiastico Interdicto supposuit, donec XVIII. milia Florenorum persolveret, ob dirutam impio usu Metropolitane Ecclesiæ celeberrimam Turrim; quod præstitum fuisse Corius aliique tradunt.

Lætitia amplitudinem quam conceperat Galdinus in adventu ad hanc Metropolim, ob restitutum Urbi suæ populum, acerbo mœrore confecit squalor Mediolanensium, qui a propriis laribus tamdiu exules, inedia & ærumnis fracti, in everfis Domibus vix hospitium nanciscebantur, victuque ac suppellectile orbatu alterum ferme exilium in Patria perpeti cogebantur. Præcipuè verò Pastoralem ipsius animum tangebatur cura Infirmorum, quibus nec annonæ, nec vires parando sibi necessario alimento ac commodo suppetebant. Consilium itaque cepit, quale expectari poterat ab amantissimo Patre, Divino spiritu pleno. Aderat in hac Metropoli Nosocomium appellatum *de Brolio*, prope Ecclesiam Sancti Protomartyris Stephani, cui Obertus claræ memoriæ Archiepiscopus Regulas præscripserat, ut causâ pauperum ægrotorum accuratius ageretur. In hunc Christianæ caritatis locum oculos conjecit Galdinus ad levandas Civium suorum calamitates, injunxitque Ottoni Præposito Crescentiagi, Joanni Presbytero Sancti Silvestri, Petro Presbytero Sancti Xisti, & Anselmo de Horto, ut hoc Opus pietatis augendum curarent, pacatis dissidiis, quæ inter Decanos Consortii, & Fratres Conversos versabantur. Constitutiones postmodum adjecit, quarum Exemplar MStum servat Bibliotheca Ambrosiana, inter *Miscellanea* Francisci Castelli, olim Canonici Ordinarii Ecclesiæ Mediolanensis. Cùm autem in Ughello præclarum hoc Documentum desideretur, in lucem illud educere, gratum Lectoribus fore existimavimus. Ita verò se habet:

FACTA ET CONVENTIONES INTER MAGISTRUM , DECANOS ,
ET FRATRES HOSPITALIS BROLII
AD PRÆSENTIAM DOMINI GALDINI ARCHIEPISCOPI ET
APOSTOLICÆ SEDIS LEGATI .

„ In nomine Sanctæ & individuæ Trinitatis . Nos Otto
„ Præpositus de Crescetiago , Joannes Presbyter Ecclesiæ San-
„ cti Silvestri , Petrus Presbyter Ecclesiæ Sancti Xisti , atque
„ Anselmus de Horto , ex præcepto Domini Galdini , Sacro-
„ sanctæ Mediolanensis Ecclesiæ Archiepiscopi , & Apostolicæ
„ Sedis Legati . Inter Fratres Hospitalis pauperum , & Deca-
„ nos Consortiū pauperum , visâ prius Conventione inter eos
„ facta , & Privilegio Domini Oberti , bonæ memoriæ Ar-
„ chiepiscopi ,

„ Ita statuimus , ut deinceps usque in perpetuum omnia
„ Bona jam dicti Consortiū , quæ nunc habet , & in futurum
„ habeat , simul atque Infantium , sint communia cum Bonis
„ omnibus dicti Hospitalis ad languentium pauperum refe-
„ ctionem , & arbitrorum pupillorum nutritionem , tali vi-
„ delicet modo , ut Conversi dicti Hospitalis , qui nunc sunt
„ vel pro tempore fuerint , colligere debeant omnes ægro-
„ tantes pauperes , quibus ad serviendum personarum & re-
„ rum subsidium deest , & expositos infantes , quos per Ur-
„ bem invenerint , & ad Hospitale ducere , & sufficientem
„ victum & vestitum pro posse tribuere : Aliis verò pauperi-
„ bus languentibus , subsidium personarum habentibus , de re-
„ bus

„bus ipsius Hospitalis, cum convenienter facere poterint,
„consilio Decanorum ministrare, ita tamen ut non aliis
„consolatio, manentibus autem in Hospitali tribulatio; &
„prædicti Consortii Decani, qui nunc sunt vel pro tem-
„pore fuerint, debent tam prædesignati Hospitalis pauperi-
„bus & pueris expositis; quam aliis per Civitatem ægro-
„tantibus de oblatione & eleemosynis ipsius Consortii, cum
„consilio Magistri ipsius Hospitalis, secundum quod potue-
„rint, & eis melius visum fuerit, distribuere eis; si quid
„in auro vel argento, seu aliis rebus mobilibus ipsi Hospi-
„tali, vel Decanis Consortii donatum vel legatum fuerit,
„pauperibus fideliter erogetur ✚, & non in emptionem
„prædiorum collocetur. Si verò vineam vel agrum quis eis
„reliquerit, proprietate apud eos durante, usufructus pau-
„peribus & pupillis ministretur. Si autem Domus alicujus
„largitione ad eos pervenerit, quæ usibus eorum necessa-
„ria non sit, aut commutetur aut vendatur, & pretium
„eius in emptione prædiorum collocetur.

„Item disponimus, ut unus Decanus aut plures inter-
„sint servitiis pauperum in eodem Hospitali, ita videlicet
„ut, si ipsi pauperes bene fuerint procurati, & servientes
„eorum illis bene servierint, gratias Deo agere debeant;
„si autem in ipso pauperum servitio aliquid deesse cogno-
„verint, ad ipsius Hospitalis Magistrum vadant, & ei quid
„sibi in hac causa videtur deesse, annuncient. Quo facto
„idem Magister tamquam potestatem habens, quod sibi vi-
„derit corrigendum, corrigat & emendet. Si autem inter
„ipsum Magistrum & Decanos eosdem super hoc aliqua
„fue-

„ fuerit orta controversia , videlicet si Magister dixerit ,
 „ nihil ibi corrigendum , & Decani dixerint , aliquid ibi
 „ esse corrigendum , & hoc per alios Decanos non poterit
 „ pacisci ; ipsi Decani ad Dominum Archiepiscopum , qui pro
 „ tempore fuerit , vel eum qui ab eo ad hoc vice sua con-
 „ stitutus fuerit , recurrant , & hæc ei notificent ; & quod
 „ inde præceperit , utraque pars adimpleat . Præterea si quan-
 „ do contigerit , ipsos Decanos in hoc officio aliquid perpe-
 „ ram agere , ad iussionem ipsius Magistri emendetur . Verum-
 „ tamen si eis Decanis videtur , se non peccasse , & contra
 „ Magister dixerit , eos deliquisse , hæc quaestio ad Dominum
 „ Archiepiscopum , vel eum quem vice sua ad hoc consti-
 „ tuerit , similiter deferatur , & per eum terminetur . Quod
 „ si aliquando prædicti Hospitalis Magister & Conversi cu-
 „ ram ipsorum pauperum pupillorum neglexerint , tunc po-
 „ testatem habeant ipsi Decani , cum consilio Fratrum ip-
 „ sius Consortii , eleemosynas pauperum & bona pupillorum ,
 „ & quidquid augmenti nunc habent , vel habuerint ex lar-
 „ gitate defunctorum vel vivorum , exceptis his quæ a Con-
 „ versis qui curam pauperum & pupillorum neglexerint , &
 „ eisdem Decanis contradixerint , data fuerint , in eodem
 „ Hospitali pauperibus & pupillis fideliter ministrare . Quod
 „ si non permiserint , liceat Decanis , cum consilio Fratrum
 „ ipsius Consortii , & auctoritate Domini Archiepiscopi ,
 „ qui pro tempore fuerit , vel ejus qui ab ipso vice sua
 „ ad hoc fuerit constitutus , eleemosynas pauperum & bona
 „ pupillorum , & quidquid augmenti nunc habent vel ha-
 „ buerint ex largitate defunctorum seu vivorum , exceptis
 „ his ,

„ his, quæ a Conversis qui curam pauperum & pupillorum
„ neglexerint, & eisdem Decanis contradixerint, data ☩ fue-
„ rint, alibi secundum quod eis melius visum fuerit, ad
„ utilitatem pauperum & pupillorum disponere & ordinare.

„ Præterea jubemus, ut Magister Hospitalis Celerarium,
„ communi consilio Fratrum ipsius Hospitalis & Decanorum
„ constituat; nec liceat ei sine communi consilio eorundem
„ eum remove. Prædictus verò Celerarius & Magister
„ omnia quæ in Hospitali erunt, Decanis semel in mense,
„ vel amplius si opus fuerit, manifestent. Cibus & potus
„ Fratrum & pauperum communis sit, nisi infirmitas hinc
„ vel inde aliud exegerit. Numerus verò Fratrum mascu-
„ lorum, connumerato Magistro, ultra tredecim, Fœmina-
„ rum verò ultra septem non extendatur; qui omnes ad hoc
„ debent esse in præfato Hospitali, ut sint servitores pau-
„ perum, salvâ in omnibus auctoritate Domini Archiepisco-
„ pi. Magister a Conversis ipsius Hospitalis, & Decanis Con-
„ sortii communicato consilio eligatur. Et hæc omnia ita,
„ ut dictum est, observentur, nisi pro magna & evidenti
„ utilitate, cum consilio Domini Archiepiscopi, vel ejus qui
„ ab eo ipsius loco ad hoc constitutus fuerit, & Magistris,
„ & Fratrum, atque Decanorum aliter factum fuerit.

„ ☩ Ego Galdinus Sanctæ Mediolanensis Ecclesiæ Ar-
„ chiepiscopus, & Apostolicæ Sedis Legatus, hoc pactum
„ seu conventionem confirmavi, & subscripsi,

„ ☩ Ego Milo Mediolanensis Archipresbyter subscripsi.

„ ☩ Ego Algisius Mediolanensis Ecclesiæ Cimitiarcha,
„ & Cancellarius subscripsi.

„ ☩ Et

„✠ Et ego Otto Crescentiacensis Præpositus hanc conventionem cum prædictis Sociis, ex iussione Domini Gal-
dini Mediolanensis Archiepiscopi, & Apostolicæ Sedis Legati composui, & subscripsi.

„✠ Ego Joannes, Ecclesiæ Beati Sylvestri immeritus Officialis, prænominatæ conventioni interfui, & subscripsi.

„Actum est hoc, Anno Incarnationis Dominicæ millesimo centesimo sexagesimo octavo, undecimo Calendas Septembris, Indictione prima.

Franciscus Castellus, Ecclesiæ Mediolanensis Canonici Ordinarius, & Vicedominus, hæc ad calcem adnotavit: *Præfata Conventio est sculpta in Tabula lapideâ, aliâs affixâ muro Hospitalis Brolii versùs plateam, & nunc asportatâ intra muros dicti Hospitalis; & maximo cum sudore extractâ, quia erat corrosa, & lapidibus a pueris quassata, prout etiam videri potest.*

Hujus Nosocomii ædificium & famam absorbit alterum Nosocomium, quod regiâ magnificentia extruxit ibidem Franciscus Sfortia Dux IV. Mediolanensis, qui eidem Titulum *Majoris* apposuit, & cetera omnia hujusmodi Loca, excipiendis pauperibus quovis morbo correptis huic subjecit, impetrato a Pio II. Summo Pontifice Unionis Diplomate. Viget adhuc hoc pauperum ægrotorum Domicilium, Aula potius Principum appellandum, summâ Equitum Mediolanensium ab Archiepiscopo delectorum curâ & pietate administratum, confluentibus ad illud non tam Mediolani Infirmis, sed etiam totius Ditionis, ac Peregrinis.

Ab ægris corporibus, ad domesticam Civium suorum
ino-

inopiam abigendam progressa est caritas Pastoralis: Galdini, tantà largitate, ut nihil sibi, sed omnia eis se possidere existimaret, quemadmodum testatum facit Auctor ejusdem Vitæ: *Nec solum de iis sollicitus erat, qui inopiâ & paupertate laborarent, sed multò magis de Nobilioribus, qui elemosynam petere erubescabant. Enim verò vocem petitori præveniens, omnibus miseris: orditer compatiebatur & trilucebat; verba sunt prædicti Anonymi Auctoris. Supererant ii, qui ære alieno gravati, & in carceribus detenti ob delicta perpetrata, opportunis ad vitam subsidii carebant. His quoque subvenire studuit Galdinus, assignato Censu, ex cuius fructibus in perpetuum alerentur: Locus adhuc visitur in hac Urbe, cum Sacello, quod Sancto Leonardo ipse dicavit; nunc verò etiam Sancti Galdini ad Carceres Malescallæ nomen accepit: perenne monumentum tenerrimi amoris, quo erga Proximum sanctissimus ille Pastor servebat.*

Consuluit etiam honori Metropolitanæ suæ Ecclesiæ Galdinus, præsertim ut Canonicos Ordinarios, a reliquo Decumanorum Ordine & Clero inferiori diiudicaret, prout decebat primores Mystas, qui unum cum ipso corpus constituentes, tamquam lumina Ecclesiasticæ Hierarchiæ, ceteris prælucere debebant. Expediit igitur Anno MCLXX. Diploma, quo antiquas eidem Collegio prærogativas confirmavit, indictis in violatores pœnis, & Omnipotentis Dei indignatione. Illud integrum recitat Ughellus, quod ex iisdem *Miscellaneis* memorati Francisci Castelli Paricellius jam vulgaverat.

Diu disceptatum fuerat inter Arnaldum Præpositum Ple-

bis de Vicomercato , & Valeriam Abbatissam Monasterii Sancti Michaëlis de Burgo-novo , circa munia Parochialia , & jus in ipsam Ecclesiam Sancti Michaëlis , quod sibi omnino spectare contendebat Arnaldus , quemadmodum etiam Oblationes , quæ a Christi-fidelibus ibidem sponte fiebant , die Festo Sancti Michaëlis quotannis recurrente . Tandem Galdino consilium & auctoritatem suam interponente , omnis controversia dirempta fuit , ope quarundam Conventionum , quas Abbas Monasterii Sancti Ambrosii Mediolani , nomine Abbatissæ prædictæ , & Magister Faxatus pro memorato Præposito inter se mutuo conciliavere ; ita ut imposterum quælibet Pars sua jura liberè & absque lte , sub certis conditionibus ac Legibus exerceret . Firmata est hæc Conventionum Charta in Palatio Domini Archiepiscopi , Anno MCLXXI . , X. Cal. Maji , Indictione IV . , quam nos hic integram damus , ex Archivo Monachorum Cœnobii Ambrosiani benignè communicati :

„ In nomine Sanctæ & individuae Trinitatis . Coram .
 „ Domino Galdino , Sanctæ Mediolanensis Ecclesiæ Venerabili Archiepiscopo , Apostolicæ Sedis Legato . Inter Arnaldum Præpositum Plebis de Vicomercato , nomine ipsius Plebis , & ex altera parte Valeriam Abbatissam Monasterii Sancti Michaëlis de Burgo-novo controversia vertebatur de Ecclesia ipsa Sancti Michaëlis , & de jure Parochiali , & de oblationibus : super quibus questionibus utraque Pars suos produxit testes ; Causa autem diu ventilata , placuit utrique Parti per suos Missos scilicet Dominum Amizonem Abbatem Monasterii Sancti Ambrosii de
 „ Civi-

„ Civitate Mediolani, & Comitem Converſum ipſius Mona-
„ ſterii Sancti Michaëlis, Miſſos præſatæ Abbatiffæ, & ex
„ altera parte Magiſtrum Faxatum, Miſſum prædicti Præpo-
„ ſiti, talem facere Tranſactionem, ſcilicet ut viſitatio, &
„ ſepelitis perſonarum in jam dicto Monafterio degentium,
„ & omnia Parochialia jura ad jam dictam Plebem perti-
„ neant. In Feſto quo . . . Beati Michaëlis tres perſonæ
„ cum uno ſerviente de jam dicta Plebe in eodem Mona-
„ ſterio Sancti Michaëlis ad reſectionem honorifice ſuſci-
„ piantur: Oblationum verò, que in ipſo Feſto Sancti Mi-
„ chaëlis ad Monafterium, ſive ad Altare ſive ad manum
„ Sacerdotis pervenerint, medietas ad Plebem, alia vero
„ medietas ad Monafterium prædicti Sancti Michaëlis perti-
„ neat. Nec liceat eidem Abbatiffæ, aut ei ſuccedenti ali-
„ quem Sacerdotem, niſi de ipſa Plebe, abſque conſenſu
„ ejusdem Plebis, in Monafterium prænominati Sancti Mi-
„ chaëlis, ad Divina officia celebranda introducere. De in-
„ veſtitura autem, aut de ejus deſiſtione, ſive de domi-
„ nio aut diſciplina Monafterii, nulla moleſtia nullaque in-
„ quietatio, ſeu requiſitio jam dicto Monafterio Sancti Mi-
„ chaëlis, ex parte jam dictæ Plebis moveatur, nec liceat
„ jam dictæ Plebi aliquam aliam exactionem jam dicto
„ Monafterio Sancti Michaëlis imponere. Factum eſt hoc in
„ eadem Civitate, in Palatio præſati Domini Archiepiſcopi,
„ Anno a Nativitate Domini Noſtri Jeſu Chriſti milleximo
„ centeximo ſeptuageximo primo, die Jovis decimo Kalen-
„ das Magii, Indictione quarta, & de hac Tranſactione
„ duo inſtrumenta uno tenore rogaverunt fieri.

✠ Ego Martinus ex mandato Domini Galdini Mediolanensis Ecclesiæ Archiepiscopi subscripsi.

✠ Ego Arnaldus Præpositus de Vicomercati subscripsi.

✠ Ego Anselmus de Orto interfui & subscripsi.

„ Signum ††† manuum Descontii, qui dicitur de Sex-
to, Petri, & Landulphi, qui dicuntur Valliani Buronis
de Melate, Joannis, qui dicitur male-ingambatus, testium.

„ Ego Lanfrancus, qui dicor Bandus, Notarius Sacri Pa-
latii, rogatus tradidi & scripsi.

Perserverabat ea tempestate in primævo flore extra Metro-
polititanam Basilicam Dignitas Primicerii Majoris, a remo-
tissimis temporibus, & (opinione quorundam Scriptorum)
ab ipso Sancto Ambrosio instituta. Quam conspicuum foret
hoc Munus, docent publicæ Tabulæ, a nobis editæ ad cal-
cem *Dissertationis ad vindicandam veritatem* &c.; in iis enim
hæc habentur: *Primiceriatus Major, Dignitas honorabilis est,*
habens ex longissima & inconcussa consuetudine, & per tanti
temporis spatium quod non est memoria in contrarium, cogni-
tionem & decisionem Causarum matrimonialium Civitatis &
Diocesis Mediolani, facultatem absolvendi in Casibus Episco-
palibus, & secundum antiqua Ecclesiæ Instituta, & prout in
Libro antiquo Sacrificii dictæ Ecclesiæ, in quo ordines &
præminentie Dignitatum ejusdem describuntur, est latius ex-
pressum, Archiepiscopi Penitentiarius existit. Est quoque Ca-
pituli Cleri, & Centum de Ferula (Decumani appellabantur)
& Major inter Præpositos Ecclesiarum Collegiarum, & Præ-
positorum Præpositus nuncupatur. In Letaniis Primicerius ipse
Major & aliis Congregationibus Ferulâ utitur, sicut Archi-
pres-

presbyter & Archidiaconus. Imo centum sub se habet, qui de Ferula dicuntur. Habet collationem Obedientiarum Majoris Ecclesiæ, & curam Anniversariorum, quæ sunt per totum Clerum, & ad hoc Erogatarius, & distributores constituit Sec. Dignitas ista vitæ cursu minimè mensurabatur, sed ad certum temporis spatium, in Primicerium Majorem universus minor Clerus Viros deligebat, virtute prudentiâ probitate insignes; quemadmodum in Republica Consules aut Prætores ad regendum populum in curulis Sellis constituuntur. Contigit in regimine Galdini Archiepiscopi, ut eligendus foret Successor illius Primicerii, qui expletâ statione suâ ab Officio administrato deciderat; gravisque exorta est inter Electores controversia. Cum hæc componi privatis studiis non posset, necesse fuit ad Summi Pontificis Alexandri III. tribunal Causam deferre. Is verò tribus Judicibus Ambrosio Abbati de Cerreto, Ottoni Præposito de Crescentiago, & Joanni Bono Sanctæ Romanæ Ecclesiæ Subdiacono quæstionem definiendam commisit. Protulere iidem Sententiam, XI. Calendas Maji, Indictione tertia, idest Anno MCLXX, qua statuebatur, ut Presbyteri & Clerici Decumani eligerent octo ex eorum Collegio magis idoneos, pacis & concordie amatores, qui simul cum D^{omi}no Archiepiscopo Primicerium unanimiter sincerèque renunciarent. Itaque delecti octo ex Decumanis *Gilvinum Præpositum Sancti Georgii* in Majorem Primicerium nominavere. Sed iis subscribere Sanctus Galdinus Archiepiscopus renuit, alterumque ipse, nempe Magistrum *Nicolaum Præpositum Sancti Nazarii* ad hoc munus gerendum designavit. Cum autem neu-

tra pars recedere a proposito vellet, recurrendum iterum fuit ad Apostolicam Sedem. Alexander verò III., ut lites omnes præcideret, Breves Literas ad Archiepiscopum dedit, quibus utramque electionem Apostolica auctoritate irritam declarabat, legesque indicebat, ut non tam illà occasione, sed aliàs etiam, quandocumque Primicerius eligi debuisset, nulla postmodum controversia suboriretur. Hæc Pontificias Literas in suis *Miscellaneis* MS.tis nobis servavit laudatus Franciscus Castellus; easque e tenebris tandem eruere minimè absolum ab Instituto nostro iudicamus; præsertim cum Dignitas ista adoptata sit in Collegium Ordiniorum Templi Maximi, ac post Archipresbyterum & Archidiaconum in tertiam transferit Anno MCDXLI, ut constat ex Diplomate expedito a Francisco Picolpasso Archiepiscopo Mediolanensi, & confirmatione Eugenii IV. Summi Pontificis, impressis in nostra *Dissertatione* superius indicata;

*Alexander Episcopus Servus Servorum Dei
Venerabili Fratri Galdino Mediolanensi Archiepiscopo,
Apostolicæ Sedis Legato
Salutem & Apostolicam benedictionem.*

„ Ex Literis tuis & Decumanorum Ecclesiæ tuæ, qui
„ adversum te de electione Primicerii causam habere noscun-
„ tur, & ex Scripto, quod nobis dilecti Filii nostri Mam-
„ fredus Sancti Georgii ad Velum-aureum Diaconus Cardi-
„ nalis, Apostolicæ Sedis Legatus, & Consules Mediolani
„ direxerunt, manifestè nobis innotuit, quòd cum inter te, &
„ eos-

„ eosdem Decumanos super Causa Primiceriatûs diutius apud
„ nos & alios disceptatum sit & tractatum ; tandem ratio-
„ nes & allegationes hinc inde ad nos transmittentes , a
„ nobis sollicitis precibus postulastis , ut eidem Causæ , quæ
„ dio sub Delegatis Judicibus & Arbitris est tractata ,
„ finem debitum imponere studeremus , & omnem de me-
„ dii tollere materiem iurgiorum . Receptis siquidem allega-
„ tionibus & rationibus vestris , super his cum Fratribus no-
„ stris diutinam & circumspectam deliberationem habuimus ;
„ quoniam allegationes ipsæ satis proluxæ erant atque dif-
„ fusæ . Si verò integra Causa ad examen nostrum delata
„ fuisset , aliter fortè in ea deliberavissemus ; sed quia in
„ eadem Causa a Delegatis Judicibus fuerat Sententia lata ,
„ nec per appellationem suspensa , imo ab utraque parte
„ recepta , eam in hoc quod manifestum est & apertum ,
„ non duximus irritandam . Sanè cùm iidem Iudices Senten-
„ tiam protulissent , ut liceret Presbyteris & Clericis Decu-
„ manorum eligere octo de Collegio suo ad hanc Causam
„ quos putaverint magis idoneos & pacis & concordix
„ amatores , qui sint cum Archiepiscopo , exhibentes ei ho-
„ norem & reverentiam tamquam Patri & Domino , ipso
„ eis tamquam Filiis morem gerente , & electionem Primi-
„ cerii unanimiter & concorditer & sincerè faciant & ipse
„ cum eis , & ipsi cum eo . Ipsi secundum tenorem Sen-
„ tentiæ octo Electores de Collegio elegerunt , qui multo-
„ ties tecum super electione Primicerii facienda tractarunt .
„ Tandem verò octo Electores voluntatem tuam reverenter
„ inquirentes , & secundum tenorem prædictæ Sententiæ te-
„ cum

„ cum volentes electionem facere , cum te viderent , sicut
„ ajunt , non tantummodo Sacerdotum , sed quorundam fa-
„ miliari dilectione studentem , absque assensu tuo , sicut ex
„ ipsis allegationibus datur intelligi , Magistrum Gibuinum
„ Præpositum Sancti Georgii nominarunt , arbitantes , sicut
„ credimus , quod tu cum eis tamquam Filiis , prout in Sen-
„ tentia statutum est , morem gerere deberes , & ipsi octo
„ sint numero , tu verò unus ; si ab eis discordares , nihi-
„ lominus eorum electio robur firmitatis haberet . Verum
„ post nominationem eorum factam , Magistrum Nicolaum
„ Præpositum Sancti Nazarii , continuò in Primicerium , imò ,
„ sicut tuæ allegationes continebant , tres nominasti , credens ,
„ sicut arbitramur , ex eo verbo quod positum est in Sen-
„ tentia , id tibi licere ; quoniam ipsi tibi sicut Patri &
„ Domino in electione Primicerii honorem debent & reve-
„ rentiam exhibere . Inspectis itaque rationibus , quæ super
„ his allegatæ fuerant , exinde cum Fratribus nostris studio-
„ sè satis & diutius deliberavimus , & post diutinam deli-
„ berationem , utramque electionem , non ratione Personarum
„ vel meritorum suorum , sed pro vitio ipsarum electionum ,
„ Apostolica auctoritate cassavimus ; quia neutram earum ,
„ secundum tenorem præscriptæ Sententiæ , vel secundum
„ Jus commune comperimus factam fuisse . Cum enim in
„ Sententia statutum fuerit , quod tu cum præfatis Ectori-
„ bus , & ipsi tecum unanimiter , concorditer , & sincerè ele-
„ ctionem Primicerii faceretur , constat , neutram electionum
„ ipsarum secundum tenorem ipsam factam , quia non con-
„ corditer nec ipsi tuo , & tu eorum assensu , sicut cre-
„ dimus

„ dimus , & ex ipsis allegationibus apparet , non requisito ,
„ electionem fecistis . Secundum verò Jus commune , neutra
„ debet electio stare , quia licet ex parte Decumanorum octo
„ sint numero Electores , unam tamen personam in eadem
„ electione solummodo gerere videntur ; cum enim inter te
„ & Collegium , tamquam inter duas personas quæstio ver-
„ teretur , placuit Judicibus Delegatis utrique electionem ad-
„ judicare , statuentibus , ut de toto Collegio octo Electro-
„ res ad electionem tecum celebrandam eligerentur , cum
„ grave & difficile videretur , omnes in electionem insimul
„ convenire . Qui utique , sicut statuerunt de octo , ita
„ etiam potuissent st.uisse de uno , vel de pluribus & pau-
„ cioribus ; & cum illi octo , sicut diximus , unam tantum
„ gerant personam , & tu alteram , nec tu sine ipsis , nec
„ ipsi sine te electionem facere potuistis . Qualiter autem de
„ cetero debeat electio fieri , & quæ electio sit rata ha-
„ benda , omisâ disceptatione illarum duarum quæstionum ,
„ utrum videlicet Arbitris interpretari licuerit , & an justè
„ interpretati sint , volentes præsentì Scripto decernere , de
„ communi Fratrum nostrorum consilio judicamus , quòd
„ cum illi octo , sicut prædictum est , unam personam gere-
„ re videantur , & tibi & ipsis sit adjudicata electio , si ipsi
„ sine te , vel tu sine eis electionem feceritis , utraque ele-
„ ctio nullius debet esse momenti , tamquam si , duobus in
„ eadem Causa Judicibus Delegatis , unus eorum unam fe-
„ rat sententiam , & alter alteram , neutra sententia tener .
„ Si verò tu , & iidem octo Electores communiter & con-
„ corditer electionem feceritis , electio ipsa sine quæstione

Sf

rata

„ rata debet haberi, nisi esset pro Personæ vitio reprobanda. Ceterum si in Personam non poteritis communiter
„ convenire, & duo saltem vel plures ex illis octo Electoribus tecum in electione convenerint, electionem ipsam
„ ratam esse censemus; quia cum ipsi octo vicem in hoc
„ unius personæ gerere videantur, & tu alteram geras personam, postquam duo ex his tecum, qui digniorem geris personam, in electione convenerint, non immerito
„ electio ipsa rata debet haberi; tamquam si Conventus duarum Ecclesiarum, habentes parem numerum personarum, ad quos spectat electionem facere, in electione non poterunt concorditer convenire, & duæ personæ, vel una
„ etiam de uno Conventu, cum altero in electione convenerint, ipsa electio tenet, præsertim si dignior Conventus electionem fecerit. Sicut autem ex prædictis allegationibus intelleximus, Arbitri statuerunt, ut quando Collegium convocari debet pro electione Primicerii facienda,
„ petita licentiâ ab Archiepiscopo convocetur; & si Archiepiscopus licentiam dare renuerit, nihilominus Sacerdotibus
„ liceat, Collegium pro electione Primicerii facienda convocare; & e converso si Sacerdotes Collegium pro hac
„ causa convocare noluerint, tunc Archiepiscopus sincerè & paternè Collegium convocat, & illos octo, qui secum
„ electionem facere debent, eligi faciat: Quod quidem, sicut
„ ab eisdem Arbitris est statutum, non duximus immutandum; sed id ratum & firmum habentes, auctoritate
„ Apostolica confirmamus, & perpetuæ firmitatis robur habere sancimus. Ut autem hæc nostræ definitionis Sententia

„tia perpetuis. temporibus inviolabiliter observetur, eam au-
„thoritate Apostolica confirmamus, & præsentis Scripti pa-
„trocinio communimus. Statuentes, ut nulli omnino homi-
„num liceat hanc paginam nostræ definitionis & confirma-
„tionis infringere, vel ei aliquatenus contraire. Si quis au-
„tem hoc attemptare præsumperit, indignationem Omnipoten-
„tis Dei, & Beatorum Petri & Pauli Apostolorum ejus
„se noverit incursum. Datum Tusculani VIII. Calendas
„Aprilis

Prætermittendum minimè est quod Gotsfridus Henschen-
nius in *Analektis ad vitam Sancti Galdini* §. III. num. XI.
retert, Civitatem nempe Ticinensem iterum Interdicto Ec-
clesiastico a Sancto Galdino perculsam fuisse, quod Papien-
ses fœdere juncti cum Marchione Montiserrati, Frideri-
cum Æno-barbum Schismaticum sollicitassent, ut cum vali-
do exercitu in Italiam reverteretur; quemadmodum Acta
Alexandri III. apud Baronium testantur Anno MCLXXIV.
Imo Summus ipse Pontifex Episcopum illius Ecclesiæ Pe-
trum Toscanum Dignitate ac Pallio privavit, quod postea,
reconciliato Æno-barbo, eidem simul cum Sede restituit.

Tradidere nonnulli, Humiliatorum Ordinem Apostolica
auctoritate a Sancto Galdino confirmatum fuisse. Traditio-
nem hanc refellere nititur Gotsfridus Henschenius loco lau-
dato, quia multò ante hunc Archiepiscopum institutus fue-
rat Ordo ille. Ad abigendam hanc nubem, quæ at-
tenuare videtur laudem Galdini, animadvertendam est, non
statim coaluisse in perfectam vivendi disciplinam Humiliato-
rum Congregationem, sed in tres Ordines fuisse distributam.

Sf 2

Qui

Qui primo Ordini adscribebantur, parum a Laicis castigatioris vitæ quo ad mores dissentiebant: Secundus melior, arctiori vinculo continebatur, & castitatem, inclusis alio domicilio uxoribus, præscribebat. Institutus deinde fuit tertius Ordo a Sancto Joanne, *de Meda* nuncupato, qui Sacerdotium & regularem in Humiliatos observantiam induxit circa dimidium Seculi XII. Porro quid alienum a veritate emergere potest, ne dicamus, potuisse Ordinem istum ab Apostolico Legato Sancto Galdino confirmari, donec Regulis a Sancta Romana Sede approbatis, Ianocentii III. Decreto firmiter acciperet?

Moderante Ecclesiam Ambrosianam vigilantissimo hoc sancto Antistite, Catharorum Hæresis e Germania, seu, ut aliis placet, e Galliis profecta (quæ jam ante Annum MCXXX. Mediolanensem ditionem vitiaverat, teste Landulpho a Sancto Paulo) occasione diuturni Schismatis & ingruentium bellorum, sese copiis militaribus immiscens, nostram etiam Metropolim teterrimâ lue conspersit. Silentio & tenebris primum contecta latuit; postmodum serpens privatis in auri- bus, tandem apertâ fronte erupit in publicum. Huic malo jam radices figenti in simplicium rudiumque Civium animis, sese opposuit Catholicæ Fidei propugnator acerrimus Galdinus, iisque omnibus armis accinctus, quibus Christianæ militiæ Pugilem munitum depingit Paulus Apostolus, hostem intrepidè adortus est; tantoque ardore pugnavit, ut extirpato prorsus pestilenti hoc germine, Vineam Domini ipsi commissam, intactam florentemque moriendo reliquerit. Testatum id habemus ab Auctore Anonymo ejusdem Vitæ, qui

hac

hæc verba scriptis suis inseruit : *Savissima* (Catharorum) *pesti Vir Sanctus* se opponens , multis *Sermonibus prædicationibusque* populum suum ab illo stulto errore & vesania retrahabat , atque cum rudimentis *Catholicæ Fidei* quantum poterat instruens , verbo proficiebat & exemplo . Quinimo vitam in ipso conflictu deposuit , quemadmodum memoratus Auctor prosequitur , inquit : *Cum decennium in suo expleisset Pontificatu , eodem die quo consecrationem accepit , secundâ post Pascha die Dominica , zelo Dei accensus , Sancta Thesca Ecclesiam petit , de more Divina in eâ Officia peracturus . At quia corporis multâ debilitate laborabat , Missarum Solemnia a Cœmiliarcha (Algisio) qui postea successit , celebrari præcepit . Ipse verò Confessione cum Fratribus factâ , priusquam Evangelii Lælio populo recitaretur , Pulpitum ascendens , contra præmemoratos Catharos eorumque complices præclarissimam habuit Orationem , eorum errores multis argumentis & rationibus , apertissimè & quantum oportebat , confutans , Eademque Catholicam multis Sanctorum Patrum exemplis , & Evangelicis comprobans Scripturis ; facto dicendi fine , ac si certaminis cursum consummasset , animi deliquio correptus , in eodem loco Spiritum Deo reddidit . Quibus signis cœlestibus ac miraculis supremus Iustorum Remunerator illustraverit Galdini obitum , narrat laudatus Auctor apud Bollandum , ad diem XVIII. Aprilis , quo ad Superos evolavit .*

Controversiam est inter Scriptores , quo verè Anno contigerit mors hujus Sancti Archiepiscopi . Sigonius Annum MCLXXV. designavit ; Ughellus mordicus tætur , deceisse illum Anno MCLXXIII. Fundamenta hujus suæ opinionis , duæ

duæ sunt antiquæ Chartæ, a Monachis Morimundensis Cœnobii ad ipsum transmissæ, in quibus subscriptus legitur eo Anno *Algisius Archiepiscopus Mediolani*. Verùm basis hæc ruit, si stare velimus iudicio Henschennii, qui in *Annotatio- nilus ad Vitam Sancti Galdini* asserit, Documenta ista mi- nimè desumpta fuisse ex archetypis, sed ex aliquo eorum- dem Exemplari; tum quia nulla sub initium mentio fit Al- gisii, quemadmodum notum est; in similibus Chartis fieri; tum etiam quia frequenter in Magno Opere *de Actis Sancto- rum* ipse aliique Socii laboris, similes errores in Diplomatis detexere, etiam ante annos septingentos rescriptis, quibus ad- dita nomina *Episcoporum*, diu ante mortuorum, & anni *Re- gibus aliquot post eorum obitum attributi* reperiuntur: Quam- obrem ait, cautè procedendum esse in istiusmodi quæstioni- bus, ex fide descriptorum Diplomatum definiendis. Puricellus quoque, qui hæc Chartas accuratè expendit in *Dissertat. Na- zarian.*, Cap. CVI. num. VIII. & seqq., se reperisse testatur subscriptionem Algisii Archiepiscopi, extra consuetum locum, appositam, quod signum est, non eo tempore, quo confecta sunt Documenta, ab illo propriâ manu signata fuisse; idque aliis exemplis confirmat.

Nos tamen minimè indigemus his conjecturis, ut sen- tentiam nostram firmemus cum Puricello, Papebrochio, & antiquis Catalogis, videlicet per integrum decennium in hujus Ecclesiæ regimine perseverasse Sanctum Galdinum, adeoque nonnisi Anno MCLXXVI. illum ad cœlestem Patriam migras- se. Habemus enim Auctorem sæpius memoratum Vitæ hujus sancti Antistitis, qui apertè asserit, Algisium adhuc Cimiliar- cham

cham fuisse, eique mandasse Galdinum, ut Solemnia Missarum celebraret eo die, quo ipse obiit. Qua ergo ratione componi hæc possunt, quod nempe Algisus a triennio jam Archiepiscopus foret, & Cimiliarchæ munere adhuc fungeretur? Præterea certum est ex Catalogis, diu fuisse disputatum, post Sancti Galdini decessum, quis promovendus esset ad Cathedram Mediolanensis Ecclesiæ; alii enim ex Collegio Canoniorum Metropolitanæ Basilicæ suffragia sua contulere in Milonem Taurinensem Episcopum, simulque Archipresbyterum Commendatarium Ecclesiæ nostræ; altera pars delegit Ubertum Cribellum, postmodum non tam Archiepiscopum, sed etiam Summum Pontificem, qui tunc Archidiaconi Dignitate fulgebat. Neque unius mensis spatio absolutum est hoc dissidium, quemadmodum tradidit Calchus; sed per decem integras hebdomadas & quatuor dies suspenso perduravit electio, fidei faciente Puricello, plurium veterum Scriptorum testimonio, in *Monument. Basil. Ambros.*, num. DXLVIII. Porro si Algisus se jam antea subscripsisset Archiepiscopum Anno MC-LXXIII., quomodo tamdiu ambigendum fuisset de Successore Galdini; aut quam ob culpam detrudi e Solio debuisset, alio suspecto? Tam clara hæc sunt, ut commentum dici queant omnia, quæ Ughellus in suæ opinionis tutamen explicavit. Præcipuè cum ipsum videamus ad eam tenacem propositi sui, ut fidem etiam denegaret archetypo Documento, a Puricello inspecto & relato in *Dissertat. Nazarian.* Cap. CVI. num. I., quod actum est in Palatio Mediolanensi Anno Domini millesimo centesimo septuagesimo tertio, Indictione septima, sexta die mensis Octubris; ex quo aperte discimus, non tantum in vivis adhuc

adhuc fuisse sub finem ejusdem Anni Sanctum Galdinum, sed etiam Algisum eo tempore non fuisse Archiepiscopum, cum se eidem Chartæ subscribat *Cimiliarcham & Cancellarium Mediolanensis Ecclesie*. Sicuti etiam parvi facit alterum autenticum Documentum solutionis quarundam pecuniarum, factæ Domno Satrapo Præposito Basilicæ Sancti Ambrosii, a Domino Joanne ejusdem Sancti Ambrosii Abbate, *coram Domino Galdino, Dei gratia Sanctæ Mediolanensis Ecclesie Archiepiscopo, & Apostolicæ Sedis Legato, presentibus Fratribus suis Ordinariis* prælatæ Mediolanensis Ecclesie, *Anno MCLXXIV., decimo Aprilis, Indictione septima*. Quinimo auctoritatem Ambrosianæ Ecclesie infringere videtur, quæ Natalem Sancti Galdini, olim Dominicâ II. post Pascha commemorabat, inquires, diem illum non mortis fuisse, sed Consecrationis; contra testimonium Auctoris Vitæ ejusdem Sancti Archiepiscopi, asserentis, eodem die mortuum Sanctum Galdinum, quo consecrationem accepit. Addimus etiam ultimas Tabulas superius memorati Gibuini, Præpositi Ecclesie Sancti Georgii in Palatio, quas unâ cum aliis in hoc Opere vulgatis Chartis, nobis obtulit Canonicus *Joseph Maria Saxius* ex fratre nepos, Archivo ejusdem Basilicæ Collegiatæ Præfectus. Datæ istæ sunt Anno Dominicæ Incarnationis MCLXXV., XIII. Calendas Januarii, idest quatuor tantum mensibus incompletis ante obitum Galdini; easque *Adobadus Lector* ex mandato Domini Galdini, *Sanctæ Mediolanensis Ecclesie Archiepiscopi, Apostolicæ Sedis Legati confirmavit, & vice ejus subscripsit*. Non ingratum erit Eru-
ditis Viris has integras legere typis impressas, cum non tantum fidem faciant Vitæ Sancti Galdini usque ad Aprile-

Anni

Anni MCLXXXVI. productæ; sed etiam ea, quæ tunc temporis in usu erant, cum annuæ Mortuorum memoriæ peragerentur, nobis exhibeant.

„ Anno Dominicæ Incarnationis milleximo centesimo septuagésimo quinto, tertiodécimo Calendas Januarii, Indictio-
„ ne nona. Ego in Dei nomine Gibuinus Prepositus Ecclesiæ
„ Sancti Georgii, qui dicitur in Palacio, Civitatis Mediola-
„ nensis: Volo & judico, seu per hoc meum Judicatum con-
„ firmo, a presenti die & hora, post meum decessum Cano-
„ nicis Sancti Georgii pastum unum omni anno in perpetuum.
„ Ita quod dentur in expensis pastu denarii quatuor
„ pro unoquoque Canonico, ea conditione apostita, ut si quis
„ eorum defuerit, ejus pars detur pauperibus, & quicquid
„ ab eo pasto remanserit, similiter pauperibus detur. Ita ut
„ Canonici predictæ Ecclesiæ Sancti Georgii, cum sex Pres-
„ byteris, quibus dentur pro unoquoque cum suo Clerico
„ denarii tres terciolis monete, & faciant inibi Annuale
„ unum omni anno in perpetuum; quorum Presbyterorum
„ Ecclesiæ sunt hæc, Ecclesiæ Sancti Ambrosii in Solariolo,
„ & Ecclesiæ Sancti Mauriti, & Sancti Victoris ad puteum,
„ & Ecclesiæ Sancti Victoris de curte nova, & Ecclesiæ
„ Sancti Alexandrini, & Sanctæ Mariæ in Vale. Item volo
„ & judico Custodo ejusdem Ecclesiæ Sancti Georgii, qui ce-
„ tero ibi erit, denarii tres omni anno in perpetuum, &
„ Monache denarii tres. Que omnia Legata constituo super
„ campo uno, quem emi a predicta Ecclesiâ Sancti Georgii,
„ in territorio Loci Pioltelli, ubi dicitur in Credario; Cohe-
„ ret ei a mane frixati albi, a meridie bonfantis de Li-

T t

„ midi,

„ midi , a monte Sancti Stephani de nuxigia , a sero via ;
„ & super campis duobus , & vinea una , rejaentibus in
„ teritorio Loci Grogonzole ; vinea jacet , ubi dicitur ad Gal-
„ zedum , a mane Marchixii piloxi , a monte via , a meri-
„ die & -sero Lanfranci de Curte ; primus campus jacet , ubi
„ dicitur in binago . Coheret a mane petri tetavegle , a
„ monte accessum , a meridie petri vagii , a sero heredum
„ petri sterzacarri . Secundus jacet , ubi dicitur ad Crucem ,
„ a mane airaldi amici , a monte petri ardizoni , a meri-
„ die via , a sero Onrici Lixignoli , & quos campos & vi-
„ neam similiter emi ab eadem Ecclesia Sancti Georgii . Et
„ hec Legata persolvenda committo fidei ejus Presbyteri , qui
„ erit prius factus presbyter iusta Prepositum ejus Ecclesie
„ Sancti Georgii , in cujus presbyteri dispositione predictos
„ omnes campos & vineam esse volo , & . . . quod supe-
„ rerit a predictis Legaris de fructibus istorum camporum &
„ vinee habeat sibi ipse Presbyter : quem debere dare can-
„ dellas predictis sex Presbyteris & eorum Clericis vollo &
„ judico . Sed predicti suas habeant Candellas Canonici , &
„ Custos Candellas Crucis , & predicti Prepositi Clerico de-
„ narii quatuor dentur . Quia sic decrevit mea bona volun-
„ tas , pro anime mee , meorumque parentum remedio . Actum
„ in lra Canonica . Ego Adobadus Lector ex mandato Domini
„ Galdini Sancte Mediolanensis Ecclesie Archiepiscopi , Apostolice
„ Sedis Legati confirmavi , & vice ejus subscripsi . Interfuerunt
„ testes Oto operti , & Albertus berengerii , & Johannes bel-
„ lus ferrarius , & Guarnerius de curte nova , & Martine-
„ tus de carate . Ego Medius mantellus Notarius ac Judex
„ scripsi hanc Cartam , & tradidi . „ Ego

„ Ego Ginamus, qui dicor de Curte nova Notarius Sa-
„ cri palatii autenticum hoc exemplavi, vidi, & legi, ut in
„ eo continebatur, ita in isto legitur exemplo, extra literas
„ plus minusve.

„ Ego Ardericus Notarius, qui dicor cultixius autenticum
„ hoc exemplavi, vidi, & legi, ut in eo continebatur, & sic
„ in isto legitur exemplo, extra literas plus minusve.

„ Ego Ardericus, qui dicor papienfis, Norarius Sacri pa-
„ latii hoc exemplum ex autentico exemplavi, & sicut in eo
„ continebatur, sic in isto legitur exemplo, preter literas plus
„ minusve.

Non potuit tamen Ughellus tantum obniti contra veri-
tatem adeò patenter fulgentem, ut hallucinatos omnino fuisse illos omnes affirmaret, qui Viram Sancti Galdini usque ad septuagesimum sextum annum illius Seculi produxere; quamobrem aliud effugium excogitavit, veluti naufragii tabulam, ne a statione sua dimoveretur, subjungens: *nisi asserere velimus, Aigisum eo tempore* (idest Anno MCLXXIII.) *Galdini Coadjutorem fuisse*. Verùm, quàm infirmum ac labile sit hoc fulcimentum, docet vox ipsa *Archiepiscopi Coadjutoris*, quæ numquam in universa Antistitum Mediolanensium Serie auribus nostris insonuit, atque in omnibus Catalogis Historiisque rerum & Præsulum Ambrosianæ Ecclesiæ exemplo caret. Adde, nihil opus fuisse sancto huic Antistiti altero Archiepiscopo Coadjutore, cùm usque ad extremum spiritum indefesso labore coluerit agrum Dominicum assiduis Sermonibus, vigiliis, exemplisque omnium virtutum, atque insuper eodem die, quo Cælo invehctus est, Ecclesiam petierit, de-

more Divina in eâ Officia peracturus, quemadmodum testatur Auctor Vitæ sæpius laudatus, temporibus iis æqualis. Itaque pace doctissimi hujus Viri in illa perstitimus sententia, quam amplexi sumus, videlicet superfuissè Sanctum Galdinum in suo regimine usque ad Annum MCLXXVI., & Algisium non fuisse inauguratum Archiepiscopum Mediolanensem, nisi eo defuncto.


Festum diem Sancti Galdini, quem teste Oldoino in Album Sanctorum retulit Alexander III., Mediolanensis Ecclesia nunc celebrat XIV. Calendas Majas, idest die XVIII. Aprilis, in quem Dominica II. post Pascha Anno MCLXXVI. incidebat. Olim autem ipso die Natali Sancti Galdini, nempe Dominica II. prædictâ agebatur ejusdem Festivitas celebratione Missæ, non verò Officii Divini, cùm Ritu nostro ille dies Dei cultui reservetur. Sanctus Carolus Borromeus, ut integer omnino dies Dominicus sacer Deo foret, memoriam Sancti Galdini fixit diei XVIII. Aprilis supra memorato. Nihilominus, ut aliquod vestigium Natalis hujus sancti Antistitis superfit, ex veteri consuetudine annua Supplicatio Secularis Cleri universi procedit post Vesperas Sabbati antequam secundam post Pascha Dominicam, ad exponendum Pontificium Diploma Indulgentiæ Plenariæ in Sacello, Sancto Galdino dicato, ad Carceres qui appellantur *Malastalle*, in Aurificum Vico positos.

Sepultum fuit Sancti Galdini Corpus in eadem Ecclesia, Sanctæ Theclæ, ubi in oculo Domini decessit, ut proxime narravimus. Cùm autem Cathedralis Æstiva illa Ecclesia senio fatisceret, & instauranda foret Anno MCDLXI. Carolus de

de Forlivio Archiepiscopus Mediolani cum toto Clero, & festivo sonitu æris Campani, ac cereis accensis, a Sanctæ Theclæ Templo transtulit Corpus hujus Sancti Antistitis in Ecclesiam Majorem, unà cum SSnō Clavo Crucifixi Domini Nostri Jesu Christi, qui ibidem a temporibus memoriam omnem vincentibus religiosissimè colebatur; quemadmodum Anonymi Chronicon, servatum apud Clariss. *Johannem Andream Iricum* Collegam nostrum, Posteris fidem facit.

Sanctus Carolus Borromeus pro eo, quo semper exarsit desiderio promovendi cultum Sanctorum, animadvertens, temporum vitio defecisse venerationem erga Sacra Lypsana, quibus ditata fuerat Metropolitana Basilica, ea ibidem, sicut & in aliis Ecclesiis, ex incultis Sepulcris educere in lucem statuit, tantà sollicitudine, ut vulgare hoc proloquium usurparetur, *sub ejus regimine non licuisse nec vivis, nec mortuis frui quiete*. Itaque inter alia Sanctorum Corpora in Templo Maximo deposita, illud Sancti Galdini in Arca marmorea jacentis recognovit; Carolus autem a Basilica-Petri, qui præsens erat, testatur, inventum fuisse *Pontificiis Insignibus, vel saltem eorum vestigiis ornatum*. Ossa igitur ejusdem Sancti Archiepiscopi, unà cum reliquis Martyrum ac Confessorum exuviis, in Altari Confessionis, sub Ara Majori ab ipso magnificè exstructæ, locavit; Caput verò argenteo sensimulacro inclussit, eo animo, ut in gravioribus hujus Metropolis calamitatibus per vias circumlatum, aut in Altari expositum, ab imminente flagello Cives subduceret, Deique iram placaret.

Vitam hujus Sancti Praefulis retulere Mombrinius & Bollandus ; recenter autem Italicè edidit Mediolanensibus typis Presbyter *Ignatius Servilius Latuada* , Rerum Patriæ studiosissimus .



ALGISIUS.



Ortuo Sancto Galdino, post longam concertationem quam superius descripsimus, delectus est in Archiepiscopum Algisius Civis Mediolanensis, e Pirovana Familia (ut tradit Galefinius) primò Canonicis Ordinariis adscriptus, dein Cimiarchæ & Cancellarii Sanctæ Mediolanensis Ecclesiæ munere perfunctus. Si fidem præstemus Ughello, & nonnullis recentibus Catalogis a Puricello relatis, in ipso Pontificatûs exordio intrepidum animum suum publicè significandi occasionem nactus est, Friderico Ænobarbo nostræ Metropolis expugnationem iterum meditante. Siquidem cum iste non tam Germanicis, sed etiam Italicis copiis probè instructus in fines Insubricos irrupisset, atque jam spe & desiderio tamquam cruentus Leo prædæ inhiaret, Algisius Archiepiscopus unà cum Fœderatis Mediolano Langobardis sese hosti objecit, per agros hujus Ditionis fœda vastatione debacchanti, ac simul cum auxiliariis agminibus tantum profecit, ut fracto Ænobarbi exercitu, ipsum quoque ab equo suffosso dejectum in fugam compulerit, & insignis victoriæ triumphum in hanc Metropolim reportaverit. Ne tamen placidè ac lubenter in Ughelli sententiam abeamus, nonnulla mox exponenda nos retrahunt. Cum enim certum sit apud omnes, faustum diem gloriôsæ hujus pugnæ fuisse.

XXIX. Maji, Sanctis Martyribus Sisinio Martyrio & Alexandro dicatum, quorum etiam auxilio (ut credidere Cives nostri

stri ob felix augurium trium columbarum, ab eorundem. Sepulcro avolantium, atque insistentium Carrocii vexillo, dum ad incundum prælium progredierentur) susceperunt hostiles copias, relicto victoribus campo, castris & spoliis: Ex altera verò parte, ipso satente Ughello, cum decem effluerint hebdomadæ, antequam sublati dissidiis Algisius in Archiepiscopum deligeretur, præsens celebri huic pugnae tamquam Præsul procul dubio adesse non potuit, cum quadraginta tantummodo dies a morte Galdini, ad victoriæ diem intercessissent. Præterea nemo ex Scriptoribus Patriæ nostræ, Corio, Tristano Calcho, Sigonio, aliisque, Algisium aut duxisse exercitum, aut interfuisse pugnae memoravit; quamvis minutim descripserint quidquid in hoc conflictu a Mediolanensibus actum fuit. Nihilominus laudem in re hujusmodi, si quæ debetur Algiso, non invito relinquimus. Id quidem admitti potest, quod Ughellus retet, Friderico pacem statuenti cum Alexandro III Pontifice Maximo in Veneta Urbe, Algisium Antistitem unâ cum aliis Archiepiscopis & Cardinalibus adstitisse Anno MCLXXVII; quamvis nec Romualdus Salernitanus, qui præsens omnia minutim descripsit, nec Labbeus habitum tunc Venetiis Concilium referens, Archiepiscopi nostri nomen alicubi enunciant. Quid enim verisimilius credi potest, quàm Archiepiscopalem Civitatis Mediolanensis tot cladibus & ruinis ab Ænobarbo afflictæ, ad Venetas oras properasse, tum ut Alexandro Pontifici Maximo obedientiam suam obsequentiſſimè exhiberet, tum ut supplicem ante illius pedes cum Imperatorem intueretur, qui serox & minax, Solum suum in dirutæ Civitatis ruderibus crexerat? Certè Ferriam

rariam se contulisse Algisium cum Episcopis & Abbatibus Lombardiae, die Dominico Passionis Domini, testis est memoratus Romualdus, qui ait, *exceptum fuisse* (Mediolanensem Archiepiscopum) *a Papa paterno affectu, & prout decuit, satis benigne*; sed an comitatus fuerit Pontificem Maximum Venetias usque, ibidemque moram duxerit, donec absolveretur celebritas omnis Tractatum, & mutuae pacis inter Alexandrum III., & Fridericum Imperatorem simul cum Siciliae Rege, & Lombardiae Rectoribus, conjectando asserere possumus ex hoc antiquo vestigio a Romualdo nobis relicto, professionis videlicet Algisii ad Ferrariensem Urbem, non autem constanter affirmare, nullo nobis securo alio monumento indubiamus fidem faciente. Itaque certiora prosequamur.

Cum inter Consulem Loci *Trenate*, & Joannem Monachum Monasterii Sancti Ambrosii, qui praerat Ecclesiae Sancti Sepulcri ipsius Loci, controversia exorta foret circa quaedam pascua, utrum videlicet ad unum, vel alterum spectarent, resque delata esset ad Algisii Mediolanensis Archiepiscopi Tribunal, ipse per Joannem Causidicum, Assessorem suum Causa attentè discussa, Sententiam protulit in favorem Joannis Monachi. Extat Documentum in *Monum. Bifilic. Ambrosiana*, num. DLXXIV., expeditum Anno Domicae Incarnationis millesimo centesimo septuagesimo octavo, primo die Novembris, Indictione duodecima, subscriptum ab eodem Algisio, Mediolani Archiepiscopo.

Puricellus idem e Monasterio Monialium Sanctae Mariae appellatae in *Vallis*, seu in *Vallo*, quia proximum foret moenibus Mediolani, authenticum Documentum extraxit,

V u

datum

datum ab hoc nostro Antistite Anno Dominicæ Incarnationis MCLXXVIII., X. Calendas Maji, Indictione XI., ut litem dirimeret inter Ottonem, & Petrum Presbyteros Ecclesiæ Beati Apollinaris, ubi nunc degunt Moniales Sancti Francisci Assisiatis, & Joannem Sacerdotem Ecclesiæ Virginis Mariæ, quæ dicitur *in Vallis*, in quam a vetusto tempore Moniales Ordinis Sancti Benedicti inductæ fuerunt. Causam hanc, quæ exorta fuerat de quodam Libellario Fictio pro Vinea jacente in Loco *Limidi*, per Assessores suos accuratè perpersam Algisius Archiepiscopus dissolvit, præcipiens, ut præstaretur in perpetuum a Presbyteris Sancti Apollinaris Libellarium Fictum Sacerdoti Sanctæ Mariæ in *Vallis*, *presentibus Domino Uberto Cribello, Ecclesiæ Mediolanensis Archidiacono, & Algisio Cuniarcha, ipsius Domini Archiepiscopi Nepote.*

Celebratum est ab Alexandro III. Summo Pontifice Anno MCLXXIX., circa medium Quadragesimæ, Generale Concilium Lateranense III. triplici de causa, ut adnotavit Pagius: Primò, ut Schisma prorsus aboleretur; secundò, ut Valdenses Hæretici damarentur; tertio, ut disciplina Ecclesiastica, quæ durante Schismate labefactata fuerat, restitueretur. Huic Concilio interfuisse trecentum & ultra Episcopos, inter quos Archiepiscopus noster Algisius fuit, innuit Galestinus, atque Ughellus confirmat; quamvis temporum vitio perierint Subscriptiones, illæque tantum supersint, quas ex Gallicanis Provinciis collegit Sirmondus, & Labbeus imprimi curavit ad calcem hujus Concilii Lateranensis.

Sequenti Anno MCLXXX. idem Alexander Pontifex Maximus,

ximus, ut Alexandrinæ Ecclesiæ in Langobardia confuleret, Episcopatum Aquesem transferre decrevit in prædictam Civitatem. Quapropter Algisium Mediolanensem Archiepiscopum delegit, eiq[ue] Apostolicam auctoritatem impertitus est, ut hanc Unionem perficeret; quod ipse mandatis Pontificis Maximi obtemperans fidelissimè implevit. Leguntur Literæ Antistitis nostri, ad Clerum & Populum Alexandrinum hac de re scriptæ, apud Ughellum ante Seriem Episcoporum illius Urbis, datæ Mediolano, Anno proximè memorato, quibus Algisius declarat, Venerabilem Episcopum Aquesem unà cum Sede sua, in eam Civitatem Apostolica auctoritate se transferre, eâ tamen conditione, quòd remaneant in ipso iura & potestas in Aquesem Ecclesiam, sicuti antea; nec ea ullo modo se subtrahere velle, aut ullatenus imminuere, quominus in illa & aliis Ecclesiis suis plenum jus & potestatem exercere valeat.

Alteram Sententiam refert Puricellus in *Monument. Basil. Ambros.*, num. DLXXVII., datam in Palatio *Stazione* Anno MCLXXXI., Mense Maji, Indictione XIV. Erat hoc Oppidum juris Archiepiscopalis hujus nostræ Ecclesiæ, ita in antiquis Documentis appellatum, ut pluribus exemplis ostendimus in *Appendice ad Dissertat. pro vindicandis Mediolano Corporibus Sanctorum Protasii & Gervasii*; nunc verò mutato nomine *Angleria* dicitur. Causa agitabatur inter Joannem de Besutio, Monachum Cœnobii Sancti Ambrosii, & Petrum Clericum de Lixia (Italicè *Lesa*) circa Campum unum in agro Lixiense jacentem, quem uterque juris sui esse profitebatur. Itaque commissò examine Joanni Judici & Assessori suo, Algisius Archiepiscopus Petrum condemnavit, ut Campum Mo-

nacho memorati Cœnobii dimitteret, tamquam illius proprium. Eodem Anno Diploma expadivit in favorem Nocomii, quod erectum fuerat in Plebe Varisii Ambrosianæ Diœcesis, sub nomine *Sancti Petri de Molina*; utque nobiliori cultu pauperibus ministraretur, & inviolatum permaneret, Domum illam ac Ministros sub protectione Sanctæ Mediolanensis Ecclesiæ esse declaravit. Datum est Mediolani, Anno superius dicto, XVI Calendas Maji, Indictione XIV., & asservatur apud Clariss. Nicolaum Sormanum, Collegii Ambrosiani Doctorem. Refertur etiam ab Ughello Charta integra Contractûs venditionis initæ inter Domnum Gulielmum Abbatem Sancti Celsi, & Domnum Jacobum Abbatem Cœnobii Morimundi, quam auctoritate sua firmavit, ac propria manu subscripsit Algisius Mediolanensis Archiepiscopus. Data est hæc Charta Anno Dominicæ Incarnationis MC-LXXXI., die II. mensis Julii, Indictione XIV.

Abbatissa Monialium Monasterii Sancti Ambrosii, siti in Suburbio Civitatis Florentiæ supplicem Libellum Algiso porrexerat, rogans eum, ut confirmare dignaretur concessiones ac donationes quarundam Possessionum, factas Cœnobio suo a Prædecessoribus Archiepiscopis Ecclesiæ Mediolanensi. Ejusdem itaque justæ petitioni annuens Algisius, favorable Rescriptum remisit, quo prædicta omnia confirmavit, veruitque ne ab aliquo perturbaretur jus illius Cœnobii *sub pena indignationis D:i omnipotentis & Beati/sini Ambrosii*. Retulit illud Ughellus in Serie Archiepiscoporum Florentiæ, sub num. XXXIII., datum *Anno Domini millesimo centesimo octuagesimo tertio, mense Februario, Indictione prima.*

Præ-

Præclarum Documentum Pastoralis vigilantiae atque accuratae Sacrorum Canonum custodiae in eo vigentis nobis reliquit Algisius, teste eodem Ughello tum in Episcopis Vercellenfibus num. LXIII., tum in Archiepiscopis Mediolanenfibus num. LXXXIV. Cum enim Guala inauguratus Vercellarum Antistes Anno MCLXX. malè administrasset Ecclesiam illam, imo plurima variaque jura maximo ejusdem detrimento vendidisset, Algisius Provinciae Metropolitae peculiari Decreto, tamquam bonorum suae Ecclesiae dilapidatorem, eum Episcopatu multavit Anno MCLXXXIV. Quamobrem Guala exauthoratus vitam postmodum inglorius amisit, eodem Ughello narrante.

Difficile est assignare annum & diem, quo Archipræsul Algisius obierit: Cum enim in antiquo Catalogo tempus regiminis ita adnotetur: *Sedit Annis IIX., & mensibus V., quinque diebus minus*, Scriptores diversimodè extendunt aut contrahunt hosce annos ejusdem regiminis. Ughellus qui electum Algisium triennio ante obitum Sancti Galdini firmissimè tuetur, mortuum eum affirmat Anno MCLXXXIII., adeoque extra orbitam vagatur, decem ipsi annos Sedis tribuens, contra fidem Catalogorum. Imo etiam miramur, quòd hanc Epocham fixerit morti Algisii, cum ipse in Uberto, Successore ejusdem asserat, ab Algisio Archiepiscopo nostro exauthoratum fuisse Gualam Antistitem Vercellensem Anno MCLXXXIV., idemque repetat, loquens suo loco de Guala Episcopo. Corius & Sigonius retrahunt Algisii obitum ad Annum MCLXXXI.; falsò tamen, cum supersint Documenta ab ipso subscripta Anno MCLXXXIII., & sequenti,

ti, quæ nos indicavimus. Demum Papebrochius, qui in *Execr-
gisi Mediolanensium Antistitum* optimè decem hebdomadarum
& quatuor dierum interpontificium a morte Galdini, ad ele-
ctionem Algisi servavit, nihilominus ejusdem vitam produ-
cit ad Annum MCLXXXV., die XXIX Martii, adeoque
exceedit numerum annorum & mensum, quos Catalogus ab
ipso illustratus Algisi Pontificatui assignat, nullâ ratione con-
notatâ, cur ab illius fide recedere cogatur. Nos accuratis
initis calculis, & retento etiam die II. Julii, a Papebro-
chio statuto electioni Algisi, expletum tempus regiminis
agnoscimus Anno MCLXXXIV., die XXVIII Novembris.

Septus est in Ecclesia Hyemali, prope Suggestum.



UBER-

U B E R T U S I.



Cribella vetusta ac illustri Mediolanensi Familia progenitus Ubertus (quem alii Lambertum, alii Umbertum appellavere) defuncto Algisio datus est, post mensem unum & dies undecim Sedis vacantis, Successor in Cathedra Archiepiscopali hujus Metropolis, Anno nempe MCLXXXV., die IX. Januarii. Adoptatus ipse fuerat in Collegium Metropolitani Basilicæ Majoris, ac subinde ad Archidiaconatus Dignitatem promotus, egregie illud munus exercuit. Galestinus in *Tabula Mediolanensium Archiepiscoporum* tradit, eundem Episcopatus Vercellensis Insulam decoratum fuisse Anno MCLXXXIII., idemque confirmant Scriptores & Catalogi illius Ecclesiæ: Omnino tamen contra verum; Ughellus namque hanc opinionem optime refellit ostendens, nullum fuisse intermedium tempus, quo Auctores Vercellenses intrudere possent Ubertum in Seriem eorum Antistitem. Præterea Puricellus in *Monument. Basil. Ambros.*, num. DLXXXIII. Sententiam refert, quam Algisius pronunciavit favore Monialium Sanctæ Mariæ in *Valis*, ex authentico illius Monasterii Documento desumptam, cujus nos mentionem jam fecimus: Ei autem præsens fuit Ubertus Cribellus, tantum Archidiaconi nomine designatus in hunc modum: *Intersuerunt Dominus Ubertus Cribellus ipsius Ecclesiæ Archidiaconus, Algisius Cimiliarcha, ejusdem Archiepiscopi Nepos* &c. Data est hæc Charta Anno Dominica Incar-

carnationis millesimo centesimo septuagesimo octavo, decimo Calendas Madii, Inditione undecima. Clarè hinc patet, Majores nostros ne somniasse quidem, quòd Ubertus quinquennio ante Vercellenfis Ecclesiæ fuisset Antistes. Id certè dubio carer, insignem hunc Virum Cardinalitia Dignitate præfuisse ob merita, quæ apud Romanam Ecclesiam cognitajam pridem fuere. Siquidem in Gallias protectus, fidus comes exilii fuit, quod pertulit Sanctus Thomas Archiepiscopus Cantuariensis: Quamobrem Baronius ad Annum MCLXXII. Ubertum præclaris elogiis exornat, commumerans illum inter celebres & insignes Viros, gloriosâ confessione decoros, qui Sanctum cum Archiepiscopum sunt secuti. A quo tamen Summo Pontifice supremum hunc honorem Ubertus receperit, non una est omnium sententia. Ciaconius enim inter alios, loquens de tertia Cardinalium creatiõne, ab Alexandro III. Anagninæ facta Anno MCLXXXIII, mense Septembris, Lambertum quoque Cribellum ex Archidiacono Ecclesiæ Mediolanensis Presbyterum Cardinalem tunc creatum ceteris connumeravit. Verùm hoc mendum dilucidè refellitur a superiori Sententia Algisi, cui ut diximus Archidiaconi solummodo titulo distinctum interfuisse constat Anno MCLXXVIII. Itaque, quod negari nequit, adscriptus est Ubertus Cardinalium Collegio a Lucio III. Pontifice Maximo Anno MCLXXXII. Et sanè Ughellus, qui diligentissimè examinavit subscriptiones omnes factas ab Uberto Diplomatis Summorum Pontificum, nullam invénit exaratam ante Annum memoratum. Declaratus etiam fuit ab eodem Lucio III Sedis Apostolicæ per Insubriam Legatus Anno MCLXXXIV.; quemadmodum con-

constat ex Sententia, quam refert Paricellus in *Monumentis Basil. Ambros.*, num. DLXXXIV., lata a Rogerio de Landriano Iudice, *Mediolani in Palatio (gentilitio) ejusdem Domini Cardinalis*, ex mandato Domini Uberti Cardinalis Presbyteri, Tituli Sancti Laurentii in Damaso, & Apostolicæ Sedis Legati.

Lucius III Pontifex Maximus, dum esset Veronæ, Fridericum Imperatorem allocuturus, Concilium Episcoporum coëgit Anno MCLXXXV., Pagio testante, ad quod Ubertus Cribellus jam Cardinalis Sanctæ Romanæ Ecclesiæ, & Archiepiscopus Mediolanensis se contulit, ibique moram duxit. Contigit autem eodem Anno, atque in eadem Urbe obitus Lucii Summi Pontificis, VII. Calendas Decembris. Quapropter Cardinales omnes, qui defunctum Pontificem comitati fuerant, collectis suffragiis, statim evexere ad Sancti Petri Cathedram Ubertum nostrum Antistitem, qui tamen usque ad mortem Archiepiscopatum Mediolanensem numquam dimisit, sed per fidos sapientesque Ministros hanc Ecclesiam gubernare dignatus est.

Fridericus Imperator Mediolanum profectus, nuptias disposuit Filio suo Henrico VI. (aliis V.) in nostra Metropoli celebrandas cum Constantia, Rogerii Siciliæ Regis Filia, quam perperam nonnulli dixerunt Monialem, ut animadvertit Baronius. Initæ illæ fuerunt in Basilica Sancti Ambrosii Anno MCLXXXVI solemnem eâ pompâ, quæ Augustam Familiam decebat, & splendido tantæ Metropolis decori responderet. Corona pariter Italica tribus hinc Principibus imposita fuit: Sed quis eorum Præsulum qui aderant, Coro-

nationis honorem retulerit, plures Scriptorum nostræ Patriæ malè expressere. Alii enim indicaverunt Algisium, qui jam satis concesserat; alii Milonem, qui nondum erat Archiepiscopus; alii demum Ubertum, qui Pontificatus Maximi Dignitate præfulgens, longe ab.unc aberat. Pagius dubium omne exsolvit, referens verba æqualium illi tempori Auctorum, ac præsertim Radulphi de Diceto, ita scribentis: *Inter Henricum Regem Theutonicum, & Constantiam Filiam Rogerii Siculi Regis, Anitam verò Gulielmi Regis Siculi, Generi Regis Anglorum, matrimonium celebratum est VI. Calendas Februarii: Viennensis Archiepiscopus Fridericus Imperatorem Mediolani coronavit. Eodem in die Aquilejensis Patriarcha coronavit Henricum Regem Theutonicum, & ab ea die vocatus est Cæsar. Quidam Episcopus Theutonicus coronavit Constantiam. Hæc acta sunt in Monasterio Sancti Ambrosii. Id autem omne peractum est, absque obtento consensu Urbani III. Pontifici Maximi atque Archiepiscopi Mediolanensis. Quocirca, ut iustam indignationem suam profiteretur, tum Aquilejensem Patriarcham Godefridum, tum alios Præfules qui interfuerant, a Divino suspendit Officio.*

Ubertus Pontificia Dignitate auctus, secundo Anno electionis suæ in Summum Hierarcham, Diploma expedivit Veronæ adhuc degens, in favorem Cœnobii Morimundensis, cui Alexander III. Pontifex Maximus Privilegia quædam indulserat Anno MCLXXI, ut tradit Ughellus in Serie Archiepiscoporum Mediolanensium, ubi de Robaldo agit; quo eadem Privilegia confirmavit Anno MCLXXXVI. Illud non retulit memoratus Ughellus, asserens conforme prorsus esse

Re-

Rescripto Alexandri, quod recitaverat, ut diximus in Vita Robaldi.

Quid egerit Urbanus III. sedens in Suprema Sancti Petri Cathedra, & quot labores atque ærumnas pertulerit, ut auctoritatem suam, Fideique Catholicæ partes tueretur, coactus etiam intrepidè obsistere Friderico Ænobarbo, ejusque Filio Henrico, nostrum non est enarrare; cum abundè egregias Urbani res gestas ad posteros transmiserint Cardinalis Baronius, Ciaconius, Platina, & alii qui Vitas Pontificum Romanorum descripsere. Summâ procul dubio religione Pontificem istum excelluisse, apud nos vestigia etiam in præsentem diem servata testantur. Siquidem multò etiam ante quàm Dignitates splendidiore consequeretur, idest Anno MCLXX, ut refert Pennotus, Monasterium condidit prope Ticinum, amnem, in Loco appellato *Bernate*, gentilitii juris sui, ditavitque opulento censu ex paternis facultatibus, subdens illud alteri Cœnobio, nuncupato *de Crescentiæ*, Ordinis Canoniorum Lateranensium. Neque hoc contentus, novum similiter Monasterium erexit, quod nunc etiam dicitur *Sancti Petri ad Vmum*, illudque pariter proprii patrimonii redditibus locupletavit. Hinc autem factum est, ut creditus fuerit Ubertus Cribellus, nomen suum dedisse Ordini Regularium Canoniorum, quemadmodum legi potest in laudato Pennoto, & Oldoini Additionibus ad Ciaconium: Sed citra verum; cum nemo unquam memoraverit ex nostris, aut Pontificiis Scriptoribus, eidem sacræ militiæ adscriptum eum fuisse, quamvis revera propensissimum animum servavisse erga celebrem hanc & sanctissimam Congregationem ipse semper commonstraverit.

Non leve indicium quoque religiosissimi in Deum & Sanctos cultus, est cura, quam Ubertus habuit, ut Sacra Conlita Lyfana Fidelium venerationi exponerentur; refert namque Petrus Paulus Bosca in *Martyrologio Ambrosiano*, ad diem XXV. Augusti, reperta fuisse ab Uberto Corpora Sanctorum Martyrum Astantii & Antoniani, in Pago Viconzoni Diocesis Mediolanensis, prope agrum Laudensem, atque ab ipso (ut Bosca autumat) traducta inde fuisse Mediolanum, in Ædem Sancto Satyro dicatam. Siquidem ipsemet Clariss. Bosca testatur, se expositos in Ara Majori ipsius Ecclesiæ multos Cineres horum Martyrum vidisse, dum de Festo Epiphaniæ singulis annis cum aliis quamp'uribus Reliquiis publicæ venerationi exhiberentur, & debito obsequio coluisse. Illustrius tamen argumentum pietatis, quæ in Urbano III. Summo Pontifice, simulque Archiepiscopo nostro fervebat, ea omnia sunt, quæ paulo ante obitum summo studio curavit, ut nempe conservatâ Jerosolymâ, & venerandis Terræ-sanctæ Locis, vividior semper floreret contra Barbarorum irruptiones triumphalis gloria Crucifixi Redemptoris. Id namque ostendunt sollicita meditamenta in unum colligendi universos Principes Occidentales, ob expedienda in Orientem subsidia copiarum. Sed intempestiva mors obstitit præclarissimis cœptis; cum enim Veronâ Ferrariam se contulisset, Venetias usque penetraturus, ad animos Christianorum militum inflammandos, ferale nuncium accepit, captam jam esse a Saladino Jerosolymæ Urbem; ac intimo cordis dolore percussus contabuit, obiitque, sepultus in Ecclesia Cathedrali Ferrariensi, post annum I., menses X., dies

dies XXV. ætos in ſuprema Hierarchica Dignitate ; & annos II. , menſes IX. , dies X. in Archiepiſcopatu Mediolanenſi , ut mox compertum faciemus .


Appoſitum eſt illius Tumulo in memorata Ferrarienſi Cathedrali ſequens Epitaphium :

HIC JACET SACRÆ MEMORIÆ URBANUS PP. III.
NATIONE MEDIOLANENSIS ,
EX GENERE CRIBELLORUM
SEPULTUS . MCLXXXVII.

De numero annorum , menſium , & dierum , quibus Mediolanenſem Eccleſiam Ubertus rexit , ſi inſpiciamus Catalogos antiquos nobis relictos , dubitari nequit , cùm eidem attribuant annos II. , menſes IV. , & dies X. Verùm ſi iisdem ſtandum ſit , nodus nondum extricatus obijcitur , quo videlicet die electus fuerit in Archiepiſcopum hujus Metropolis . Sigonius , qui Uberti electionem ad Ambroſianam adminiſtrandam Eccleſiam Anno MCLXXXI. figit , longe aberrat , proinde minimè eſt attendendus . Puticellus , qui Annum MCLXXXV. rectè adnotat , III. Calendas Aprilis collatum Uberto Præſulatum affirmavit : Nec multùm diſſentit Ughellus , qui circa exeuntem Martium , aut Aprilis initium , eundem inſtitutum Archiepiſcopum tradit . Papebrochius in *Exegeſi Mediolanenſium Antiſtitarum* , ad diem XI. Maji (quem nos etiam ſecuti ſumus in Adnotationibus ad Sigonium) differt Uberti Succeſſionem in Sedem Algiſii deſuncti . Attamen cùm ſecundis curis has Epochas expendimus ,

rimus, compertum nobis effectum est, neminem ex hisce laudatis Scriptoribus in scopum collimasse. Namque seriò attendentes annorum numerum, qui in vetusto nostro Catalogo tribuuntur Algiso, nempe, *annos VIII, menses quinque, quinque diebus minus*, diximus superius, eos compleri die XXVIII. Novembris, Anni MCLXXXIV.: Admonente verò Catalogo eodem, *vacasse* Mediolanensem Sedem *mensē I., & diebus XI.*, patère arbitramur, electionem Uberti post Algisi obitum, incidisse in diem IX. Januarii, Anni MC-LXXXV. Porro certum est, Pagio teste, mortem Urbani III. Archiepiscopi nostri amoveri non posse a die XIX. Octobris Anni MCLXXXVII; proinde anni II., menses IV., & dies X. minimè congruunt calculo Scriptorum, quos hactenus indicavimus, aut enim deficiunt, aut excedunt. Quod optimè percipiens Papebrochius, opinatus est, ab Urbano III. dimissum fuisse Archiepiscopatum Mediolanensem mense uno ante mortem; reluctante potius veterum Scriptorum testimonio. Nos qui superius relatam Epocham fiximus, in tanta opinionum varietate non aliam viam enodandæ huic difficultati amplecti posse arbitramur, quàm asserendo, excidisse e calamo Amanuensis numerum IV. mensium, cum IX. exscribendi forent ab archetypo Catalogo. Neque hoc novum est, cum alibi etiam idem Papebrochius similem errorem conatus sit emendare. Sanè si conjectandi libertas nobis quoque indulgeatur, censemus in archetypo antiquo Catalogo adnotatum fuisse hunc Romanum numerum IX.; sed Amanuensem alterum numerum IV. exscripsisse, cum illud fortasse vel malè compactum, vel corrosum offenderit. Equidem hoc
ablato

ablato exscriptorum mendo, temporis spatium adamussim & electioni Uberti, & morti respondet in Summo Pontificatu; ideoque nihil securius nobis statuendum obicitur. Nihilo tamen minus penes Lectores judicium sit; nobis profitentibus, certiora si emergant, libenter nos amplexuros.



M I L O.



D Archipresbyteri Dignitatem in Majori Mediolanensi Ecclesia primò evectus fuerat Milo, dictus *de Cardano*, ut ipsemet testatur in Diplomate, cujus infra mentio fiet: quocirca emendandus est Galefinius, qui eum apertè vocat *Candianum*. Comes fuit unà cum Sancto Galdino peregrinationis susceptæ ab Oberto Archiepiscopo nostro ad Januensem Urbem, ut sequeretur Alexandrum III. inde in Gallias profecturum, tempore Schismatis & excidii Mediolanensis Urbis a Friderico Ænobarbo parati. Deinde Insulam Taurinensem obtinuit Anno MC-LXX; quod minime animadvertit Ughellus in Episcopis Taurinensibus, ejusdem electionem affigens Anno sequenti, cum tamen id expressè legatur in *Monument. Basil. Ambros.*, num. DCIX. apud Puricellum, a quo archetypum Documentum profertur Transactionis peractæ coram Domino Galdino Mediolanensis Ecclesiæ Archiepiscopo & Apostolicæ Sedis Legato, inter Abbatissam Monasterii Majoris Mediolani, & Abbatissam Cœnobii de Montano (prope Pagum Roxati, extra Urbem nostram ad Occidentem). Cum enim translatus esset judicium arbitriumque Partis utriusque in Dominum Milonem, Mediolanensem Archipresbyterum, & Taurinensem Episcopum, ipse in concordiam prædictas Abbatissas composuit. Data est hæc Charta *per manum Domini Algisii Cymeliarchæ & Cancellarii, de mandato supradicti Do-*

Do-

Domini Galdini, Archiepiscopi, & subscripta a Milone Taurinenſi Episcopo, & Archiepresbytero, Anno a Nativitate Domini millesimo centesimo, septuagesimo, XII. Calendas Novembris, Indictione IV.

Neque hæc sola occasio fuit, publicè experimentum faciendi, quantà præditus esset Milo dexteritate ac prudentia. Etenim, cùm ageretur Anno MCLXXVII. magnum Opus reconciliandi Fridericum cum Alexandro III. Pontifice Maximo, septem Cardinales Summus Pontifex pacis arbitros ac mediatores delegit; Lombardi verò ad propriam partem totidem sapientissimos Viros designavere, quorum primus Milo fuit Taurinensis Episcopus. simul cum Bergomenſi, Cumano, & Astenſi Electo, aliisque tribus Laicis Judicibus. Constat hoc ex Actis ipsis Alexandri III., quæ Baronius refert.

Mediolanensem Ecclesiam ditare voluit Milo Divini cultûs incremento, etiam antequam hujus Metropolis Solium conscenderet. Recitat Franciscus Castellus sæpius laudatus in Collectaneis MSis, quæ in Bibliotheca Ambrosiana custodiuntur, Chartam Donationis, quam Taurinensis iste Præsul expeditavit Anno MCLXXXVI., ut Primario Clero Metropolitane Basilicæ novus Canonicus accresceret. Quandoquidem verò Documentum istud adhuc latet in tenebris, non ingratum erit Lectoribus, in lucem productum illud accipere.

„ In nomine Domini, Anno Dominicæ Incarnationis millesimo centesimo octuagesimo sexto, quintodecimo die mensis „ Julii, Indictione quarta, Capitulo Ordinariorum Mediolanensis Ecclesiæ. Ego in Dei nomine Milo Turinensis, Episcopus,

Y y

pus,

„pus, & Mediolanensis Ecclesiæ Archipresbyter, qui dicor
„de *Cardano*, consensu & voluntate Domini Urbani Papæ
„& Mediolanensis Archiepiscopi, sicut per ejus Literas bul-
„latas a me visas apparebat; necnon & præsentē & con-
„sentiente Heriprando Judice & Advocato ipsorum Ordina-
„riorum, & Domino Petro Buxoro Archipresbytero de
„Monte, & Magistro Philippo, atque Guiscardo Vicecomi-
„te, & Albrico de Surexina, & Hugone de Orano Sacer-
„dotibus, atque Ottone Vicedomino, qui dicitur de Cur-
„te, & Oldone Crivello Diaconibus, ac Magistro Faxa-
„to, qui dicitur Menclotius, & Uberto Lento, & Alber-
„to item Menclotio Subdiaconibus ipsius Capituli. Duno
„præsenti die & hora inter vivos: Nominative omnes il-
„las possessiones, quas habeo, & mihi pertinent in Locis
„& Fondis Fossadolto, Paninzacco, & in eorum territo-
„riis, ac in circumstantibus Locis tam in Castris, quàm
„in Villis & in finibus, quas emi a Maineriis, pretio li-
„brarum septingentarum septuaginta novæ monetæ Medi-
„lani; scilicet Cîsas, sedimina, ac molendinorum sedes,
„cum ædificiis eorum, & ceteras territorias res cum omni
„honore & districtu, & conditionibus
„& Ecclesiarum advocatiis, piscationibus & jure vassallo-
„rum, & omni alio jure & usu Eo tenore,
„ut a modo in antea sint ipsæ possessiones omnes ipsius Ca-
„pituli: Ita tamen, ut præsenti numero Ordinariorum ad-
„datus unus Ordinarius Præbendarius, qui ipsas res habeat
„& teneat, & faciat omni tempore Anniversarium meum
„ex fructibus ipsarum possessionum cum Domino Archiepi-
„scopo,

„ scopo, & cum ipso Capitulo, atque cum Communantia
„ Sacerdorum Mediolanensium; dando Domino Archiepisco-
„ po, si interfuerit, solidos quinque, & Hebdomadariis de-
„ narios quinquaginta duos; Sacerdotibus & Diaconibus Ca-
„ pituli Ordinariorum denarios sex pro unoquoque; Subdia-
„ cono & quatuor Notariis denarios quatuor pro unoquo-
„ que; Lectoribus denarios quatuordecim; Custodibus dena-
„ rios sexdecim; Veglonibus & Veglanis denarios vigin-
„ inter Crucem & incensum denarios duos; Pueris Magistri
„ Scholarum denarios duos; pro pane & vino Mallanis so-
„ lidos duos. Et præfati denarii omnes dentur singulis an-
„ nis præfatis personis in jam dicto Anniversario meo, tam
„ si non intererint, quàm si intererint, exceptâ superscripta
„ benedictione Domini Archiepiscopi. Ceteris verò Presby-
„ teris, qui intererint, dentur denarii duo pro unoquoque,
„ & qui non intererint, nihil habeant. Cetera verò Judi-
„ cata & ordinamenta, quæ ego quæ supra Milo, feceram
„ supra jam dictis facultatibus meis, casso & infringo, quia
„ sic decrevit mea bona voluntas. Actum in Domo ip-
„ forum Ordinariorum, pro remedio & mercede animæ
„ meæ.

„ Ego Heriprandus, qui dicor Judex, & superscripto-
„ rum Ordinariorum Advocatus consensu ut supra, & sub-
„ scripti.

„ Interfuerunt Gulielmus, qui dicitur Bottus, & Anri-
„ cus Advocatus de Turino, ac Bottus de Massenago, &
„ Petrazius de Sancto Calocero, atque Petrus de Subiate,
„ Testes. Ibique incontinenti investivit ipse Dominus Milo

„ Episcopus præfatos Dominum Petrum Archipresbyterum ,
„ & Ottonem Vicedominum , & Magistrum Faxatum nomi-
„ ne ipsius Capituli de præfatis possessionibus omnia , qua-
„ liter superius legitur .

„ Ego Gualdericus Palliarius , Notarius Sacri Palatii tra-
„ didi & subscripsi .

„ Ego Rogerius , qui dicor Palliarius , Notarius Sacri
„ Palatii scripsi .

„ Ego Petrus de Veriano Notarius Sacri Palatii authen-
„ ticum hujus Exempli vidi , & legi , & sic in eo conti-
„ nebitur , ut in isto legitur Exemplo , extra literas plus
„ minusve .

„ Ego Manfredus , qui dicor de Brivio , Imperialis Aulae
„ Notarius authenticum hujus Exempli vidi & legi , & sic
„ in eo continebatur , sicut in hoc legitur Exemplo , extra
„ literas plus minusve .

Electus demum Milo communibus Suffragiis post men-
sem I. , & dies XVI. ab obitu Urbani III. Summi Ponti-
ficis (ut tradant Catalogi) , non quidem statim post au-
ditam Urbani mortem , quemadmodum censuit Ughellus , die
V. Decembris Anni MCLXXXVII. Ambrosianam Ecclesiam
administrandam suscepit . Biennio post eadem sese obtulit de-
finienda controversia , quæ antea serbuerat inter Præpositum
Ecclesie de Casolate , & Priorem Monasterii Morimundensis .
Archiepiscopus autem noster ipsam adeo diremit , ut quæta
imposterum inter illos concordia vigeret . Chartam Transa-
ctionis recitat Ughellus in Vitis Archiepiscoporum Mediola-
nensium , subscriptam manu propria Milonis , & datam Anno

MC-

MCLXXXIX., XI. Calendas Augusti, Indictione VII.

Superioribus annis, ut vidimus, acerrimum exortum fuerat dissidium inter spectatissima duo Collegia Canonorum Urbis Bergomensis, Sancti Alexandri videlicet, & Sancti Vincentii. Quamvis verò Mediolanensis Archipræsul Robaldus, & etiam Pontificia auctoritas Innocentii II. sese interposuisset, ut invicem altercantes utriusque Basilicæ Canonici lites deponerent, revixere nihilominus controversiæ, donec Lanfrancus Bergomi Antistes tantâ se gerens dexteritate illas omnes exsolverit, atque evicerit ut ex duobus Collegiis unum conflaretur; ac proinde utriusque Partis Canonici sese tamquam Fratres sint amplexati, quemadmodum in Episcopis illius Urbis Ughellus authenticis Documentis enarrat. Deerat tam prælato Operi auctoritas Metropolitanæ Pontificis. Quamobrem Milo Archiepiscopus Diploma dedit, quo se approbare & confirmare ostendit, quod actum fuerat per Bergomenses, ad perficiendum laudatissimum hoc Opus, ut ex Charta ab eodem Ughello vulgata, cui Milo manu propria subscripsit, expeditâ *Mediolani, per manum Domini Rolandi Diaconi & Cancellarii Anno MCXC., Pontificatus Domini Milonis anno tertio, sexto die Februarii, Indictione VIII.*

Anno eodem emerferat denuo inveteratum jurgium inter Canonicos & Monachos Basilicæ Sancti Ambrosii, circa jus, quod utraque Pars in peragendis Divinis Officiis sibi vendicabat. Quocirca Milo Archiepiscopus, ut tandem succrescentia in dies litigia radicitus excinderet, Sententiam tulit, qua singula quæ in controversiam venerant, definivit; legemque statuit, ut cuncta imposterum sine tumultu & scandalo

dalo fierent. Legitur hæc Charta *in Monument. Basil. Ambros.*, num. DCXIII., *data Anno MCXC., die III. Martii* (non Maji, ut per errorem Ughellus scripsit) *Indictione VIII., Pontificatus Domini Milonis anno tertio, per manum Domini Rolandi, Dei gratia Mediolanensis Ecclesie Diaconi & Cancellarii*, ac subscripta *Mediolani* ab ipso Milone Archiepiscopo. Non acquievere tamen Antistitis nostri Decreto Canonici ac Monachi ejusdem Basilicæ: Quapropter ad Summi Pontificis Clementis III. tribunal appellavere Anno MCXCI., qui designatis duobus Judicibus Petro Abbate Sancti Petri de Laude-vetere, unâ cum Oberto Præposito Bergomi, iisdem Causam definiendam commisit. Sed hæc fusiùs enarrare, ad nostrum Institutum non pertinet.

Biennio post, Anno nempe MCXCIII. nobis occurrit *in Monument. Basil. Ambros.*, sub num. DCXXI. Privilegii Charta, quo Archiepiscopus Milo confirmat ea omnia, quæ tum Mediolani, tum extra Urbem justè & canonicè Sancti Ambrosii Monasterium possidebat. Subscribitur hoc Diploma propria manu memorati Antistitis; Datum autem est *per manum Domini Rolandi, Dei gratia Mediolanensis Ecclesie Diaconi & Cancellarii, Anno MCXCIII., die martis sexta mensis Aprilis, Pontificatus Domini Milonis anno quinto*. Equidem *dies martis* eo anno verè incidebat *in diem sextum Aprilis*; non ita tamen *annus quintus* Milonis tunc numerari poterat. Animadvertunt optimè hoc mendam Puricellus & Ughellus, qui eum suis Adnotatoribus in margine ad hoc Diploma, constanter asserunt, excidisse e calamo Cancellarii, seu potius Scribæ annum *quintum*, pro *sexto* jam incæpto.

Nos

Nos tamen validius argumentum proferimus, Chartam videlicet ab eodem Milone datam Anno sequente, die XIII. Martii, in qua septimum decurrissse Pontificatus annum Cancellarius optime expressit, ut mox videbimus. Documentum confirmationis expedivit Milo Archiepiscopus *Superstantie Hospitalis Sancti Eustorgii*, Prædecessorum suorum *Rubaldi, Oberti, & Beatissimi Confessoris Galdini* auctoritate jam roboratæ. Quoniam verò hujusmodi Scriptura non ita obvium est, quia relatum tantummodo a Clariss. Muratorio Tom. III. *Antiquit. Ital. Med. Ævi*, column. DLXXXV., nos ex *Collesianis* antea laudatis Francisci Castelli, illud typis vulgavimus, ut error superioris Chartæ dilucidius patefiat.

„ Milo Dei gratia Sanctæ Mediolanensis Ecclesiæ Archiepiscopus. Dilecto Fratri Guidoni Præposito, & Fratribus
„ (Sacerdotibus Canonicis) Ecclesiæ Beati Eustorgii Mediolani tam præsentibus, quàm substituendis in perpetuum.
„ Tunc rectè assumptum videmur administrare officium, cum
„ de Ecclesiis & earum servientibus, nostro commissis regi-
„ mini, sinceriori & ampliori cura, & meditatione sollicita
„ utiliter cogitamus, & eas taliter satagimus ordinare, de-
„ fendere & fovere, ut nihil nostræ sit in posterum negli-
„ gentiæ imputandum; sed potius ex utili provisione nostrâ
„ spiritualiter & temporaliter, Auctore Deo, suscipiant in-
„ crementum, & quod canonicè adeptæ sunt, omni tem-
„ pore sine difficultate qualibet perpetuò valeant possidere
„ quietè. Audivimus siquidem, & ex tenore Privilegorum
„ bonæ memoriæ Domini Rubaldi, & Domini Oberti, at-
„ que Beatissimi Confessoris Galdini Prædecessorum nostrorum
„ nobis

„ nobis manifestè innotuit, quòd prædictus Dominus Rubal-
„ dus Hospitale ad honorem Dei, & pauperum sustentatio-
„ nem, in Suburbio Portæ Ticinensis constructum, & ejus
„ ordinationem omnimodam; & memoratus Dominus Ober-
„ tus superstantiæ Ecclesiæ vestræ dispositionem, regimen,
„ dominium, & investituram, Ecclesiæ vestræ & vobis ve-
„ strisque Successoribus donando concesserint, & concedendo
„ donaverint; & prædictus Beatus Galdinus, tunc Mediola-
„ nensis Archiepiscopus, illa eadem, necnon & Ecclesiam
„ Beati Petri, & Ecclesiam Sancti Stephani cum omnibus ad
„ eas pertinentibus, tam in decimationibus, quàm in aliis
„ redditibus, proventibus, & possessionibus, & omnia alia
„ ad Ecclesiam Beati Eustorgii pertinentia, Apostolicâ, Se-
„ dis cujusungebatur Delegazione, & Sanctæ Mediolanen-
„ sis Ecclesiæ auctoritate, vobis vestrisque Successoribus con-
„ firmavit, liberè & quietè habenda perpetuò, sicut in eo-
„ rum Privilegiis continetur. Nolentes igitur, quod a tan-
„ tis Patribus a nobis omnimodis imitandis statutum est,
„ alicujus malignitate infringi vel mutari, honestis precibus
„ & petitionibus vestris annuentes, & grato concurrentes as-
„ sensu, Hospitale prædictum, & ejusdem omnimodam ordi-
„ nationem atque dispositionem, regimen dominium atque
„ investituram Superstantiæ Ecclesiæ vestræ, & Ecclesiam
„ Beati Petri, & Ecclesiam Sancti Stephani cum omnibus ad
„ eas pertinentibus, & alia omnia ad Ecclesiam Beati Eu-
„ storgii pertinentia, adinstar Beati Galdini Prædecessoris no-
„ stri, auctoritate Sanctæ Mediolanensis, cui licet indigni
„ præsidemus, Ecclesiæ, & nostrâ, jure perpetuo vobis ve-
„ strisque

„strisque Successoribus concedimus, confirmamus, & præsen-
„tis Scripti paginâ communimus. Statuentes, ut nulli omni-
„no hominum Clerico vel Laico, in nostra commoranti
„ditione liceat contra hanc nostram confirmationem venire,
„vel eam ausu infringere temerario. Si quis verò id at-
„temptaverit, & commonitus diligenter suam debita satisfa-
„ctione non correxerit temeritatem, iram Dei Omnipoten-
„tis & nostram, ac sui ordinis & officii periculum se no-
„verit incursum.

„Ego Milo Mediolanensis Archiepiscopus subscripsi.

„Ego Philippus Mediolanensis Archipresbyter subscripsi.

„Ego Obertus Mediolanensis Archidiaconus subscripsi.

„Ego Viscardus Vicecomes Presbyter subscripsi.

„Ego Petrus Presbyter subscripsi.

„Ego Albertus Presbyter subscripsi.

„Ego Gulscardus Mediolanensis Ecclesiæ Presbyter sub-
„scripsi.

„Ego Rolandus Mediolanensis Ecclesiæ Diaconus & Can-
„cellarius subscripsi.

„Ego Otto Diaconus subscripsi.

„Ego Otto Diaconus Vicedominus subscripsi.

„Ego Oldo Mediolanensis Ecclesiæ Diaconus subscripsi.

„Ego Obertus Mediolanensis Ecclesiæ Diaconus subscripsi.

„Ego Faxatus Subdiaconus subscripsi.

„Ego Lanterius Subdiaconus subscripsi.

„Ego Jacobus Cassina Subdiaconus subscripsi.

„Datum per manum Domini Rolandi Mediolanensis....

„Cancellarii, Anno millesimo centesimo nonagesimo quarto,

Z z

„de-

„ decimo tertio die Martii, Pontificatus Domini Milonis,
 „ Dei gratia Mediolanensis Archiepiscopi Anno septimo.

Mediolanensem Ecclesiam rexit Milo annis VII., mensibus VIII., diebus VIII., quemadmodum Catalogus noster assermat. Cum autem juxta calculum initum ad ejus electionem, statuerimus eidem diem V. mensis Decembris, Anni MCLXXXVII., designati a Catalogo numeri annorum, mensium, & dierum explentur die XIII. mensis Augusti, Anni MCXCV.

Plurimum erravit Sigonius, qui Milonis obitum Anno MCXCIII. affixit. Neque caret suo nœvo etiam Papebrochius, qui illum vitæ ereptum tradit die XIII. Julii; quamvis eidem condonari hoc mendum possit, cum abdicatam ab Urbano III. Mediolanensem Ecclesiam uno mense ante obitum fuerit opinatus. Certè usque ad Annum MCXCV. viram produxisse Milonem, perspicuum est; Testem enim adstitisse legimus Henrici VI. Imperatoris Diplomati, expedito in favorem Cœnobii Morimundensis, *Anno Dominicæ Incarnationis MCXCV., Indictione XIII., Mediolani, die Dominico, IV. die mensis Junii*, quod vulgavit Ughellus, ubi agit de hoc Archipræsule nostro; in eo tamen a vero aberrans, quòd nimium fiderit Calcho, & recentioribus Catalogis, dum ait, Milonem saltem ad Annum prope pervenisse MCXCVI., cum nimis indefinitum sit hoc tempus, & supra quatuor menses ab ejusdem morte excurrent, ante exitum istius anni.

Sepultus est in Ecclesia Hyemali, prope Suggestum. .
 Franciscus Castellus sæpe laudatus, in *MSis suis*, quæ Am-
 bro-

brofiana Bibliotheca custodit, ista adnotavit; exornatum, nempe fuisse Locum illum, qui condendis Cineribus nostrorum Antilitum aptatus erat, rubeis marmoribus ab Uberto Cribello, postmodum Urbano III. Cum autem regiâ magnificentia Joannes Galeatius Vicecomes, Dux primus Mediolani, extruere Templum Maximum vellet in eam quæ nunc visitur formam, dispersa fuere ornamenta omnia, quæ in vetustiore Basilica refulgebant; atque inter marmorum rudera inventum fuit Seculo XVI, idest eo vivente, insculptum in rubro Lapide Epitaphium Milonis, hisce carminibus expressum:

ISTHIC PONTIFICIS REQUIESCUNT OSSA MILONIS,
CUI DEUS ÆTERNÆ CONCEDAT GAUDIA VITÆ.



O B E R T U S I I.



Defuncto Milone, post dies XXVI. Sedis vacantis electus est Mediolanensis Archiepiscopus Obertus, seu Ubertas de Tertiago, Anno MCXCV. (non sequenti, ut voluit Ughellus) die VIII. Septembris, in universa nunc Ecclesia, Beatissimæ Virginis Mariæ Nativitati dicato. Antequam ad hanc Dignitatem promoveretur, Modoëtiensis Basilicæ Archipresbyter egregium experimentum dederat, præsertim prudentiæ sapientiæque, vocatus ad firmandas testimonio suo augustas paginas Privilegii, quod post statutam Pacem Constantiæ Fridericus Ænobarbus Mediolani moram trahens Civibus nostris concessit Anno MCLXXXV., IV. Nonas Maji, Indiétione III. Puricellus hoc Diploma publici juris fecit, loco sæpius laudato, sub num. DXCII. Præsens quoque fuerat Obertus alteri Privilegio, ab eodem Ænobarbo Mediolanensibus dato, Anno proximè enunciato, III. Idus Februarii, apud Regium Lepidi, quò Consules Mediolanenses & alii honesti Cives se contulerant, pertractaturi quæ in memorata Pace Constantiæ juramentis firmata fuerant, ad hanc Metropolim spectantia. Etiam hoc Diploma vulgavit Puricellus, num DLXXXVII., in quo legimus manufactissima præconia Majoribus nostris data ab Ænobarbo, eos appellando *strenuos, fideles, ac ferventiori præ ceteris affectu ipsi devotos*; & enumeratur inter Testes *Obertus Modoëtiensis Archipresbyter.*

Ga-

Galefinius in Serie Mediolanensium Antistitum, ut Obertum nobilius honestaret, tradit, eundem Canonicis Ordinariis Metropolitanae Basilicae fuisse connumeratum. Non ita facile hoc admisit Puricellus, num. I. XXIV.; fassus enim est, decus istud non satis videri competentem. Nos Archivum ipsum hujus Primarii Collegii consulimus, & praesertim Nomenclaturam Canonorum, qui longè retro eidem adscripti fuerunt; nec quidquam occurrit de hoc Oberto. Aliud splendidius decus excogitavit memoratus Scriptor, ut aliis etiam Obertum extolleret, videlicet asserendo, Cardinalitiam Dignitatem sub Titulo Sancti Stephani in Caelio Monte, ab Innocentio III. ipsi fuisse collatam. Verùm hoc quoque explodunt Puricellus & Ughellus, & qui Additamenta Ciacconio apposuerunt. Siquidem jam aderat eo tempore Joannes Salernitanus, auctus hoc honore & Titulo, quo varias Legationes obivit. Multò magis asserere cogimur, imaginariam esse excelsam hanc laudem, cum Galefinius Innocentium III. indigiter auctorem collocati inter Cardinales Oberti, qui morti concessit, antequam Innocentius III. ad universae Ecclesiae regimen assumeretur. Denique Galefinius vertit in gloriam hujus Archiepiscopi nostri Pacem conciliatam inter Mediolanenses, & Comenses, qui diutinis bellis sese invicem frugerant, magno facultatum & Oppidorum detrimento. Sanè Tristanus Calchus sœdus hoc enunciat ad Annum MCXCVI., quo verè Archiepiscopus erat Obertus: Sed cum erraverit, statuens ejusdem electionem huic anno; cum Milo minimè vitam tamdiu produxerit, Obertum fausti istius Operis sequestrem non facit. Credere tamen prudenter valemus, inter-

fuisse

fuisse etiam Obertum, unâ cum Patriâ nostrâ Consulibus, auctoritate & consilio, prout Archiepiscopalis potestas exigebat; quamvis fœderis Tabulas, expeditas Idibus Septembris, videre haud potuerit, raptus morte die XIII. Junii illiusmet anni.

Contigit eodem Anno MCXCVI., quo Obertus adhuc Mediolanensem Ecclesiam regebat, ut inopinato casu magna pars Basilicæ Sancti Ambrosii in præcipientem ruinam decideret, non sine intimo Civium dolore, qui deposita ibidem a Sancto Patrono mortalitatis spolia quotidiano cultu venerabantur. Minimè expectavit optimus Pastor supplices preces, ad liberalem aperiendam manum, viresque omnes impendendas, quarum conatu sollicito Sacra Ædes illa fervidis omnium votis instauraretur. Verùm succrescentibus Ædificii primordiis obstitit mors intemptiva, quæ pia ejusdem desideria præcidit.

Tempus regiminis assignatur in antiquo Catalogo, mensum IX., & dierum V. Miratur Papebrochius, quoddam admissis ab Ughello novem mensibus, & diebus quinque Sedis Oberti, ipse tamen statuens electionem VII. die Septembris Anni MCXCVI., eum decessisse e vita affirmet die XII. Aprilis, MCXCVII.; neque enim novem sunt menses, sed tantum septem. Porro etiam Papebrochius confueto errore labitur, ob mensem detractum ab Archiepiscopali munere Ecclesiæ Mediolanensis, quod ab Uberto Cribello ante mortem dimissum ipse putavit. Itaque perduravit Obertus, ex calculis jam in Milonis Vita initis, a die VIII. Septembris, Anni MCXCV., ad diem XIII. Junii anni sequen-

quentis; quo etiam Altaria Ecclesię Carævallenſis confecra-
vit, ut ex Codice ejuſdem Abbatii Puricellus in *Monum.*
Basil. Ambros., num. DCXXIX. fidein facit.

Sepulcri locus ab Auctore Catalogi minimè indicatur.



PHI-

PHILIPPUS I.



Lampugnana nobili Mediolanensi Familia-
natales trahens Philippus, mortuo Oberto
de Tertiago, post dies XXVI. vacantis
Sedis Pastoralem hujus Ecclesiæ virgam.
Insulamque suscepit, unanimi Electorum.
consensu, & Cœlestini III. Summi Ponti-

ficis Placito, die IX., vel X. Julii, Anni MCXCVI. Exor-
natus jam fuerat Dignitate Archipresbyteri in Metropolitano
Canonicorum Ordinariorum Collegio, eoque nomine subscrip-
serat pluribus Chartis Milonis Archiepiscopi, quas referunt
Puricellus & Ughellus. Assumpto hujus Ecclesiæ regimine,
eam reperit destitutam Sacris Ministris, qui Altari inservi-
rent. Quapropter ad Summum Pontificem Innocentium III.,
Anno MCXCVIII in Sancti Petri Cathedra constitutum con-
fûgit, rogans, ut eidem liceret manus imponere Clericis il-
lis, quos ipse Romanus Pontifex Sacris iniuriaverat. Res-
pondit benignè per Epistolam Innocentius, datam Laterani
XII. Calendas Martii, hæc scribens: „ Sicut ex tenore tua-
„ rum Literarum accepimus, Mediolanensis Ecclesia tam in-
„ capite, quàm in membris, occasione Clericorum illorum,
„ qui ab ipso Romano Pontifice Ordinem receperunt, adeò
„ est Ministrorum solatio destituta, ut paucos Clericos in-
„ eadem Ecclesia valeas invenire, quos ad Diaconatus &
„ Presbyteratus possis officium promovere: Verùm quia Fra-
„ ternitas tua suppliciter a nobis expetiit, ut ipsius Eccle-
„ siæ

„ siæ necessitatem solitudine paterna penſantes , tibi debe-
„ remus licentiam indulgere , manus poſſe illis Ordinationis
„ imponere : Super hoc tuæ Fraternitati taliter duximus re-
„ ſpondere , quòd ipſius Eccleſiæ neceſſitate penſatâ , ſi ali-
„ qui fuerint de prædictis Clericis , qui ad hoc videantur
„ idonei , & ſpontanea voluntate per tuum miniſterium vo-
„ luerint ad Sacros Ordines promoveri , eos auctoritate
„ noſtra tibi liceat ordinare &c.

Reliquerat Obertus Archiepiſcopus , feſtina morte præ-
reptus , Sancti Ambroſii Baſilicam , ut diximus , vix e rui-
nis caput erigentem : Proinde Philippus ejuſdem Succellor ,
pudori ſibi adſcribendum ducens , ſi quod ille incœperat , ipſe
non abſolviffet , curam omnem adhibuit , ut amotis ruderibus
collapſi Templi , non tam ad culmen deduceretur recens
Ædificium , ſed novo etiam ornamentorum ſplendore
fulgeret ; quominus & cultus Aris tanti Patroni reſtitueretur ,
& fervidiores preces ad ejuſdem Tumulum effunderent Cives ,
ob reparandam pene collabentem , temporum ac bellorum in-
juriâ , Eccleſiaſticam diſciplinam , & abolendas depravatæ Ple-
bis corruptelas . Producit Paricellus in *Monum. Baſil. Am-
broſ.* , num. DCXXVI. nonnullos Teſtes juratos in quodam
Examine , paulò poſt confecto , qui fidem huic egregio Operi
Philippi Archiepiſcopi , ejuſque vigilantix , utpote tunc ſpe-
ctatores , adjiciunt .

Exarſerat uſque a temporibus Milonis Archiepiſcopi Me-
diolanenſis lis acerrima de poſſeſſione ac proprietate Mona-
ſterii Sancti Donati de Scozula , ſeu de Sexto (Caſtro ja-
cente ad oram Ticini Fluminis , e Lacu Verbano effluentis ,

Aaa

quod

quod in præsentia appellamus *Sextum-Calendas*) cujus integrum jus utraque Pars sibi deberi affirmabat, unà cum omnibus prædiis per diversa Loca constitutis. Postquam diu agitata est quæstio, deferenda fuit ad Apostolicam Sedem. Causa. Quare Cælestinus III. Pontifex Maximus eam definiendam delectis Episcopis commisit; sed irrito conatu, cum nondum rei cognitio securo niteretur fundamento. Pontificiam manum dirimendæ huic controversiæ apposuit Innocentius III. Cælestini Successor, qui post longam judiciorum seriem, pluribus aliis Præsulibus demandatam, tandem Veronensæ Episcopo Sententiam ferente partim favore Mediolanensis Ecclesiæ, partim pro Monasterio Sancti Donati, eam utrinque receptam ipse Apostolica auctoritate confirmavit. Quandoquidem verò in hac disceptatione Hugo de Camerario vices Archiepiscopi gerens ausus esset extrudere armatis complicitibus Abbatem & Monachos a Cœnobii possessione, atque ob eam temeritatem percussus fuissent anathemate idem Hugo suisque Sectatores, redintegrari Monachos jussit Innocentius, suisque claustris restitui. Data est hæc Epistola, VI. Nonas Martii. Supererat expendenda Causa proprietatis, quæ coram ipso Innocentio III. disceptata fuit, atque communicata Sanctæ Romanæ Ecclesiæ Cardinalibus. Quocirca origine, Privilegiis, aliisque juribus hinc inde productis, & accurato examine instituto, adjudicata fuit Monasterio Sancti Donati, utpote solidioribus basibus innixa. Seriem omnem judicii enarrat ipse Innocentius III. in Epistola, data Laterani, XVI. Calendas Maji, Pontificatus anno II., idest Anno MCXCIX. Unita postmodum fuit hæc Abbatia Nosocomio Majori Medio-

diolani a Paulo III. Pontifice Maximo, Anno MDXXXV., ejusque redditibus hodie quoque utitur, in ægrotantium salute curanda.

Non est silentio involvenda altera Innocentii III. Epistolâ, missâ ad Archiepiscopum nostrum Philippum, cùm de insigni Viro, Henrico nempe de Septala agatur, qui postmodum Archiepiscopale munus Ecclesiæ Ambrosianæ summa cum laude exercuit. Præstat id referre verbis ipsis Summi Pontificis, „ Cùm sicut audivimus Cancellariæ Dignitas per „ annum & ultra in Ecclesia Mediolanensi vacaverit, licet „ jurisdictio conferendi eam juxta Lateranensis Statuta Con- „ cilii pleno jure ad nos sit devoluta, cùm nec per te „ infra sex menses, nec per Mediolanense Capitulum infra „ sex alios fuerit ordinata, nos tamen tibi tamquam Fratri „ carissimo deferre volentes, devotionem tuam rogamus af- „ fectuosius & monemus, per Apostolica tibi Scripta præ- „ cipiendo mandantes, quatenus eidem (Henrico supradi- „ cto) qui tam per se, quàm per Consanguineos suos „ tibi & Ecclesiæ tuæ poterit esse fructuosus, & ad ipsius „ executionem officii probatur idoneus, quem nos etiam qua- „ dam prærogativâ speciali diligimus, dictam Cancellariam „ sine cujuslibet difficultatis obstaculo, tam nostrarum pre- „ cum intuitu, quàm ipsius meritum & probitatis obten- „ tu, non differas assignare; itaut ipse in hoc bonitatis tuæ „ dulcedinem valeat experiri, nosque in nostrarum exaudi- „ tione precum, tuæ probare possimus devotionis affectum „ &c.

Hiscæ tamen sive precibus, sive mandatis Innocentii

A a a 2

Sum-

Summi Pontificis oblitere nonnulla, quæ Henricum Septimum a percipienda Cancellarii Dignitate prorsus amoverunt. Siquidem cum intra anni spatium Philippus Archiepiscopus Henricum Limpugnanum consanguineum suum, per traditionem Libri ac Sigilli, Cancellarium instituisset, deductâ ad Apostolicam Sedem Causâ, post diuturnam discussionem confirmata eidem fuit peculiari dignatione ab Innocentio III. hujus muneris exercitatio, cum nulla in re culpabilis appareret. Constat hoc ex altera Epistola ejusdem Summi Pontificis, datâ Perusii IX. Calendas Octobris, Pontificatûs anno primo, idest Anno MCXCVIII.

Ughellus tradit, a Philippo Archiepiscopo finem impositum fuisse domesticis bellis, quæ inter Mediolanenses, ac Ticinenses fervebant, magno Civium incommodo, fœdaque agrorum direptione. Narrat frequentes inter ipsos pugnas Tristanus Calchus ad Annum MCCI., ac demum subdit, expugnato Oppido Viglevani, captivisque Papiensibus Mediolanum ductis, celebri ei victoriâ effectum fuisse, ut tandem pax inter utrumque populum conciliaretur, & sese inimicæ ad eam Civitates in fœdus etiam sociale conjungerent; nullam verò de Archiepiscopo mentionem facit. Non tamen ambigi potest, Pastoralia ejusdem officia ad perficiendum nobile proficuumque universæ huic Metropoli Opus fuisse considerata. Sanè Carolus Sigonius ad eundem Annum scribit, post captum Viglevanum, Papienses plurimis detrimentis impulsos, Augusto mense Oratores Mediolanum de Pace mississe, qui cum eam æquis conditionibus impetrassent, apud Philippum Archiepiscopum solemnia sacramenta dixerunt.

De-

Decem annos regiminis, menses quatuor, dies septem assignat Philippo Archiepiscopo antiquus noster Catalogus: Quapropter cum ad hanc Sedem promotus fuerit die X. Julii, Anni MCXCVI., ejusdem mors incidit in diem XVII. Novembris, Anni MCCVI., quemadmodum optimè Sigonius huic Anno eam adnotavit; Ughello aliisque Philippi obitum ad Annum sequentem malè transferentibus,

Sepultus est in Ecclesia Hyemali.



UBER-

U B E R T U S II.



Ort dies XXIV. Sedis vacantis, Ubertus ex illustri Mediolanensi Familia Pirovana delectus est Archiepiscopus die XI. Decembris, Anno MCCVI. Adscriptus fuerat Ordinariorum Metropolitane Ecclesie Collegio: Exinde verò Innocentius III.

Pontifex Maximus illum decoravit Cardinalitiæ Dignitate. Ughellus totis lacertis contendit, ut Ubertum nostrum tanto honore exspoliet, asserens, ipsum minimè fuisse Cardinalem Sanctæ Romanæ Ecclesiæ, sed tantummodo Mediolanensis; tantæque firmitate in hac opinione persistit, ut eos aberrare asseveret, qui electum ab Innocentio ad primarium hunc gradum Ubertum testantur, *cum (ut ipse ait) nulla de hac re apud veteres Scriptores, & ejus ævi monumenta ratio reperitur, sed ex Ordinario Mediolanensis Ecclesiæ Cardinale, non quidem Romanæ Ecclesiæ, ad Archiepiscopalem Sedem seu Cathedralē Pirovanam ascendisse, pro indubitato habeatur.* Verum veniam a doctissimo Viro petimus, si eundem apertè dicimus, longè a veritatis tramite aberrasse. Primò enim testimonia antiqua hujus collatæ Uberto Dignitatis in promptu sunt, Galvanei nempe Flammæ eidem Seculo proximi, Tristani Calchi ad Annum MCCVII, Signii, aliorumque: Secundò monumenta illius ævi supersunt, quæ idem expressis verbis enunciant, pergamenum scilicet Diploma, funiculis adhuc pendentibus munitum, servatum apud

apud Collegam nostrum Nicolaum Sormanum, quo hic Ubertus nonnullos redditus transfert in dilectum Filium Petrum Presbyterum Ecclesiæ Sancti Raphaelis, ad utilitatem & restorationem Ecclesiarum Sancti Petri, & Sancti Materni. Cum autem nondum lucem viderit, integrum damus.

„ Ubertus Dei gratia Mediolanensis Archiepiscopus, *San-
ctæ Romanæ Ecclesiæ Cardinalis*, dilecto Filio Presby-
tero Petro Sancti Raphaelis salutem & omne bonum.
„ Dignum est & rationi consentaneum, ut Ecclesiis nostro
„ commissis regimini misericorditer provideamus. Inde est,
„ quod volentes utilitati & restorationi Ecclesiarum Sancti
„ Petri, & Sancti Materni benignius providere, Decimas no-
„ valium de Ronchettiis, de Cassinis videlicet Ragrerii Ma-
„ rinoni, & Crolli Gambari, & Bercordi, & Sancti Se-
„ pulcri, & Anselmeti de Ecclesia, nomine ipsarum Ec-
„ clesiarum temporibus nostris tibi duximus concedendas. Eo
„ modo, ut ipsæ Ecclesiæ Decimas ipsas novalium tempore
„ nostro habeant & teneant; ita quod quarta pars ipsarum
„ ad nos omni anno debeat pervenire, & nos eas, quan-
„ documque voluerimus, liceat revocare. Statuimus ergo,
„ ut nulli omnino hominum in nostra ditione morantium
„ liceat, hanc nostram concessionis paginam infringere, vel
„ ei ausu temerario contraire. Datum MCCVIII., XV. Ca-
„ lendas Septembris, Indictione XI.

Alterum quoque ex Bibliotheca Ambrosiana producimus, in quo Ubertus de Pirovano Mediolanensis Archiepiscopus se subscribit Sanctæ Romanæ Ecclesiæ Cardinalem: Ita autem illud se habet.

„ An-

„ Anno Dominicæ Incarnationis millesimo ducentesimo
 „ nono : Abbatius dictus Pasqualis, Superstans Laboris Me-
 „ diolanensis Ecclesiæ Beatæ Mariæ, ex parte ipsius Labo-
 „ ris, investivit colonario, seu locationis nomine per Mas-
 „ saritum, ad beneficiendum, Boniconem de Setara, &
 „ Joannem, qui dicebatur Bevimonus, & Anselmorum de
 „ Feria, & Boffacinum, qui dicitur Reitadinus Pulia, no-
 „ minativè de Brayda una ipsius Laboris in petiis tribus,
 „ perticarum XVI. Jacent extra, non longè a Porta, quæ
 „ dicitur Romana prope Zongedam, ubi dicitur in Claufo
 „ Sanctæ Mariæ Hyemalis. Actum in Civitate Mediolani.
 „ Intersuerunt ibi testes Trusso, qui dicitur de Veddano,
 „ & Obertus Bregomonus, & Zaninus Bregomonus, & Al-
 „ bertinus de Fontegio, & Botus Junius.

„ Ego Ubertus de Pir. Mediolanensis Archiepiscopus,
 „ Sanctæ Romanæ Ecclesiæ Cardinalis subscripsi.

„ Ego Rogerius, qui dicor Pariarius, Noratius Sacri
 „ Palatii tradidi, & scripsi.

Geminas alias Chartas authographas retulimus in Adno-
 tationibus ad Sigonium *de Regno Italiæ*, sub Annum MC-
 CVI., quæ memoratum Ubertum, Sanctæ Romanæ Ecclesiæ
 Cardinalem patenter produunt. Addimus, Innocentium III.
 ipsum, qui in Epistola ad eundem Ubertum, data Florenti-
 ni, XII. Calendas Novembris, Pontificatûs sui anno un-
 decimo, respondens illius dubitationibus circa Ecclesiastica
 Feuda alienanda, vel non, eam inscribit hoc titulo: *Me-
 diolanensi Archiepiscopo, Sanctæ Romanæ Ecclesiæ Cardinali*;
 quem titulum servat in altera, de qua infra agemus. Ita-
 que

que controversia hæc, quam etiam Oldoinus Tom. II. column. 38. incertam reliquit, adeò diluta est, ut sole meridiano clarius appareat veritas, & Ughello reponi possit pro re omnino indubia, contra ejusdem votum superius descriptum.

Quod attinet ad Epistolam, missam ab Innocentio Summo Pontifice ad Cardinalem Archiepiscopum nostrum, & Episcopum Yporediensem, necnon Abbatem de Tileto, refert ipse Pontifex Maximus historiam omnem, ob quam conceperat summam indignationem contra Placentinos Consules, atque illius Urbis Primores, qui immanem tyrannidem exercuerant contra proprium Episcopum, Clerumque Patriæ suæ, manus sacrilegas extendentes non solum ad eorum mobilia, sed etiam per iniquitatis ministros colligentes universos proventus Ecclesiasticos, pauperum substantias in usus illicitos converterant; adeò ut prædicti Episcopus & Clerus voluntarium exilium subire maluerint, & pulverem de pedibus suis excutientes elegerint aliò confugere, reverentiam Deo Sacrisque Miniſtris, quam Cives indignè abjecerant, inter Exteros reperturi. Cum autem Apostolicum fulmen anathematis & Interdicti contra illos Innocentius armasset, & minas etiam intendifset (nisi resipiscerent, atque universa quæ abstulerant adamussim restituerent) se denudaturum eorumdem Civitatem Episcopali Dignitate, & Diocesim inter finitimos Episcopos distributurum, imo & bona Mercatorum illius Urbis, ubicumque reperiri possent, detineri jussurum; ad bonam frugem sese adduxere Consules & Cives Placentini, juramento fidem suam obstringentes ad plenariè redin-

tegra: dum Ecclesiam Clerumque. Hac supplici demissione contentus Pontifex, eos perbenignè a vinculis quibus innodabantur dissolvit: quo factum est, ut Episcopus Clerusque in sedem suam amica pace redirent. Verbum Ecclesiastici ipsi, transgressi mandata Summi Pontificis, Civibus suis largiti sunt, tamquam prodigi rerum sacrarum dispensatores, universa quæ ab iisdem per inauditam temeritatem ac insolentiam priùs ablata fuerant; & quidem inconsultâ atque invitâ Apostolica Sede. Quamobrem Archiepiscopo nostro Uberto, aliisque memoratis Sociis Præsulibus Innocentius iunxit, ut caverent, ne exemplum istud perniciosum transmitteretur ad Posteris, & prout ipse præceperat, conditiones omnes a se præscriptæ omnino complerentur. Profectus est statim cum aliis ad hoc munus delectis Placentiam Cardinalis Archipræsul noster, rebusque omnibus ad Leges Innocentii redactis, eundem conscium fecit de iis quæ acta fuerant: atque ita placabilem reddidit tum Episcopo Cleroque, tum Consulibus & Civibus Placentinis Pontificem. Maximum, pristinamque attulit rerum atque animorum tranquillitatem. Data est hæc Epistola Laterani, X. Calendas Decembris, Pontificatus anno undecimo, idest Anno MC-CIX. Narrat hæc omnia fusiùs Petrus Maria Campi, in *Historia Placentina*.

Aliud quoque munus eximium in Patria ipsa contigit Uberto adimplendum. Mortuo Philippo Svevico, Imperii ænulo, compositisque Germaniæ rebus, Otto hujus nominis IV. expeditionem in Italiam paravit Anno MCCIX., celebratisque apud Herbipolim Comitibus, & Nuptiis cum Beatrice

trice Philippi Filia in octava Pentecostes, post Fedam Apostolorum Petri & Pauli iter aggressus est per Tridentinam Vallem, ut in Italiam descenderet; & peragratis nonnullis Urbibus Mediolanum pervenit, exceptus eo plausu, quem describunt Sigonius & Calchus. Hac occasione memorati Scriptores, alique rerum Patriæ Historici tradunt, fuisse Ottonem Coronâ ferreâ ab Uberto Archiepiscopo redimitum. Verum in Anno dissentiunt: Sigonius namque huic eidem Anno MCCIX. eam Celebritatem consignat; Calchus verò ipsam transfert ad Annum sequentem, asserens, *illustri die Resurrectionis Christi Dei, operante rem Sacram Uberto Pirovano Archiepiscopo, adstanteque Volsgerio Patriarcha, in Æde Ambrosiana* fuisse ab eodem Archipræsule Ottonem regio sermo præcinctum. Addit, interfuisse huic Celebritati Virum inclytum Gulielmum Pusterlam, qui jam Alexandriæ, Placentiæ, ac Mediolani summa cum laude Præturæ munere functus erat; eumque Equitem institutum, atque Astensis Urbis Feudo fuisse ab Ottone locupletatum: hisque peractis Regem Mediolano Calendis Maji discessisse. Porro, si consuetudinem antiquam consulamus, Sigonio attendendum esset, id nempe contigisse Anno superiore, cum fere semper in more positum fuerit, ut Romanam Coronationem Mediolanensis præcederet. Potuit tamen in adventu hujus Germanici Regis ea adesse itineris festinatio, quæ moram minimè pateretur, instante per Legatos Pontifice Innocentio, ut Romam quantocius accederet, accepturus ab ipso augustum Imperii diadema, -ideòque in Annum sequentem Mediolanensis Coronæ impositio differretur. Sanè Anno MCCX.

Ottonem Aprili mense, in quem pariter Pascha incidebat, Mediolani extitisse (ut Calchus affirmabat) revocari in dubium nequit. Recitatur quippe ab Ughello, Tom. I. colum. DLIII. Venetæ Editionis, Diploma expeditum in favorem Carævallenfis Cænobii, ad Fluvium Clefis in Cimerinenfi Diœcesi (ad quod condendum, Sancto Bernardo adhuc superstite, vocati fuerant e Mediolanensi Carævallis Monasterio Monachi) & datum apud Mediolanenses, XII. Calendas Maji, Anno Incarnationis MCCX, Indictione XIII., regnante Domino Ottone IV. Romanorum Imperatore glorioso, Anno regni ejus duodecimo, Imperii vero primo; cique primo loco testis interfuit Ubertus Mediolanensis Archiepiscopus. Duo alia Diplomata Ottonis IV. autographa mihi licuit inspicere in Archivo Monachorum Sancti Ambrosii; alterum pro Monasterio Carævallis Mediolanensis, datum apud Mediolanenses Anno MCCX., die IX. exeunte Aprili, Indictione XIII.; alterum pro eodem Sancti Ambrosii Cænobio, datum pariter apud Mediolanum, Anno Dominice Incarnationis MCCX., IX. Calendas Maji, Indictione XIII. Hisce positis, cum Tristanus Calchus, non modò Coronationem Ottonis, sed etiam diem quo peracta est, adnotet, ac Sacra solemnia ab Archiepiscopo nostro celebrata enunciet, adstante Præfule Patriarcha Aquilejense, atque insignem quoque Virum Pusterlam nominet, Equitem a Cæsare institutum & Astenfis Urbis Feudo donatum; nemo dubius hærebit, hæc omnia desumpta non fuisse ab aliquo Codice synchroni Auctoris. Aliunde, cum certum sit testimonio Scriptorum Germaniæ, Ottonem ad Imperium electum,

ctum, nonnisi post Sanctorum Petri & Pauli Apostolorum diem festum, ab Herbipolis Comitibus ac Regni sui finibus, in oras nostras penetrasse, atque ideo minimè potuisse ferreo Serto redimiri in Paschate Anni MCCIX., perspicuum reddi censemus, Anno tantummodo MCCX impositum fuisse Augusto capiti ab Uberto Archiepiscopo nostro Regium Italicum diadema.

Administravit Ecclesiam Mediolanensem Ubertus annis IV., mensibus III., diebus II.: Cùm autem electio ejusdem in diem XI. Decembris Anni MCCVI. inciderit, ut superius statuimus, ipsius obitus Anno MCCXI. consignandus est, die XIII. Martii. Catalogus vetustus Metropolitane Bibliothecæ, quem edidit Clariss. Muratorius Tom. I. Part. II. *Scriptorum Italiæ*, mortem hujus Archiepiscopi adnotat IX. *Calendas Aprilis, Sabbato Sancto*. Verùm cùm Tabulæ Paschales illius Anni minimè in hunc diem consentiant, veriore esse computum, quem nos secuti sumus, arbitramur.

Sepultus est in Ecclesia Hyemali, prope Suggestum.



GERAR.

GERARDUS DE SESSA.



Vidua Ecclesiam Mediolanensem ob mortem Uberti Pirovani, Gerardus de Sessa, ex nobili Regiensis Familia, electione sua laetificavit, post mensem unum, & dies viginti vacantis Sedis, idest a die XIII. Martii, usque ad diem IV. Maji, juxta Catalogum praedictum Metropolitanæ Basilicæ.

Pluribus sacris muneribus perfunctus fuerat Præsul iste. Primò enim institutus Ecclesiæ Parmensis Canonicus, Aris illius Cathedralis Basilicæ inservierat; dein Cisterciensi Ordini addictus, in Cœnobio Tileti Aquis Diocesis declaratus Abbas Monasticam illam Congregationem rexit. Postmodum perspectâ ejusdem sapientiâ vitæque sanctimoniâ, assumptus est ab Innocentio III. ad Pontificale Novariensis Civitatis Solium; & insuper Cardinalitii Dignitate insignitus, Apostolicâ per Insubriam Legatione functus fuit. Cùm autem de eligendo Placentino Episcopo ageretur, Pontificiam auctoritatem omnem Innocentius Gerardo commisit: Quamobrem illuc profectus Præsul iste, ejusque arbitrio a Canonicis relicta electione, Fulconem, Virum singularis integritatis, in Episcopum illius Ecclesiæ pronunciavit, nec multò post, collectâ Synodo, Canonicos ad communis vitæ Institutum amplectendum summâ dextertate adduxit. Tot meritis cumulatus, ab Innocentio III. dignus reputatus est, qui Albanensi Ecclesiæ Antistes præsideret. Demum, cùm

Cre-

Cremonam missus esset Legatus, atque Ecclesia Ambrosiana Pastorem suum morte raptum lugeret, delectus est ad ejusdem solatium Successor. Omnibus tamen hisce receptis Ecclesiarum administrationibus, in nulla earum sacro Chrismate inunctus fuit. In nostra verò, ne consecraretur, mors prohibuit, quæ illum, dum adhuc Cremonæ degeret, intempestivè ad sepulcrum adegit.

Dissentiant Scriptores in assignando temporis spatio, quo Ecclesiæ Mediolanensi præfuerit tantum Electus: Ughellus enim trigesimo die a sua electione illum fato cessisse contendit; Corius, Onuphrius Panvinus, & Sigonius intra mensem obiisse tradunt; Joannes de Deis, in Libro inscripto *Successores Sancti Barnabæ* longius protendit ejusdem vitam, usque ad VI. menses. Nemo tamen ad veritatem propè accessit. Siquidem Catalogus Metropolitani, quo nunc utimur, apertè refert, Gerardum Archiepiscopum superfuisse a die IV. Maji, usque ad diem XV. Decembris Anni MC-CXI, quo obiit; eidemque consentit etiam alter Catalogus Manuscriptus Bibliothecæ Ambrosianæ, signatus *A*, num. 98.

Tumulo datus est in eadem Cremonæ Civitate, ubi ad Deum migraverat. Nullum apud nos vestigium remansit hujus laudatissimi Præfulis; ne enim aliquid doctrinæ & pietate dignum ageret, vetuit brevitæ vitæ, & nondum receptæ Consecratio in Archiepiscopum, quibus effectum est, ut Legatione sua distentus, in hanc Metropolim ne pedes quidem iatulerit.

HEN-

HENRICUS I. SEPTALA.



Gerardo suffectus est Henricus Septala Mediolanensis nobilis Civis, die IV. Novembris, Anni MCCXIII., ut testatur Catalogus noster, vacante per plures menses Ambrosianæ Ecclesiæ Sede. Tam longum interpontificium attulit pertinax discordia.

Eligentium, quorum aliqui designaverant Domnum Archiepiscopum suum, alii Archidiaconum, tertia verò pars Episcopum Vercellensem Aliprandum. Mensibus X., & diebus XX. serbuit controversia ista, obduratis omnium animis in electione, quam quisque pronunciaverat. Delata est ad Iudices quæstio, aliis asserentibus inultò ampliorem esse suffragiorum numerum, adeòque constare, quis promovendus esset; aliis autem affirmantibus, se numero quidem breviores, sed dignitate Eligentium potiores. Cum tamen insoluta remaneret Causa, admonitus de hac re Innocentius III. Epistolam scripsit, quam hic annexere opportunum arbitramur:

*Episcopo & Abbati Sancti Johannis,
& Archidiacono Parmensibus.*

„ Ecclesiâ Mediolanensi vacante, vota providere voentium eidem Ecclesiæ in Pastore divisa sunt in tres partes, quibusdam Venerabilem Fratrem nostrum Vercellensem Episcopum postulantis, aliis autem dilectum filium
„ Me-

„ Mediolanensem Archidiaconum , & nonnullis Mediolanen-
„ sem Archipresbyterum eligentibus in Pastorem . Pro qui-
„ bus Procuratores Partium ad Sedem Apostolicam destina-
„ ti , non solum diversa , sed adversa tam de consuetudi-
„ ne , quàm de pluribus aliis proponere curaverunt ; sicut
„ ea omnia vobis sub Bulla nostra mittimus annotata : De
„ quibus cum non possent facere nobis fidem , inquisitio-
„ nem eorum nos oportuit delegare . Quocirca discretioni
„ vestræ per Apostolica Scripta mandamus , quatenus vocatis
„ qui fuerint evocandi , & inquisiti super omnibus diligen-
„ tissimè veritate , specialiter autem , utrum de antiqua &
„ approbata consuetudine omnes & singuli tam Abbates ,
„ quàm Præpositi , ac etiam Cappellani parem cum Ordina-
„ riis , in electione Mediolanensis Archiepiscopi , vocem ha-
„ beant ; & si nec omnes , nec parem , qui , & quantam ,
„ utrum videlicet non in singulis Ordinum , sed in Ordini-
„ bus singulorum sit paritas attendenda , vel potius jus
„ eligendi penes Ordinarios tantum resideat , & ceteri prop-
„ ter honestatem solummodo vocari consueverint ad caute-
„ lam ; utrumve omnes vocati fuerint , an aliqui prætermis-
„ si ; quid etiam potestatis aut juris Episcopi Suffraganei ha-
„ beant in negotio memorato . Et quæ inveneritis , per ve-
„ stris nobis Literas fideliter intimeris , ut per relationem
„ vestram instructi , commodius in ipso negotio procedamus ;
„ præfidentes Partibus terminum competentem , quo receptu-
„ ræ sententiam nostro se conspectui repræsentent . Quodd si
„ non omnes &c. , tu ea Frater Episcopo , cum eorum
„ altero &c. Datum Laterani VII. Junii , Pontificatus nostri
„ Anno decimoquinto .

C c c

Do-

Dolendum est, carere nos Rescripto horum Præfulum; inde enim plurima Metropolitanæ nostræ Ecclesiæ hauriri possent lumina, quæ consuetudines ejusdem & jura illo ævo vigentia illustrarent.

Acceptis prædictorum Præfulum Responsis, simulque Romam profectis Nunciis, quos illuc direxerat Metropolitanum Canonicorum Collegium, Summus Pontifex hanc tandem controversiam diremit Brevibus suis a nobis hic vulgaris Literis, quibus Henricum Archiepiscopum creavit. Has ignoravit Galestinus, qui creatum ab Honorio III. Antistitem nostrum perperam asseruit, consecrationem cum creatione confundens.

CAPITULO MEDIOLANENSI.

„ **R** Eceptis Literis nostris, quibus vobis dedimus in mandatis, ut Causam Electionum, & postulationis in vestra celebratarum Ecclesia, quam dudum ad petitionem vestram duximus committendam, coram Judicibus, quibus illam commisimus usque ad Festum Sanctæ Crucis proximo præteritum finaliter prosequi studeretis; alioquin ex tunc Procuratores idoneos ad nostram curaretis præsentiam destinare, Pastorem quem Domino inspirante vobis & eidem providerimus Ecclesiæ, recepturos. Nuper dilectos Filios Alcherium Subdiaconum nostrum, Stephanum Bulbum, & Willelmum Concanonicos vestros ad Sedem Apostolicam cum vestris Literis destinastis, cum multimoda gratiarum actione mandatum nostrum humillime admiserunt; sicut;

„ furos ; suppliciter postulantes , ut quem mallemus , de gre-
„ mio Ecclesiæ vestræ vobis dignemur concedere in Pasto-
„ rem . Nos autem super hoc deliberatione habitâ diligen-
„ ti , suspicionis & dissensionis materiam vitare volentes ,
„ dilectum Filium Henricum Cimiliarcham Ecclesiæ vestræ ,
„ Virum providum & honestum , in Pastorem vobis duxi-
„ mus concedendum , per Apostolica Scripta mandantes ,
„ quatenus ei tamquam Pastori vestro reverentiam & obe-
„ dientiam impendatis debitam & devotam . Datum Laterani
„ VII. Idus Novembris , Anno XVI.

Antequam Acta ab hoc insigni Archipræsule referamus ,
præmittendum est , Henricum nostrum , quem Innocentius III.
curaverat (sed incaassum) promoveri in Cancellarium Ec-
clesiæ Mediolanensis , quemadmodum superius narravimus ,
institutum fuisse ejusdem Basilicæ Cimiliarcham ; subinde Bo-
noniensem Urbem adiisse , ut Literis vacaret , teste memo-
rato Catalogo ; inde verò in Pastorem electum . Ilius Ca-
talogi Scriptor , qui procul dubio præsens omnibus quæ age-
bantur tunc erat , postquam enunciavit dies & Annos tum
vacantis Sedis , tum regiminis Henrici , hæc subdit : *Toto
fere sui regiminis tempore in labore fuit & pugna non mi-
nima ; sed pro totius Ecclesiæ tuenda libertate , pro istius
Majoris Ecclesiæ honore conservando , pro Hereticis expellen-
dis , pro Episcopis , qui videbantur a subjectione Mediolanensis
Ecclesiæ absolvi , recuperandis &c.*

Quandoquidem tamen hoc elogium nimis jejunum vide-
tur , necesse omnino nobis est , accuratius tanti Archiepi-
scopi præstantia gesta indicare . Innocentius III. Summus Pon-

tifex prætuleraſ Ottonem IV., contra Philippum Svevicum, Henrici Imperatoris defuncti Fratrem, in adeptione Imperii; imo eundem Auguſtali Coronâ Romæ donaverat, præſtito ſacramento, jura omnia & patrimonia Eccleſiæ Romanæ intacta ſervandi ac protegendi. Iniquè reſpondit promiſſis Otto, malum pro gratia reddens, ac patrimonium invadens, a Mathilde Eccleſiæ relictum; & licèt blandis admonitionibus atque etiam minis a Pontifice Maximo juſſus pedem retrahere, in Siculum etiam Regnum armis perripuit: Quamobrem illum ſacris diris devovit. Mediolanenſis Civitas proſecuta eſt, favore ac bellicis ſubſidiis adjuvare hunc Cæſarem ab Apoſtolica Sede ejuratum. Quocirca Summus Hierarcha menſe Majo Anni MCCXVI., *duos Cardinales Legatos Medio'anum miſit, qui Conſilio advocato, nomine Pontificis denunciarent, ſe, niſi Ottonem reliquiſſent, ac vicinas Civitates vexare & ſolicitare deſtituiſſent, ſu'mina in eos Eccleſiaſtica contorturos; quæ cùm illi ſpreviſſent, ſolemni Eccleſiæ more Civitatem Sacris interdixerunt, ac Crues a communione piorum exterminarunt; verba ſunt. Sigonii ad eundem Annum.*

Hæc Ughellus fidenter tribuit Henrico inter primâ ejus regiminis Acta, inquiring: *Eccleſiaſtica juriſdictionis primùm fuit deſenſor acerrimus. Diu pro ea ſervanda cum Conſulibus, primariisque Mediolani Viris depugnavit, ipſamque Civitatem necdum conſecratuſ, diris devovit, eamque per Summum Pontificem Metropolitanâ Dignitate exutam vidit. Fallitur tamen Vir laudatiſſimus, cùm perturbatio iſta in hac Urbe enata, multò ante contigerit, etiam priuſquam Henricus ab Innocen-*
tio

tio III. crearetur Archiepiscopus Mediolanensis. Extat Epistola inter eas, quas Balutius edidit, *data Laterani XII. Calendae Novembris, Pontificatus ejusdem anno XV.* incepto ac proveſto: Cūque ipse Innocentius Cathedralē Apostolicam conscenderit Anno MCXCVIII., VI. Idus Januarii, annus decimusquintus Pontificatus designat Annum MCCXII., quo tempore nondum fuerat Henricus a Pontifice Maximo Insula Mediolanensi decoratus, dilatā (ut vidimus) ad Novembrem Anni sequentis hujus Antistitis electione. In ea verb Innocentius scribens ad Consules & Primores Viros Mediolani, eos redarguit, quod Hæreticos foverent, Ecclesiis & finitimis populis injurias ac vexationes inferrent, & Ottonem a Sancta Sede damnatum reprobūque adjuvarent. Quamobrem eosdem adhortatur eā caritate quæ Romanam Ecclesiam Matrem decet, ut hisce malis remedia præsent; ni velint, minatur, se anathematis fulmen in eos evibraturum, & etiam Metropolis privilegio Mediolanensem Civitatem exspoliaturum: Jamque se mandasse ait pluribus Italiæ & Giliæ Episcopis, ut collecto Concilio, in tanto negotio consulant, quid debita maturitate sit efficiendum. An verb executioni has miſas mandaverit Summus Pontifex, nihil aut in Historiis Patriæ, aut in Epistolis ipsiusmet Innocentii scriptum occurrit. Certè Henricum hisce dissidiis manum minimè apposuisse silentium Scriptorum præcipuè Mediolanensium nos docet; cū videamus missos Legatos Anno MCCXVI. duos Cardinales, qui in pertinaces Rectores Civitatis, excommunicationis quidem telum contorserunt, quemadmodum superius retulimus, minimè tamen in mandatis habuerunt,

ut

ut nomine Summi Pontificis eam Dignitate Metropolis exutam declararent. Porro nolumus inficiari, potuisse Henricum pro amore suo erga Ecclesiam sibi commissam, ac desiderio sanctimoniarum suarum, immiscere officia sua ad tollendas corruptelas, quæ gliscebant in hac Metropoli. Tantum dicimus, ea quæ afferuit Ughellus, fundamento prorsus carere.

Defuncto brevi Innocentio, ad Honorium III. ejus Successorem Mediolanenses confugerant, ut absolutionem ab hisce censuris impetrarent. Nec abnuitt Pontifex ille: Quinetiam Literas dedit ad Joannem Torniellum Bergomensem Episcopum, & Henricum Septalam, electum in Archiepiscopum nostrum, expeditas VII. Calendas Martii, Anni MCCXVIII., ut eosdem Ecclesiæ gremio benigne restituerent; quemadmodum etiam summa cum universæ Urbis exultatione peractum fuit. Sed, cum citò a fide data descivissent, idem Pontifex Maximus latam a Prædecessore suo Sententiam confirmavit, præcipiens *Recltoribus, Consiliariis, ac Societatibus Magistris per totam Langobardiam, ut singulis diebus Dominicis ac Festivis, pulsatis Campanis & candelis accensis, eosdem a communione Fidelium expulsos publicè denuntiarent*. Quid subinde actum sit, nostra non est, hoc loco enarrare.

Cum Archiepiscopus noster promotus quidem fuisset ad Ambrosianam Sedem, sed nondum sacro inunctus Chrismate, Romam adiit, atque ab Honorio III. consecrationem recepit Anno MCCXVIII.; Qua in re hallucinatus est Ughellus, qui anno sequente consecratum censuit Henricum, referens

ferens Literas ab ipso inspectas in Regesto Vaticano, quibus Honorius scribit, se functum hoc munere Mense Decembri. Attamen Scriptor ille diligentissimus minimè vidit alteram ejusdem Honorii Epistolam, quam memorat Raynaldus num. XLII., datam *Reate XVIII. Calendas Septembris Anno MCCXIX.*, in qua Summus Pontifex hanc Hentici consecrationem jam peractam enunciat. Non igitur mensi Decembri illiusmet anni, sed superioris affigenda est Antilitis nostri Consecratio.

Certum est apud Scriptores Mediolanenses, Henticum Archiepiscopum profectum fuisse in Syriam cum pluribus electis agminibus Italicorum militum, pro recuperanda Ierosolyma, a Saracenis iterum occupatâ: Sed quo anno hoc iter suscepit, nemo hætenus compertum fecit. Trifanus Calchus processisse eundem refert cum Crucesignatis Anno MCCXVI., ejusque reditum in Patriam usque ad Annum MCCXXVII. protendit. Bernardinus Corius expeditionem Hentici affigit Anno MCCXXVII.; remeasse verò Mediolanum scribit Anno MCCXXI. Uterque tamen fallitur, dum hujus nostri Archiepiscopi moram in Oriente alter ad annos XI. producit, alter sexennio decurtat, ut ex dicendis patebit. Ughellus, ut tempus statuât, quo Henricus ad Sacrum bellum migravit, præmittit, eundem Anno MCCXX., VI. Nonas Maji Carævallense Templum consecravisse; subinde verò refert, Anno sequenti datas fuisse ab Honorio III. Literas, XVIII. Calendas Februarii expeditas, ad Vercellensem Episcopum, quibus præcipiebat, ut Ecclesiasticas censuras in *Amiceum Saccum, quondam Mediolani Prætorem* denunciaret, quòd

quòd Henricum Archiepiscopum Mediolanensem exulare coëgisset ; occasione autem hujus receptæ injuriæ , ob quam extorris ab hac Urbe vagari tyrannice jubebatur , consilium cepisse , Crucesignatis se jungendi , atque eodem prorsus Anno MCCXXI. Jerosolymitanum iter suscepisse ; nullum deinde reditûs annum designans . Attamen , ne ingeniosæ huic Ughelli conjecturæ subscribamus , facit indubia auctoritas duorum Diplomatum , quæ integra recitantur a Puricello in *Dissertat. Nazarian.* Cap. CIX. Horum primum sub num. XXVII. jacens , subscriptum fuit Mediolani ab Henrico Archiepiscopo Anno MCCXX. , ad concedendam Fratribus Sancti Dominici Eustorgianam Basilicam : Alterum expeditum pro confirmanda iisdem memorata Ecclesia cum omnibus suis juribus , legitur loco laudato , num. XXIV. In hoc autem , ut infra videbimus , narrans Henricus res actas in ista Translatione ait , Præpositum & Canonicos , qui in eadem Basilica morabantur , jurium suorum in Eustorgianum Templum liberam dimissionem fecisse *in manum Hugonis Cmilarche Mediolanensis , Vicarii nostri , qui tunc eramus in partibus transmarinis , in servitio Crucifixi.* Jam ergo multò ante Annum MCCXXI. Mediolano recesserat Henticus , in Orientem profectus . Itaque , ut veram hujus expeditionis epocham decernamus , asserere nos posse arbitramur , statim ac sub finem Anni MCCXVIII. consecratus fuit ab Honorio , Henricum simul cum Crucesignatis Jerosolymam contendisse , ac ibidem integro vix Anno exacto , in Patriam fuisse reversum . Siquidem mense Majo Anni MCCXX. Carævallis Templum consecravit . Plura hoc suadere videntur . Primò Honorius

III. Decessoris sui præclara vestigia sequens, ut ad redimendam e Barbarorum manibus Terram Sanctam Christianos populos accenderet, inter alias peculiarem ad Insubres Epistolam dixit, plenam cœlestis spiritûs igne Anno MCCXVII., quæ in hæc verba exorditur: *Accingantur Fideles, & sint filii potentes; tempus est enim, ut faciant vindictam in nationibus, in gentibus scilicet detinentibus, & contaminantibus Terram Sanctam* &c. Collectis autem undique Italicis Crucesignatis, quarta expeditio facta est Anno MCCXVIII. Cum ergo Romæ Anno eodem Henricus sacram receperet unctionem ab Honorio III., ut jam diximus, quid verosimilius, quàm ipsum, sive ut exemplo suo Insu- bres ad iter alacriter aggrediendum inflammaret, sive ut Pontifici Maximo gratificaretur, sese iisdem adjunxisse? Præterea Scriptores Ordinis Prædicatorum unanimes tradunt, missos fuisse, a Sancto Dominico Alumnos suos in Urbem Mediolanensem Anno MCCXVIII., atque pertractatum fuisse, ut Eustorgiana Basilica iisdem cederetur, eam dimittentibus Canonicis in- manum Hugonis Cimiliarchæ, qui Vicarium agebat Archiepiscopi in Orientem profecti. Proinde nobis videtur, pene ad oculum patère, genuinum annum depugnantis in Syria Henrici esse MCCXIX, cum & ante hunc annum, & post, ex hætenus allatis securi simus, extitisse in Italia memoratum Archipræsulem nostrum Septalam.

Nondum tamen eo anno ad Ecclesiam Eustorgianam translati fuerant Ordinis Prædicatorum Alumni: Quapropter Hugo Cimiliarcha, Vicarius Archiepiscopi, habito assensu Antistitis nostri, & totius Collegii Ordinariorum Ecclesiæ

Ambrosianæ, sponte recedentibus in Laurentianam Basilicam Præposito & Canonicis ibidem olim Sacra peragentibus, prædictos Sancti Dominici Filios in Eustorgianum Templum induxit Anno MCCXX., Idibus Martii, ut ex Malvendæ, & Codice MS.to ejusdem Cœnobii refert Puricellus prædicto Cap. CIX., simul cum Charta hujus Translationis, quam hic recudere opus est, ut difficultas, quæ inde emergit, dissolvatur.

„ In nomine Domini, Anno Dominicæ Incarnationis mil-
 „ leximo ducentesimo, vigesimo, die Sabbati, octavo die
 „ ante Calendas Novembris, Indictione nona. In Palatio ve-
 „ teri Domini Archiepiscopi, in præsentia Domini Episcopi
 „ Laudensis, & præsentibus Testibus Lanfranco de Puteobo-
 „ nello, filio quondam Soldani, Præposito Sancti Nazarii:
 „ & Anselmo filio Ugonis de Castegnianega, Canonico San-
 „ cti Nazari: & Presbytero Suzone filio quondam Guar-
 „ nerii Hunicani, Ministro Ecclesiæ Sancti Alexandri in Zi-
 „ bidia: & Galdino Bixiolo, Canonico Sanctæ Teglæ, filio
 „ quondam Ardigotti: & Martino filio Guillelmi Greppi,
 „ Canonico de Segrate: & Oprando filio quondam Lanfranci
 „ de Befana, Superstite Laboris Sanctæ Mariæ Majoris: &
 „ aliis multis Testibus. Cum Dominus Ubertus Marinonus
 „ Præpositus Ecclesiæ Sancti Eustorgii, & Presbyter Rolan-
 „ dus Biffius, & Presbyter Lanfrancus de Sexto, & Do-
 „ minus Arialdus Præpositus de Nerviano, Canonici dictæ
 „ Ecclesiæ Sancti Eustorgii renunciavissent in manu Domini
 „ Ugonis Cimiliarchæ Mediolanensis Ecclesiæ, Vicarii Do-
 „ mini Henrici Mediolanensis Ecclesiæ Archiepiscopi, nomi-
 „ ne

„ ne & vice illius Archiepiscopi, sive Archiepiscopatus, Eccle-
„ clesie Sancti Eustorgii, & omni juri habitationis, & ha-
„ bitationi, & loco domorum & Sediminum tam Ecclesie,
„ quam Superstantie, cum braida, quæ est juxta Eccle-
„ siam: ita quod ipse Dominus Cimiliarcha nomine ipsius
„ Archiepiscopi, sive Archiepiscopatus Mediolanensis, potest
„ disponere & ordinare de ipsa Ecclesia & de ipsis ædifi-
„ ciis & sediminibus tam Ecclesie quam Superstantie, & de
„ ipsa braida, sicut diffinitur braida illa per coherentias,
„ quibus voluerit ad ejus utilitatem, reservato sibi omni
„ jure tam in Beneficiis sive Præbendis quam in Superstan-
„ tia quæ remansit, & in redditibus suis, & in Hospi-
„ tali, & in Ecclesiis Sancti Petri ad Scoldasolem, & San-
„ cti Stephani in Bixiario, & in omnibus aliis, prout con-
„ tinetur in Charta scripta per me Jacobum de Puteo No-
„ tarium, milleximo ducentesimo vigesimo, die Mercurii,
„ decimo die Augusti. Dicitur Dominus Ugo Cimiliarcha,
„ Vicarius dicti Domini Henrici Mediolanensis Ecclesie Ar-
„ chiepiscopi, præsentibus & consentientibus, atque confir-
„ mantibus Domino Alberto Amicono, dicte Mediolanen-
„ sis Ecclesie Archipresbytero, & Domino Guilielmo de
„ Rezolo, dicte Mediolanensis Ecclesie Archidiacono, &
„ Magistro Stephanardo Bilbo, & Alcherio de Terziago,
„ & Guilielmo Rina, & Anrico Comite, & Ottone de
„ Landriano, & Amizone de Porta Romani, Ordinariis di-
„ cte Mediolanensis Ecclesie, auctoritate ipsius Domini Ar-
„ chiepiscopi, seu Archiepiscopatus & Mediolanensis Ecclesie;
„ concessit, contulit, dedit, & confirmavit Magistro Jaco-

D d d 2

„ bo,

„bo, Priori Fratrum Ordinis Prædicatorum, recipienti suo
 „nomine, & nomine ipsorum Fratrum qui morantur, vel
 „de cetero moraturi sunt in Mediolano, Ecclesiam Sancti
 „Eustorgii, & locum domorum sive ædium & Sediminum
 „tam Ecclesiæ quàm Superstantiæ, & totam braidam, quæ
 „est juxta Ecclesiam ipsam, a monte parte ipsius Ecclesiæ,
 „sicut diffinitur braida illa per cohærentias. Et hoc fece-
 „runt prædictus Dominus Cimiliarcha, & præfati Ordinarii,
 „reservato ipsis Præposito & Canonicis Sancti Eustorgii om-
 „ni jure tam in Beneficiis sive Præbendis, quàm in Su-
 „perstantia quæ remansit, & in redditibus suis, & in Hof-
 „pitali, & in Ecclesiis Sancti Petri ad Scoldasoleum, &
 „Sancti Stephani in Bixiario. Et hoc totum factum est,
 „salvâ in omnibus auctoritate dicti Domini Archiepiscopi
 „Mediolanensis.

„✠ Ego Henricus Mediolanensis Ecclesiæ Archiepisco-
 „pus subscripsi.

„Ego Jacobus filius Domini Guillelmi de Putco, de
 „Pusterla Sancti Stephani, Civitatis Mediolani, Not . . .
 „ac Missus Domini Ottonis Imperatoris interfui
 „dicti Domini Cimiliarchæ scripsi.

Cum superius jam statuerimus, Archiepiscopum Henricum
 in Italiam a Jerosolymitano bello fuisse reversum, & Ca-
 ravallensis Cœnobii Templum solemnī consecratione Deo de-
 votissime Anno MCCXX, VI. Nonas Maji, non parum Sen-
 tentiam nostram infirmare videtur hæc Charta, quæ data
 est octavo die ante Calendas Novembris. Cur enim non
 ipse Henrici nomine scripta fuit, sed ejusdem Vicarii?

præ-

præsertim cum non constet quo tempore eidem subscripserit Archiepiscopus noster. Equidem facile tolli hic scrupulus posset, afferendo, inceptum a Vicario suo Sacrum hoc Opus, voluisse Archiepiscopum nostrum, ut ab eodem abolveretur; appposito tantum suo nomine, ut Translatio firmamentum acciperet. Hinc tamen argumentum capi nequit, tunc solum itinere in Orientem sese Henricum commississe: Ad convellendam namque Ughelli opinionem, satis est dissidium illud inter Nobiles & Plebejos, quod ipse commemorat, occasione cujus extra Urbem migrare coactus est Archipræsul Mediolanensis; illud enim excitatum fuisse eodem Anno MC-CXX, ex Epistola Honorii ad Vercellensem Episcopum misisa comperimus, data siquidem est XVIII. Calendas Februarii, Anno MCCXXI. In ea verò præcipit, ut sacro anathemate feriat Amiceum Saccum Laudensem, *quondam Mediolani Prætorem*, idest qui jam ab officio suo exciderat; quòd Henricum Archiepiscopum Mediolanensem exulare coëgisset. Sigonius, qui in annum sequentem differt feralem hanc discordiam inter Nobilitatem, & Credentiam quæ Opificibus constabat, exortam, ait: *Cum, irritatis animis ad arma discursum esset, Henricus Archiepiscopus cum parte Nobilium Urbe exire coactus, atque in exilio esse jussus, Canturium occupavit, atque ibi se præfidiis ac munitionibus confirmavit.* Non igitur eo tempore transmarinas regiones adiit Henricus; sed pugnae intentus, ob recuperandam Sedem nec non jura & prædia, quæ invaserat plebs insana, militiæ vacabat, quemadmodum Tristanus Calchus testatur ad Annum MCCXXI, subdens, pacem quidem Augusto mense

fa-

factam, sed citò abruptam, & toto triennio vexatam armis: fuisse Mediolanensem Civitatem.

Porro exacto hoc triennio, Anno MCCXXIII., decimoquinto die ante Calendas Augusti, Indictione XI., ab Henrico Archiepiscopo nostro Donationem factam quorundam reddituum Lectoribus Metropolitanæ Ecclesiæ legimus in Ughello. Cum enim ob paupertatem fructuum Ecclesiasticorum Ministri Altaris a Divinis Officiis sæpe abessent, nonnulla ex Archiepiscopatus patrimonio ipsis in perpetuum indulgit, simulque approbavit confirmavitque Donationem consimilem, quam iisdem & Successoribus obtulerant Fratres sui Canonici Ordinarii: Statuens imposterum, ut frequentes forent gerendis muneribus suis in Ecclesia, jubensque insuper, ut Feito die Sancti Martini pecunia singulis distribueretur, prout unusquisque præsentiam suam præstitisset, tamquam Residentiæ præmium; & in solemnioribus diebus ibidem enumeratis duplex unicuique portio obtingeret: Quod non tantum religiosissimum Antistitis nostri & primoris Ordinis Sacerdotum animum ostendit, sed etiam in gloriam non modicam Ecclesiæ Ambrosianæ vergit, quæ, tanto ante Concilium Tridentinum tempore, Residentiæ legem iis indixit, qui Sacris Ministeriis in Choro obeundis incumbabant.

Retulimus superius quæ Henricus Archiepiscopus egit, ut novos Cultores, nempe Sancti Dominici Alumnos in vineam Domini sibi commissam immitteret, ipsis assignando insignem vetustamque Basilicam, ubi olim jacuerant Corpora Sanctorum Magorum, qui oscula infixærant Divinis pedibus Christi Domini in præsepio degentis; eos enim prævidebat

Ec-

Ecclesiæ suæ plurimum profuturos frequentibus Concionibus, quæ uberi Divini verbi pabulo Oves suas aluissent. Alteram gloriæ Henrici monumentum, non secus ac Metropolis nostræ, adventus fuit ipsiusmet præclarissimi hujus Ordinis Conditoris, Sancti Dominici. Bis istum accessisse Mediolanum, nostrates & Prædicatorum Ordinis Scriptores referunt, eorumque testimonio utitur Puricellus laudatus. Primâ vice, constituisse tradunt in Canonica Sancti Nazarii. Anno MCC-XIX., eoque Dei amore quò exardebat, sæpius e suggestu perorasse, tantâ populi commotione, ut, cùm fœda colluvies Hæresum Mediolanensem Urbem, sicut & ceteras, non modicè infecisset, quamplures illam ejuraverint, & influente Divino spiritu in eos, Ordinem quoque ejusdem amplexi fuerint. Tres inter alios recensent memorati Scriptores, Robaldum Albingensem, Jacobum Montiensem, seu de Mo-doëtia, & Amizonium de Solario, Jurisprudentiâ & muneribus publicis gestis celebres, qui postmodum sanctimoniâ & Apostolicis toleratis laboribus pro Catholica Fide in populis confirmanda, summa cum laude floruerunt. Nonnullos alios enumerat Taëgius, in *Chronico* MS.to penes Cœnobium Dominicannum Sanctæ Mariæ Gratiarum Mediolani, his verbis: *In Canonica Sancti Nazarii Beatus Dominicus hospitatus est, & per quosdam dies ibi moram trahens prædicationis officio insistere cepit, & non modicum in populo illo fructum fecit: Quosdam autem præclaros Viros tunc temporis ad Ordinem recepit, videlicet Guidotum de Sexto Mediolanensem, Decretorum Doctorem, Auditoremque Contradictoriarum in Curia, & in Ordine unum ex primis Inquisitoribus*

ba-

heretica pravitatis in Lombardia, Rogerium de Merate, Doctorem Juris famosissimum, & postmodum in Ordine Mediolanensem Priorem &c. Secundò inductis jam in Basilicam Eustorgianam Fratribus suis, penes ipsos hospitium recepit Sanctus Dominicus Anno MCCXX, atque ibidem febri correptus in ægitudinem incidit, qua, sequente anno vehementius ingravescente, meritis cumulatissimum spiritum Bononiæ Deo reddidit.

Hiscæ proventibus in Mediolanensi populo tum a Sancto Dominico, tum ab ejusdem Sociis, Divinæ gloriæ desiderio procuratis, Henricus Archiepiscopus iisdem gratificari volens, Diploma expeditivit Anno MCCXXVII, quo non modò Eustorgianos Patres in ea Basilica confirmavit, sed etiam ita disposuit res omnes, ad eorum dominium pertinentes, ut in posterum nulla cum Canonicis Laurentianis litium semina possent succrescere, atque ita animarum saluti & Prædicationi evangelicæ tranquillè incumbere. Quamvis autem illud vulgaverit Puricellus, nos *ex Miscellaneis* MS. tibus Francisci Castelli in lucem idem proferimus.

„ Henricus miseratione Divina Sanctæ Mediolanensis Ecclesiæ Archiepiscopus, Dilectis in Christo Filiis Priori & „ Conventui Sancti Eustorgii Mediolani, Ordinis Fratrum „ Prædicatorum, tam præsentibus, quàm futuris, Mediolani commorantibus & commoraturis in peperuum. Officii nostri debitum exigit & requirit, ut in iis, quæ „ ad cultum Religionis pertinent, teneamur propensius intendere, ac ea effectu prosequente studiosius adimplere. „ Hinc est quòd, cùm propter Dei timorem, & Sanctæ

„ Ro-

„ Romanæ Ecclesiæ devotionem, ac totius Cleri & populi
„ Mediolanensis utilitatem & profectum, Ecclesiam Sancti
„ Eustorgii, sitam in Suburbio Portæ Ticinensis Mediolani,
„ unâ cum Sedimine & braidâ, insimul se tenentibus, ad
„ faciendum hortos & brolium, ac domos ædificandas, quæ
„ omnia Uberty Marinonus, tunc ipsius Ecclesiæ Præpositus,
„ & Presbyter Rolandus, & Presbyte: Lanfrancus, & Ay-
„ roldus ejusdem Ecclesiæ Canonici refutaverunt in manum
„ Ugonis Cimitarchæ Mediolanensis, Vicarii nostri, qui tunc
„ eramus in partibus transmarinis, in servitio Crucifixi, vo-
„ bis vestrisque Successoribus, auctoritate Mediolanensis Ec-
„ clesiæ, de consilio Fratrum nostrorum, duxerimus conce-
„ denda; volentes ipsis Præposito & Canonicis tollere oc-
„ casionem evagandi; timentes etiam, ne aliquo modo se-
„ ducti, ipsi vel eorum Successores haberent materiam ve-
„ xandi sive molestandi vos aut vestros Successores aliqua-
„ tenus in futurum; de consilio Fratrum nostrorum, ac de
„ consensu dictorum Uberty Præpositi, & Presbyteri Rolan-
„ di, & Ugonis & Chunradi, ejusdem Ecclesiæ Canonico-
„ rum; volentibus etiam & consentientibus Presbyteris Go-
„ zio, Amizone, Gullielmotto, Sozone, Chunrado, &
„ Ambrosio, Canonicis Ecclesiæ Sancti Laurentii Mediola-
„ nensis; consideratis utilitatibus Ecclesiæ Sancti Laurentii &
„ Canonicorum ejusdem Ecclesiæ, in qua Ecclesia sunt tan-
„ tum octo Canonici cum Præposito, & utilitatibus Eccle-
„ siæ Sancti Eustorgii, Præpositi & Canonicorum illius Ec-
„ clesiæ, in qua Canonici sunt tantum quatuor Canonici cum
„ Præposito, & pensatis circumstantiis locorum & persona-

E e e

„ rum

„rum & totius negotii ; univimus prædicta duo Capitula
 „Sanctorum Eustorgii & Laurentii, & de eis duobus Ca-
 „pitis fecimus unum Capitulum & unum Collegium, trans-
 „ferendo dictos Præpositum & Canonicos Sancti Eustorgii, &
 „bona & possessiones, & jura Ecclesiæ Sancti Eustorgii, cum
 „omnibus suis oneribus ; ita quòd onera utriusque Ecclesiæ, seu
 „ipsius Capituli sic uniti, sint communia ad Ecclesiam Sancti
 „Laurentii ; exceptis his, quæ jam vobis sunt concessa,
 „ita quòd de cetero dicti Præpositus & Canonici Sancti
 „Eustorgii, & Canonici Sancti Laurentii, sint unum Cor-
 „pus & idem Capitulum & Collegium Sancti Laurentii,
 „& sint & esse debeant cum uno Præposito tantum duo-
 „decim ; & vos Ecclesiam Beati Eustorgii, cum rebus vo-
 „bis concessis liberè habeatis, pacificè ac quietè secundum
 „Ordinem vestrum teneatis & possideatis. Item statuimus
 „& ordinamus, ut Libri & ornamenta & utensilia Eccle-
 „siæ Sancti Eustorgii remaneant in illa Ecclesia, & sint
 „ipsius Ecclesiæ Sancti Eustorgii. Item subijcimus & sup-
 „ponimus Hospitale, quod dicitur Sancti Eustorgii, & Ec-
 „clesias Sancti Petri ad Scaldasole, & Sancti Stephani in
 „Bixiario, cum omnibus rebus & possessionibus & juribus
 „ad ipsas Ecclesias & ad ipsum Hospitale pertinentibus,
 „Ecclesiæ, seu Præposito & Capitulo, seu Collegio Sancti
 „Laurentii sic unito. De facto verò Superstantiæ statuimus
 „& ordinamus, ut dominium & institutio & omnia jura
 „& possessiones ipsius Superstantiæ remaneant in potestate Ec-
 „clesiæ Sancti Eustorgii, & personarum in ea Ecclesia San-
 „cti Eustorgii commorantium, vel quæ sunt commoraturæ

„ in

„ in perpetuum , ad usum Fabricæ illius Ecclesiæ ; & salvo
„ quòd administratio fructuum illius Superintantiæ sit in po-
„ testate Uberti Marinoni , quondam Præpositi Sancti Eu-
„ storgii , quousque vixerit ; faciendo de ipsis fructibus fieri
„ laborem Fabricæ ipsius Ecclesiæ Sancti Eustorgii . Et post
„ ejus decessum fructus omnes , & administratio , & omnia
„ jura illius Superintantiæ liberè deveniant & sint illius Ec-
„ clesiæ Sancti Eustorgii & personarum , ut supra dictum
„ est , ad usum Fabricæ prædictæ Ecclesiæ . Nulli ergo om-
„ nino hominum in nostra ditione commorantium liceat
„ hanc paginam nostræ Institutionis sive Ordinationis infrin-
„ gere , vel ei ausu temerario contraire . Si quis autem
„ hoc attemptare præsumpserit , indignationem Omnipotentis
„ Dei , & nostram se noverit incursum . Datum millesimo
„ ducentesimo vigesimo septimo , die Sabbati , nono die
„ ante Calendas Februarii .

„ Ego Henricus Mediolanensis Ecclesiæ Archiepiscopus
„ subscripsi .

Romam subinde profectus est Henricus ; cùmque Gre-
gorius IX Pontifex Maximus Ecclesiam Sancti Adriani so-
lemni ritu consecraret , XIII. Calendas Aprilis , Anno Do-
mini MCCXXVIII. , Archiepiscopus noster huic Celebritati in-
terfuit simul cum aliis Cardinalibus & Episcopis . Testis est
Inscriptio , in abside ibidem incisa , quæ tertio loco inter
reliquos Præsules , quos enumerat adstantes , Archipræsulem
Mediolanensem recenset . Legitur hæc Inscriptio in Oldoino ,
ubi de rebus gestis a Gregorio IX. mentionem agit .

Vigilantiæ tam accurati Pastoris satis non fuit , Sancti

Dominici Alumnos Mediolani fixisse. Quamobrem Sedi suæ restitutus, cùm animadverteret, variis Hæresum sæcibus & Gallia huc illabentibus (ut tradit Sigonius ad Annum MC-CXXIX.) coinquinatam esse hanc Urbem, auctoritate Legati Apostolici Gaufridi Cardinalis Tituli Sancti Marci usus, expellendos Mediolano omnes hac pice infectos curavit. Nec abnuit Apostolicus Missus, qui Prætori anni illius Bonacursio de Porta, Brixienfi, in mandatis dedit, ut convocato communi Consilio capitale exilium iis indiceret: Quinimo inter Statuta Civitatis, ea quæ ipse præcipiebat, imposterum inviolabiliter observanda collocaret. Refert Bernardinus Corius severissimæ Ediçta, quæ tunc a Præторе aliisque Primoribus promulgata fuerunt, adstante eorundem publicationi Archiepiscopo nostro, ut videlicet nemo Hæreticos excipere posset sub gravissimis pœnis, everterentur eorum domus, & Bona in Fiscum Civitatis referrentur, captivique huiusmodi fursuris homines conjicerentur in eos carceres, quos Archiepiscopus statuisset.

Neque hoc præsentissimo remedio ad expurgandam ab hisce dumis vineam suam contentus fuit Henricus. Sed ne in futuras ætates venenata hæc germina pullularent, aut secretò pestis ista in oves suas irreperet, Inquisitionis Tribunal in nostram Metropolim primus inexit, hac lege ut bini in singulis Tribubus (seu Portis) Fratres ex Ordine Prædicatorum, & Minorum, a Præfectis suis dati constituerentur, qui omnia ad ipsum Archipræsulem referrent, & auctoritate Archiepiscopali Hæreticos indagandos & corripiendos curarent: Prætor autem eos impensis publicis per-

du-

duceret, quodcumque Archiepiscopus voluisset.

Quoniam verò mentionem Fratrum Minorum egimus, prætereundum minimè silentio est, Henicum Archiepiscopum hanc quoque Sactam Coloniam in Mediolanensem Urbem deduxisse. Cum per ea tempora floreret peculiari perfectæ vitæ exemplo Seraphicus Ordo, a Sancto Francisco institutus, missi fuerant a Conditore suo per omnes Regiones ejusdem Alumni. Carere iis noluit Henricus. Petrus Nicolaus Bonavilla, ex Fratribus Minoribus Observantiæ, in *Serie Chronologica Cœnobiorum sui Ordinis*, Mediolani vigentium tradit, paulò post inductos ab Archipræsule nostro Fratres Ordinis Prædicatorum, hos quoque fuisse advocatos Anno MCCXXI. (non MCCXII., quemadmodum Wadingus retulit) tamquam præstantes Divinæ gloriæ Administros; & primò iisdem assignatam ab Henrico pro Hospitio Ecclesiam Sancti Victoris ad Theatrum; subinde verò eos ad alteram Sanctæ Mariæ Fulcorinæ fuisse translatos. Diu ibidem permansere; nostraque constans Traditio refert, Sanctum ipsum Franciscum, ad hanc Metropolim adventantem ut eos inviseret, in eodem loco commoratum esse. Quin etiam ad nostram usque ætatem commonstrabatur Cellula, & solum, in quo ipse dormiens cubaverat; sed occasione novi construendi Templi, dirui illam oportuit. Nihilominus eo loci Sacellum erectum fuit, Seraphici Patris Simulacro ad pedes Crucifixi Salvatoris apposto, infixusque parieti proximo lapis est, qui tanti recepti honoris memoriam posteris commendet. Et sanè non modica Urbi nostræ gloria accessit ex Sanctorum Dominici & Francisci hospitio, qui

qui lumina & fulcimentum Catholicæ Fidei extiterunt.

Tentaverat Henricus Archiepiscopus, crescente Fratrum Minorum numero, ampliores ædes iisdem parare; eaque Basilica, quæ Sanctis Nabori & Felici Martyribus dicata erat, & antiquissimo Civium cultu inter prima Deo sacra Templâ numerabatur, opportuna figendæ hujus Sacræ Familiæ Sedi videbatur. Duo tamen obstitere, videlicet repugnantia Præpositi & Canonicorum eandem Basilicam incolentium, qui inde recedere prorsus recusabant, & mors intempestiva, quæ præclara tanti Præfulis meditamenta abruptit. Hæc tamen optatum ab ipso exitum habuere post ejus obitum, ut suo loco narrabimus. Emendandus autem est in hoc Ughellus, qui assignatam fuisse Alumnis Sancti Francisci Basilicam Naborianam ab Henrico absque dubitatione tradidit; hoc enim beneficium a Leone de Perego Antistite nostro, Anno MCCLVI. recepere, quemadmodum infra patebit.

Referri quoque ad peculiarem piissimi hujus Pastoris laudem debet, quod non Viris tantum, sed etiam Fœminis, quæ sub vexillo Seraphici Patris Deo militabant, hospitalem domum Mediolani aperuerit. Narrat præclarissimi sui Ordinis Chronographus Wadingus, sub exordium ejusdem adventasse in nostram Metropolim Jacobam, sociam Agnetis (quæ Soror erat Sanctæ Claræ, Matris & Magistræ Monialium, quæ *Clarisse* appellantur) cum nonnullis pedissequis, quæ Crucifixo & Seraphicæ Regulæ sese devoverant, in hac nostra Urbe sacram sedem figere peroptantibus. Benignissimè illas excepit Henricus, precibus etiam ada-

adactus Hugonis Cardinalis Ostiensis; utque commodius regularibus Instituti sui exercitationibus vacare possent, Ecclesiam Sancti Apollinaris liberali dono largitus est. Dubius hæsit laudatus Bonavilla circa Annum hujus largitatis, ab Henrico in has Moniales effusæ; censuitque, id peractum fuisse Anno MCCXX. Constat tamen ex Charta in ejusdem Cœnobii Archivo asservata, quam (sub num. I.) ad calcem hujus Vitæ, cum aliis reliquis dabimus, Religiosas hæc Fœminas donatas fuisse ab Henrico Archiepiscopo, Anno MCCXXIV. in finem vergente, tum Ecclesia Sancti Apollinaris, tum Sedimine & domibus ac ædificiis ipsi Ecclesiæ adjacentibus. Horum autem omnium jus ac possessionem, mandante eodem Archipræfulæ adeptè postmodum fuisse, quemadmodum docet altera Charta (sub num. II.) sexto post donationem die confecta. Insuper facultas iisdem tributa est Anno insequente MCCXXV., ut ibidem Asceterium conderent, sibi que Domicilium pararent omnino longè a strepitu vulgi civiumque hujus Metropolis, prout docet publicum Documentum (sub num. III.) die quarto Februarii exaratum. Denum ad preces Gregorii IX. Summi Pontificis hortum quoque, qui alendis, Sacerdotibus, olim Sancti Apollinaris Ecclesiam incolentibus patrimonii loco deserviebat, iisdem Monialibus indulgit Anno MC-CXXVIII., die XXVI. Aprilis, publicis tabulis id testantibus (sub num. IV.); ita tamen ut decedente quolibet ex iis, qui fructum annuum inde capiebant, in utilitatem plenamque possessionem Monasterii portio illa quæ prædicto fructui respondebat, in perpetuum recideret. Cumulavit pariter

riter sacrum hunc gregem famularum Dei, pietatis ornamen-
tis, Corpore videlicet Sancti Fauſti Mediolanenſis militis &
Martyris, atque (ut antiqua fert Traditio) alterà ex Co-
ſtis Sancti Laurentii Archidiaconi, quæ ſingulis annis in il-
lius Eccleſiæ Ara publico cultui exponitur. Ceterùm dubi-
tari nequit de effuſa Antiſtitis noſtri largitate ac benefi-
centia erga peregrinam Sancti Franciſci Aſſiſiatis Familiam,
Mediolanum proſectam, cùm Gregorius IX. Summus Ponti-
fex Diploma Donationis quorundam Beneficiorum, in favo-
rem Monialium Sancti Apollinaris noſtræ Urbis, datum Pe-
ruſii Anno MCCXXXV., V. Calendas Aprilis, Pontificatûs
ſui anno nono, ita exordiat: *Cùm o'lm bonæ memoriæ
Mediolanenſis Archiepiſcopus (Henricus) Sancti Apollinaris
(Eccleſiam) in qua vos perpetuo clauſtro clauſiſtis, piâ
vobis liberalitate duxeris concedendam &c.*

Antequam Henricus vitam deponeret, diſſidium emerſit,
quod acerbo illius animum dolore conſixit. Homobonus Epi-
ſcopus Cremonenſis pluriſque aliis rebus in Eccleſia ſua egre-
giè geſtis clarus, ſubrepere ſibi permittit quemdam ſuperbæ
elationis factum, quo debitæ Metropolitanæ ſuæ obedientiæ
jugum conatus eſt prorfus excutere, ſeſe omnino eximens
ab ejuſdem juridiſtione. Diu agitata eſt Cauſa; imo ad
Apoſtolicam Sedem deferri illam oportuit. Cùm autem futi-
libus tantùm conjecturis & ſtramineis rationibus ſeſe tueret-
ur Cremonenſis Antiſtes, Gregorius IX. Pontifex Maxi-
mus Homobonum damnavit, eiſque juſſit, ut Archiepiſcopum
Mediolanenſem revereretur, ejuſque mandatis tamquam ſaſ-
fraganeus obtemperaret. Refert Ughellus *in Epiſcopis Cremo-*

mensibus, has Literas Gregorii Summi Pontificis, *datas Perusii III. Idus Julii, Pontificatus sui Anno secundo*, Christi MCCXXVIII. Anonymus autem Scriptor Catalogi jam laudati, qui præsens erat, minutim narrat modum, quo publicè reconciliatus est Henrico Homobonus, his verbis: *Tandem convictum, & per Sententiam condemnatum, debitam fidelitatem, præstito juramento, solito more, coram cuncto istius Civitatis Clero, ibi etiam adstante innumera populi utriusque Sexus multitudine diversarum ætatum, scilicet puerorum, adolescentum, juvenum, & senum in medio Ecclesiæ Beatæ Theclæ, sibi & Mediolanensi Ecclesiæ fecit exhibere.*, Anno Domini MCCXXIX., in Fisto Purificationis Beatæ Mariæ, horâ tertiâ, Clero veniente cum Processione a Sanctâ Maria Beltrade, secundum debitam consuetudinem.

Quàm celebris esset Mediolani hæc Supplicatio, constat ex Beroldo alibi laudato, qui sub initium Seculi XII. florebat; ait enim, universum Clerum die Hippapantis, idest Præsentationis in Templo Domini Nostri Jesu Christi, a Deipara Virgine il'uc delati, unâ cum Archiepiscopo ad Ecclesiam, quæ apud nos appellatur *Sanctæ Mariæ Beltradis*, convenisse, atque ibidem benedicto thure, & accensis candelis inceptos fuisse cantari Hymnos & Psalmos; atque inde processisse distinctis Ordinibus ad Ecclesiam Majorem, cuncto populo religiosissimè prosequente, & ducibus Sacerdotibus Imaginem Beatissimæ Virginis, puerum Jesum gestantis in ulnis (quam *Illeam* vocabant) super humeros asportantibus. Extat adhuc Lapis infixus in altero ex lateribus frontis Ecclesiæ Sanctæ Mariæ Beltradis, rudi scal-

pro effectus, qui solemnem hanc Supplicationem, cum Idæa Archiepiscopo & Veglonibus, repræsentat. Quin etiam in præsentia viget hæc consuetudo, memorato die annuatim renovata, quo tantum intus Metropolitanam Basilicam depicta hæc Tabella ab ejusdem Clero circumfertur. Hæc obiter adnotavimus hoc loco, ut verba Scriptoris Catalogi summam explicaremus; latius verò de iis differetur, cum in publicam lucem edentur Commentaria Ritûs Ambrosiani.

Regimen suum clausit Henricus præclaro testimonio animi sui ad pacem compositi, quamvis ipse in ærumnis, proscriptionibus, pugnis, dissidiisque Annos, quibus præfuit huic Ecclesiæ, inviçtâ constantiâ transigere debuisset. Nemo est qui ignoret, quàm frequentia essent bella Mediolanensis Urbis cum finitimis populis, & quot in singulis Urbibus factiones acriter invicem in cruentas pugnas abirent. Fervebat Anno MCCXXIX aliud prælium cum Veronenfibus tanto ardore, ut die ipso Pascharis Factiones duæ, quietis impatientes, armis inter sese occurrerint, & obitinato utrinque certamine edito, suas quisque domos se magnâ cæde retulerit, ut scribit Sigonius. Condoluit Pastor noster tam infelices temporum vicissitudines, quibus una alteram ex florentiissimis Urbibus discerpebat. Quocirca, ut in fœdus amicum reducerentur, curavit; atque ad illud faciendum (ut prosequitur idem Sigonius) *IV. Nonas Decembris ejusdem anni Moderatores, Prætores, Rectors, ac Legati Civitatum fœderatarum Mediolani convenere, atque in præsentis Henrici Archiepiscopi, Gusefredi Legati Sedis Apostolica, & Fratris Guallia* (ex Ordine Prædicatorum, Pontificii pariter Legati).

de

de fœdere retulere. Dictis ab omnibus sententiis, universi consensu maximo censuerunt, ut fœdus renovaretur.

Consumptus tandem curis pro Ecclesia Mediolanensi atque etiam Romana, dum ad Oppidum Brebbiæ, Archiepiscopalis sui juris, divertisset, animum fortasse ab earum onere levaturus, in morbum incidit Henricus, & ad æternam quietem migravit Anno MCCXXX., XVI. Calendas Octobris. Admirationem nobis primò ingessit Ughellus, qui Anno sequente eundem naturæ cessisse die III. Octobris scribit, cùm statim oculis subiciat Epitaphium appositum in Æde Sancti Francisci Mediolani a Carolo Septala, postmodum Episcopo Derthonensi, in quo annus a nobis & a Catalogis statutus legitur. Verùm cùm Editionem Romanam ejusdem Ughelli consuleremus, hanc funebrem Inscriptionem minimè relatam vidimus: Quocirca in ea sumus opinione, additamentum hoc esse Editorum Venetæ Urbis, quamvis consuetas virgulas, quibus nova additamenta designant, minimè appofuerint. Epitaphium autem sic se habet.

ÆTERNITATI.

HENRICUS SEPTALA

MEDIOLANI ARCHIEPISCOPUS

DOCTRINA, PIETATE, AC RERUM GESTARUM GLORIA
INCOMPARABILIS

AD TANTÆ REGIMEN ECCLESIAE

AB INNOCENTIO III. ELECTUS

AB HONORIO III. CONSECRATUS,

COMES REGUM AC DYNASTARUM

CUM EGREGIA MEDIOLANENSIVM NOBILIVM

AC MILITVM MANV

JEROSOLYMITANAM SUSCEPIT EXPEDITIONEM.

METROPOLITANI JURIS MIRUS VINDEK FUIT,

INSTITVTO INQVISITORE JVGVLAVIT HÆRESES:

DOMINICANVM ET FRANCISCANVM ORDINES

IN HANC VRBEM PRIMVS EXCEPIT, EISQVE DOMICILIA

CONSTITVIT :

PLVRIBVS ECCLESIVS PATRIMONIVM NON MEDIOCRE

ADDIDIT.

MEDIOLANENSI ECCLESIA PER ANN. XVI. ET MENS. X.

LABORIOSISSIME ADMINISTRATA

QVIEVIT ANNO SALVTIS MCCXXX. XVI. CAL OCTOBRIS,

ELATVSQVE PIO ET VERO VNIVERSÆ ITALIÆ DOLORE

HIC JACET.

CAROLUS SEPTALA JURISCONSULTUS COLLEGIATUS,
SANCTISSIMI DOMINI NOSTRI INNOCENTII X.
UTRIUSQUE SIGNATURÆ REFERENDARIUS,
ET METROPOLITANÆ MEDIOLAN. ARCHIPRESBYTER
BENEMERITO PROPATRUO TRITAVI MAXIMO
ANNO MDCLII.

P.

Erravit Galefinius in *Tabula Archiepiscoporum Mediolanensium*, qui tradit, Henricum Mediolani obiisse; cùm omnium Scriptorum consensu asseratur, eundem defunctum in Oppido Brebbiæ, atque illinc ad nostram Urbem translatum, in Ecclesia Sancti Victoris appellati ad *Uinum*, primum Tumulum habuisse; subinde in marmorea Arca adhuc extante conditam fuisse illius Corpus in Basilica Sancti Francisci, quæ tunc dicata erat Sanctis Nabori & Felici, insculptâ Urnæ hac brevi Epigraphe:

HENRICUS SEPTALA ARCHIEP. MEDIOLAN.

Corruente postmodum Templo illo ex improvviso, innoxio tamen lapsu, alioque magnifico extructo, deposita sunt hujus Antistitis Ossâ ante Altare Majus, cum hoc funebri Elogio:

HEN-

HENRICO SEPTALÆ
MEDIOLANI ARCHIEPISCOPO
SERAPHICI HUIUS ORDINIS
BENEFACTORI EXIMIO,
POST RESTAURATUM TEMPLUM
A PATRIBUS HUC TRANSLATO
GRATI ANIMI MONUMENTUM
AN. D. MDCCXVIII.

Anonymus Auctor Catalogi Bibliothecæ Metropolitanæ tradit, administratam fuisse ab Henrico Ecclesiam Mediolanensem *per Annos XVI., menses X., minus XII dies*. Si tamen computus fiat ab Anno MCCXIII. die IV. Novembris, quo ab Innocentio III. creatus est Archiepiscopus, usque ad XVI. Calendas Octobris Anni MCCXXX., cui ipsemet Henrici obitum figit, clarè pater, tempus Sedis ab eodem assignatum debuisse protendi usque ad alios dies XXIV., ut decimum sextum diem Septembris attingeret. Censemus tamen, hunc Auctorem non enumerasse dies quos impendebat Henricus, ut a Bononiensi Urbe, ubi literis operam navabat, se Mediolanum conferret; sed tantum eos enunciasse, quibus verè in hac Mediolanensi Cathedra sedit.

Ughellus Henrico attribuit XX. annos regiminis, ob errorem, quem ab initio admisit, biennio ejusdem electionem præveniens, vitamque postmodum uno Anno proterendens.

Num.

Num. I.

*Donatio Ecclesiæ Sancti Apollinaris, facta ab Henrico
Mediolanensi Archiepiscopo Jacobæ Abbatisæ & So-
roribus Ordinis de Spolito, Anno MCCXXIV.*

II. Novembris.

„ In nomine Domini. Anno Dominicæ Incarnationis mil-
„ lesimo ducentesimo vigesimo quarto, die Sabbati, qui
„ est secundo die Mensis Novembris, Indictione teritiade-
„ ma, In Castro Bribæ, in Palatio Domini Archiepiscopi.
„ Ad honorem Dei & Sanctæ Romanæ Ecclesiæ. Dominus
„ Henticus Dei gratia Sanctæ Mediolanensis Ecclesiæ Vene-
„ rabilis Archiepiscopus, attendens honestatem & religionem
„ Jacobæ Abbatisæ & pauperum Sororum Mediolani com-
„ morantium Ordinis de Spolito, & ad preces Domini Hu-
„ gonis Dei gratia Hostiensis Episcopi, dedit titulo devo-
„ tionis, concessit Ecclesiam Sancti Apollinaris, sitam iusta
„ Portam Romanam, prope Fossatum Civitatis, & Sedimen-
„ cum domibus & ædificiis ipsi Ecclesiæ cohærentibus, præ-
„ dictis Abbatisæ & Sororibus, earumque Successtricibus ibi-
„ dem commoraturis in perpetuum, secundum Regulam
„ Ordini Spolitano a Domino Papa concessam, vitam du-
„ cturis: Ita ut de cetero præfata Abbatisa & Sorores, &
„ earum Successtrices habeant, teneant, & possideant Ec-
„ clesiam, domos, & Sedimen, ut supra legitur, faciendo
„ & solvendo Annis singulis Cereos quos duarum librarum,
„ no-

„ nomine Censur & devotionis præfato Domino Archiepi-
 „ scopo & ejus Successoribus, in omni Festo Sancti Apol-
 „ linaris. Interfuerunt ibi Teites Dominus Fulco de Der-
 „ vio, Mediolanensis Ecclesiæ Ordinarius, filius quondam
 „ Domini Bartholomæi de Dervio, & Magister Anselmus
 „ Camararius Domini Archiepiscopi, filius qu. Hugonis de
 „ Gasteanea, & Landulfus filius Pedrusi de Castro Seprio,
 „ Canonicus de Sergiano, & Dominus Girardus filius Do-
 „ mini qu. Petri de Vigiudo Canonicus de Crena, & Bru-
 „ netus filius qu. Oldradi de lo Carmaniago, qui de man-
 „ dato Domini Papæ est Provisor & Rector omnium Mo-
 „ nialium ipsius Ordinis.

„ ✠ Ego Henricus Ecclesiæ Mediolanensis Archiepisco-
 „ pus subscripsi manu propria.

„ ✠ Ego Sigibaldus Officialis Ecclesiæ Sancti Apollina-
 „ ris subscripsi.

„ ✠ Ego Conradus septem denariorum, Presbyter San-
 „ cti Apollinaris subscripsi.

„ Ego Albertus Notarius Sacri Palatii, filius Alberti
 „ Apoliti Judicis, Civis Mediol., qui modò habito in Bur-
 „ go Angleriz, hanc Chartam tradidi, & scripsi.

Num. II.

*Posseſſio Eccleſiæ Sancti Apollinaris & domum ac ædificiorum
ipſi adjacentium , acquiſita per Abbatiffam Jacobam
& Sorores Ordinis de Spolito Anno MCCCXXIV.
die VIII. Novembris .*

„ In nomine Domini . Anno Dominicæ Nativitatis mil-
„ leximo , ducenteximo , vigesimoquarto , die Veneris , octa-
„ vo die Novembris , Indictione decimatertia . Cum Domi-
„ nus Henricus Dei gratia Sanctæ Mediolanensis Ecclesiæ ve-
„ nerabilis Archiepiscopus deliſſet , & titulo donationis con-
„ ceſſiſſet Eccleſiam Sancti Apollinaris , ſitam juxta Portam
„ Romanam , prope Foſſatum Civitatis , & Sedimen , & do-
„ mos cum hediſciis ipſi Eccleſiæ coherentibus Domnæ Ja-
„ cobæ Abbatiffæ , & pauperibus Sororibus Mediolani com-
„ morantibus Ordinis de Spolito , ſicut apparet per publicum
„ Inſtrumentum a me inſradiſto Guidotto Bacco Notario
„ viſum & lectum , factum per Albertum Notarium , filium
„ Alberti Apoliti , Dominicæ Incarnationis milleximo , du-
„ centeximo vigesimo quarto , die Sabbati ſecundo die No-
„ vembris , & ſubſcriptum per ſupradictum Dominum Ar-
„ chiepiscopum , & per Sighebaldum Officiale prædictæ
„ Eccleſiæ Sancti Apollinaris , & per Chunradum Septem-
„ denariorum Presbyterum ejuſdem Eccleſiæ ; & idem Do-
„ minus Archiepiſcopus mandaveſt Præpoſito & Presbytero
„ Guilielmo Sancti Nazarii in Brovio Mediolan. , & Fratri

G g g

„ Leoni

„ Leoni de Ordine Fratrum Minorum , ut prædictas Abbatissam & Moniales , siue Sorores præfati Ordinis de Spolito inducerent in possessionem corporalem & tenutam prædictæ Ecclesiæ , & hedificiorum , sicut apparet per Literas , ipsius Domini Archiepiscopi , ejus sigillo cereo sigillatas , ibi a me infrascripto Guiuotto Bacco visas & lectas , hiidem Præpositus & Presbyter Guilielmus , & Frater Leo , auctoritate ipsius Domini Archiepiscopi , induxerunt dictas Abbatissam & Sorores in possessionem & tenutam Ecclesiæ & domorum & hedificiorum prædictæ Ecclesiæ , intraducendo eas in ipsam Ecclesiam & domos & Sedimen , & assignando eis claves Ecclesiæ & domorum . Actum ad prædictam Ecclesiam Sancti Apollinaris ; unde plura Instrumenta uno tenore fieri rogata sunt .

„ Interfuerunt Testes rogati Magister Anselmus de Castegnanega , Canonicus Sancti Nazarii , filius qu. Hugonis de Castegnanega , & Rogerius , filius qu. Griffi de Tavernasco , de Pusterla Sanctæ Eufemiæ , & Guido & Petrus fratres , filii qu. Bertrami Zocolæ de Verzario , omnes Civit. Mediolani .

„ Ego Guidottus , filius qu. Nigri Bachi de Burgo foris Portæ Romanæ , Civis Mediol. , Notarius & Regis Missus interfui , & rogatus scripsi .

Num. III.

*Facultas concessa ab Henrico Archiepiscopo Medio'anensi Jacobæ
Abbatissæ & Sororibus Ordinis de Spolito, construendi
Monasterium prope Ecclesiam Sancti Apollin-
naris, Anno MCCXXV., IV. Febr.*

„ In Nomine Domini . Anno a Nativitate Domini No-
„ stri Jesu Christi millesimo ducentesimo vigesimo quinto, die
„ Martis quarto mensis Februarii, Indictione tertiadecima .
„ In præsentia Alberti de Summovico, & Guilicioni Cumini
„ Notariorum, & infraßum, c riptorum Testquorum nomina
„ subtus &c. Dominus Henricus Dei gratia Sanctæ Medio-
„ lanensis Ecclesiæ Venerabilis Archiepiscopus, de mera libe-
„ ralitate sua, ac consensu infraßcriptorum Fratrum suorum,
„ videlicet Alberti Archipresbyteri, Guilielmi Archidiaconi,
„ Girardi Vicedomini, Alcherii de Tertiago, Guilielmi Ra-
„ ne, Gonsfredi de Castelliono Cancellarii, Arnaldi de Man-
„ dello, Amizonis de Porta Romana, Rogerii della Turre,
„ Obizonis de Lampuniano, Guilielmi de Pusterla, arque
„ Ambrosii de Pateobonello, ejusdem Sanctæ Mediolanensis
„ Ecclesiæ Ordinariorum, ob honorem Dei & reverentiam
„ Apostolicæ Sedis, & intuitu pietatis, ac obtentu Vene-
„ rabilis Patris Ugonis, Dei gratia Hostiensis & Villetren-
„ sis Episcopi, donavit & concessit arque tradidit Ecclesiam
„ Sancti Apollinaris sitam juxta Fossatum Civitatis Mediola-
„ ni, non multum longe a Porta Romana, cum Sedimine

G g g 2

„ &

„ & horto prope prædictam Ecclesiam, & terra illa, quæ
 „ consuevit esse via, quæ est a meridie partis illius Ec-
 „ clesię, & alia petia terrę, quam Syro Moronus nomine
 „ & ad partem infra scripti Monasterii acquisivit ab Officia-
 „ libus dictę Ecclesię Sancti Apollinaris, prout in alio
 „ quodam publico Instrumento illius acquisiti, a me infra-
 „ scripto Ambrosio Percoffo Notario tradito & scripto con-
 „ tinetur, Dominabus Jacobę & Sororibus ejus tam præ-
 „ sentibus quàm futuris ab habendum & tenendum, ac con-
 „ struendum ibi Monasterium in honorem Beatissimę atque
 „ gloriosissimę Virginis Marię, & Beati Martyris Apollina-
 „ ris, in quo illę & alię Ancillę Christi præsentēs & fu-
 „ turę in paupertate Domino famulentur, juxta formam
 „ vitę pauperum Dominarum clausarum, in Valle Spoliti ma-
 „ nentium, eisdem Sororibus auctoritate Domini Papę tradi-
 „ tam per Episcopum memoratum, & Monasterium & lo-
 „ cum litum ac Sorores ab omni Episcopali jurisdictione
 „ tam in spiritualibus, quàm in temporalibus prorsus exe-
 „ mit, nihil sibi reservans in eo, præter Dedicationem Ec-
 „ clesię, Consecrationes Altarium, benedictiones Abbatissę
 „ seu Monialium, cum ab Abbatissā & Sororibus propter
 „ hoc fuerit requisitus, si tamen ipse Dominus Venerabilis
 „ Archiepiscopus & Successores sui gratis hæc & sine pra-
 „ vitate voluerit exhibere. Reservavit etiam sibi & Archie-
 „ piscopatui duos Cereos duarum librarum in Festo Sancti
 „ Apollinaris, nomine Censui, annis singulis persolvendos.
 „ Sorores verò ipsę, si traditam sibi formam Religionis
 „ aliquando deferentes, eam prorsus contempserint observa-

„ re,

„ re , & sæpe quoque admonitæ se corrigere non curarent ,
„ ex tunc jurisdictioni ipsius Domini Venerabilis Archiepi-
„ scopi & Successorum ejus Monasterium ipsum , & locus
„ ac personæ liberè revertantur . Et hanc donationem sive
„ concessionem ut supra &c. firmam & ratam omni tempore
„ habere promisit , & nullo tempore contravenire . Actum
„ supra Solarium Monasterii Sanctæ Mariæ de Burgo Can-
„ turio .

„ Interfuerunt Testes Ardericus Præpositus Plebis de Gallia-
„ no , Magister Anselmus Camerarius dicti Domini Archie-
„ pscopi , filius qu. Ugonis de Castenianega , Presbyter
„ Amizo Canonicus Sancti Laurentii , Albericus de Ouretis
„ Canonicus de Vicomercato , Ariprandus filius Alberti Ju-
„ dicis de Alzate , Matthæus filius qu. de
„ Settarra , Franciscus filius qu. Lanfranci de Settarra ,
„ atque Manfredus filius Thomasi de Settarra , qui tres Te-
„ stes sunt de Civitate Mediolani , sed habitant in Loco
„ Settarra .

„ Ego Ambrosius filius qu. Jacobi , qui dicebatur Percos-
„ sus , de Parochia Sancti Protasii ad Monachos , Civis Me-
„ diolanensis , Notarius Domini Henrici Regis , hanc Char-
„ tam tradidi , & scripsi , ut supra .

Num. IV.

*Donatio cujusdam Horti adjacentis Ecclesiæ Sancti Apollina-
ris, facta ab Henrico Archiepiscopo Mediolanensi,
Jacobæ Abbatisse & Sororibus Ordinis de
Spolito, Mediolani commorantibus,
Anno MCCXXVIII.,
XXVI. Aprilis.*

„ In nomine Domini nostri Jesu Christi Amen. Anno
„ Nativitatis ejusdem millesimo ducentesimo vigesimo octa-
„ vo, Pontificatus verò Domini Gregorii noni Papæ anno
„ secundo, Indictione prima, mense Aprilis, die vigesimo
„ sexto. Nos Henricus miseratione Divina Sanctæ Medio-
„ lanensis Ecclesiæ Archiepiscopus. Divinæ pietatis intuitu,
„ & ad preces Domini Gregorii Summi Pontificis, ac ani-
„ mæ nostræ remedio, hac die præsentialiter ex nunc
„ damus, cedimus, tradimus, concedimus & confirma-
„ mus tibi Fratri Martino, recipienti ad opus & utilita-
„ tem Monasterii Sanctæ Mariæ apud Sanctum-Apollinarem,
„ & ipsius Monasterii Abbatisse & Monialium, & per
„ te ipsis Monasterio, Abbatisse, & Monialibus, & earum
„ Succetricibus in dicto Monasterio permanentibus, Regulam
„ a Summo Pontifice eisdem exhibem observantibus, prout
„ in aliis quampluribus plenius continetur Instrumentis, in
„ perpetuum. Idest quemdam Hortum eidem Monasterio
„ adjacentem, sicuti infra hos suos concluditur fine: a
„ primo

„ primo latere est Domus Humiliatorum ; a secundo tenet
„ dictum Monasterium ; a tertio est via publica ; a quarto
„ verò latere est Ecclesia Sancti Apollinaris , & domus
„ ejusdem , cum omnibus introitibus & exitibus ipsius Hor-
„ ti , & omnibus ejus usibus , utilitatibus , & pertinentiis in-
„ ferius & superius ibi habitis , ad habendum , possidendum ,
„ fruendum , tenendum , & ut dictum est perpetuò , ad
„ omnia faciendum , quæ dictis Abbatissæ , & Monialibus de
„ ipso Horto facere placuerit , sicut nos & nostri Successo-
„ res facere deberemus ; nihil enim exinde nobis , aut ali-
„ cui cuiquam reservato , excepto quòd Corradus Presbyter ,
„ Sinibaldus , & Waldericus , quondam Sancti Apollinaris
„ Beneficiales , & nunc Beneficiales Ecclesiæ Sancti Joannis
„ in Brulio habebunt quilibet ipsorum pro parte sua de ipso
„ Horto usufructum in vita sua , quoniam eis in Benefi-
„ cium datus fuit , ita tamen quòd alter alteri post mor-
„ tem alterius de jam dicto Horto succedere nunc possit .
„ Imo volumus & statuimus ut quicumque ipsorum deceffe-
„ rit , prædicto Monasterio de jam dicto Horto moriatur ,
„ succedendo in ipso Monasterium antedictum . Post mortem
„ omnium prædictorum , libere & sine cujusquam contradi-
„ ctione idem Hortus remaneat Monasterio memorato . Obli-
„ gantes nos & Successores nostros ut supra , hanc donatio-
„ nem , cessionem , concessionem , confirmationem , & om-
„ nia supradicta rata & firma perpetuo habere , & contra
„ non venire , sed observare . In hujus autem rei eviden-
„ tiam pleniorẽ hoc præsens publicum Instrumentum no-
„ stri sigilli munimine roboravimus . Actum Reat , præsentii-
„ bus

„bus Testibus subscriptis, ad hoc specialiter rogatis, videlicet:

„ Jacobo Presbytero de Vicedomino Capellano Sancti Salvatoris test.

„ Landulfo de Castroseprio Canonico de Selagrio test.

„ Corrado Canonico Sancti Ambrosii test.

„ Et Fulco de Frvis Canonico de Domo Mediol teste.

„ ✠ Ego Albertus Amiconus Mediolanensis Ecclesiæ Archipresbyter subscripti.

„ ✠ Ego Magister Stephanardus Balbus Mediol. Ordinarius subscripti.

„ ✠ Ego Albericus Mediolanensis Ecclesiæ Ordinarius, & Primicerius ejusdem subscripti.

„ ✠ Ego Villielmus de Rozolio Mediolanensis Ecclesiæ Archidiaconus.

„ ✠ Ego Guilielmus Mediolanensis Maj. Ecclesiæ Ordinarius subscripti.

„ ✠ Ego Ambrosius, cognomine Percossus, Notarius, mandato Domini Ribaldi Burri Mediolanensis Diaconi subscripti.

„ ✠ Ego Lanterius Scaccabarotius Mediolanensis Ecclesiæ Ordinarius subscripti.

„ ✠ Ego Azo Vicecomes Mediolanensis Ecclesiæ Ordinarius subscripti.

„ ✠ Ego Rugerius de la Turre Mediolan. Ordinarius & Diaconus subscripti.

„ ✠ Ego Ambrosius Ordinarius M. subscripti.

„ ✠ Ego Hugo Mediolanensis Cimiliarcha, & Domini
„ ni

„ ni Papæ Subdiaconus subscripsi .

„ ✠ Ego R. S. Dei gratia Sacri Romani Imperii Scri-
 „ niarius , habens potestatem dandi Tutores , Curatores , eman-
 „ cipandi , Decretum interponendi . alimenta decernendi , &
 „ public. fac. , quia hiis interfui supradictis , hoc Instrumen-
 „ tum scripsi , & complevi rogatus .



GULIELMUS RUZZOLIUS.



Ost dies XXVIII. vacantis Sedis Successor Henrico datus est Gulielmus, seu Wilhelmus Ruzzolus, sive de Rozolo, *cum omni pace & concordia, totiusque Capituli consensu & favore*, pridie Idus Octobris Anni MCCXXX. , quemadmodum tradit Catalogus hucusque laudatus, scriptus ab Auctore coevo, & Mediolani degente. Hac autem in re fallitur Ugellus, qui ejusdem electionem differt ad Annum sequentem MCCXXXI. in utraque Editione; fortasse quod ejusdem oculis nondum obvia fuisset funebris Inscriptio, postmodum apposita Tumulo Henrici Archiepiscopi, in qua Annus MCCXXX. assignabatur illius morti, cum ea minimè repociatur in prima Editione.

Antequam de præclarissimis rebus a Gulielmo gestis disseramus, prætereundum non est Elogium, quod eidem contexit Auctor *Annatum Mediolanensium*, editorum Tom. XVI. *Scriptor. Italiae*, qui Historiam suam ab hoc Gulielmo Antistite scribere inchoavit: *Gulielmus* (inquit ille) *in bellis quasi tonitru, in consilio gigas, mirabili lingua clarissimus fuit.*

Archidiaconi Dignitate in nostra Metropolitana Basilica, decoratus erat, cum Ambrosianam Sedem conscendit Gulielmus. Sequenti Anno MCCXXXI. Gregorius IX. Summus Pontifex Legem tulit, confirmatam a Senatu Romano, &
ab

ab ipso etiam Imperatore Federico II. , qua excommunicationis sententiam protulit contra Hæreticos Catharos , Patarenos , Pauperes de Lugduno , Passaginos , Joseppinos , Arnaldistas , Speronistas , & alios hujusmodi , quos etiam proscriptionibus poenisque gravissimis afficiendos , ubicumque occurrerent aut latitarent , Rectoribus Civitatum indixit . Ad Archiepiscopum quoque nostrum Epistolam dedit , hoc anno expeditam , quam Raynaldus ex Regesto Vaticano summatim recensuit , monens eundem ac Suffraganeos suos , ut pari strenuitate in impios homines hac peste infectos consurgerent . Non defuit muneri suo Archipræsul noster , qui amore Catholicæ Religionis jam incensus , acceptis Summi Pontificis mandatis ferventior factus , conatus omnes suos impendit , ut intactam servaret hanc Domini vineam , ne ea exterminaret aper de silva , aut singularis ferus depasceretur . Sanè fructus sollicitæ vigilantie nostri Archiepiscopi bienio post apparere , cum ab ipso excitulati procul dubio Civitatis hujus Rectores , Catharos , qui jam ab ævo Sancti Galdini altas in hoc Solo radices jecerant , tamquam venenata germina ferro & igne prorsus consumpserint . Vistur etiam in hodiernum diem Marmor in latere Plateæ Mercatorum Urbis nostræ , quod sculptum refert Prætorem Odradum Trixinum equo insidentem , qui ignis poeni expurgavit a maligna Catharorum lue florentissimam hanc Civitatem . In calce autem memorati Lapidis incisa leguntur hæc Carmina ;

MCCXXXIII. DOMINUS OLDRADUS DE TREXENO
POTESTAS MEDIOLANI;

ATRIA QUI GRANDIS SOLII REGALIA SCANDIS
CIVIS LAUDENSIS, FIDEI TUTORIS ET ENSIS,
PRÆSIDIS HEIC MEMORES OLDRADISEMPER HONORES,
QUI SOLIUM STRUXIT, CATHAROS, UT DEBUI, UXIT.

De hoc nostro Archiepiscopo, Galefinii testimonio, Ughel-
lus sequentia relet: *Gregorius IX. illum legavit ad Impera-
torem Federicum II, ut contra Saracenos expeditionem su-
sciperet. Mediolanum reversus, eundem Federicum, tanquam
Ecclesie hostem submovit a communione Fidelium, contraque
ipsum multos mortalium Crucesignatos vocavit ad arms. Non-
nulla in hac narratione comperimus, quibus faciles aures
accommodare nequimus. Siquidem Sigonius & Raynaldus,
dum ad Annum MCCXXVII, mentionem agunt Gregorii IX,
Honorio III. in Summo Pontificatu successi, asserunt, statim
ab initio sui regiminis admonitum fuisse ab ipso Federicum,
ut quod sæpius Honorio sponderat, neque unquam præstite-
rat, tandem expleret; atque hanc gratiam a se & ab om-
nibus Christianis iniret, ut Sanctum Christi Sepulcrum ex im-
piorum manibus extorqueret; verba sunt Sigonii. Verum de
Legatione Archiepiscopi nostri ad eundem silent Historiæ;
præsertim cum hæc integro triennio ante contigerint, quam
Galielmus in Archiepiscopum deligeretur. Cum autem in
gratiam Gregorii IX. rediisset Federicus, exceptus ab ipso*
Pon-

Pontifice Maximo Anagninæ, & mensæ etiam adhibitus Anno MCCXXX. inducias cum ipso sancivit; quæ tamen Imperatoris culpâ citò abruptæ fuerunt: Anno enim MCCXXXIX. Summus ille Hierarcha eundem Imperatorem anathemati subjecit, coactus renovare hanc pœnam a violenta illius irruptione in Ecclesiasticum Patrimonium, aliasque Urbes, quæ vel juris erant Pontificii, vel Pontifici favebant; nec amplius sub hoc Cæsare actum est de mittendis in Orientem Crucesignatis. Quapropter nescimus, quando Legatio ad eundem demandata fuerit Archiepiscopo nostro.

Quod attinet ad excommunicationem a Gulielmo Archiepiscopo nostro latam, de qua Galefinius & Ughellus agunt, non inficiamur, promulgatam fuisse hanc Sententiam a Gulielmo; non tamen nomine proprio, sed Gregorii Summi Pontificis, qui universis Episcopis, Archiepiscopis, & Patriarchis mandavit, ut inflictum hoc anathematis telum suis in Diœcesibus publicè denunciarent. Quinimo Gregorius Pontifex Crucem indixit adversus Federicum Ecclesiæ rebellem, multosque ad eam sumendam incitavit; utque adimpleretur voluntas ipsius Summi Hierarchæ, Legatum misit ad Mediolanenses, quos optimè noverat suoapte genio acerrimos esse Federici hostes. Commissa est hæc Legatio Gaufrido de Castelliono, natione Mediolanensi. Fuerat iste severiori morum disciplinâ sub Sancto Gildino institutus primò, deinde Metropolitanæ Basilicæ Archipresbyter & Cancellarius declaratus. Postmodum sub Patru Urbani III. Pontificatu, Mediolanensis Ecclesiæ administrandæ onus sibi ab eodem Pontifice oblatum, aureâ suâ mediocritate contentus, magnanimo

mo spiritu a se rejecit. Defuncto Urbano Monasticam vitam in Sabaudia professus, haud longo post tempore a Gregorio IX. reluctans e Claustro reductus est, & Presbyter Cardinalis Titulo Sancti Marci primò, deinde Sabinensis Episcopus renunciatus. Demum confectus senio in ejusdem Gregorii locum, sub Coelestini IV. nomine suffectus, decimo-octavo ab electione sua die morti concessit, quemadmodum narrat Oldoinus. Ita omnia nos aliquantulum digressi, ad illustrandam Ecclesiasticam Mediolanensem Historiam hoc loco retulimus; præcipuè cum Ambrosianæ Insulæ eidem oblatæ, atque admirabili modestia ac moderatione recusatæ gloriâ insignis, commemorari in hac Serie Antistitum nostrorum, ad æternam Civium Mediolanensium venerationem Gaufridus mereatur. Is itaque in hanc Urbem delatus omnium animos incendit contra Fridericum; sicuti etiam intrepidè peregerunt Primores Mediolani Cives, missis in subsidium Ecclesiæ militibus suis. Huic operi consciendo insudasse pro virili Gulielmum etiam Archiepiscopum, nemo vertet in dubium, tum ob supremam, qua in urbe pollebat, auctoritatem, tum quia imperterriti erat animi, & non tam hujus Ecclesiæ, sed totius Catholicæ Religionis bono conservando promovendoque adiectissimi.

Non minori sollicitudine studia & conatus omnes impendit Gulielmus, ut in hac metipsa Metropoli ejus curæ commissâ cultus religionis floreret, & peculiaria Deo obsequia diu noctuque perfolverentur. Excepta fuerat a Prædecesore suo Henrico Septala Sacra Virginum cohors, quæ sub Seraphici Patris Francisci Regula ac disciplina inviolatam morum

rum castimoniam servabant, & in Asceterio, Sancti Apollinaris Ecclesiæ adjacente suavissimum angelicæ vitæ odorem spirabant. Hæc Domini Ancillas peculiari amore fovebat Gregorius IX. Summus Pontifex, suo illas patrocinio dignatus. Quamobrem Gulielmus Archiepiscopus, ut Pontificis Maximi benevolentiae gratiam referret, & propensos jam eorum animos ad virtutem vehementius inflammaret, necnon ut ab omni externi Fori strepitu semotas ad solius Dei dilectionem & servitutem curandam impelleret, Monasterium illud, incolæque omnes ejusdem præsentis ac futuras, ab Ordinariæ potestatis jurisdictione solutas declaravit, expedito Diplomate in hujus peculiaris indulgentiæ testimonium, quod in Archivo memorati Cœnobii adhuc superstes, non abs re erit, in publicam lucem proferre:

„Gulielmus Divina miseratione Sanctæ Mediolanensis Ecclesiæ Archiepiscopus Dilectis in Christo Filiabus Abbatissæ & Sororibus Monasterii Beatæ Mariæ, & Beati Apollinaris, constructi extra Portam Romanam, juxta Fossatum Civitatis, Salutem & benedictionem. Cùm Monasterium in honore Beatæ & gloriosæ semperque Virginis Mariæ, & Beati Apollinaris in loco memorato construi fecissetis, ut ibidem devote Domino famulantes, pro nobis & aliis peccatoribus orare possitis, humiliter postulastis, ut Monasterium & personas ibidem Domino servientes intuitu pietatis & pro redemptione peccatorum nostrorum a jure Episcopali, seu alterius conditionis gravamine, tam in temporalibus, quàm in spiritualibus pleno jure eximere deberemus: Ea propter piæ ac humili petitioni pro con-

„cur-

„currentes assensu, præfatum Monasterium & personas illic
„vel in futurum commorantes cum omnibus bonis suis, con-
„sensu & voluntate Capituli ab omni jure Episcopali, &
„cujuslibet conditionis obligatione, tam in spiritualibus quam
„in temporalibus pleno jure liberamus & eximimus; nihil
„aliud nobis & Ecclesiæ Mediolanensi in eisdem reservan-
„tes, nisi Consecrationem Ecclesiæ & Altariorum, cum fue-
„rimus requisiti, si tamen nos & Successores nostri gratis
„& sine pravitate aliqua voluerimus consecrare. Reservamus
„etiam nobis unam libram ceræ in Festo Beati Apollina-
„ris octo diebus ante, vel octo diebus post, pro censu
„nobis annis singulis persolvendam. Dat. Mediolani millesi-
„mo ducentesimo trigésimo primo, die Sabbati, nono Ca-
„lendas Junii, Indictione quarta.

„✚ Ego Willielmus de Rizolio Mediolanensis Ecclesiæ
„Archiepiscopus subscripsi.

„✚ Ego Albertus Amiconus Mediolanensis Ecclesiæ Ar-
„chipresbyter subscripsi.

„✚ Ego Magister Stephanardus Balbus Mediolanensis
„Ecclesiæ Ordinarius & Presbyter subscripsi.

„✚ Ego Girardus de Bafegapede Presbyter & Vicedo-
„minus subscripsi.

„✚ Ego Alcherius de Tertiago Mediolanensis Ecclesiæ
„Ordinarius & Primicerius Ferulæ subscripsi.

„✚ Ego Guilielmus Rana Mediolanensis Ordinarius sub-
„scripsi.

„✚ Ego Fulco de Dervio Mediolanensis Ecclesiæ Pres-
„byter Ordinarius subscripsi.

„✚ Ego

„✠ Ego Arnaldus de Mandello Mediolanensis Ordina-
rius subscripsi .

„✠ Ego Stephanus Sanctæ Mediolanensis Ecclesiæ Ar-
chidiaconus subscripsi .

„✠ Ego Ambrosius , qui dicor Percoffus , nomine isti Do-
mini Ribaldi Burri Mediolanensis Diaconi subscripsi .

„✠ Ego Amizo de Porta Romana Mediolanensis Or-
dinarius subscripsi .

„✠ Ego Rogerius de Turre Mediolanensis Ordinarius
subscripsi .

„✠ Ego Ambrosius de Puteobonello Ordinarius sub-
scripsi .

„✠ Ego Hugo de Settarra Mediolanensis Ecclesiæ Or-
dinarius , & Domini Papæ Subdiaconus subscripsi .

„✠ Ego Willielmus de Pauterla Mediolanensis Ordina-
rius , & Subdiaconus subscripsi .

„✠ Ego Azo Vicecomes Mediolanensis Ecclesiæ Or-
dinarius , & Domini Papæ Subdiaconus subscripsi .

„✠ Ego Conradus de Settarra Ordinarius Ecclesiæ Me-
diolanensis , & Subdiaconus Domini Papæ subscripsi .

Transmisit illud ad Supremam Hierarchiam Archipræsul
noster , ut Pontificia approbatione & auctoritate ratum ha-
beretur , & firmitatem acciperet . Nec abuit Gregorius IX. ,
qui datis Apostolicis Literis III. Nonas Maji , Indictione
VIII. , Anno MCCXXXV. , insertam ipsam Archiepiscopalem
Gulielmi Chartam laudavit approbavitque . Extant hæc
quoque in eodem Monialium Archivq.

Idem Romanus Pontifex , ut paternæ benevolentiæ tene-

Id ipsum sine mora implevit memoratus Præsul, quem admodum constat ex Charta Donationis, in cujus exordio hæc leguntur: *Willelmus de Rizio Dei gratia Sanctæ Mediolanensis Ecclesiæ Venerabilis Archiepiscopus, volens reverent. & devote preces Domini Papæ exaudire & adimplere &c.*

Humiliatorum quoque Ordini beneficentissimus fuit Guilielmus, Privilegium concedens Mediolanensibus Fratribus, expeditum die XII. Octobris Anni MCCXXXVI., quo illis licentiam impartiebatur, Cœmeterium habendi, & Sacerdotes qui iisdem Sacramenta ministrarent. Extat hæc Charta apud Clariss Nicolaum Sormanum Collegam nostrum, Collegii Ambrosiani Doctorem.

Contigerat Anno MCCXXXVII. feralis illa direptio, qua Papienses milites, abjecti prorsus reverentiâ Deo debita ejusque sacris Ministris, improvisâ nocturnâ irruptione Monasterium Morimundense adorti, illud ad extremam prope modum vastitatem redeigere, suppellectilem omnem expilantes tam quæ Monachis, quàm quæ Altaribus inserviebat; Imo nec innocentibus quoque Ascetis parcentes, eos omnes indumentis exutos e claustris expulere, cæsis aliis verberibus, aliis vulneribus, & pudendo ipsis Barbaris facinore omnibus malè affectis. Quin etiam in eorundem agreites Villas & domos suribundâ rapacitate debaccantes, cunctis frugibus & frumentaria messe, paratâ ad alimentum Servorum Dei, pessime habitis quoque Villicis, eas denudaverunt; omnia secum in Patriam reportantes, veluti spolia triumphalis nefandissimi patrati sceleris, & monumenta gloriosa execrabi-

lis exercitæ in infantes inermesque plusquam festinæ crudelitatis. Itaque relictis sub dio infelicibus Monachis, nec quo se tegerent, nec quo famem sedarent quidquam præsto erat. Lacrymas simul & indignationem ciet tragicæ hujus Historiæ lectio, quam integro Libello complexus est Monachus, qui eidem interfuit non testis tantum, sed particeps insani Papiensium furoris; eamque publici juris fecit Ughellus Tom. IV. *Italiæ Sacre*, ubi de hoc Archiepiscopo nostro agit. Ad miserrimæ hujus calamitatis nuncium intimo cordis dolore percitus Antistes Gulielmus, caritatis suæ viscera aperuit, totusque ad eorum subsidium conversus in ulnas suas illos recepit, atque ad Deum preces primò effudit, ut hærecitatem suam ab impiorum manibus vindicaret, & fideles Servos suos potenti brachiis tueretur. Extat præclarissima, tam pio Præsule digna Oratio ad Deum emissæ, ut opem desolatæ huic Familiæ impertiretur, & Monachorum lacrymas solaretur, ac immeriti a propriis Claustris exilii acerbitem, in eorum quoque vultibus depictam supernæ gratiæ suæ dulcedine temperaret; eamque integram recitat Ughellus loco laudato, a Monacho cœvo chartis commissam.

Quoniam verò Monachorum indigentia præsentissimum exposcebat remedium, Gulielmus ære proprio suppetias attulit, jussitque ut Ædes monasticæ vel dirutæ, vel incensæ statim reficerentur. Nec defecit, officia sua apud religiosos præsertim Viros impendere, ut profugos atque extorres Dei Servos in amicum secum contubernium admitterent: Quæ in re Humiliati Fratres plurimum emicuere, eosdem Monachos in fraternæ societatis consortium promptissime recipientes.

tes. Ne autem inulta remaneret impia & effrons Papienfium temeritas, tremendum excommunicationis fulmen in illos contorsit Gulielmus, itemque Literas ad Summum Pontificem dedit, ut Apostolicis præceptis impudentes hosce raptores ad justam satisfactionem tam perfidè pessumdatarum humanarum simul divinarumque legum, & ad illata per summum nefas damna promptâ plenâque compensatione redintegranda, urgeret cogeretque. Acceptis hisce Literis, detestatione indigni facinoris, simulque erga afflictos Monachos miseratione commotus Gregorius IX. Pontifex Maximus, Episcopo Vercellensi in mandatis dedit, ut reos atrocis adeò sceleris Papienses in judicium vocaret, eosque per Ecclesiasticas censuras ad plenam tanti reatus satisfactionem compelleret adigeretque. Reliquum legendæ hujus Historiæ, quod in teterrimum dedecus & probrum vergit claræ aliunde Ticinensis Urbis, non vacat referre, cum legi possit in Ughello, loco superius indicato. Quod ad nostrum Archiepiscopum attinet, id meritò memoramus, nempe industriâ & largitate ipsius ac Successorum effectum esse, ut Cœnobium illud, quod in speluncam latronum repetitis etiam vicibus Papienses converterant, in pristinum decus & majestatem redactum fuerit.

Plurimis laudibus Gulielmum exornat Anonymus Catalogi Auctor, tunc vivens, conditis sequentibus carminibus:

*Quem pietas redimit, quem lex Divina reformat,
Quem mores laudant, quem vita beata coronat,
Artibus instructus, Divino fonte repletus,*

Exe m-

*Exemplisque suis nos omnes ipse docebat .
Eloquio Marcus Cicero nam Tullius iste .
In bello Turnus , quando ferus hostis agebat ;
Ater Cato fuit , quæ pax tranquilla juvabat ,
Nam dabat optanti pacem sibi quando patebat .
Quid refiram ? Non ultra valet mea lyra sonare :
Nam mihi si centum linguas Deus ipse dedisset ,
Laudes nempe tuas non possem dicere cunctas &c.*

Subdit verò : Præfatus Dominus Gulielmus sedit in Episcopali Sede annis X. & mensibus V. , & diebus XV. Obiit MCCXLI. , quarto die exeunte Martii . Vacavit autem Sedes mensibus II. , diebus XIX. Sepultus est in Monasterio Clarevallensi .

Sepulcrum marmoreum , in quo conditum erat Gulielmi Archiepiscopi corpus , excisum postmodum fuit simul cum aliis Insignium Virorum monumentis , per incitiam unius Abbatis , ut scribit Ughellus . Sed malè exscriptum est Epitaphium , quod olim inerat huic Tumulo , in hæc verba , quæ Editores Veneti Ughello in calce addidere :

HIC

HIC JACET D. GULIELMUS DE RIZOLIO,
MEDIOLANENSIS ARCHIEPISCOPUS,
VIR IN SCRIPTURIS ADMODUM ERUDITUS,
QUI OBIT ANNO,
MCCXLI., DIE QUARTO EXEUNTE APRILI.

certò enim novimus ex memorato Anonymo Scriptore, Gulielmum decessisse die quarto exeunte Martii, idest die XXVIII. ejusdem mensis.



FR. LEO VALVASSORIUS DE PEREGO.



X nobili Mediolanenſi Familia Valvaſſorum de Perego ortus Leo, vacuum, ob Gulielmi Ruzzolii mortem, Archiepiſcopalem Sedem implevit Anno MCCXLI., poſt duos meſes, & dies XIX. Sedis vacantis, electus die, Sancto Vito Martyri ſacro, ideſt die XV. Junii, ut tradit Anonymus Auctor Catalogi MS, in Metropolitane Baſilicæ Bibliotheca ſervati, quem haſtenus adhibuimus. Galvaneus Flamma, iis temporibus æqualis, in *Manipulo Florum*, edito Tom. XI. *Rerum Italicar.*, Cap. CC-LXXIV. ejuſdem Natalem ita deſcribit: *Quidam Vir nomine Guilielmus de Perego genuit Filium, qui cùm adhuc in utero Matris haberetur, Mater ſomniauit, quòd pariebat Filium, qui brachii proprii ſanguine multos potabat, quorum corda confortabantur &c.* Id autem ipſemet Leo in Archiepiſcopali Dignitate conſtitutus ſæpius commemorabat, ut idem Galvaneus ibidem teſtatur. Ingreſſus Ordinem Minorum, factus eſt *Vir magni conſilii, magnæ aſteritatis, & mirabilis opinionis*, verba ſunt Galvanei. Theologicis ſtudiis addiſtus tantum profecit, ut in Divina ea ſcientia facilè princeps haberetur: Facundia quoque ſingulari præditus, in annuntiando Dei verbo omnium animos ſibi devinciebat, plureſque a via veritatis aberrantes in æternæ ſalutis tramitem reduxit. Ob ſplendidas hæc ingenii animique dotes ſummam apud omnes exiſtimationem adeptus, primò ex Superiorum

riorum mandato præfectus est universæ Langobardicæ Provinciæ Ordinis sui ; dein a Summo Pontifice Gregorio IX. socius datus est Gregorio de Monte-longo Sanctæ Romanæ Ecclesiæ Cardinali, Apostolicæ Sedis Legato contra Federicum II. Ecclesiæ rebellem : Quo in munere ita se viriliter gessit, ut Federicus ipse scribens ad Angliæ Regem, conquestus apud illum sit de acri obstinatoque fervore, quo animos populorum ad arma contra ipsum capienda Leo incitabat, his verbis : *Præfatos Mediolanenses, imo veriùs Papalis exercitus stans loco sui (nempe Gregorii IX.) Gregorium de Monte-longo, & Fratrem Leonem Ministrum Ordinis Fratrum Minorum, qui non solum accincti gladiis & galeis muniti, falsas militum imagines ostendebant, verùm etiam prædicationi insistentes, Mediolanenses & alios, quicumque nostram & nostrorum personam offendebant, a peccatis omnibus absoluebant. Hodie quidem prædicti Legatus & Frater, contra nos & Imperium se scribunt Rectores & Dominos &c. Epistolæ variæ hujus Leonis, dum prædicto munere fungeretur, ad Gregorium IX. Summum Pontificem, aliosque Italiæ Principes datæ ob eorum implorandum auxilium contra hunc Schismaticum Cæsarem, extant apud Clariss. Nicolaum Sormannum, superius laudatum.*

Excitatæ jam a longo tempore in hac Metropoli Civiles discordiæ inter Nobiles ac Plebejos, eâ ætate acerbis exardebant. Quamobrem cum e vivis exceilisset Gulielmus Archiepiscopus, actum est inter Basilicæ Metropolitane Electores de altero substituendo. In varias partes primum illud Canonicorum Collegium distrahebatur: Verùm, ne va-

cua Sedes diutius Pastorem desideraret, in tam afflicta Urbis conditione captum est consilium, Fratrem Leonem, adeundi suis jam Claustris restitutum, cujus doctrinæ & dexteritatis fama cunctas Italiæ regiones pervaserat; ut quem dignum Archiepiscopali Solio reputaret, arbitrio suo decerneret. Ferunt antiqui & recentes Mediolanenses Historici, in hac potestatis plenitudine constitutum Leonem, seipsum in Archiepiscopum delegisse. Ughellus autem recitat etiam brevem Orationem, qua allocutus est Electores in publicis Comitibus; sed ex quo Codice illam excerpserit, minimè indicat. Ea verò est hujusmodi:

„Mediolanenses, Divinoque cultui deditissimi Clerici,
„cùm me tanto expediendo negotio præfeceritis, quis jam
„dubitare possit, quale quantumque de me sit omnium ve-
„strum judicium? Prætulistis enim me pannosum hominem
„atque delitescentem in Claustro, vobis omnibus (quæ ve-
„stra summa moderatio est) atque eligendis ipsi, quos
„modò Mediolanensi throno dignos suspiciebatis, cùm scili-
„cet vos ac illos ex uno meo arbitrio decrevistis pendere.
„Ego igitur, tametsi noverim scriptum: *nemo assunxit sibi*
„*honorem, nisi qui vocatur a Deo tamquam Aaron*, mihi-
„que planè religio sit, semel susceptum sacrum mendicita-
„tis excutere, ne tantum honorificum vestrum de me de-
„generi animo videar contemptibile judicium, meipsum ju-
„dicio vestro jam approbatum, ac Mauriti quondam Pa-
„risiensis Episcopi in non dispari causa præjudicio anima-
„tum, Archiepiscopum Mediolanensem declaro.

• Wadingus, celebris Scriptor Annalium Ordinis Minorum,

rum , a Sancto Francisco Assisiæ instituti , nîs omnes intendit , ut falsi arguat hanc Traditionem . Verûm conjecturæ , quibus utitur ut illam evertat , imbelles prorsus sunt , ad consensum Mediolanensium Scriptorum & testimonia illiusmet ævi , veluti fabulosa damnanda . Sufficiat hoc loci describere quæ memoriæ commendavit Galvaneus Flamma , expirante illa Seculo Ordini Dominicano jam adscriptus , loco superius laudato . Ait igitur : *Interveniente turbatione Clericorum de Archiepiscopo Mediolanensi eligendo , pariter omnes committunt Fratri Leoni , ut de Archiepiscopo provideret : Qui acceptâ auctoritate seipsum elegit .* Ripamontius quoque Libr. IV. *Hist. Eccles. Mediol.* hæc habet : *Cûn Archiepiscopo Gulielmo Successor quæreretur , nominatio in iurgium excessit* Post varias altercationes eò demum Canonici descendunt , ut ad Leonem Peregrum irent , quemcumque ille dixisset , justum eum legitimumque Pontificem habituri . Erat Leo Minores inter Franciscanos Divinæ Sapientiæ studiis & Concionum eloquentiâ satis notus , moribus quoque non illaudis ; nisi quòd arte premebat honoris cupiditatem , & fortasse Claustra displicebant . Is occasionem e manibus amittere stultum ratus , quòd bene verteret , se ipse Archiepiscopum renuntiavit . At latam hanc Sententiam , tradit Ughellus , primò obstupuisse populum , tum & arrisisse , demum gestivisse præ gaudio ; itaut postea Pontifici ipsi Romano ea Fratris Leonis callida interpretatio juris probaretur Anno MCCXLI. , quæ tot litium capita uno ictu truncasset .

Fœda Hæreticorum colluvies plures Italiæ partes pestifera venena infecerat , præsertim verò Infubricum Solum :

Quamobrem ab Innocentio IV. Summo Pontifice datus est Civitati Mediolanensi in eisdem Supremus Inquisitor Petrus Veronenſis, ex Ordine Sancti Dominici. Ille verò, cum munere ſibi collato ſanctè inviolateque fungeretur, invidiam odiumque hominum perfidorum incurrit, qui ſe eximere a judiciaria ejuſdem virga minimè poſſe conſpicientes, ſecretis conſiliis eum vivis extrudere decerevire; inventique ſunt pecunià corrupti Sitarii, qui Como Mediolanum proficiſcenti ſanctiſſimo huic Viro, in medio itinere prope Barlaſſinæ Vicum neceni crudeliter intulerunt. Impia hujuſ cadis ſamâ per omnes Urbes vulgata, Supremoque Numine iſtius Famuli ſui ſanctimoniam miraculis comprobante, Apoſtolica Sedes cenſuit, inquirendum eſſe in vitam reſque præclariffimæ geſtas ſacri hujuſ Miniſtri, necnon inſtituendum examen gratiarum ac miraculorum, quæ accepta a Deo ferebantur invocato ejuſdem patrocinio. Commiſſa eſt hæc Cauſa & iudicium Leoni Perego Archiepiſcopo noſtro, Ludentſi Epico- po, & Præpoſito Biſilicæ Apoſtolorum Mediolani, Brevibus literis datis Peruſi ab Innocentio IV Pontifice Maximo II. Calendas Septembris, Pontificatus anno decimo, ideſt Anno MCCLII. Abſoluto, ut ajunt, Proceſſu, convocatis Patribus omnibus Ordinis Prædicatorum Provinciæ, Archiepiſcopus Leo exhumari juſſit ab humili loco, in quo jacebat in Templo Sancti Euſtorgii, Corpus venerabile Petri Veronenſis; quod repertum eſt integrum ac flexuoſum, ac ſi ibidem recentiffimè depositum fuiſſet, publicoque conſpectui expoſitum fuit, & ſubinde in nobiliori Urna collocatum, quam dono eidem Sancti Euſtorgii Biſilicæ dederat Abbas

San-

Sancti Simpliciani Mediolani. Conscio autem facto de hisce Actis Innocentio IV., censuit, non amplius differendam esse publicam Sancti hujus Martyris venerationem. Quapropter sequenti Anno MCCLIII. eundem Sanctorum albo adscripsit, Sacrisque Aris donavit.

Non defuit etiam Metropoli suæ curandæ, implendoque egregiè Pastoralis suo muneri Archiepiscopus noster. Quamobrem cum animadverteret, Oves suas aliquando deieri a Parœcialium Ecclesiarum Rectoribus, longè ab iis commorantibus, Constitutionem seu Statutum edidit, quo sub gravibus pœnis jubebat, ut quicumque curam Ecclesiarum gerebat, & Parœciam aliquam obtinebat, ibidem perpetuò resideret cubaretque. Constat hoc ex Charta, quam dabimus, cum de Ottone Vicecomite, Archiepiscopo Mediolanensi inferius agemus, qui eandem Constitutionem coram Clero universo, peculiari Decreto renovavit.

Poſt ferale excidium a Federico I. Imperatore huic Metropoli illatum, Veneti qui Alexandro III. legitimo Pontifici impensè adhærebant, studium omne impenderunt, benevolis officiis apud Italas Urbes, & etiam erogato liberali ære, ut Mediolanensis Civitas restauraretur; quemadmodum etiam felicissimè contigit. Quamobrem, ut gratum animum suum erga Venetam Rempublicam poſteris omnibus significarent Mijores nostri, Ecclesiam condidere, quæ *Sancti Marci* Evangelistæ illorum Patroni nomen præferret: Imo totum, adjacens *Suburbium*, teste Andrea Dandolo, in *Chronico* Lib. IX. Cap. XV. Part. V., cognomine *Divi Marci* in hac *insurrectione* appellatur. Sub initium Seculi subsequæntis, constr-

structo Cœnobio, in illud migrarunt Eremitæ Congregationis Mantuanæ, a Joanne Bono, sive Bonito institutæ, quorum exemplis commoti nonnulli ex nobilibus Patriciis Civibus hujus Urbis, eandem vivendi normam amplexi sunt; atque inter alios numerantur Manfredus Septala, & Lanfrancus fratris filius, quos Titulo *Beati* Torellus in suis Augustinianis Annalibus exornavit. Horum postremus (cùm dispersi Eremitæ isti sese undique diffudissent in varias classes, a diversis Institutioribus efformatas, & ab Alexandro IV. Pontifice Maximo in unum Corpus redacti fuissent, expeditis Anno MCCLVI. die XXII. Februarii bullatis Literis, quas refert idem Torellus) primus fuit, qui Generalis hujus Ordinis Præfes deligeretur, tantaque religione ac prudentia munus suum implevit, ut ejusdem memoriam Mediolani, ubi vitam deposuit, nobili monumento atque Inscriptione Fratres Sancti Marci posteris commendaverint. Ad augendum Ecclesiæ nostræ præsidium, hoc Regularis militiæ decus obtinuit Leo Archiepiscopus, qui Eremitas Ordinis Sancti Augustini ita collectos, Mediolanensis Urbis contubernio donavit; iique continuatâ temporum successione, persolvendis Deo laudibus in memorato Sancti Marci Templo adhuc incumbunt.

Occasione memoratæ Pontificiæ unionis, subjungere opus est alterum Regulare Institutum, quod in Urbe nostra enatum viguit sub nomine *Pauperum Catholicorum*, cujusque nullam mentionem egere Scriptores rerum Mediolanensium. Ut igitur illustretur Ecclesiastica Eruditio hujus Metropolis, muneris nostri esse duximus, de prædicti Instituti initis ac pro-

progressione nonnulla recensere. Quidam Petrus Valdo in Lugdunensi Galliæ Urbe Societatem inivit cum aliis pluribus, qui ad Apostolicæ vitæ imitationem profitentes paupertatem, *Lugduni Pauperes* appellabantur, Seculo XII. in finem vergente. Nihilominus citò evanuit hæc Congregatio; cùm enim in hæresim, & contumaciam contra Romanæ Sedis præcepta ejusdem Affectæ prolapsi fuissent, Lucius III. Pontifex Maximus illos anathemate perculit, ac demum succedentes Summi Hierarchæ ferali damnationis telo Societatem illam confixere. Unus ex Discipulis Petri Valdi, nomine Durandus de Osca Mediolanum diverterat, exceptusque a Civibus benignè, ob castigatæ vitæ normam, & Sacros quos habebat Sermones, ab ipsis Civitatis Rectoribus Pratum quoddam extra Orientalem Portam mœnibus adjacens obtinuerat, in quo domicilium figeret, & pias ad Sequaces suos haberet adhortationes. Obstitit Pastoralis vigilantia suâ Philippus Lampugnani tunc Mediolani Archiepiscopus, qui admonitus de anathemate in Lugdunenses Pauperes infligto ab Apostolica Sede, ne Oves suæ contractæ hæresis peste inficerentur, e memorato Domicilio Durandum ejecit. Is cum Sociis Romam profectus Anno MCCVIL, ad Innocentium III accessit, asserens, se & Socios suos veros esse Catholicos, ac Sectæ Lugdunensium prorsus abrenunciassè. Paternâ illum benevolentia complexus est Pontifex Maximus: Sed, ut prudenter securèque ageret, jussit ut confessionem Fidei suæ in scriptis proderet ac juramento firmaret: eaque sedulo expensâ conscius veritatis factus, eundem illiusque Affectas, abjuratâ hæresi, Ecclesiæ gremio resti-

stituit: Quinimo Ordinem *Pauperum Catholicorum* ejusque Regulas approbavit Bullatis Literis, expeditis die XVIII. Decembris, Anno MCCVIII. Quàm latè autem sese diffuderit Ordo iste non tam per Langobardicas Urbes, Comum, Cremonam, Derthonam, sed etiam per Gallias, Hispaniasque, nostrà non est enunciare, cùm exorbitare a semita suscepti a nobis Instituti minimè debeamus.

Reversus Mediolanum Durandus puerum Dⁿⁱ filium solo æquatum invenit; quocirca ad Innocentium III. per Epistolam contulgit, ut illius patrocinio imploreret. Neque abnuìt Summus Pontifex, scribens ad Philippì Successorem Ubertum Pirovanum, Sanctæ Romanæ Ecclesiæ Cardinalem & Mediolani Archiepiscopum, necnon ad Metropolitanæ Canonicos, in ejusdem Durandi & Sociorum commendationem. Integras hasce Literas dare necessarium existimamus, ut plenior hujus Historiæ noticia habeatur. Sic igitur exorditur Innocentius;

„ Ex tuarum, Frater Archiepiscopo, tenore accepimus
 „ Literarum, quod, cùm dilectus filius Durandus de Osca,
 „ & quidam alii Socii ejus, qui *Pauperes Catholici* nuncu-
 „ pantur, ad te cum nostris Literis accessissent, eos beni-
 „ gnitate debita suscepti, & quod pro illis tuæ Fraternali-
 „ tati mandavimus, satagens pro viribus adimplere, quos-
 „ dam de Societate ipsorum in Italia commorantes, juxta
 „ formam, qua idem Durandus reconciliatus fuerat coram
 „ nobis, reconciliasti Ecclesiasticæ unitati. Idem quoque Du-
 „ randus & Socii ejus suis nobis Literis intimarunt, quod
 „ reconciliatis Ecclesiæ per te dictis Fratribus eorundem,
 „ qui-

„ quidam alii fere centum reconciliari volebant , dummodo
„ quoddam Pratum , quod Commune Mediolanense ipsis olim
„ concesserat , in quo sua Scholâ constructâ consueverant
„ convenire , ac exhortari Fratres ad invicem & Amicos ,
„ quam bonæ memoriæ Prædecessor tuus destrui fecerat , dum
„ essent excommunicationis vinculo innodati , & nunc ite-
„ rum est erecta , ipsis concedere velles , ut ad exhortatio-
„ nem mutuam faciendam Fratribus & Amicis liberè valeant
„ convenire . Unde nobis humiliter supplicarunt , ut Pratum
„ prædictum eisdem faceremus concedi , ad proponendum in
„ Schola præfata more solito verbum Dei . Cùm igitur non
„ propter rem temporalem , sed propter æternam mercedem ,
„ reconciliari debeant Ecclesiasticæ unitati , cùm nullus sal-
„ vari valeat extra Arcam , petitionem huiusmodi non du-
„ ximus approbandam , cùm in reconciliatione ipsorum con-
„ ditio non debeat huiusmodi adhiberi . Quocirca Discretioni
„ vestræ per Apostolica Scripta mandamus , quatenus si pro-
„ priæ salutis intuitu , Deo & Ecclesiæ reconciliari vo-
„ luerint , eos juxta formam , qua reconciliatus in præ-
„ sentia nostra Durandus extitit supradictus , & quam tibi ,
„ Frater Archiepiscopo , per alias Literas nostras expressimus ,
„ ipsos in Ecclesiæ gremium recipere mansuetudine debita sa-
„ tagatis . Et si demum , secundum datam vobis a Deo pru-
„ dentiam , tam Ecclesiasticæ unitati quàm eorum salutem vi-
„ deritis expedire , Pratum prædictum , seu alium Locum
„ idoneum , in quo ad exhortandum se ipsos & Amicos
„ eorum cum timore Domini valeant convenire , concedatis
„ eisdem sine gravi scandalo aliorum ; quoniam aliter est cum

„conversis, quàm cum perversis agendum. Datum Literarum ni III. Nonas Aprilis, Anno duodecimo „ . Extant hæc Literæ in *Balutii Collectiome* Libr XII. num. XVII.

Paruit omnibus Pontificiis mandatis Archiepiscopus Ubertus, consensitque, ut in Prato prædicto erigeretur Oratorium, & Cœnobium, Sancto Augustino dicatum. Eo in Loco Durandus alique illius Affectu quietè constitère usque ad Annum MCCLVI, quò Alexander IV. omnium Eremitarum Congregationes in unum Ordinem Eremitarum Sancti Augustini coalescere iussit. Non acquievere statim Pontificio huic Decreto Pauperes isti Catholici: Modici tamen temporis hæc dissensio fuit; sequenti enim anno Fr. Nicolaus, qui universæ horum Pauperum Langobardicæ Provinciæ Cœnobiis præsidebat, se ipsum ac Monasteria omnia sui Ordinis, cessit Fratri Jacobo Procuratori Fratrum Eremitarum Sancti Augustini, ac obedientiam totius Ordinis, Generali eorum Ministro promisit. Publicas cessionis Tabulas, consecutas in Mediolanensi Cœnobio, quod erat princeps huiusmodi Pauperum, inseruit suo Diplomati, dato Anno MCCLVII. Alexander IV., unionem istam confirmans. Receptis in Monasterium Sancti Marci nostræ Metropolis Fratribus istis, nonnulli ex iis, qui sese devoverant in eorundem Cœnobio Ordini Eremitarum, jugum excusserunt, ac noctu e Sancti Marci claustris sese proripientes, ad antiquum Sancti Augustini Domicilium progressi sunt, armatâque manu inde expulère Eremitanos Fratres, qui in illud successerant: Quin etiam, dimisso habitu Eremitarum, pristinum Pauperum Catholicorum insigni audaciâ resumpserunt, atque Monasterium

rium illud per XVI. annos incoluere ; donec Anselmus de Gardano , in Priorem ab ipsis electus , eosdem ad sanam frugem redegit . Siquidem Superiorem Monasterii Sancti Marci exoravere , publicisque consecutis Tabulis veniam gravissimi admissi criminis implorantes , in consortium Eremitarum iterum recepti fuere Anno MCCLXXII. Omnia hæc fusè refert ad Annos memoratos Aloysius Torellus in *Seculis Augustinianis* (& ex eo Auctor *Historiæ Ordinum Regularium* , Gallicè scriptæ Tom. III. Cap. IV.) qui primus ex Pergamenis ab Archivis erutis Historiam hanc nos edocuit , ac fatetur , nihil se rescire potuisse , quid actum sit de Cœnobio & Ecclesia Pauperum Catholicorum ; ideoque arbitratur , ea prorsus fuisse deleta , ne occasio aliqua suboriretur conjunctis Fratribus , in illa denuo commigrandi . Sanè *Prati Communis* nomen , in hunc usque diem perseverat eâ in Via , quam *Marinam* dicimus , quin ulla vetusti alicujus Ædificii vestigia supersint .

Deerat hoc unum , ut in tanta Archiepiscopalis Dignitatis amplitudine alicujus insignis beneficii monumento , gratam erga Ordinem Seraphicum , cui adscriptus erat , sui nominis memoriam testaretur , ac Posteris commendandam relinqueret Leo Archiepiscopus . Porro hanc etiam cogitationem nobili animo menteque revolvit ; utque eam factis comprobaret , consilium cepit perficiendi Operis , quod Prædecessor suus Henricus Septala infectum dimiserat , ob reluctantes constantissimè Præpositum & Canonicos Basilicæ Sanctorum Naboris & Felicis , qui locum cedere Franciscanis Fratribus prorsus abnuebant . Itaque Archiepiscopus noiter Romanum

num iter aggressus est, supplicemque Libellum advolvit pedibus Alexandri IV. Summi Pontificis, qui tunc in Apostolico Solio sedebat, ut facultatem eidem impertiretur transferendi Præpositum & Canonicos memoratæ Basilicæ, in aliam Sedem, quò Alumni Sancti Francisci in prædicto Templo Divina Officia celebrare possent, & ab angustiis, in quibus hæcenus delituerant, eduçti, in adjacentibus Domibus ampliori loco confidère. Annuit benignissimè Alexander IV., eique vivæ vocis oraculo potestatem omnem concessit, qua votum suum implere valeret. Proinde ad Hospitium suum reversus, quod Romæ incolebat, Diploma expedivit, a nobis hæc exhibitum, ut rei veritas dilucidius pateat.

„ Frater Leo de Ordine Minorum, Divina providentia
„ Sanctæ Mediolanensis Ecclesiæ Archiepiscopus: Universis & singulis has Literas inspecturis salutem in Domino. Noveritis,
„ quò Dominus Papa Alexander IV. Ecclesiam & Claustrum
„ Sancti Naboris Mediolanen., cum horto, viridario, &
„ aliis coherentis ipsi Ecclesiæ concessisset Guardiano & Ordini Fratrum Minorum Mediolanen. in utilitatem & usum
„ Ordinis prædicti, ut libentius possent Divinis obsequiis, Præposito & Capitulo ipsius Ecclesiæ prædictum
„ locum auferendo, ut tamen in competenti loco ipsius Civitatis collocarentur. Nos de speciali mandato Domini Patris
„ nobis oretenus facto, præfatos Præpositum & Capitulum, Canonicos & Clericos ipsius Ecclesiæ Sancti Naboris hoc acceptantes transferimus ad Ecclesiam Beatæ Mariæ ad Fulcorinam Portæ Vercellinæ ejusdem Civitatis,
„ unien-

„ unientes auctoritate prædicta Præpositum & Capitulum
„ memoratos cum Capellis eis subjectis , & cum Terris ,
„ possessionibus , Casalibus , Decimis , & aliis juribus & re-
„ bus suis præfatæ Ecclesiæ Sanctæ Mariæ , & Beneficiali-
„ bus ac Clericis ejusdem Ecclesiæ , facientes & ordinantes
„ auctoritate prædicta , ut memorati Præpositus & Capitu-
„ lum & Beneficiales præfatæ Ecclesiæ Sanctæ Mariæ unum
„ Corpus & Collegium existant & esse censeantur , & quodd
„ prædictus Præpositus , & alius qui pro tempore fuerit ,
„ præsit & præesse debeat tamquam Prælatus ipsi Capitulo
„ & Collegio sic unito & Ecclesiæ præfatæ. Insuper conce-
„ dimus & deputamus , auctoritate mandati prædicti , præ-
„ dictam Ecclesiam Sanctæ Mariæ , Claustrum ipsius , Domos
„ cum horto , Viridario & aliis rebus & Domibus cohæ-
„ rentibus & adjacentibus prædictis Ecclesiæ Claustro & Do-
„ mibus , ad communem usum & utilitatem Præpositi & Ca-
„ pituli & Beneficialium prædictorum , non obstante Statuto
„ bonæ vitæ qu. Fulcorini , qui dicitur fundasse & dotasse
„ dictam Ecclesiam Sanctæ Mariæ , & statuisse , ut tres
„ Præbendæ tantum Sacerdotales essent in dicta Ecclesia ,
„ & in ipsis tres tantum Presbyteri ordinarentur , quas sic
„ ordinate in tribus Sacerdotibus ut in pristinum statum , sic
„ volumus permanere , & quodd electio deficientis vel defi-
„ cientium Presbyterorum vel Clericorum spectaret ad ipsum
„ Presbyterum , qui superesset Major in ipsa Ecclesia , &
„ qualibet alia ordinatione , auctoritate Sedis Apostolicæ aut
„ alia quacumque vallatis , quibus unio hujusmodi & transf-
„ latio impediri possent , vel etiam perturbari. Porro ejus-
„ dem

„ dem Domini Papæ mandato ordinamus & disponimus ,
„ ut fructus unius anni de tribus Præbendis , quæ primò in
„ ipsa Ecclesia vacaverint , colligantur & retineantur ad usum
„ ipsius Collegii sic uniti , ut ex eis reficiantur Domus ip-
„ sius Ecclesiæ Sanctæ Mariæ , & aliæ ædificentur de no-
„ vo , in quibus Præpositus & Canonici ejusdem Ecclesiæ
„ commodè valeant commorari . Nihilominus tamen fructus
„ unius anni aliarum Præbendarum , quæ vacaverint post ip-
„ sas tres Præbendas , teneantur ad communem usum ipsius
„ Ecclesiæ , deputandi & convertendi in utilitatem Ecclesiæ
„ memoratæ , prout Præposito & Capitulo videbitur expe-
„ dire , & decernimus , Præpositum & Capitulum memora-
„ tos fore inducendos in corporalem possessionem prædicto-
„ rum , & inductos defendendos , invocato ad hoc , si opus
„ fuerit , auxilio brachii secularis . Et de prædictis omnibus
„ idem Dominus Archiepiscopus jussit mihi infra scripto Gual-
„ terio Notario , ut facerem publicum Instrumentum sui sigil-
„ li munimine roborari .

„ Actum in Civitate Romæ , in Contrada de Latera-
„ no , in qua moratur prædictus Dominus Archiepiscopus ,
„ præsentibus Dominis Ugone Dalano Præposito de Riglo-
„ no , & Fratre de Otolillo de Ordine Humiliatorum , &
„ Presbytero Pagano de Bernate , Canonico de Crescenza-
„ no , & Lanfranco Filio Ser Gasparis de Molterio , om-
„ nibus rogatis Testibus Not. Henricus de Sum-
„ ma Canonicus de Summa , Anno currente MCCLVI , die Mar-
„ tis decimoquarto ante Calendas Februarii , Indictione XIV .
„ Ego Gualterius filius qu. Ser Petri Antillii Burgi Por-

„ tæ

„ tæ Orientalis , Civitatis Mediolani Notarius , & Scriba-
„ Domini Archiepiscopi rogatus interfui & scripsi .

Interini autem Antistes noster tantum dexteritate sua egit,
ut Præpositus & Canonici libenti animo , ac sua spontè hanc
Translationem acceptaverint . Ne autem aliquo tempore quie-
ta hæc concordia & liberalis concessio litium strepitu per-
turbaretur , ab eodem Alexandro IV. obtinuit Leo , ut Pon-
tificia auctoritate quidquid ab ipso statutum fuerat , roborar-
etur . Id autem constat ex Diplomate dato a memorato
Pontifice Maximo , Laterani X. Calendas Februarii , Anno
Pontificatus II. , idest Anno MCCLVI. , quod refert Wadingus .

Restitutus ab alma Urbe Archiepiscopali Sedi suæ Ar-
chipræsul noster , invēnit succensum Civile bellum inter No-
biles ac Plebem ; cūque in dies acerbius semper recrue-
sceret , Martino Turriano , popularis factionis Duce ,
novas semper faces subdente unā cum ejusdem Familia ,
quæ utpote divitiis affluens Principatum hujus Urbis ambie-
bat , Archiepiscopus Leo , sive ob affinitatis vinculum , quo
cum reliquis clarioris sanguinis Viris devinciebatur , sive ne
Privilegio illo orbaretur , quo præedentes Archiepiscopi ga-
visi fuerant , ut nempe tamquam Reipublicæ Capita Civitati
dominarentur , Nobilium partes suscepit , frequentibus etiam
pugnis Civilibus insistens , quæ nostræ Urbis compita miser-
rimè cruentabant . Verū prævalente Popularem Factione ,
numero & viribus potentiore , expulsus est Archiepiscopus Leo
ab Urbe in exilium , unā cum Nobilibus , & Collegio Ca-
nonicorum Ordinatariorum Metropolitanæ Basilicæ , qui nul-
lum humili Plebis stirpe progenitum ex privilegio , ut aje-
bant ,

bant, ab Ænobarbi tempore accepto, in confortium sui admittere se velle constanter profitebantur. Extortis itaque & profugus Antistes noster, nunc in Sepriensi Agro unà cum Collegis & Commilitonibus suis, nunc in Varisensi Oppido constitit, meliorem sortem sibi auspicatus. Sed cum rem desperatam conspiceret, in Lignani Oppido quievit, ibique Ædes sibi Archiepiscopales extruxit satis magnificas, prout temporum illorum conditio ferebat, earumque vestigia & reliquiae in eo Oppido adhuc perdurant. Demum confectus senio & ærumnis, ac morbo correptus, ibidem spiritum Deo reddidit, sepultus in Ecclesia Sancti Ambrosii, quam sibi in Sepulcri locum vivens delegerat.

Difficilius est statuere, quo verè anno Antistes Leo decesserit; Merula namque, Calchus, Ughellus, Corius, alique passim recentiores Historici Leonem Archiepiscopum Anno MCCLVII. mortuum constanter affirmant. Si tamen veteres Patriæ Historias consulamus, errasse omnes procul dubio est asserendum. Siquidem *Annales Mediolanenses*, e Petro Azario Seculi XIV. Scriptore ut plurimum excerpti, editique Tom. XVI. *Rerum Italicar.* Leonem Archipræsalem superstitem fuisse usque ad Annum MCCLX. clarè testantur. Longius etiam ejusdem vitam protrahit Donatus Bossius in *Chronicis*, illius obitum Anno MCCLXIII. consignans. Hoc idem confirmat Galvaneus Flamma in *Manipulo Florum*, Cap. CCXCIX, cujus testimonium plurimè faciendum esse nemo non videt, cum Leonis ætati proximus fuerit, ejusque Successorem Ottonem optimè noverit. Is igitur ad Annum MCCLXIII. hæc habet: *Isto tempore Leo de Perigo Archiepiscopus*

piscopus Mediolanensis in Ligniano moritur, & ibidem viliter sumulatur. Errandi occasio ceteris Scriptoribus ea esse potuit, quòd oborta inter Nobiles Plebemque Mediolanensem gravi similitate, Leo Archiepiscopus, qui Nobilium partes, ut superius retulimus, tuebatur, a contraria Factione victus, solum vertere coactus fuerit Anno MCCLVII, vitamque postmodum omnem in exilio transegerit: Inde enim vacasse Mediolanensem Sedem arbitrati sunt, cum nullum per illa tempora exerciti a Leone Archiepiscopalis muneris vestigium, invenerint, eumque ideo mortuum crediderint. Eadem ratione factum arbitramur, ut XVI tantum anni ejusdem Seculi in Catalogis assignentur. Ceterum Galvaneus Flamma, non secus ac *Annales Mediolanenses* memorati, post Annum MCCLVII. Historiam suam prosequentes, ad Caput initium id ferè semper adnotant: *Exulante Leone de Pereo.*

Addimus etiam, servari in Archivo Præposituræ Oppidi Lignani Codicem MS.tum Italico idiomate, qui Historiam Ecclesiarum Loci illius complectitur. Ubi autem agit de Ecclesia Sancto Ambrosio dicata, Jurispatronatus Dominorum Metropolitanæ Basilicæ Mediolani Canonicorum, hæc leguntur, a nobis latine reddita: *Excavata est Fossa navigabilis, quæ Major appellatur Anno MCCLXIII, quo excessit e vivis Leo Archiepiscopus die XVI. mensis Octobris. Sepultus autem fuit in Ecclesia Sancti Ambrosii ejusdem Oppidi paucissima pompâ: Cùmque tempore Sancti Caroli fatiscens prædicta Ecclesia ob senium restauraretur, inventum est Corpus istius Archiepiscopi Leonis sub fornice quodam lateralis parietis, parùm a terra surgente, integrum, intus Arboris*

truncum , in modum cunabulî efformatum . Admonitus de hac re Sanctus Carolus ad illud Oppidum advolavit ; cumque recognita omnia ab ipso fuissent , sequenti mane (ut scribit ille Auctor) ab oculis evanescere tum Archiepiscopus vivens , tum mortuus . Fortasse enim insciis omnibus id peregit sanctissimus Præsul Carolus , cum in vulgus emanasset rumor gratiarum & miraculorum , Leonis invocatione editorum ; & cum nondum Ecclesiæ examini eadem subjacuissent , prudentissimè cavit , ne quo loco Corpus condiderit , resciretur .

Certè Franciscani Ordinis Scriptores Arturus , & Wadingus , alique hunc Leonem Archiepiscopum *Beati* titulo insigniunt . Mediolanensis tamen Ecclesia nudo Leonis Archiepiscopi nomine eum in Catalogis describit ; neque in Actis hujus Ecclesiæ quidquam de hoc Archiepiscopo tamquam Beato commemoratur : Sed potius Galefinius in *Tabula nostrorum Antistitum* iisdem Actis insertâ , eum negligentia , in jurisdictione suæ Ecclesiæ curanda insinuat , atque , propter ipsam Turrianos sibi eandem usurpasse . Fallitur tamen , dum scribit , Leonem creatum fuisse Archiepiscopum Mediolanensem sub Cœlestino IV. ; cum eo tempore viveret adhuc Gregorius IX. , & Cœlestinus huic successerit mense tantum Octobris , Anni MCCXLI. , quo jam a mense Junio Ambrosianæ Ecclesiæ præerat Leo de Perego .

Quod iustè asserere possumus de hoc Antistite , illud est , inter ceteras egregiarum virtutum dotes quibus exornabatur , fuisse eundem Ecclesiasticæ disciplinæ amantissimum , quæ non modicum depravata tunc temporis erat bellorum injuriis ; pluraque etiam imposterum illum editurum fuisse

fuisse in hujus Ecclesiæ splendorem, & conservandæ animarum salutis subsidium, si Civilibus discordiis minimè implicitus, quietam in sua Archiepiscopali Sede vitam agere potuisset.

Præfuit igitur Ecclesiæ Mediolanensi Annis XXII, mensibus IV. & die I., si tempus, quo in exilio fuit, computetur; tot enim effluxere a die XV. Junii Anni MCCXLI, quo electus est, ad diem XVI. Octobris Anni MCCLXIII, quo, ut diximus, e vivis excessit.



OTTO VICECOMES.



Otto ortus ex clarissima Vicecomitum Stirpe, quam adulandi libido, cum Mediolanense Imperium teneret, post longam Seriem Dynastiarum & etiam Regum Italiæ, non tam a Desiderio Langobardorum Principe, sed etiam ab Anglo Achiis Nepote, ignoto Historicis omnibus sanæ mentis tramite, deriavit; nosque in *Appendice ad Dissertationem pro vindicanda Sanctorum Martyrum Protasii & Gervasii Mediolano Possessione* fabulis expurgavimus: Otto, inquam, defuncto Leone de Perego, post varias contentiones ab Urbano IV. Summo Pontifice Mediolanensi Ecclesiæ datus est Archiepiscopus. Fuit ille primis vitæ suæ annis, post exacta in Literis studia, Metropolitane Basilicæ Cardinalibus connumeratus, dein auctus Canonicatu in Collegio Mytætarum Sancto Ambrosio inservientium, & postmodum Præpositurâ insignitus Ecclesiæ Decii, Oppidi ita appellati, quod decimo ab Urbe nostra lapide distet, ibidem nonnullos annos transegit; donec redeunte e Gallica Legatione Octaviano Ubaldino Sanctæ Romanæ Ecclesiæ Cardinali, quem domi humanissimè exceperat, assumptus est in comitem Romani itineris, ac Romæ in Familiam suam cooptatus.

Agitabatur interim Mediolani inter Electores consilium, quis Leoni demortuo subrogandus esset Mediolanensis Antistes. Duo autem propositi fuerant Candidati, Raymundus

Tur-

Turrianus, & Franciscus Septala. Ubaldinus Cardinalis, qui Romæ degebat, facti confcius, apud Urbanum IV. Summum Pontificem officiis omnibus precibusque insistebat, ut Otto, quem Virum ingentis spiritus, & indolis ad magna natæ agnoscebat, hujus Metropolis Archiepiscopus a Pontifice Maximo renunciaretur. Cesserat electionis suæ juri Franciscus Septala, ratus, se prorsus imparem Causæ suæ propugnandæ contra duos rantarum virium Æmulos, Turrianum nempe, ac Vicecomitem. Quocirca Octavianus Cardinalis, Turrianis insensibilis, utpote qui, cùm redux e Galliis Mediolano pertransisset, non satis honestè pro voto, a Martino Turriano Rerum publicarum tunc Domino se habitum querebatur, id effecit, ut tandem Urbanus IV. Apostolica auctoritate in Mediolani Archipræsulem Ottonem constituerit ac declaraverit, manibus etiam propriis Consecrationem eidem impertiens, teste Tristano Calcho *Historiæ Patriæ* Libr. XVI. Offensû hoc Pontificio Decreto Turrianæ Familiæ Proceres nullum lapidem reliquerunt, quem non moverent, ut electum Ottonem a Patriæ finibus amoverent, irritamque facerent ejusdem in Antistitem designationem. Occupata ideo forti militum manu Cairra & Oppida Archiepiscopalis juris, custoditæ viæ, usurpatique omnes prædiorum redditus, nullum novo Archiepiscopo subsidium aut asyli locus superesset. Præcepit tamen Urbanus Ottoni, ut ad capeffendam Dignitatem veniret, ac ad contundendam Adversariorum superbiam Româ proficisceretur. Equidem sub initium propitia illius votis fors arrisit; Novariam namque adiens, cùm Nobilium aliorumque proscriptorum ac militum agmen collegisset, præsidio

fidio destitutam Aronæ Arcem felicissimè obtinuit . Sed de hoc monitus Martinus Turrianus , validis copiis stipatus illuc accurrit , atque Otto viribus impar abscedere coactus est , præclusoque omni alio aditu , aut Castro in quod se reciperet , iterum Romam profūgit . Indignatione commotus ob hanc tyrannicam invasionem , ac inobedientiæ contumaciam contra Apostolicam Sedem , Mediolanensem Civitatem Sacris interdixit Urbanus ; ut scilicet hisce pœnis multati Mediolanenses ad Archiepiscopi Ottonis venerationem & obsequium redirent .

Nec defuit partibus suis Otto : Sed cùm animadvertet , non tam in hac Metropoli , verùm etiam in suæ Provinciæ Diocæsisbus pessumdari Ecclesiasticam jurisdictionem , Episcoporum bona perfidâ invasione ac licentia diripi , ipsosque etiam Sacros Præfules a Sedibus suis tyrannicè expelli , Concilium Provinciale apud Saonam indixit ac celebravit Anno MCCLXVI. , Idibus Novembris . Fragmentum edidit hujus Synodi Carolus a Basilica-Petri Episcopus Novariensis in Libro inscripto *Novaria Sa-ra* , pag. CDXXXVI. , in quo inter cetera hæc contineri asserit : *Quacumque Civitas , vel alia Universitas persecuta fuerit suum Antistitem , Archiepiscopum , vel Episcopum , & in hujusmodi præsumptuosa persecutione persistenter , itaut in sua Sede majori non audeat manere ; vel consenserit vel passa fuerit persecutionem hujusmodi fieri , dummodo hoc valeat prohibere ; Rector illius Civitatis vel Universitatis , Consilarii & Officiales sint ipso facto excommunicati ; Civitas verò vel Universitas ipso facto districtè subiacet Interdicto .* Recudere placuit hanc laciniam , cùm ,

cum hujus tam præclari Operis Exemplaria omnia, & ferè memoria ipsa perierit.

Compulsi pudore, quòd Ecclesiasticis execrationibus subiecti tandiu a Sacrorum perceptione ac Divinis officiis arcerentur, Mediolanenses, ac præsertim Turriani, decrevere Legationem expedire ad Clementem IV., qui in Beati Petri Sede Urbano IV. demortuo successerat, & Prædecessoris inflictum Civitati Interdictum auctoritate suâ confirmaverat; utque absolutionem a sacris pœnis a Pontifice Maximo exciperent, simulatæ pacis conciliandæ inter utramque Familiam Vicecomitum & Turrianorum, ac restituendæ afflictæ laceratæque Urbi olim vigentis tranquillitatis speciosum titulum prætenderunt; revera tamen, ut Ottonem æmulum & Mediolanensis Ecclesiæ Solio deturbarent, quemadmodum postmodum patuit. Itaque profecti Viterbium Legati Anno MCC-LXVII clausos Pontificiæ Aulæ postes invenère, renuente Clemente illos ad sui conspectum & colloquium admittere. Ne igitur re infectâ ad Urbem nostram regrederentur, Caroli Andegavenfis, Siciliæ & Apuliæ Regis patrocinium imploravere; isque se obstrictum professus Turrianis & Mediolanensibus, quos amicos & fœderatos plurimum negotiis suis ad felicem exitum promovendis profuisse expertus fuerat, libenti animo favorem suum iisdem spondit, Instructâ igitur Legatione, unâ cum Missis Turrianorum, Viterbium cum istis direxit Procures suos, ut Clementem Summum Pontificem iustè iratum emollirent, gratiamque Supremi Hierarchy illis iterum conciliarent. Nobili hoc comitatu in Viterbensem Urbem delatis, Summus Pontifex, ut gratam bene-

benevolentiam suam, ob recepta ab ipso non levis momenti adjumenta, erga amicum sibi Regem patefaceret, facillè se exorari permisit; & convocatis in Consistorio Sacri Senatus Patribus, prodire in conspectum suum utriusque Partis Oratores, de Causa sua peroraturos jussit. Tristanus Calchus Orationes ab iis habitas coram Pontifice, & universo venerabili illo Cœtu recitat, quas, cùm ad elucidandas caliginosas hujus controversiæ vicissitudines, & Ecclesiasticam nostræ Metropolis eruditionem nitidiùs ediscendam plurimum conferant, non abs re erit hoc loco recudere; raritate præcipuè Exemplarium Calchi, quæ non ita obvia oculis sunt in Bibliopolarum Officinis, id suadente.

Oratores Caroli Regis priores verba fecere. „ Si pro „ amicis atque Sociis, quorum dignitas atque fortunæ in „ discrimen versantur, Pontificum Maxime, deprecaturi ve „ nimus, haud equidem mirari te oportere existimamus; imo „ magis desertos atque proditos eos opinari deberes, si se „ cus ageretur, quibuscum fœdus & amicitia sit inita „ jampridem, & novis subinde meritis creverit. Neque „ Rex noster dignos patrocinio & favore duxisset, si con „ tumaces in Te hos perspiceret, qui sic de Mediolanensi „ Sacerdotio contendunt, ut utilitatem publicam, Patriæ „ quietem privatæ cupiditati anteponant; neque id agunt, „ ut legem Tibi præscribant, ne des quem Præsulem volue „ ris, sed æquum censent, ut semel audias atque cognos „ scas, salubrius-ne & ex publici statûs commodo magis „ sit, Raymundum Turrianum, an Ottonem Vicecomitem „ Ecclesiæ suæ præesse. Sed, dicet aliquis, cur non conti „ nuò

„nuò imperata fecere , constitutum Præfulem in Urbem ad-
„misere , & illi de more Ecclesiastico obedientes suere ? Facta
„nempe hæc forent , Pater Amplissime , nisi ab diuturno
„odio & perpetuis seditionibus , novi in Urbe tumultus cer-
„tò certius futuri fuissent . Hactenus igitur imperiis Tuis re-
„pugnare visi sunt , ut cladem a Patria , & exitiale bel-
„lum avertere procurarent . Nulli tuorum vim aut arma
„intulerunt ; Tui enim sunt Turriani , si cetera intueris .
„Jam quo vultu , qua liberalitate Regis nostri Caroli ab
„Alpibus descendentes Duces & copias excepere , quàm be-
„nigno hospitio , quanta rerum largitate prosequuti sunt ,
„quàm fortiter atque fideliter arma contra æmulos sumptis-
„sunt ? Qui si in ipso Italix limine sese nobis opposuissent ,
„aut cum hostibus consilia agitassent , profectò enim per in-
„festas terras transire non licuisset : His verò adjuvantibus ,
„& comiteatibus largè suppeditantibus & tenentes arma Ad-
„versarios compressimus , & si qui alii nos lacerare para-
„bant , exemplo deterriti quiescere ; & velut Amici nihil
„denegantes , Romani usque transmissere . Hinc inelyta illa
„victoria , & quidquid juris & imperii in Italia habemus ,
„& Romanæ Ecclesiæ post cæsum Manfredum accessit , Tur-
„rianis acceptum referri oportet . Audias igitur , Clementis-
„sime Pater , eorum Oratores , qui Tibi obtinere ,
„Tuique juris esse volunt . Hoc Rex invidiosissimus rogat ;
„hoc concedere debes , ne tales illius Amicos damnasse
„indictâ causâ videaris .

Datâ dein veniâ Legatis Mediolanensibus ut loquerentur ,
ita exoristi . „ Nisi Tibi , Romane Pontifex , parerem

N n n

de re-

„ decretum nobis esset , & Majestatem Apostolicam unicè
„ coleremus , profectò a Te spreti atque repulsi , domum
„ ad nova consilia , ad amicitias & fœdera concilianda ,
„ denique ad inimicos Tuos accessissemus , ut quacumque
„ ope subnixi alienum animum ostenderemus . Verùm in eo
„ perseverantes quod æquum , quod debitum ac saluberrimum
„ est , eum Regem adivimus , & deprecatorem paravimus ,
„ quem sciebamus amicitia & magnitudine beneficiorum
„ tibi conjunctissimum esse ; qui ita Regno potitur , &
„ Regium nomen ita exercet , ut fateatur , se id munere
„ & nutu vestro accepisse ; ac propterea ad arcendas injurias ,
„ & defendenda Sacerdotum jura potentiorum promptioremque
„ non noverimus . Hujus gratia in conspectum
„ Tuum admissi , breviter , quid optemus , exponemus . Mortuo
„ tuo Leone Perego , qui per omne Sacerdotii sui tempus
„ nihil antiquius habuit , quàm in Civitate , irâ odiisque
„ ardente , Patricios in Plebem armare , perniciosâ certamina
„ fovere ; Plebs ipsa , pro vetere jure & consuetudine
„ eorum qui rei Divinæ Præsulem dare consueverant ,
„ Raymundum Turrianum Archiepiscopum designat . Hunc
„ Fratres & propinqui , cum jure sanguinis & novâ ingente
„ sua Dignitatis amplexi sunt , tum quòd cernebant ,
„ eo Pastore perpetuam inter Cives concordiam fore . Sed ,
„ ut magno in populo plerumque usuvenit , Franciscus Septima
„ , Vir nulla ex parte nostro conferendus , paucorum
„ suffragiis electus est . Urbanus verò Pontifex , neutri
„ horum subscribens , tertium delegit , & quidem e numero
„ eorum , qui continuos motus certamina & cædes fecerant ,
„ &

„ & Urbe pulsi , rapinis & latrociniiis fines perturbarunt .
„ Contradiximus , fateor , Edicto Pontificio , designatumque
„ Antistitem recusavimus ; non ut Majestati vestræ derogare-
„ mus , sed ne hic sub nomine & potestate Sacerdotii ex-
„ cidium Patriæ moliretur . An obscurum est , quantum cla-
„ dis Civibus suis , quid dedecoris Romanæ Ecclesiæ gens
„ superba & ferox semper intulerit ? Nonne cum Aëtolino
„ Romano , tyrannorum omnium sævissimo , per causam re-
„ cuperandæ Patriæ , sœdus & arma junxerunt ? eoque oc-
„ ciso Palavicinum sectati , quid non injuriarum & malefi-
„ cii in suos edidere ? Aronam Oppidum , Brebiamque ador-
„ ti , exulum manum obarmare , multitudinemque latronum
„ finibus inducere conati sunt , unde tamen , non sine mul-
„ torum sanguine , & agrorum populatione repulsi , ad au-
„ ctoritatem vestram confugientes , per Ecclesiasticas execra-
„ tiones jus Sacerdotii sibi vindicare nituntur . Et is quidem
„ rei Divinæ administrationem sibi deposcit , cui (cum ve-
„ nia dictum sit) conducibilis foret delitescere in occul-
„ to , & velur ignarus mysteriorum , peritis se tradere ,
„ & quid cæremoniæ , quid Sacerdotes nostri velint , edificere .
„ Nisi fortè illi animos facit uterque Parens , qui a recta
„ Fide abhorrentes , nihil non opis contulerunt iis , qui dis-
„ putationibus & vatio certamine veram Religionem oppu-
„ gnabant ; aut Sororis nuptiæ , quæ homini heretico & Ec-
„ clesiæ rebeli in matrimonium data est . Tantum abest ,
„ ut nostra Sacra Otto Vicecomes capeisset , ut nemo ma-
„ gis ab hoc ministerio arcendus , & in ultimas terras de-
„ portandus existimeretur . An parùm nota sunt mala , quæ

„ Urbs pertulit, cùm Ecclesia pravum & seditiosum Anti-
„ stitem nacta est? cui, cùm incubaret Auxentius, Vir ne-
„ farius & Arianæ hæreseos signifer, intolerabilem tyranni-
„ dem (ut Divus Hieronymus inquit) totâ Italiâ Fides
„ Catholica sustinuit. Langobardi Reges, nisi expulsis Ar-
„ chiepiscopis, quietas res non habuere. Ardericus Corta,
„ cùm morem gerere Hugoni Italiæ Regi recusaret, mise-
„ randæ cædi & agrorum populationi materiam præbuit. Quis
„ commodè explicaret duorum Arderici Gentilium, Landul-
„ phi & Arembaldi Cortarum seditiones; qui per decem-
„ & novem annos Sacerdotem & universum Clerum vexa-
„ verunt, quò Antistitem quem vellent, constituerent, ut
„ nullum non sacrilegii genus admiserint, nihil impollutum
„ reliquerint, fustibus gladiisque succincti, ab Aris & Tem-
„ plis celebrantes Sacra deturbarint; Sacro oleo sparso, pro-
„ fanum quo uterentur, protulerint; denique (proh nefas
„ & inauditum scelus!) tres uno tempore Præsules Eccle-
„ sia haberet, exulem unum, in carcere alterum, & qui
„ Sedem suffocaret puer imperitus, centum Patribus illo-
„ rum imperio prælatus. Quos verò tumultus, quæ bella
„ non excitavit Heribertus Antimianus, qui sex & viginti
„ annos in eodem Archiepiscopatu sic vixit, ut & Domi-
„ nium Urbis apertè affectaverit, & Germanos Principes bar-
„ barasque Nationes, ut cupiditati suæ satisfaceret, arcerere, &
„ populos prædæ exponere non dubitaverit? Interest nimium,
„ Pater Beatissime, non tam Sacrorum & Religionis, quàm
„ publicæ quietis, qualem Præsulem fortiamur; quò enim
„ se Pastor noster inclinaverit, eò imperia & opes steterè:
„ quin

„quin etiam Romano Sacerdoti reliquæ Occidentis Ecclesiæ
„paruere, ubi Mediolanensis succubuit. Quare, Patrum Am-
„plissime, Te publico nomine, & ex Religionis & Sacro-
„rum nostrorum utilitate rogamus atque obtestamur, ut quæ
„ad publicos usus & cultum Christi faciunt, atque in com-
„mune conducunt, ea omnia solemter circumspicias, eum-
„que nobis Præsulem des, qui sit miti ingenio, sincera men-
„te, procul ab imperandi, procul ab ulciscendi libidine,
„urbanæ tranquillitatis & concordie studiosus, publicam uti-
„litatem amplectatur, & pro communi negotio & salute invigilet.

Cum finem dicendi fecissent Turrianorum Oratores, Pon-
tificis innuente Ottoni Archiepiscopo, ut si quod Causæ suæ
propugnandæ firmamentum haberet, ediceret, ira respondit:
„Nec novum nec inopinatum mihi est, Summe Sacerdo-
„tum, vosque ceteri Religionis Principes, a seditiosis ho-
„minibus improbisque Tyrannis ea objici vitia, quæ ipsi
„patiuntur: Qui postea quàm aliquo numero in Urbe esse
„cœperunt, Illustres Familias odio implacabili, & pulsos
„Patriâ Cives bello infectari non destiterunt, & nomen omne
„Patricium ex professo perosi, Plebem longo & continenti
„servitio opprimunt. Feras obsecro æquo animo, Pater Op-
„time, paulò uberius calamitatem nostram me conqueri,
„& quanta Adversariorum crudelitas fuerit, exponere. Hi
„non imperare ceteris, & suo nutu Urbem regere tantùm
„postulant, sed sanguinem miserorum appetunt, opes for-
„tunasque sitiunt, funditùs perditos, quos semel odere,
„cupiunt. Cumque nemo a vi & injuria liber, nemo a
„damno & contumelia tutus foret, spes una miseris reli-
„qua

„ qua in Sacerdotii reverentiâ posita est : De cuius jure
„ docte & prudenter Adversarius hic noster fecit , quòd
„ parcè locutus est ; controversiam omnem , ad publicam
„ causam & populorum quietem rejecit : ut quod per sum-
„ mam injuriam & Romanæ Sedis contumeliam occupant ,
„ quod adversum Decreta duorum Pontificum agunt , id vi-
„ deantur publici commodi & tranquillitatis ergo face-
„ re : Qui pacis ipsi studiosi , statim ut in me inclinari suf-
„ fragia vidère , facto tumultu , correptis armis , domo &
„ Urbe ejecerunt . Confûgi ad hoc sacratissimum Orbis ter-
„ ræ Conscriptorium ; data sunt Rescripta , ut me Antistitem
„ reciperent : Sed vix fines ingressum hostili modo arcant .
„ Fateor , Amicorum manu succinctus Aronam cepi , non
„ ut detrimenta Patriæ inferrem , sed ut quocumque modo
„ in Diœcesi mea constitutus , possessionem mihi designatam
„ assererem . Sed audaces & impii homines , quos nulla re-
„ verentia Sacerdotii , nullus Dei metus , nulla Pontificis au-
„ ctoritas tangit , subito tumultuarium militem contrahunt ,
„ Oppidum obsident , Pastorem operibus & machinis oppu-
„ gnant . Frustra sæpius auxilium & fidem Tuam invocavi ,
„ Pater Clementissime : Nihil Majestas Tua , nihil Pontifica-
„ le nomen juvare potuit . Cedere furentibus malui , quàm
„ committere , ut Civium meorum sanguis ex certamine ef-
„ funderetur . Tam insignem contumeliam & Apostolicæ Se-
„ dis contemptum ne impunitum ferrent , diras in eos Præ-
„ cessor Tuus injecit , ac Civitatem omnem Sacris interdi-
„ xit ; ut scilicet Sacris multati , ad venerationem & obse-
„ quium redirent . Sed nihil is profecit . Tu eadem repe-
„ tisti .

„titi . Quid reveriti sunt ? Et audent detestabiles in con-
„spectum Tuum venire ? At dicet aliquis : Adfunt vene-
„rabundi , supplices , pacem exposcentes , ad genua procum-
„bunt . Nimirum , Pater Sanctissime , non facturi imperata
„huc venere ; parituros se simulant , cum maximè recu-
„sent . Liberæ populi voces , & acres querimoniarum eorum ,
„qui Sacris carere diutius non possunt , & gravis regni in-
„vidia , & rebellionis infamia , hæc illos facere cogunt .
„Sed impudentes homines tantum sibi arrogant , ut Ro-
„mano Pontifici Sacerdotii potestatem adimant . Præfulem ,
„inquiunt , des nobis mitis ingenii , Sacrorum peritum , &
„qui partium studio non teneatur . Ecce , non erubescunt
„conditiones proponere , a quibus si defeceris , ad Majo-
„rem , credo , Magistratum provocabunt . Vecordes sanè ,
„& inauditæ temeritatis homines ; velint nolint , arbitrio
„Romani Pontificis stabunt , illi obtemperabunt , & ceu per-
„petuo ac singulari Domino servient . Optarem sanè , ut
„Sacrosancti hujus Loci rationem aliquam habuissent , neque
„tantâ petulantia ejus amplitudinem læssissent . Ausi sunt me
„Parentesque meos hæreseos insimulare , quos ipsos prius
„omni crimine vacare oportuit , qui manifestæ contumaciæ
„tenentur . Sed finite , quæso , quietos meorum cineres :
„Pax sit cum mortuis , parcite Manibus : Satis enim eos
„constat piè & religiosè decessisse , qui ex ultima volun-
„tate Christiano ritu , sacro in Loco sepulti sunt ; quorum
„Ossa non a profanis , ut vos estis , sed a religiosis Viris
„componuntur ; Sororis quoque Maritum taxare placuit ,
„cujus ego Causam longiore oratione non prosequor . Vi-
„vit

„ vit enim , & quidem Loco celebri , ut facilè quorum-
„ hominum fautor sit , & quæ dogmata sequatur perspic-
„ possit . Objiciunt nobis Aetiolini vires , quem nunquam-
„ novi ; & Uberti Palavicini societatem , cujus ipsi quin-
„ quennali militia usi sunt ; & post intoleranda damna Ami-
„ cis suis illata , mox Plebi Mediolanensi illudentes , no-
„ men & imperium Credentiæ , quod olim infima turba-
„ adversus improborum hominum licentiam comparaverat ,
„ cujusque Ordinis tanta potestas auctoritasque fuit , ut bel-
„ lo paceve id demum ratum foret quod Credentia jussisset ,
„ penitus sustulerunt . Soli Rempublicam tenent & guber-
„ nant . Protector populi nuncupatur , qui Patriam nobilita-
„ te exhaustam , & Plebem juxta circumscriptam opprimit
„ tyrannide insolentissima . Quippe minus multò calamitosum
„ plerique duximus exulare , longeque a Patriæ finibus vi-
„ tam agere , quàm libidini & intemperantiæ eorum parère ,
„ apud quos nullum rapinis , ferro , & cædibus modum-
„ esse videbamus . Nam & quæ Carolo Regi præstitisse se
„ jactant , ea non in Pontificis gratiam facta sunt , sed ut
„ illo socio amicoque uterentur ; ejusque umbrâ subnixi re-
„ gnum stabilirent , Patriamque omnem per scelus & libidi-
„ nem lacerarent . Porro , quæ immanitas , quæ sævitia-
„ nuper admissa est , cùm ob unius necem ab incerto au-
„ ctore factam , centum & quatuordecim Viri , nihil com-
„ meriti , & quorum pars maxima abfuerat , uno Edicto
„ contrucidati sunt , & carris impositi , per ora vulgi cir-
„ cumvecti infandum spectaculum præbuere ? Quos tunc ge-
„ mitus , quas lacrymas , quàm lamentabiles querelas tota-

„ Urbe

„ Urbe auditas fuisse creditis ? Certè animus meminisse hor-
„ ret . Et tamen funesti homines in medium procedunt , Sa-
„ cerdotium petere , de pace agere , & de concordia Ci-
„ vium tam insolenter loqui in hoc amplissimo Cœtu au-
„ dent ?

Abire jussis ab Aula Oratoribus , non diu agitata con-
silia fuere , cùm unica omnium sententia foret , quam Sum-
mus ipse Pontifex pronuntiavit in hæc verba : *Romaneret
tandiu Sacris interdicta Civitas Mediolanensis , usquedum ob-
sequens ea esset Pontificis mandatis , atque in Sedem Otto
suam reciperetur .*

Petenti autem Ottoni Archiepiscopo , ut Legatus Me-
diolanum a Pontifice mitteretur , qui Apostolica auctoritate
omnia componeret , annuit Clemens , atque unum ex Sanctæ
Romanæ Ecclesiæ Cardinalibus Legatum ad hanc Metropo-
lim direxit . Statim ac iste Urbem nostram attigit , honori-
ficè exceptus a Turrianis cum longo Sacerdotum ordine ac
Civium turba , commissum sibi munus implere curavit . Qua-
propter collecto Præfulum & Principum Langobardiæ Con-
cilio , Summi Hierarchæ mentem palam explicuit , tria hæc
subinde statuendo , quæ Galvaneus Flamma in *Manipulo Flo-
rum* nobis servavit Cap. CCCIV. , videlicet : *Primò quòd
Mediolanenses recognoscent , Ottonem Vicecomitem esse verum
Archiepiscopum Mediolanensem , & ipsi tamquam vero Patri
dignos exhibebunt honores . Secundò quòd ipsum recipient in
Civitatem Mediolanensem , & ipsi restituant omnia sua jura &
Castra , & possessiones Ecclesiæ . Tertio quòd de cetero nulla
fiet in Clero exactio , nec proscribetur alius Clericus , &*

damna illata restituuntur, & nulla injuria fiet alicui Ecclesiastica personæ &c. Hæc autem omnia jurejurando ab universis Civibus signari voluit, ut rata & firma haberentur; idque præstitum est publicè in plateis. Quibus pro voto expletis Pontificius Legatus *relaxavit Interdictum, & excommunicatos absolvit, ac petiit, quòd juramentum opere compleretur*, ut Galvaneus testatur. Reversus Romam Legatus, factoque conscio Clemente IV. de Legatione sua feliciter acta, Ottoni Archiepiscopo facultas data est, ut liberè securèque ad regendam Mediolanensem Ecclesiam quantocius accederet.

Verum, cùm nondum restituta fuissent a Turrianis Oppida, Arces, & prædia Archiepiscopalis Mensæ, Otto omni interim subsidio se orbatum videns, porrecto supplici Libello, a Clemente Pontifice postulavit, ut sibi ea potestas confirmaretur, qua olim expulsum ab Aronæ Arce ipsum donaverat Urbanus IV. per Literas Pontificias, ut videlicet, cùm Bona Mediolanensis Ecclesiæ *ab indevotis nequiter* occuparentur, nec faciliè eorum possessionem adipisci posset, subsidium in pecunia exigeret per biennium, ad necessariam sui Dignitatisque acceptæ sustentationem, ab Episcopis, Prælatiis, Monasteriis, Ecclesiis Cathedralibus, aliisque personis Ecclesiasticis. Propensum votis suis animum Clementis Archiepiscopus noster invenit: Pontifex enim datis Literis *Viterbii III. Calendas Julii, Anno MCCLXVII. Pontificatus sui anno tertio* prædictam facultatem Ottoni concessit. Harum Exemplar nos inspeximus in Archivo Monialium antiquissimi Cœnobii Medæ, in quibus, ex placito Pontificis, Otto imponit

nit Prælatiſ, Abbatibus, Clero, Archidiacono & Capitulo, ac univerſis perſonis Eccleſiaſticis Alexandria & ejus diſtrictus, quatenus *pro anno præſenti Procuratoribus ſuis Leonardo Præpoſito de Dexio Mediolanenſis Diœceſis, vel Magiſtro Johanni Qualiorto Canonico Aſtenſi, infra XL. dies, triginta libras Imperiales Papienſis monete ſolvant ſub pena excommunicationis lata ſententiæ, & Interdicti Eccleſiarum.* Similia Exemplaria occurrunt in Archivis, expedita ad ceteras Provinciæ Eccleſias, cum ad alterum etiam annum Clemens IV. hanc facultatem Ottoni extenderit.

Videbatur attingendo litori proxima ſpes Ottonis, quæ tamdiu ærumnis & contentionibus agitata in ſicco hæſerat, quin progredi poſſet ad inſigendum Patriæ liminibus, & Eccleſiæ ſuæ Solio ſecurum oſculum pacis. Siquidem adnitenſe Summo Pontifice, Apoſtolica auctoritate tum in publico Conſiſtorio, tum per Legatum in Urbe ipſa Mediolani, id tandem affectus fuerat, ut a Turrianis hoſtibus atque univerſo populo, quietâ poſſeſſio capiendâ Archiepiſcopalium Arcium, obſequiumque eidem tamquam legitimo Paſtori præſtandum, necnon admiſſio in ſuam Sedem, inviolabili fide ac ſacramento firmarentur. Sors tamen infauſta, quæ ex inopinato emerſit, denovo ſpem omnem recuperandæ Sedis in altum propulſavit; ſequenti namque Anno MCCLXVIII. correptus Clemens Pontifex Maximus vehementi morbo, Viterbii migravit e vita; Quodque difficiliorem in Patriam reditum Ottoni reddidit, fuit diuturna & ferme triennis viduitas Romanæ Cathedræ, quæ nonniſi Anno MCCLXXI., Calendis Septembris ſponſum recepit Gregorium hujus nominis

X., e nobilissima Vicecomitum Placentina Familia progenitum. Digresso enim ad æternam requiem Sanctissimo Pontifice Clemente, exsolutos se existimantes Turriani vinculis spon-
sionum & juramenti, quibus obstricti erant se, susdeque cuncta verterunt, ut Ottonem omni jure spoliarent, præ-
diis ac munimentis fulcientes Loca, quæ ad Archiepiscopum
Mediolanensem spectabant, ne aditus ullus pateret adventui
Ottonis. Sedente autem Romæ Gregorio, splendidam ad no-
vum Pontificem Legationem duodecim ex nobilioribus Proce-
rum Turriani direxerunt, ut universæ Civitatis gratulationes
pedibus ejusdem advolverent, simulque ut a patrocinio, in-
visi ipsis, delecti Archiepiscopi illum averterent. Non defuit
Otto partibus suis, querelas coram Gregorio exponens, ro-
gansque, ut quod in pleno Apostolico Senatu a Decessore
suo statutum fuerat de quieto ejusdem reditu in Patriam,
Turrianis ipsis publicè consentientibus, tandem impleteretur.
Id tamen, quamvis justum æquissimumque sibi videretur, dif-
ferendum censuit Summus Pontifex, cùm animo versaret, ce-
lebrare concilium Generale in Urbe Lugduni, nolletque in-
fensos sibi reddere Turrianos in hoc Reipublicæ Christianæ
proficuo molimine, quod meditabatur.

Acquiescere itaque debuit Otto tam piis Gregorii votis,
qui optima sperare illum jubebat; nec in cassum cecidère
hæc Summi Pontificis prospera auspicia. Siquidem cùm, in-
dicto memorato Concilio, Româ proficisceretur ad illud ce-
lebrandum, Ottonem secum comitem adscivit: Cùm autem
Placentiam deductus esset, ibidem consistere Ottonem voluit,
pollicitus eidem, se, cùm Mediolano transiret, de pace cum

Tur-

Turrianis concilianda pertractaturum. Exceptus quidem fuit Gregorius in hac Metropoli solemnī pompā, atque omni honoris significacione, quam Calchus describit; sed sive urgente desiderio festinandi ad Concilium, sive contumaciā Turrianorum pervicaciter obistente, post expletum in Ædibus Ambrosianis triduum moræ, nocte intempestā, absque ullo Mediolanensium comitatu se Mediolano proripuit. Neque segnis fuit etiam Otto ad iter arripiendum Lugdunum versus, eo præcipuè commotus, quòd intellexisset, se ad necem peti per Sicarium pecuniā conductum. Lugduni autem degens cum Gregorio X. (non IX. , ut per errorem scripsit Galefinius) de hoc insolenti ausu, deque aliis criminibus, quibus violatā Ecclesiasticā jurisdictione & pessumdātā reverentiā Apostolicæ Sedi, humanas Divinasque leges perfringebant Turriani conquestus, eò adduxit Pontificem Maximum, ut sacri anathematis telum armaverit, novamque Civitati Mediolanensi Interdicti pœnam infligerit, ut Calchus testatur. Corius non Lugduni, sed post reditum Gregorii a Lugdunensi Concilio, Anno MCCLXXXIV. multatam fuisse hac Censurā nostrorum Civium contumaciam asserit; atque hanc veriore sententiam esse opinamur, quemadmodum conferenti narrationem Calchi cum altera Corii patebit.

Opportunè hoc loco recolendum nobis occurrit insigne decus, quo illustrata hæc Metropolis fuit, ex adventu in eamdem Petri de Murrone, qui postmodum Pontificiā Romanā Tyarā ornatus sub nomine Cœlestini V., demum Sanctorum Confessorum albo adscriptus est a Clemente V., Anno MCCCXIII. Neque enim solummodo nominis sui famam, per

per hanc Urbem transiens reliquit, sed etiam vestigia apud nos singularis suæ caritatis impressit, quæ adhuc perdurant. Instituerat ille Ordinem Sacrum, ab Auctore suo *Cælestinorum* appellatum; jamque permulta tum in Apulia, tum in reliqua Italia crexerat Domicilia, sub nomine *Congregationis Sancti Damiani*. Cùm verò intellexisset, in Lugdunensi Civitate celebrari a Gregorio X. Pontifice Maximo Generale Concilium, illuc pedes profectus est, ut confirmationem Congregationis suæ obtineret; votique sui compos est factus: Nam quamvis Gregorius X. (ut Pagius junior adnotavit) in eo Concilio plures Ordines recens institutos reprobasset, tamen cognitâ Petri de Murroue probitate ac sanctimonia, ejusdem precibus facillimè se exorari permisit, & Ordini Sancti Benedicti eandem Congregationem adscripsit. Hanc verò multis etiam prærogativis auxit ipsemet Cælestinus, cùm in Pontificia Cathedra federet, ut constat ex Diploma- te hujus Summi Pontificis, expedito Anno MCCXCIV., quod legitur in Bullario Romano.

Cùm igitur ex Gallia in Italiam rediens Petrus Mediolano pertransiret Anno MCCLXXIV., moram aliquam hic duxit, ac Hospitium extra Orientalem Portam, ad excipiendo peregrinos construxit, aliquem ex Sectatoribus suis ibidem relinquens, ad hoc pium Caritatis opus perficiendum, quemadmodum antiquus Lapis incisus memorabat, quem in frustra contractum ab oscitantia Cœmentariorum (cùm Ecclesia Cælestinorum nostrâ ætate in elegantiorē formam reficeretur) perlegit, non sine animi indignatione Reverendiss. Pater D. Joseph Palatius Mediolanensis, eo tempore

Phi-

Philosophiæ Lector, nunc ejusdem Cœnobii Abbas, eruditione ac doctrinâ ornatissimus, nobisque benevolè communicavit. Paucos hujus Ordinis Alumnos habuit Hospitium illud, donec Anno MCCCXVI. in regularis disciplinæ Cœnobium evasit; erepto enim e vivis Archiepiscopo Mediolanensi Cassone Turriano, admissi fuere ad illud incolendum Cœlestini Ordinis Sæcutores, facultatem ultro præbente Metropolitane Mediolanensis Ecclesiæ Collegio. Testem hujus rei habemus antiquum Catalogum Archiepiscoporum hujus Ambrosianæ Ecclesiæ, *Primicerii* appellatum, cujus Exemplar MStum in Bibliotheca Ambrosiana servatur; ibi enim hæc leguntur: *Istius Cassoni morte, vacante Sede, Capitulum Ecclesiæ Mediolanensis concessit Fratribus Cælestinis locum & Ecclesiam extra Portam Orientalem, ubi nunc est.* Porro a vero nos abluere non censemus, si dicamus, consilium induendi in Metropolim nostram hujus Ordinis, captum fuisse Lugduni, cùm ipsomet tempore ibi morarentur Otto Archiepiscopus & Petrus de Murrone, eodem Antistite libentissimè annuente.

Antequam Cœlestini Ordinis Alumni in hac Urbis parte Cœnobium construerent, Scriptores duo, qui universæ nostræ Metropolis *Descriptionem* typis vulgaverunt, concordēs affirmavere, ibidem resedisse olim Fratres de *Pœnitentia Jesu Christi*, passim appellatos *de Sacco*, seu *Sacchetos*, ob vestes aut saltem Scapulare ejus generis, quod gerebant. Quo Seculo, quove Auctore institutus Ordo iste fuerit, adhuc in tenebris latet: Quinimo alii prodiisse illum recentiori ætate tradunt, alii verò antiquæ eruditionis studio celebres ejusdem

dem originem duodecimo circiter Seculo securè consignat . Certè , cùm asperitiam . vitam ducerent , summamque paupertatem profiterentur sub Regula Sancti Augustini , eos ex Italia Parisios evocari curavit Anno MCCLVII. piissima Fœmina Blanca , Sancti Ludovici Regis Mater . Aloysius Torellus in *Seculis Augustinianis* , ad Annum MCCLVI , num. LVIII. , & Auctoꝝ Gallicæ *Hystoriæ Ordinum Regularium* . Tom. III. Cap. XX. censent , Ordinem hunc extinctum . fuisse unà cum aliis pluribus a Gregorio X. in Concilio Lugdunensi , Anno MCCLXXIV. celebrato : Fatentur tamen , non statim eundem defecisse , sed sensim ; per aliquot namque annos etiam Seculi subsequents , in Gallia , Hispania , Flandria , Anglia , atque alibi perduravere hi Fratres suis in Cœnobiis , priusquam ob eleemosynarum paritatem cogerentur , ea religiosis aliis Ordinibus resignare ; ut eruditè narrare prosequitur prælaudatus Gallicus Auctoꝝ , subjungens , eorundem Monasterium in Urbe Parmensi non cessisse in . jura Fratrum Servitarum , nisi Anno MCCCXXVI. Quod ad nos attinet , nullum in Historiis Patriæ vestigium occurrit , ex quo arguere possimus , quandonam hic Ordo in Mediolanensem Metropolim pedem intulerit . Superest in Musæo Clarissimi Equitis , & nostrarum rerum antiquarum studiossimi Don Caroli Trivultii , hujus Ordinis sigillum ; sed nimis ambiguum indicium hoc est , ut inde aliquid certi asseramus de fixa Mediolani ejusdem Alumnorum statione . Nilominus pauca ista adnotare placuit , ne quod a Civibus met nostris in publicam lucem prolatum jam est , videamur aut per incuriam ignorasse , aut injuriosâ negligentia prorsus omi-

omississe; cùm minimè censendi sint memorati Auctores ex proprio cerebro, sed potius ex aliquo vel MSto, vel edito Codice, notitiam hanc ad Posteris transmississe.

Verùm ut ad Archiepiscopum nostrum redeamus, digressus postmodum Otto Lugduno, Bagiellam, Vercellensium Oppidum adiit, quò illum se recipere Gregorius Pontifex iusserat, Langobardicos fines in reditu e Gallia attingens. Ibi degens Antistes Vicecomes fœdera inire studuit cum Marchione Montisferati, aliisque Urbibus, Novariensi videlicet ac Papiensi. Nobilium quoque Mediolanensium agmen, qui exilio multati hinc atque illinc dispersi vagabantur, collegit, seque illorum Ducem constituit; ut quod precibus non valuerat consequi, armis obtineret. Ac primò præsidii hisce auctus Seprii Castrum in potestatem suam redegit: Subinde Aronam Angleriamque ingressus est, frementibus licet Turrianis, qui validis copiis eundem inde expellere nitebantur. Initæ postmodum variæ pugnæ fuerunt, quæ modò felices, modò improspæræ Ottoni accidere. Denique cùm ad Decium Oppidum pervenisset, Turrianos qui non procul castra fixerant, noctu adortus illorum exercitum fregit, multisque eorundem captis, ac ceteris turinis in fugam compulsis, integram victoriam retulit Anno MCCLXXXVII., die Sanctæ Agneti sacro; quem etiam Sedi restitutus servari voluit Comuni Decreto vacuum a servilibus operibus, recurrente quolibet anno, in memoriam recepti a Deo beneficii tam illustis. Quod admirari in tanto Viro iustè possumus, id est, eâ moderatione Ottonem processisse in hac fortunæ aridentis amplitudine, ut ad Nobiles comites suos conversus, his-

ce verbis, quæ Galvaneus loco laudato refert, eos fuerit allocutus: *Ista victoria non est nostra, sed est Dei beneficium. Nullus nudet ensen, nullus spoliât pauperem nec divitem., nullus recordetur injuriarum aut vulnerrum. Non enim decet Archiepiscopum ad suam Sedem reverti cum gaudio, & alios plorare exspoliatos, vel vulneribus rubricatos: Sed omnes cantantes & laudes Deo referentes intremas Civitatem nostram.* Narratur etiam insigne compositi ad virtutem animi exemplum: Cùm enim fervente pugna, equo dejectus Napus Turrrianus hostilis exercitus Ductor, jaceret in pingui cœno, jamque gregatius miles nudato gladio, illius jugulo immineret, superveniens opportunè Otto hunc a cæde prohibuit, porrectâque manu Napum humanissimè erigens, eundem summè commendatum copiis suis, ad designatum custodiæ locum perducere incolumem jussit.

Pervulgato extremæ Turrrianorum cladis per hanc Metropolim nuncio, inter spem & metum Civitas fluctuabat, ignara fortis suæ, recepto intra mœnia victore Archiepiscopo. Tandem consilium captum est mittendi ex Urbis Primoribus Oratores ad Ottonem, nomine omnium gratulatu-
 de profigatis hostibus, & insigni ab ipso relata victoria; simulque veniam imploratu-
 Populo, multis calamitatibus afflicto, & qui non tam sponte sua, quàm paucorum con-
 tumaciâ in eum peccasset. Excepit illos serenâ fronte Otto, & pauca locutus bono animo eisdem esse jussit; seque Mediolanum adventare ait non ut hostem, sed ut Pastorem, & Patrem: Sacerdotis esse, non injurias acceptas ulcisci, sed oblivisci. Reversi ad sua Oratores, pacata omnia ac
 prof-

prospera esse nunciantes, universam Civitatem gaudio replevere. Missa subinde sunt Episcopalia indumenta, ut pro Dignitatis suæ reverentia atque honore Archipræsul Metropolim Ecclesianque suam ingrederetur. Paratis omnibus quæ tantum Antistitem decebant, sese in occursum effudit Sacerdotum, cohors, Hymnos & Psalmos decantans; plebsque omnis vix lætitiæ suæ capax, olivarum ramos & paciferam frondem, gestans obviam incedebat, strata etiam fragrantibus herbis viâ venientem Pastorem, humi procumbens voce hilari salutabat. Ambrosianam Ædem primò adiit Archiepiscopus, Deo exercituum, ac victoriarum largitori gratias acturus, thureque plurimo in aris fumante, vota quæ conceperat, flexo poplite Numini persolvit. Dein pepalum allocutus, assulisse jam diem inquit, quo ærumnis & cædibus finis imponeretur; hyemem tot calamitatum, quibus universa Civitas obruebatur, Dei ope jam esse depulsam; nec aliud superesse, nisi ut expunctâ e mentibus præteritorum malorum memoria, quam illis pepererit recens victoria, quietâ pace fruerentur, Deoque bonorum datori sese totos devoverent. Postmodum in Prætorium delatus, admissis Civium Magistratibus, idem qui Sacrorum Præses erat, Urbis Dominus est constitutus.

Quandoquidem verò inter ceteras occasio expellendi ab Urbe non tam Nobiles, quàm primarium Clerum Metropolitane Basilicæ, ea fuerat, quòd nonnisi ex Illustribus Familiis deligendi essent, qui in Venerabili illo Collegio confiderent, Plebejis omnino rejectis; cura fuit præcipua Ottoni Archiepiscopo, qui favore atque ope Nobilium exulum, in-

gressum in hanc Urbem obtinuerat, morem gerere iisdem, renovando inveteratam jamdiu consuetudinem, ut Viris tantum sanguine claris pateret locus inter Templi Maximi Ordinarios Canonicos. Quocirca, postquam Archiepiscopale Solum conscendit., abrogatis Legibus ac Statutis omnibus, quibus aperiebatur via etiam Plebejis, honorem hujusmodi consequendi, Elenchum Familiarum conscribi jussit (quem nunc *Matriculam* vocant) quibus solummodo accessus ad primum cum Ordinem recluderetur; quemadmodum etiam in hunc usque diem inviolato usu servatur, nisi Pontificia auctoritas interfit, quæ ab hac Lege eos absolvat, qui in memorato Familiarum Elencho non descripti, ad illud Collegium assumuntur.

Non destitère tamen ab infestationibus Turriani, qui ab accepta clade superfuerant; relictis namque copiis, conductoque Theutonicorum agmine, ac superveniente Raymundo Turriano Patriarcha Aquilejensi cum CCC. lanceis & sagittariis, validiores facti, post varias excursiones in Urbem, Laudæ consistère. Otto, qui ad novi belli strepitum accurrebat copiosâ suorum militiâ stipatus, in Oppido Gorgonzolæ castra fixerat. Sed derepente irruentibus in eadem per noctem Turrianis, multâ jam cæde Mediolanensium factâ, gloriabantur se vicem rependisse Præfuli Vicecomiti, cum pugnatum est prope Decii Oppidum. Is tamen, ex quo optime comperisset, imparem se viribus esse hosti jam de victoria superbiens, nemine advertente elapsus est de pugna, atque in agresti Domuncula, quæ a Turrianis, utpote destituta præfidiis, contemnebatur, aliis omnibus incendio crematis,

tis, se abdidit. Jacet adhuc in Vico, nuncupato *Lurate*, juris nunc Abbatis & Monachorum Sancti Simpliciani Mediolani, Congregationis Casinensis, infixus in fronte januæ Lapis, qui sculpta refert hæc carmina:

ANGUIGENÆ GENTI IMPERIUM QUI NOBILE FIXIT,
MAGNANIMUS PRÆSUL, DUX GENEROSUS OTHO,
EFFUGIENS QUONDAM VICTUS TELA INTER ET HOSTES,
HOSTES UT TAMDEM VINCERET, HIC LATUIT.

Cum tamen Chronicis notis Lapis hic careat, ignoramus, an ante ingressum in Urbem, an post, latibuli felicitis loco Ædes illa inservierit.

Recedentibus postmodum Turrianis ad alia invadenda Oppida, Mediolanum reversus est Otto; & ne imposterum vitæ suæ aut libertatis periculum subiret, a Ducis officio abstinnit, Amicumque suum Gulielmum Montisferrati Marchionem in hanc Metropolim accivit, atque eundem, accedente etiam communi Magistratum Placito, per decennium constituit Dominum Urbis, itaut quæ meliora existimaret pro Reipublicæ bono, arbitrato suo decerneret.

Exsolutus itaque Archiepiscopus a tricis bellorum, sese totum Ecclesiæ suæ in pristinum splendorem restituendæ addixit. Neque tamen etiam in exilio positus, Pastoralis sui officii oblitus fuerat Otto; cum namque in Ditione Derthonensi moraretur, & Patres Eremitæ Ordinis Sancti Augustini ad illum confugissent subsidium imploraturi, ut incæptum ab ipsis ædificium Ecclesiæ in eadem Derthonensi Urbe absolve-

re valerent, Archiepiscopus noster Diploma expedivit ad universos Provinciæ suæ Christifideles, eos succensus ad liberalem stipem erogandam in Dei cultum, quam ipse implicitus bellis, & extorris a sua Sede præstare non poterat. Meretur hoc loco referri memoratum Diploma, extractum ab archetypo Cœnobii eorumdem Patrum, & impressum a Torello in *Seclis Augustinianis* Tomo IV. Siquidem ex eo elucet eximia sollicitudo & cura, qua Otto promovere in sua Provincia rem Divinam pro viribus contendebat. Ita autem se habet:

„ Otho Dei & Apostolicæ Sedis gratia Sanctæ Mediolanensis Ecclesiæ Archiepiscopus. Universis Christifidelibus per
 „ Mediolanensem Provinciam constitutis salutem in Domino
 „ sempiternam. Quoniam, ut ait Apostolus, omnes stabimus
 „ ante Tribunal Christi, recepturi prout in corpore gessimus,
 „ sive bonum fuerit, sive malum, oportet nos diem
 „ sionis extremæ, misericordiæ operibus prævenire, & æternorum intuitu seminare in terris, quod, reddente Domino
 „ cum multiplicato fructu, recolligere debeamus in Cœlis,
 „ firmam spem fiduciamque tenentes, quoniam qui parvè seminat, parvè & metet, & qui seminat in benedictionibus,
 „ de benedictionibus & metet vitam æternam. Cum igitur
 „ Religiosi Viri Prior & Conventus Derthonensis Eremitarum Ordinis Sancti Augustini, Ecclesiam ad honorem
 „ Sanctæ Trinitatis ædificare cœperint opere sumptuoso, &
 „ ad consummationem ipsius operis propriæ non suppetant facultates; Universitatem vestram rogamus & hortamur
 „ in Domino, in remissionem vobis peccatorum injungentes,

„tes, quatenus de bonis a Deo vobis collatis, pias elece-
„mosynas eis & grata caritatis subsidia erogetis, ut per
„subventionem vestram dictum Opus valeat consummari; &
„vos per hæc & alia bona, quæ Domino inspirante fece-
„ritis, ad æternæ possitis felicitatis gaudia pervenire. Nos
„enim de Omnipotentis Dei misericordia, & Sancti Am-
„brofii Confessoris & Patroni nostri meritis confidentes,
„omnibus verè pœnitentibus & confessis, qui ad consum-
„mationem hujusmodi Operis manum porrexerint adjutri-
„cem, quadraginta dies de injuncta omnibus pœnitentia,
„misericorditer relaxamus. Datum Viqueræ, Diocesis Der-
„thonensis XIII. Junii, Anno Domini MCCLXXI. Indictio-
„ne XIV.

Subinde verò Diocesi suæ sacris Institutis excolendæ
manum adjecit Archiepiscopus Otto, ubique promovens Dei
gloriam, atque ad Christianæ caritatis opera exercenda pio-
rum hominum corda succendens. Captum fuerat consilium,
in Canobii pago ad oram Verbani Lacus, aperiendi Hospi-
talem Domum ægrotis peregrinisque: Utque canonica ejus-
dem erectio fieret, quæsitum est Mediolanensis Antistitis pa-
trocinium & facultas. Lubenti animo preces hæc excepit
Præsul Vicecomes, Literasque dedit ad eos Fratres, qui
advocati fuerant ad illius Domûs curam gerendam. In iis
verò facultatem omnem largitur construendi ædificii, aptan-
dique omnia, quæ ad ægrorum salutem procurandam ne-
cessaria videbantur. Regulam quoque Sancti Augustini ab
ipsis servandam præscribit, jubetque ut Magistrum sibi præ-
ficiant, cui obedientiam præstent, jure visitationis aliorum-
que

que Archiepiscopaliū munerum sibi & Successoribus refer-
vato . Quinimo, ut in perpetuum constaret de hujus Hos-
pitalis Domūs subjectione Ambrosianæ Ecclesiæ, iisdem in-
jungit, ut ceræ libram unam, in Festo Sancti Ambrosii,
Archiepiscopali Mensæ singulis annis persolvant . Data est ista
Concessionis Charta, die XIV. Februarii, Anni MCCLXXX-
VII., ejusque exemplum, quod nos in lucem proferimus,
custoditur in Archivo Curie Archiepiscopalis, inter Colle-
ctanea Joannis Baptistæ Cornei, Primicerii Lectorum, Tom.
XV.

„ Otto Dei & Apostolicæ Sedis gratia Mediolanensis
„ Ecclesiæ Archiepiscopus, Religiosis Viris, Fratribus Pe-
„ tro, Martino, & Thomæ Conversis Hospitalis Sanctæ Ma-
„ riæ de Canobio Mediolanensis Diocesis, in vero omnium
„ Salvatore salutem . Solitæ Sanctæ Mediolanensis Ecclesiæ
„ benignitatis officium, sed & nostram, qui, licet imme-
„ riti, eidem Ecclesiæ præsidemus, deposcit conditio, ut
„ volentibus & optantibus Domino famulari, favorabile præ-
„ beamus obsequium, ac prosequamur eos ad omne, quod
„ possumus & debemus, gratæ commodum libertatis . Hinc
„ est, quòd vobis & aliis, quos de cetero recipere vos
„ continget, in eodem loco Deo servientibus, & Sancti
„ Augustini regulam devotè servantibus, nos tamquam Pa-
„ trem, ut tenemur, exhibentes, favorabiles & benignos
„ nos communibus vestris bonis quæ habetis, & impotenter
„ justè poteritis adipisci, sub nostra & Mediolanensis Ec-
„ clesiæ protectione suscipiamus, & Sancti Augustini vobis
„ observandam damus Regulam, & perpetuo confirmamus,
„ ut

„ ut de cetero secundum ipsam Regulam vivere debeatis ,
„ habendo Magistrum , cui teneamini obedire in ipsius Re-
„ gulæ Instituto ; jure Visitationis & correctionis , & quo-
„ libet alio jure & jurisdictione Archiepiscopali seu Episco-
„ pali in vos & Successores vestros , ac Hospitale prædi-
„ ctum in nobis & Archiepiscopatu Mediolanensi plenè &
„ integrè reservatis ; & vobis etiam præstantibus nobis &
„ Archiepiscopatu Mediolanensi Censum , ad honoris , visi-
„ tationis , & subjectionis , & omnium jurium supradictorum
„ signum , in Feito Beati Ambrosii , ceræ annis singulis li-
„ bram unam . Vos ergo tamquam Viri providæ probita-
„ tis , vos ipsos diligenter conspiciate , si que vos Leo ac
„ Sanctæ Ecclesiæ , ac vestri Ordinis honori & utilitati com-
„ perentes & convenientes proficere , ut Deus vos inde me-
„ ritò prosequi , ac nos possimus & debeamus semper in-
„ omnibus & per omnia , prout jus & ordo poposcerit ,
„ ad dona sublimia promerenda . Nulli ergo omnino homi-
„ num ditioni nostræ subiectorum liceat hanc paginam no-
„ stræ Concessionis & confirmationis infringere , vel ei ausu
„ temerario contraire : Si quis autem hoc attemptare præ-
„ sumperit , indignationem Omnipotentis Dei , & Beati Am-
„ brosii Confessoris Patroni nostri , & nostram se noverit
„ incursum . Dat. Mediolani , die XIV. Februarii , Anno
„ Domini currente MCCLXXXVII. , XV. Indictione .

Ut autem ea attingamus , quæ in nostra Metropoli se-
dens , pro munere suo laudanda peregit , hæc subjungenda
occurrunt . Exciderat non parùm Ecclesiastica disciplina ,
temporum iniquitate & civilium dissidiorum frequentia , quæ

amplum corruptelis aditum aperuerat. In primis verò renovare ipsi placuit Constitutionem illam, quam Decessor suus Leo de Perego ediderat, nosque superius memoravimus. Asservatur in Archivo Insignis Basilicæ Collegiatæ Sancti Georgii in Palatio Mediolani Charta, hoc Ottonis Decretum referens, quam nunc primò vulgamus.

„ In Nomine Domini Nostri Jesu Christi, Anno a Nativitate ejusdem millesimo ducentesimo octuagesimo, die Veneris duodecimo Januarii, Indictione octava, in Palatio veteri Archiepiscopatus Mediolani, in præsentia mei Notarii & Testium infrascriptorum. Congregatis ibi Capitulo Mediolanensis Ecclesie, & Clero Mediolani, pro hoc & aliis negotiis solemniter convocatis, Venerabilis Pater Dominus Otto, Dei gratia Sancte Mediolanensis Ecclesie Archiepiscopus: Cum in Constitutione seu Statuto bone memorie Domini Fratris Leonis, olim Archiepiscopi Mediolani contineatur, quòd quilibet Clericus beneficiatus ad Ecclesiam suam habiter, deserviar, & qui alibi habitant, ad Ecclesias suas redeant infra mensem, ibidem residentiam & debitum servitium impensuri, ita quòd ibi jaceant & comedant, nec eis in locis aliis de communi alicui ministrent, in transgressores excommunicationis sententiâ promulgatâ, nisi fuerint in Scholis, vel aliâs ex justa & necessaria causa absentes, vel ita fuerint impuberes gartiones, quòd potius eos sub disciplina & cura parentum expediat educari; interpretando declaravit, presentibus & assistentibus eidem Archipresbytero & Capitulo dicte Mediolanensis Ecclesie, quòd quilibet Clericus

„ricus Beneficia cum cura & sine cura obtinens, in Bene-
„ficio cum cura residere personaliter teneatur; alioquin pen-
„nam dictæ Constitutionis ipsius Domini Fratris Leonis, olim
„ Archiepiscopi Mediolani incurrit. Et considerans & atten-
„dens idem Dominus Archiepiscopus utilitatem & commo-
„dum Ecclesiarum Civitatis & Diocesis Mediolan, & ani-
„marum salutem, cassavit & revocavit, & cassat & revo-
„cat omnes dispensationes & indulgentias & licentias, cu-
„juscumque tenoris existant, per ipsum Dominum Archiepi-
„scopum, seu per Vicarios suos datas & concessas quibuscumque
„ Prelatis, Rectoribus, Canonicis & Capelanis, seu aliis Clericis Civitatis & Diocesis Mediolan,
„ de residentia non facienda in Ecclesiis, sive Beneficiis suis,
„ contra Constitutionem predictam, & contra Constitutionem
„ felicitis recordationis Domini Gregorii Pape Decimi, editam
„ in Concilio Lugdonensi, in qua inter cetera continetur,
„ quod in hiis, que ad regimen Parochialis Ecclesie perti-
„nent, ut gregis sibi crediti diligentius gerere curam possint,
„ sit, in Parochiali Ecclesia, cujus Rector existit, residere
„ personaliter teneatur. Quas quidem Constitutiones, interpretationem,
„ & declarationem, & omnia supradicta, precepit & precipit dictus Dominus Archiepiscopus inviolabiliter observari.

„ Interfuerunt ibi Testes rogati Angleria de Angleria,
„ Laurentius de Liscate, & Ubertus de Gorla - - - - -
„ Archiepiscopus.

Ne autem pia sollicitudo, qua consulere studuerat æternæ animarum saluti & Ecclesiarum cultui (coactis Rectoribus

bus earumdem ad moram assidue trahendam in sacris iis Locis, quorum cura ipsis incumbere) suo fine frustraretur, ad componendos quoque mores tum Ecclesiasticos, tum Civiles, non tantum in universa hac Metropoli, quam in Diocesi ac Provincia suæ jurisdictionis, diligentiam extendit. Quapropter Anno MCCLXXXVII Concilium Provinciale indixit. Celebratum illud est in Templo Ætivo Metropolitano Sanctæ Theclæ, pridie Idus Septembris, ut Corius tradit; ad quod convocati fuere Episcopi Suffraganei, & Procuratores Collegiorum Cathedralium Ecclesiarum Provinciæ. Edita est hæc Synodus Tom. VIII *Scriptorum Italie* a Clariss. Muratorio. Cum tamen moles illa Librorum minime omnibus obvia esse possit, non absolum ab Instituto nostro est, aliqua in eadem statuta saltem per compendium hoc loco referre.

Aperuit illam Archipræsul noster brevi hac Pastoralis Oratione: *Otto Dei & Apostolicæ Sedis gratia Sanctæ Mediolanensis Ecclesiæ Archiepiscopus &c. Quia hominum malitiâ prevalente caritas refragescit, fides subtrahitur, attenuatur Ecclesiæ devotio, & libertas Ecclesiastica usurpatur, nos ad honorem Dei Patris Omnipotentis, & Beatæ Mariæ Virginis gloriæ, & Sancti Ambrosii Confessoris Patroni nostri, & animarum salutem, & subditorum nostrorum ædificationem, & immunitatem Ecclesiæ conservandam, & reprimendam malitiam perverforum, præsentibus & assistentibus nobis in Provinciali Concilio Venerabilibus Fratribus & Suffraganeis nostris &c. Enumerantur ibi Episcopi omnes, & Cathedralium Ecclesiarum suæ Provinciæ Procuratores, & Monasteriorum Abbates,*

tes, qui Concilio interfuere; ac tandem Orationem suam claudit in hunc modum: *Constitutiones & Statuta in hac Ecclesia Sanctæ Teg'æ Mediolanensis hoc Sacro Concilio approbante facimus, & solemniter promulgamus; ac promulgamus, auctoritate, mandato, & privilegiis Sedis Apostolicæ, & Legatorum ejus in omnibus semper salvis.*

Constitutiones verò & Statuta edita, XXIX Capitibus comprehenduntur. Exorditur ab indicenda observantia eorum, quæ Statuta Sanctorum Patrum, Conciliorum, & Decretales Romanorum Pontificum præscribere; Item quæ a Sanctis Patribus, Summisque Pontificibus, necnon a quondam Federico Imperatore promulgata fuerant contra Hæreticam pravitatem, & pro Ecclesiastica libertate, necnon a Legatis Sedis Apostolicæ tam super cultu Divino, quam super vita & honestate Clericorum: quæ omnia a Prælati & Clericis inviolabiliter observanda decernit.

Progreditur ad Abbates & Monachos Sancti Benedicti, Priores, Præpositos & Canonicos Sancti Augustini, quos omnes Regulis suorum Institutorum se conformare adamum jubet; sique in aliquo deficiant, per Diocesanos Locorum, ad prædicta fideliter observanda compellendos statuit. Præcipit insuper, ne Clerici vel Moniales aleis vel taxillis ludant, nec choreas ducant, sub pœna excommunicationis. Prohibet, ne venationibus clamorosis utantur cujusvis Ordinis Clerici, etiam Regulares; sique admoniti per proprium Diocesanum abstinere noluerint, auctoritate hujusmodi Constitutionis ipso facto sententiam excommunicationis incurrant; quam si per mensem sustinuerint, pœnis gravioribus puniantur.

Vetat

Vetat Civilibus Magistratibus, ne se Clericorum Causis misceant, aut immunitatem Ecclesiasticam lædant; alioquin excommunicationis sententiam incurrant, a qua nemo illos absolvere possit, nisi & damna relarciant, & expensas compensent.

Item sub eadem excommunicationis poena prohibet, ne ullus in Concionibus audeat aliquid proferre in Fidei detrimentum, aut Ecclesiasticam libertatem.

Vetat pariter, ne bona Ecclesiastica cujuscunque generis alienentur sine speciali Diocesani licentia, sub poena suspensionis ipso facto, ab Officio, & Beneficio; contractus autem hujusmodi, irritos ipso jure declarat.

Item contra eos, qui fraudulentè Ecclesiastica Feuda, vel alia bona celant, statuit, quòd si infra duos menses ab hujusmodi publicatione, ea non manifestaverint, auctoritate præsentis Concilii sententiam excommunicationis incurrant; Et hanc Constitutionem per singulas Parœcias Diœcesis semel in annum promulgandam præcipit.

Item jubet, ne per dolum aut fraudem privetur Parochus portione Canonica, quæ debetur tum per sepulturam in alia Ecclesia, tum per Legata, quæ Testator aliquis pro anima sua reliquerit; prohibens etiam, ne quis inducat, seu induci faciat eum qui ultimas Tabulas condit, ut sepulturam eligat alibi, quàm in Ecclesia sua: Et qui contrafecerit, ipso jure sententiam excommunicationis incurrissè declarat.

Cetera non vacat in hunc locum transferre, cum fortasse necessaria illi ætati admodum infelici solummodo

do viderentur, nec peculiaria sint Ecclesiasticæ eruditionis monumenta.

In hac Synodo exorta est controversia non levis inter Brixensem, & Vercellensem Episcopos, cum uterque sibi deberi Sedem, ad dexteram Archiepiscopi contenderet. Curavere Venerabiles Patres illius Confessus Causam hanc ad juris apices expendere, atque ad exitum eandem perducere. Verum, cum Vercellensis Antistes ad Sedem Apostolicam provocasset, atque a Concilio recessisset, in irritum abiecta studia ad eam definiendam adhibita.

Id etiam magnopere in hoc nostro Archiepiscopo commendandum est, adoptatos ab ipso fuisse novos Colonos, qui agrum Domini, ejusdem vigilantiz ac diligentiz commissum excolerent, atque vitæ sanctioris exemplis & Divini Verbi prædicatione, in uberiorem messem frugiferam redderent. Florebat eo tempore celebri sanctimoniz laude Ordo Carmelitarum: Quamvis verò ejusdem Alumni circa mœnia Urbis nostræ hospitium fixissent, nondum tamen in Mediolanensem Metropolim pedem intulerant. Itaque Otto, ut dilectis Oribus suis pinguius pabulum pararet, iisdem Domicilium aperuit intra Septa Portæ, qua Comum itur, atque ideo *Comensis* appellatæ, Anno MCCLXVIII., mense Februario, ut refert Corius ad eum annum. Die autem XXV. Martii jacta sunt fundamenta Ecclesiæ, nuncupatæ *Sanctæ Mariæ de Carmine*. In memoriam verò accepti hujus ab Archiepiscopo nostro beneficii, concessæque facultatis extruendi cum Cœnobium, tum adjacens Templum, statuit Otto, ut Cere libram, & alteram thuris in Pervigilio Natalis Domi-

ni quotannis memorati Fratres persolverent sibi & Successoribus suis. Legitur Rescriptum hoc *in Chronicis* illius Monasterii, vulgatis a Patre Joseph Maria Fornari, ejusdem Cœnobii contubernali.

Contigit eidem Antistiti Ottoni propitia fors ditandi Ambrosianam Ecclesiam novis aliis Dominicæ vineæ Cultoribus, *Servis* nempe Beatissimæ Virginis doloribus confixæ, eo in Sacello Orientalis Portæ, quod prius appellabatur *Sinthe Miriæ de Sacco*. Constituerant per aliquot annos Religiosi hujusmodi Dei Ministri in Oppido Gorgonzolæ, quod nunc jacet ad ripam Fossæ navigabilis, a Fluvio Abdua derivatæ, ac Mediolanum usque deductæ, eosque singulari ope & favoribus omnibus profecuta fuerat Familia Mozzanica. Vergente in senium Archiepiscopi Vicecomitis vitæ, circa Annum videlicet MCCLXXX. hanc Urbem ingressi sunt, ut proximè diximus, eoque sanctimonix ac religionis erga Deiparam Virginem suavi odore Civitatem universam implevere, qui nunc etiam viget, auctus nobilibus exemplis Beati Joannis Angeli Porri Mediolanensis, qui ibidem immaculatam vitam transegit, inviolatoque adhuc Corpore, in Ara elegantissimè structa & suo nomini dicata, Civium & Exterorum cultum frequentissimum recipit. Archangelus Gianni in *Annalibus Sacri Ordinis Fratrum Servorum* de hoc Cœnobio loquens Tom. I. pag. CLXI., antiquis Chartis destitutus, adventum Servorum Dei & Beatissimæ Virginis in hanc Metropolim circa Annum MCCXC. affixit. Multò tamen ante, Domicilium in memorato Loco datum ipsis fuisse discimus ex Paricello in *Dissertat. Nazarian.* Cap. C. num.

num. XIV., qui Calendarii Ambrosiani in pergamena conscripti Anno MCCLXXXI. verba referens, ad diem II. Februarii ista legi asseverat: *Purificatio Beatæ Virginis Mariæ. Habet vigiliam per consuetudinem. Fit Festum in Ecclesia Fratrum Servorum Sanctæ Mariæ &c.* Aderat igitur in Mediolanensi Urbe jam tum, fixa Sede donatus Deiparæ Virginis Servorum Ordo, cum moneri Cives debuerint de peragenda in eorundem Ecclesia hujus festivi diei Celebritate, Anno superius indicato.

Alteram quoque Synodum Provincialeſi Otto celebravit Anno MCCXCI., die XXVII. Novembris, quæ triduum absumpsit. Occasio hujus convocandæ oblata ipsi est a Nicolao IV. Pontifice Maximo, qui magnanimo corde votum conceperat redimendi a Barbarorum tyrannide sacrosanctum Domini Nostri Sepulcrum, quod semel ab eorum jugo ereptum armis Gotifredi Bullionii magnâ nobilissimi sanguinis effusione, iterum in Saracenorum manus inciderat; Ideoque ad omnes Ecclesiarum Præsules Literas dederat, ut populos incenderent ad intrepidè arripiendum hoc dignissimum Crucifixi Sectatoribus Opus, largissimo etiam Indulgentiarum præmio sollicitos. Accepis hinc Summi Pontificis mandatis paruit Archiepiscopus Vicecomes, accitisque Mediolanum Suffraganeis Episcopis, in Æde Sanctæ Virginis & Martyris Theclæ, memorato die suggestum conscendit, perlectisque Nicolai Literis, quantâ pollebat eloquentia peroravit, ut quisque in sua Diocesi, in frequenti populorum Concione illos horraretur urgeretque ad præstandam Pontifici Maximo obedientiam, capiendamque Crucem, ut hanc gratiam rependerent

derent benignissimo Redemptori, qui sanguinem & vitam devoverat pro reparanda univerſorum ſalute. Acta hujus Concilii reſert Bernardinus Corius ad Annum prædictum.

Curam etiam habuit Archiepiſcopus Vicecomes recti ordinis inſtituendi in omnibus noſtræ Metropolis Eccleſiis, non tam ut cultus Dei augeretur, ſed ut Gregi quoque ſuo commodiorem viam aperiret ad ampliora beneficia promerenda. Quamobrem Conſtitutionem edidit Anno MCCLXXXIV., die XXVII. Februarii, in qua habetur *Ordo Stationum Quadrageſimæ in Urbe Mediolani*. Servatur hujus Conſtitutionis Exemplar apud Clariſ. Nicolaum Sormanum Collegam noſtrum, inſertum Diplomaticæ Hiſtoriæ Eccleſiæ Mediolanenſis, ſuo tempore evulgandæ. Sanctus Carolus Borromeus, ut accriores ſtimulos Civibus Mediolanenſibus adderet ad amplectendam religioſam hanc Stationum in Templis conſuetudinem, quæ etiam primis Eccleſiæ ſeculis vigeſcit apud Chriſtifideles, gratias omnes atque Indulgentias pro hac noſtra Urbe a Gregorio XIII. Pontifice Maximo impetravit, quibus ditatæ ſunt Eccleſiæ Stationales Almæ Urbis, ut conſtat ex Epiſtolis ipſius Gregorii impreſſis inter *Alia Mediolanenſis Eccleſiæ*.

Ad ornamentum Metropolitanæ hujus Baſilicæ Archipræſul noſter addidit Collegio Canonicorum Theologiæ Doctorem, cujus onus eſſet, hanc ſcientiam legere atque explicare, assignatis ex ſuo patrimonio annuis redditibus, ut ſilem facit Galvaneus Flamma in *Manipulo Florum*, Cap. CCCXXXI., & conſtat ex ultimis illius Tabulis, conditis Anno MCCXCII., quarum Exemplar legitur in Serie Diplomatica

matica Nicolai Sormani jam laudati. Sanctus Carolus Borromeus in eadem Sede Successor, & Sacrarum antiquitatum diligentissimus Custos, ut proficuum istud Ecclesiasticis Viris Institutum perennaret, omni studio curavit, ut in quibuscumque Collegiis Canoniorum Theologalis Præbenda erigeretur. Construi quoque propriis impensis Vicecomes Antistes iussit in eadem Majori Basilica Sacellum, in honorem Sanctæ Agnetis Virginis & Martyris, illudque paternis etiam prædiis dotavit, ut esset perpetuum grati animi sui monumentum, ob relatam ejusdem patrocinio (ut credere par est) insignem victoriam in pugna, ad Oppidum Decii cum Turrianis commissâ, die memoratæ Virgini dicato; Galvaneo, & prædictis Tabulis hoc referentibus. Præter ista ad Ecclesiam & Sanctorum cultum statuta, publico etiam commodo consulere voluit, præcipiens, ut unus ex Medicinæ ac Chirurgiæ institutoribus deligeretur, qui pauperes gratis curaret, relicto ex suis censibus stipendio, ut idem Galvaneus testatur.

Postremis vitæ suæ annis, relicto Urbis imperio Mattheo Vicecomiti, Nepoti suo ex Fratre, ad Caravallense Cœnobium concessit, ibidem dies, qui supererant, pacificos tranquillisque acturus, post tot ærumnas, exilia, & bellicas contentiones per plurimam annorum seriem toleratas; eoque libentibus ad hoc privatæ quietis domicilium se recepit, quod jam nullus in nostra Metropoli excitandus insautus rumor novi belli aut seditionis timeretur. Siquidem ab Anno usque MCCLXXXVI., adnitentibus amicis Principibus sancita pax fuerat cum Turrianis, aliisque qui invicem odia fove-

bant, publico Tubicine primùm per compita promulgata, subinde ab ipfomet Archiepifcopo Ottone, qui ab alto pegmate Orationem habuit coram univerfo populo & Optimatibus, illam exordiens his verbis: *In terra pax hominibus bonæ voluntatis*; plaudentibus cunctis, ac præ gaudii amplitudine in festivas voces feſe effudentibus, quemadmodum fuſe narrat Bernardinus Corius ad eundem Annum.


Obiit in eo Cœnobio, non autem Mediolani, ut falſò tradidit Galeſinius, gravi octuaginta octo annorum ſenectâ conſectus Anno MCCXCV., VI. Idus Auguſti, Vir meritò *Magni* cognomine inſignitus, ob magnanimam in utraque fortuna ſervatam conſtantiam, Actaque inſignia, edita tum in bello gerendo, tum in adminiſtrando Paſtorali ſuo mûnere, non cum laude tantum, ſed etiam cum admiratione recolenda. Pervulgatâ hujus obitûs famâ, perſonuerunt in compitis afflictorum Civium clamores & gemitus, cum ſingulis notum eſſet, quantâ animi moderatione etiam cum hoſtibus ſe geſſiſſet Otto, nec quiſquam jurè dolere poſſet de irrogata ſibi injuria, ſed potiùs laudari ab omnibus mereretur, pro effuſa in quolibet magnanimi ejus cordis beneficentia. Relatum inde fuit Archiepiſcopale Cadaver in hanc Metropolim ſolemni magnificâ pompâ, comitantibus Nobilibus & Optimatibus Civitatis; ac demum peractis funebribus Officiis juxta Ambroſianæ Eccleſiæ ritum, tumulatum eſt in Templo Maximo, in Arca marmorea, adjecto hoc ſepulcrali Elogio.

IN-

INCLYTUS ILLE PATER PATRIÆ, LUX, GLORIA PATRUM,
FULGOR JUSTITIÆ, FIDEI BASIS, ARCA SOPHIÆ,
LARGITOR VENIÆ, PORTUS PIETATIS EGENIS,
INTREPIDUS PASTOR, QUEM MOLES NULLA LABORUM
ARdua DEVICIT, POPULO LATURA QUIETEM;
ILLE PIUS PRINCEPS ET PRÆSUL AMABILIS, IN QUEM
ALTUS VIRTUTUM SPLENDOR CONVENERAT OMNIS,
QUO MEDIOLANUM RADIABAT LAMPADE TANTA,
TOTAQUE FULGEBAT REGIO, NUNC PALLET ADEMPTO;
CLARA VICECOMITUM PROLES, VENERABILIS OTHO.
O DOLOR! O VULNUS! CINIS EST HOC MARMORE FACTUS;
CHRISTE PATER VITÆ, REQUIESCAT SPIRITUS IN TE.
ANNIS UNDENIS, TER SENIS, TERQUE DIEBUS
PRÆFUIT ECCLESIAE PASTOR BONUS AMBROSIANÆ;
MILLE DUCENTENO QUINTO NOVIESQUE DECENO
QUARTO HIC AUGUSTI BIS, LIQUIT GAUDIA MUNDI:

Auctor hujus funebbris Inscriptionis, XXIX. annos, & tres dies regiminis Ottoni attribuit; fortasse enim numerandi initium duxit ab eo tempore, quo, delatâ Romam causâ, ante Pontificem & Cardinales peroravere Turrianorum Legati, ut abrogatâ electione Vicecomitis ob varias eidem impictas criminationes, confirmaretur electio Raymundi Turriani, Mediolani habita a pluribus Basilicæ Metropolitanæ Canonici; Pontifex tamen Maximus Clemens IV. Anno MCC-LXVII.

LXVII. constans persistit in confirmanda designatione Ottonis in Archiepiscopum, facta a Decessore suo Urbano IV. Ceterum si ab Anno MCCLXIII., quo electus a Summo hoc Pontifice & consecratus fuit Otto, ad Annam MCCXCV., quo obiit, computus annorum fiat, dicendus est præfuisse huic Ecclesie spatio annorum XXXII.



RUFINUS FRIXETUS.




Acante Ambrosiana Sede per obitum Ottonis Vicecomitis, Rufinus Patriâ Lucensis, cùm Archidiaconus foret Ecclesiæ Remensis, creatus est a Bonifacio VIII. Summo Pontifice Archiepiscopus Mediolanensis, Anno MCCXCV., XII. Calendas Novembris. Inuetera huiusmodi electio Metropolis nostræ Cives admiratione simul atque indignatione complexit; promotum enim Præsulem videbant ad Ambrosianam Insulam, extra Mediolanensium Cardinalium Ordinem, quod numquam ferè antea acciderat: Præcipuè cùm Ambrosianis Ritibus minimè enutritus fuisset, ut tradit Tristanus Calchus ad Annum MCCXCV.; subdit tamen, ignotum nostris Civibus fuisse id, quod Cardinalis Petrogrossus clam cum Pontifice egerat, ut Rufinus deligeretur. Quis esset Cardinalis iste, paulò superius Auctor idem narraverat. Ait enim, Patriâ eundem Mediolanensem fuisse; cùmque animadverteret, Ottomem Archiepiscopum extremâ jam senectâ confectum, ad tumulum properare, precibus institisse apud Amicos, ut ea Dignitate suus ex Fratre Nepos insigniretur. Verùm, cùm plurimi refragarentur, expellendumque tempus legitimum, & arbitrium eorum, penes quos eligendi potestas esset, censerent, spe sua frustratus Cardinalis memoratus, curavit, ut Romanus Pontifex eligendi Archiepiscopi auctoritatem ad se unum advocaret, quemadmodum testatur laudatus Calchus. Citò ta-

men

men e vivis abreptus est Petrogrossus, mense nempe Junii, Anni MCCXCV. antequam Ecclesia Mediolanensis vacaret, Otrone quidem Præsule adhuc vivente, quamvis & ipse sub initium sequentis Augusti vitâ decesserit. Oldoinus in Purpuratis Patribus a Nicolao IV. creatis, loquens de hoc Cardinali tradidit, eundem morte absumptum fuisse Romæ; potior nihilominus fides habenda est Calcho, qui obitum illius Mediolani contigisse affirmans, mensem etiam designat.

Ceterum parum superfuit etiam Rufinus; vix enim expleto anno, & mense uno antequam in hanc Sedem pedem inferret, longè a nostra Metropoli mortales exuvias deposuit, die VII. Decembris Anno MCCXCVI. Ex hoc autem clarè elicitur, tempus quo præsuit Ambrosianæ Ecclesiæ fuisse mensem XIII, & dierum XVI.; neque enim Galefnio attendendum est, qui sedisse illum mensibus tantum X. affirmavit.

Ubi sepulcrum habuerit, ignoramus.



FRAN.

FRANCISCUS I.



Rusino Lucensi suffectus est Franciscus Parmensis, aliis Franchinus, ab eodem Bonifacio VIII. Summo Pontifice. Gesserat iste Insulam Messanenſis Ecclesiæ; sed enatis inter Cives illos dissidiis, quæ plurimum molestiæ eidem ingerebant, missus a Pontifice Maximo fuit Nola, ad regendam Administratoris nomine & auctoritate illam Ecclesiam. Vacante postmodum Archiepiscopali Sede Mediolanensi translatus est ad Pontificium hujus Metropolis Solium Anno MCCXCVI.

Mediolanum delatus, Pastoralibus suis curis initium dedit. Dei cultum promovendo: Siquidem, ut Tristanus Calchus testatum facit, primum lapidem posuit solemnibus cæremoniis in *Æde Sancto Spiritui* dicata, quam Humiliati a fundamentis erexerunt extra Urbis Portam, a nobis appellatam *Vercellenſem* Anno MCCXCVII., non autem præcedenti, ut malè in Ughello legitur. Amplificatâ verò Urbe, constructoque a subsequētibz Mediolani Dominis Castro Jovis, Templum hoc solo æquatam fuit ob nimiam proximitatem Arcis illius munimentis, atque excitatum est in Regione Nova Urbis, sub eodem nomine *Spiritus Sancti*.

Favorabiles Pontificias Literas evulgaverat Bonifacius VIII., quibus Moniales inclusas, sub Sancti Francisci Assisiatis vexillo militantes exemerat a Civilibus omnibus oneribus aut exactio-

S f f

bus;

bus; datis etiam ad universos Episcopos Rescriptis, ut hoc Privilegium, quod memoratis Monialibus indulserat, strenuè tutarentur. Vota Summi Pontificis implevit Franciscus Archiantistes noster, ac Diploma expedit ad preces Abbatissæ Monasterii Sancti Apollinaris Mediolani, in quo anathematis poenam infligit iis omnibus, qui mandatis Pontificiis contraire præsumpserint, & immunitatem prædicti Cœnobii violare tentaverint. Extat in Archivo earundem Monialium Charta, quam hic proferimus:

„ Franciscus Dei & Apostolicæ Sedis gratia Sanctæ Me-
 „ diolanensis Ecclesiæ Archiepiscopus . Universis & singulis
 „ Abbatibus, Prioribus, Præpositis, Archipresbyteris, Pres-
 „ byteris, Canonicis, & Capitulis, & Conventibus, & aliis
 „ Ecclesiarum seu Domorum Rectoribus, & Prælati Secu-
 „ laribus & Regularibus, necnon Rectoribus, Judicibus,
 „ Officialibus, Communibus, & hominibus ac personis cujuf-
 „ cumque conditionis, dignitatis, & status existant, ad quos
 „ præsentis pervenerint, salutem in eo qui est omnium ve-
 „ ra salus. Discretionem vestram volumus non latere, quod
 „ Sanctissimus in Christo Pater & Dominus, Dominus Bo-
 „ nifacius Divina providentia PP. Octavus reputans pium &
 „ congruum, ut universas Abbatissas & Conventus Monia-
 „ lium inclusarum, sive Ordinis Sanctæ Claræ, sive Sancti
 „ Damiani, sive Minorissæ dicantur, illâ prosequeretur gra-
 „ tiâ, quam suis necessitatibus fore perspiceret opportunam,
 „ eisdem universis & singulis, quod ad præstationem Deci-
 „ marum de quibuscumque possessionibus & aliis omnibus
 „ bonis suis, quæ tunc temporis habebant, & iustis modis
 „ acqui-

„acquirerent in futurum, ut ad contribuendum in procura-
„tionibus quorumlibet Ordinariorum, & etiam Legatorum,
„& Nunciorum Sedis Apostolicæ, & quibuslibet talcis &
„collectis, ac ad exhibendum pedagia, telonea, & alias
„exactiones quibuscumque Regibus, Principibus, seu aliis per-
„sonis Secularibus minimè teneantur, & ad id compelli non
„valeant; duxit per suas speciales Literas indulgendum,
„sicut in eisdem Literis ipsius Domini Papæ verâ bullâ
„bullatis vidimus contineri. Quare cùm pro parte Abbatif-
„sæ & Conventus Monialium inclusarum Sancti Apollina-
„ris Mediolan., & aliarum Abbatissarum & Conventuum,
„dicti Ordinis Sanctæ Claræ nobis fuerit humiliter suppli-
„catum, ut super prædictis, ad quæ juxta formam dicti
„Privilegii non tenentur, non permetteremus eas a nostris
„Subditis molestari, Vobis universis & singulis, præsentium
„tenore, sub excommunicationis pœna mandamus, super hoc
„primò, secundò, tertio, & peremptoriè vos & quemlibet ve-
„strum admonentes, quatenus ab eisdem Abbatissis, Monia-
„libus, & Conventibus, vel earum Massariis, seu posses-
„sionum suarum Cultoribus, de possessionibus & aliis om-
„nibus bonis suis, quæ habent & acquirere poterunt in
„futurum, Decimas exigere, vel eas ad contribuendum in
„aliquibus Taleis & Collectis, ac ad exhibendum pedagia
„vel exactiones alias, compellere per vos vel alios modo
„aliquo vel ingenio nullatenus præsumitis; nos enim in
„quemlibet mandatorum nostrorum contemptorem ex nunc,
„prout ex tunc, excommunicationis sententiam ferimus in
„his Scriptis. In cujus rei testimonium præsentis Literas

„ fieri fecimus , & nostri sigilli munimine roborari . Datum
 „ Mediolani in nostro Archiepiscopali Palatio , Anno Domi-
 „ ni millesimo tricesimo secundo , Indictione XV. , die
 „ Jovis XXII. Februarii , Pontificatus Domini Bonifacii Papæ
 „ octavi , anno octavo .

Quo tempore Franciscus Archiepiscopus Ecclesiæ Ambrosianæ præsidebat , ingens conspiratio finitimorum Principum & Civitatum , necnon etiam Civium Mediolanensium conflata est contra Matthæum Vicecomitem , cujus regni propemodum Dominationis pertæsi erant , atque insuper ob graves ab ipso acceptas injurias ultionem parare nitentur . Cùm autem hujus conspirationis Caput , esset Albertus Scottus Placentinus , ad pacis conditiones flecti se passus est idem Vicecomes , inter quas præcipua erat , ut imperio se abdicaret , & Turriani exules in Urbem admitterentur . Acquievit Matthæus propositis ineundi foederis pactis , quamvis aspera eidem viderentur (utpote assueto mandata præscribere , non aliis obtemperare) ne in deteriora prolaberetur , ob insidiam bellorum sortem . Verùm admissi in hanc Metropolim Turriani , id tandem obtinuerunt , ut Matthæus ejusque Filii Mediolano expellerentur . Hujus conspirationis in Vicecomites , si non Auctorem , saltem Socium facit Ughellus Archiepiscopum nostrum : Merula tamen , & Tristanus Calchus ex eo , sicut etiam Bernardinus Corius , dum Historiam hanc accuratè describunt , nihil de Francisco Archipræfule memorant . Tristanus Calchus ad finem Libri XVIII. id tantùm refert , nempe , expulso Matthæo , institutum fuisse alterum Magistratum Ordinem , legemque ; Cùmque Gulielmus Brufatus

fatus constitutus esset Capitaneus populi in proximas Calendas Martias, fuisse eundem a Francisco Archiepiscopo militaribus ornamentis donatum. Itaque non inficiamur, potuisse Antistitem nostrum manus dare ejectioni ab hac Metropoli supradicti Matthæi, cum inter Procures Mediolanenses summâ polleret auctoritate; verum sese immiscuisse Civilibus hisce tumultibus non facile opinamur. Præsertim quia destituti sumus Scriptorum veterum testimoniis; nec ipse Patriâ longinquas ullo affinitatis vel sanguinis vinculo cum Turrianis obstringeretur; sique Vicecomites Rei extitissent violatæ Ecclesiasticæ jurisdictionis, sacris telis fatis superque muniebatur, ad eos arcendos a sacrilegis hisce ausibus, quin Auctor fieret aut saltem promotor conspirationis, quæ Cives nostros, externosque populos bellorum periculis ac calamitatibus exponeret.

Id certè nobis constat, in ea temporum perturbatione, plebisque inconstantiâ novum semper regimen appetentis, cum animadverteret, minimè se posse sanctè ac tranquillè ad Pastorale munus suum exercendum incumbere, Præsulem nostrum sese proripuisse ab hac Metropoli, atque in Angliæ Arcem juris sui concessisse. Inde verò non destitit Ecclesiis Mediolani prospicere, ut floreret in iis religiosior Dei cultus, & etiam uberiori censu alerentur Sacri illarum Ministri. Servatur in Tabulario Canonorum Basilicæ Sancti Georgii, dicti in *Palatio* Charta Commutationis, expedita Anno MCCCVII, qua illis facultatem impertitur, ut mutuam pecuniam accipere valeant, qua in meliorem sortem redigant memoratæ Ecclesiæ patrimonium. Eam verò, cum adhuc lucem

lucem non viderit , omnium oculis exponere opportunum censemus :

„ Franciscus Dei & Apostolicæ Sedis gratiâ Sanctæ Mediolanensis Ecclesiæ Archiepiscopus . Venerabilibus Fratribus „ Dominis Francisco de Medicis , & Jacobo Moræ , ejusdem „ Ecclesiæ Ordinariis salutem in Domino sempiternam . Dilectorum nobis in Christo Præpositi , Canonorum , & „ Capituli Ecclesiæ Sancti Georgii in Palatio Mediolanensis „ insinuatio patefecit , quòd ipsa Ecclesia Sancti Georgii „ terras & possessiones in locis & territoriis de Boyfio , „ de Bolate , de Solario , de Zibidi , de Vimorono , de „ Villiano , de Basilio , de Locate , de Borea & partibus „ circumstantibus , de Quinto de Stampis , de Merignano , „ de Bolzano , de Payrana , de Arcagnano & partibus „ circumstantibus , de Albarate , de Dudimano , de Sedriano , de Virmicio , & de Salvano Dioecesis Mediolanensis „ necnon in locis & territoriis de Lavania , & de Ceregallo ipsorumque pertinentiis Dioecesis Laudensis , ad præsens & ab antiquo dinoscitur obtinere : Et quòd longe „ melior comoditas & utilitas ipsis Capitulo & Ecclesiæ „ provenirent , eo quòd possessiones ipsæ in diversis & locis pluribus , & ad invicem distantibus sunt dispersæ , & „ non magnæ quantitatis in aliquo eorundem ; si terras ipsas & possessiones , in terras alias per justum titulum permutarent , vel si vendentes easdem , ex illarum pretio „ terras alias magis accomodas , & non sic dispersas in „ pluribus locis acquirerent , ad usum & utilitatem Ecclesiæ prælibatæ ; sibi provideri per nos super hoc de opportuno

„ portuno remedio postulantes . Eapropter comoditatibus &
„ profectibus ipsius Ecclesie intendentes salubriter providere
„ Vobis tenore presentium committimus & mandamus , qua-
„ tenus super hiis per vos deliberacione vel examinacione ,
„ seu inquisitione sufficienti premissa , si ejusdem Ecclesie
„ & Capituli utilitati vel necessitati , aut comoditati videri-
„ ris expedire , super quo vestras conscientias oneramus ,
„ eisdem Preposito , Canonicis , & Capitulo , auctoritate
„ nostra licenciam concedatis & plenariam facultatem alienan-
„ di perpetuo , distrahendi , & permutandi , & in aliis
„ (alios) alienacionis cujusvis titulo perpetuo transferendi ,
„ prout pro meliori vel comodiori videritis expedire , in per-
„ sonam aliquam vel personas , terras & possessiones easdem
„ totaliter & particulariter , cum quibus condicionem ejusdem
„ Ecclesie fieri crediderint meliorem . Necnon cauciones ,
„ promissiones , obligationes , renunciaciones & stipulaciones
„ opportunas in ipsarum alienacionum , seu alienacionis con-
„ tractibus apponendi . Non obstantibus aliquibus Juris Co-
„ munitis , Sinodalis Provincialisve Concilii Mediolanensis Pre-
„ decessorum nostrorum , & quorumcumque aliorum , ac no-
„ stris Constitutionibus , monicionibus , & inhibitionibus ,
„ etiam cum adjectione penarum in contrarium promulga-
„ tis ; proviso tamen , quod precium illarum terrarum ,
„ quas vendi contingerit ex premissis , in possessiones alias
„ ad usum & profectum ipsius Ecclesie & Capituli acqui-
„ rendas sine diminucione aliqua convertatur . In premissis
„ omnibus & ea contingentibus Vobis harum serie commit-
„ timus vices nostras . Vobis in virtute obedientie injungen-

„ tes

„tes, quòd Scripturæ super hiis coram Vobis vel aucto-
 „ritate vestra conficiendæ, per aliquem, seu aliquos ex
 „Scribis & Notariis nostræ superioris Curix, & non per
 „alios conscribantur: Propterea verò nostro sigillo penden-
 „ti roborari iussimus in testimonium præmissorum. Datum
 „in Archiepiscopali Arce de Angleriâ, millesimo trecentesi-
 „mo septimo, Indictione quinta, die primo mensis Aprilis.

Modico postmodum tempore in vivis fuit. Franciscus
 Archiepiscopus; sequenti namque Anno MCCCVIII. in ea-
 dem Angleriæ Arce dies suos clausit. Deportatum inde
 illius Cadaver Mediolanum, in Metropolitana Basilica sepul-
 crum recepit; postquam fermè per XII. annos Mediolanen-
 sem Ecclesiam administrasset.



CASSONUS TURRIANUS.



Ortus e celeberrima Turriana Gente Cassonus, aliis Castonus, Collegio Canoniorum Metropolitanæ Basilicæ primò adscriptus est, dein Decani Dignitate in Aquilejensi Ecclesia insignitus ab aliquo ex duobus Turriani sanguinis Patriarchis, qui eo tempore Aquilejensem Sedem occupaverant: Qua in re corrigendus est Galefius, qui falsò tradit, Cassonum primò Aquilejensem Patriarcham fuisse, postea Mediolani Archiepiscopum; atque ideo Historiam hanc omnem subvertit, ut infra videbimus. Vacante ob Francisci Parmensis obitum Sede Mediolanensi, ad eam implendam delectus est Ordinarios omnium suffragiis; adnitente etiam Guidone Turriano, rerum Mediolanensium Domino, ut Archiepiscopali Insulâ Cassonus donaretur, sub initium Anni MCCCVIII.

Regebat eo anno Romanam Ecclesiam Clemens V., antea Burdegalensis Archiepiscopus. Cum autem in Galliis moraretur, Cardinalem Legatum in Italiam direxit, ut nomine suo eidem præfideret. Itaque Cassonus, ut Pontificiam confirmationem obtineret, Cortonam profectus est, ubi tunc Legatus degebat, atque ab isto eximiis honoribus exceptus fuit; eoque in itinere Martium & Aprilem menses absumpsit, teste Calcho. Dein Mediolano restitutus, a Novariensi Episcopo Uguccione de Borromeis, cui Clemens Pontifex Maximus hanc provinciam injunxerat, consecrationem simulque confirmationem in Basilica Metropolitana recepit, ut tra-

T t t

dit

dit Calchus ad eundem Annum.

Venetis Ferrariam adorti eam obsidione cinxerant, & in potestatem suam redegerant Anno MCCCIX. Admonitus de hac re Clemens V., Legatum misit in Italiam Arnaldum Pelagruam, Tituli Sanctæ Mariæ in Porticu Sanctæ Romanæ Ecclesiæ Cardinalem; quem ad hanc Urbem delatum, Archiepiscopus officiis omnibus venerationis obsequiisque, pro dignitate sua est prosecutus toto eo tempore, quo in nostra Metropoli moram duxit. Ut igitur Legationem suam impleret memoratus Cardinalis Venetis præcepit, ut Ferrariensi solo decederent; cumque minimè parère vellent præcepto Legati, illos anathemate perculit: Summus autem Pontifex etiam Crucem contra ipsos indixit. Profectus inde Parmam ac Bononiam Legatus, Clementis V. mandatis obsequuturus, Episcopos omnes admonuit, ut quantâ poterant militum manu hanc expeditionem aggrederentur. Inter ceteros præstò fuit etiam Archipræsul noster Cassonus, qui copiis suis stipatus Ferrariam se contulit. Adfuit quoque Legatus, qui admotis machinis adeò conterruit Ferrarienses Cives, ut sese statim dediderint, Venetis quò se tuerentur in Arcem receptis. Fatigati autem longa obsidione, pactis conditionibus etiam ab Arce excesserunt. Atque hic obiter liceat nobis resellere Ughellum, qui parum de rebus nostris edoctus, obsidione solutam fuisse tradit a Cassono Ferrariensem Urbem, cum revera non ad solvendam, sed ad inferendam obsidionem Ferrariam adierit.

Dum præclaro huic Operi perficiendo insudaret Cassonus, in suspicionem adactus Guido Turrianus, quòd aliquid etiam

con-

contra seipsum molitus fuisset Archiepiscopus noster, postquam iste Mediolanum repetiit, in ipso Archiepiscopali Palatio eundem cum Fratribus suis sibi per milites iussit Calendis Octobris, Anni MCCCIX, ac subinde in carcerem detrudi, Fratribus ad Arcem Anglerie in custodiam transmissis. Pervulgata hujus indigni facinoris fama, advenere quamplures proximarum Civitatum Proceres, necnon Legati Comensium & Bergomensium, ut Guidonis animum flecterent, ad solvendum a vinculis Archiepiscopum Mediolanensem. Composita res est IV. Calendas Novembris, carceris angustiis, in exilium extra fines ditionis Mediolanensis commutatis; adjecta conditione, ne Ecclesiasticas execrationes contra ipsum armaret. Parere debuit iniquo huic mandato Cassonus, pessime laesus. Attamen a vinculis relaxatus, Laudem primo, dein Bononiam se conferens, ad Legatum confugit, expositaque facti indignitate, eidem remisit pessumdactæ Dignitatis suæ capeffendam ultionem: Cardinalis autem pro munere suo, statim excommunicationis relum in Guidonem & Filios ejus, omnesque hujus sceleris participes evibravit, atque Episcopis Suffraganeis injunxit, ut in frequenti populorum Concione repulsum ab Aris Sacrisque omnibus, atque a Fidelium communione semotum Guidonem ceterosque denunciarent.

Opportuna affuit occasio comprimendæ Guidonis insolentiae, nam sequenti Anno MCCCX missa fuit e Germania ad Principes Italos Legatio ab Henrico VII., electo Rege Romanorum, ut juxta antiquam consuetudinem commeatu pararent ad eum excipiendam. Cum enim IV. Idus No-

vembris Italiam ingressus esset , ac in Astensi Urbe confideret Henricus , atque in ejusdem occursum illuc profectus esset Matthæus Vicecomes , qui jamdiu extorris ad oras Benaci Lacus , animum suum ab exilio & ærumnis , piscationis solatio recreaverat , illuc pariter accessit Cassonus Archiepiscopus , ut obsequia sua Regi Henrico affunderet ; ratusque affulsiſſe diem , quo ulturus esset carcerem , ereptas opes , exilium , reliquasque insignes contumelias , quas a Guidone acceperat (ut ad eundem Annum ait Calchus) amicitiam & fœdus cum Matthæo Vicecomite inivit , hisce conditionibus Henrici consensu firmatis , ut nempe damna , si quæ intercessere , invicem condonarentur ; injuriasque præteritas oblivio deleret ; sique aliquid imposterum inter Turrianos & Vicecomites discordiæ oboriretur , arbitrio Archiepiscopi definiendum relinqueretur ; demum nihil a Matthæo Vicecomite innovandum esse a præſenti rerum statu , nec in finitimis Civitatibus , nisi consulto & annuente Archiepiscopo ; ac si Anstitis Cassoni Affines , aut Amici ad ipsum confluerent , eos Matthæus tueretur & coleret .

Interea movens ab Astensi Urbe Rex Henricus Mediolanum versus , occurrentem habuit Guidonem Turrianum , ingressusque hanc Metropolim , pacem Turrianorum cum Vicecomitibus firmavit , petiitque , ut solito Italici Coronæ honore donaretur . Statuta dies est Sexta Januarii , Epiphaniæ Domini dicata , Anni MCCCXI. Adveniente igitur ea Festivitate processit Henricus ad Basilicam Ambrosianam unâ cum Beatrice Regina Uxore , Principibus Episcopisque stipatus . Ibi Cassonus Archiepiscopus Solemne Sacrum celebravit , quo

quo peracto, ac cæremoniis omnibus juxta ritum Mediolanensis Ecclesiæ expletis, Ferream Coronam, Italici Regni Insigne, Capiti Henrici imposuit, necnon etiam ejusdem Uxor, quæ solutis crinibus vinculo aureo decora, adstabat ad dexteram Regii Conjugis, plaudente universo populo, & faustissimæ felicitatis omina edente, ut Calchus affirmat. In ea Celebritate munificum animum suum Cæsar ostendit, creatis biscentum Equitibus, Matthæo Vicecomite primo inter ceteros numerato, quos omnes ternis splendidis vestibus, & equo donavit.

Compositis rebus cum Matthæo Vicecomite, aliisque ejusdem Stirpis Proceribus, videbantur sereni dies Archipræsuli nostro advenisse, quibus depulso omni metu, Pastorale officium in augmentum splendoris Ecclesiæ nostræ, atque in animarum salutem tutè ac tranquillè exercere valeret. Verùm novis tetræ nubibus obductum est Cælum, excitationis in hac Urbe tumultibus ac seditionibus, quæ coronatum Regem Henricum impetere, ejusque animum ad indignationem concitare credebantur. Auctores harum Civilium turbarum fuere Vicecomites & Turriani, qui ægrè ferentes Germanorum imperium, ac suspicantes, ne libertatis antiquæ Leges abolerentur, ipsique exciderent ab honore, quo hætenus frui fuerant, Dominationis hujus Metropolis, secretam conjurationem confecerant, ut Germanos ex inopinato adorirentur, eosque Urbe cedere cogerent. Armatorum Civium qui colligebantur rumor, ad aures militum stipantium Henrici Aulam pervēnit: Quamobrem pridie Idus Februarii ejusdem Anni MCCCXL armis præcincti discurrere per compita cœpere, domosque

que penetrantes Turrianorum & Vicecomitum, scrutaturi an ibi laterent turmæ conjuratorum, repertis in Palatio Turrianorum copiis ad prælium instructis, omnia direptionibus ac cædibus impleverunt. Delatum ad Cæsarem nuncium irâ vehementiori illum succendit, qui statim suis præcepit, ut Rei ubique sese occultantes perquirentur. Matthæus autem intrepidè in conspectum Henrici sese proferens, officiosis verbis immunem se a labe hujus criminis est professus, quamvis revera illius particeps foret, & minimè pronissis stetit; imo infami prodicione invidiam omnem hujus Seditionis, in Turrianos revolvisset, ut tradunt Ferretus Vicentinus illius ævi Scriptor, & Petrus Azarius pariter coævus & præsens iis quæ agebantur, editi Tom. IX., & XVI. *Rerum Italicarum*. Itaque furor omnis odiumque Germanorum in Turrianos conversa sunt, eorumque Domus direptæ, ædificia verò ferro & igne solo æquata, relicto in hunc ulque diem infelici nomine *Domum dirutarum* eo loci, ubi nunc surgit Templum dicatum Sancto Joanni Baptistæ decollato, ac cultum a Nobilissima Societate Equitum Mediolanensium, & Mercatorum, quorum munus est, damnatos ad supplicium pia Supplicatione comitari, detractosque a patibulis sepulturâ donare.

In hac rerum Mediolanensium ferali vicissitudine, eversæque Turrianorum Familiæ, autumari facitè possumus, aliquam dubitationis umbram sese offudisse menti Gerinanorum, quòd etiam Archiepiscopus Cassonus, ejusdem sanguinis ac stirpis, aut expressè aut saltem tacitè in cōjuratiōnem consensisset. Quocirca evocatus fuit ad Aulam Henrici,

ci, admissusque ad colloquium Augusti Principis, cum respondisset interrogatus, quid aut unde hic tumultus excitatus foret, se prorsus ignorare, jussus est in Palatio se sistere; quod ille non invitus peregit. Recedente autem Mediolano Cæsare, Cassonus quoque, ne aut Civium aut militum, qui ad custodiam hujus Metropolis relictæ fuerant, injuriis Dignitatem suam exponeret læcessendam, consilium cepit in alias terras commigrandi.

Revera modico illo tempore, quo post Henrici Imperatoris discessum moram traxit Cassonus in hac Metropoli, tot in seipsum illatas injurias a Vicecomitibus, ac ejusdem factionis foederatis Nobilibus pati debuit, ut, cum ne quidem in conductitia Domo, in qua, veluti asylo, sese occultaverat, tutum se conspiceret, direptæ per nocturnam aggressionem domo eadem, ipsoque Archiepiscopo vinculis lecto in quo jacebat, alligato, libertati restitutus a Familiari, ad Cassanensem Arcem juris Archiepiscopalis profugerit; atque ibidem etiam obsidione armatorum cinctus, secretâ viâ Cremonensem Urbem adierit, ubi auctoritate qua pollebat, Matthæum Vicecomitem aliosque scelerum participes æternis diis devovit. Horrorem ingerit animo sententia, quam ad Principem Vicecomitem direxit Cassonus; in ea namque occupatum Ecclesiæ Mediolanensis Patrimonium, coactos Cœnobitas ad sese multo ære redimendos a vexationibus, violata per vim Monasterium Monasteria, expulsasque Virgines, ac quidquid sacrum erat, pessumdatum recenset, Complices ipsos nominatim enumerans. Nos ea tantum ex hac Sententia decerpimus, quæ ad Matthæum Vicecomitem spectant, cum

cùm inde eluceat, quàm longè juris sui fines extenderet eo tempore Mediolanenſis Archiepiſcopus; his enim verbis eundem alloquitur: *Tu Matthæ rem univerſam Angliæ, Leucentem, Bellanenſem, Vallanenſem, Caſtanenſem, Travallianenſem, Brebienſem, quæ Arces & Loca ſunt antiquitus Eccleſiaſtici noſtri juris, tenes. Eidem tibi Decumæ noſtræ Liſantinae, redditus noſtri Variſienſes, portoria noſtra Mercuriolana, noſtræ piſcationes ad Puſſanum exiguntur.* Deinde converſus ad Luchinum Matthæi filium, & quosdam alios, ſceleſtiſſima eorundem Acta, expreſſa vel tacitâ Matthæi conſenſione patrata condemnat, quod nempe Coyranam, & Montes Derium, Geſſanum, Mugiaſcam, Varenam, & Falegium invaſiſſent. Poſtmodum acerbè conqueritur, quod monumenta Privilegiorum, immunitatum, jurium Eccleſiæ Mediolanenſis, quæ adſervabantur in Sanctæ Radegundæ Monafterio, per vim ablata fuiſſent. Claudis demum feralè Scriptum in hunc modum: *Quamobrem decrevi ego Caſſonus Archiepiſcopus Eccleſiæ Mediolanenſis arborem exſcindere, quæ fructus bonos non facit, & auctoritate quæ mihi conceſſa eſt, ſerire anathemate vos omnes, & arcere communionem Sacerdotum, ea lege, ut ſi contumaces & incemendatos ultima dies oppreſſeris, intra ſacros fines veſtra corpora ſepeliri non debeant; idque anathema nunc a me vobis inſigitur. Te verò Matthæ tantò magis ſerimus, quia ſueras celeſtibus diris addiſtus jam inde ab eo tempore, quo ſuperioris Archiepiſcopi Vicarium Generalem ex Civitate præcipitem eieciſti. Integram hanc Sententiam recitat Ripamontius Libr. VIII. Hiſtor. Eccleſ. Mediol. pag. CDXCII., & ſeqq.*

Ne

Ne tamen destitutam omnino opportunis adjunctis Mediolanensem Ecclesiam relinqueret Cassonus, utque paternum amorem ostenderet erga dilectissimas Oves suas, quas ad rectum æternæ salutis tramitem traducere summopere optabat, decrevit Synodum Provincialem Suffraganeorum Antistitum in Bergomensis Urbe colligere, cùm illa tunc per Leodrisum Vicecomitem, ab Henrico Imperatore Vicarium constitutum, regeretur. Coacta est hæc Synodus, III. Nonas Julias Anni MCCCXI., in Ecclesia Sancti Bartholomæi. In eo Concilio condita sunt XXXIV. Statuta, quibus indicta, castigatio Clericorum vita, restitutus Ecclesiis cultus, vindicata denique fuit a Laicorum rapinis probisque, bonorum ac personarum Deo addictarum immunitas. Quod tamen peculiari adnotatione dignum videtur, id est, colligi ex his Canonibus, quòd intactus adhuc in nostra Metropoli Mediolanensi mos ille priscus vigeret, ut Regulares Familiæ Ordinario jure Episcopis subjicerentur; Clariss. enim Thomassinus in aureo Opere *de antiqua & nova Eccles. disciplina* Part. I. Libr. III. Cap. XXVIII. testimonia congerens ad hanc firmandam superiorum temporum praxim, non ultra Seculum XIII. progreditur. At in Mediolanensi Provincia, subsequente etiam Seculo illam perdurasse docet hæc Synodus, in qua non modò de celebrando Conventuali Sacro, Divinis peragendis Officiis, honestoque habitu gerendo in Regularium æque ac Sæcularium Collegialibus Ecclesiis; de inviolato servando Monasteriorum, ac reliqui Cleri patrimonio prædiisque, indiscriminatim statutis poenis decernitur; sed ea etiam indicuntur, quæ interiorum Claustri disciplinam

spectant. Præcipitur enim peculiari rubricâ, ut *cujuslibet Monasterii domus, & Ecclesiæ Regularis Collegiæ Prælati personaliter per seipsum, aut per alium cum suis Fratribus, & Conventus cum eo, & qualibet Abbatissa, Priorissa, vel Ministra Loci Religiosi, ubi Abbatissa non fuerit, cum suis Monialibus & Sororibus, bis ad minus in septimana, tempore Quadragesimæ & Adventus, reliqua verò tempore saltem semel in hebdomada, pro culpis & excessibus Capitulum in loco debito celebrare studeant conventualiter. In Prælatos verò, seu Prælatas Provinciæ id negligentes, aut subditi contumaces, per Antistitem vel ejus Curiam fore acriter procedendum jubet, atque interim voces eorum dormitare declarat. Scripsit itaque in Ecclesia nostra inolevisse privilegia exemptionis Regularium, censendum est. Edita fuit hæc Synodus primò Bergomi; sed cum tara admodum Exemplaria ejusdem ad nos pervenerint, ne omnino periret hoc nobile antiquitatis monumentum, necessarium duximus, eam inferre in censum Literarium aliorum Opusculorum, desumptam ex MSto Codice Bibliothecæ Ambrosianæ, Tom. IX. *Rerum italicarum*.*

His peractis, quoniam fervebant adhuc discordiæ Civiles, tentantibus Turrianis sese iterum in priistinam fortunam qua fruebantur in hac Metropoli, restituere, cogitationem Cassonus sibi in mentem induxit, fasces Archiepiscopalis regiminis ad pedes Romani Pontificis deponendi. Neque in irritum vota sua cecidere; nam Joannes XXII. Pontifex Maximus vacanti tunc Sedi Patriarchali Aquilejæ, raro dignationis exemplo, ipsum præfecit. Siquidem cum jam suffragiis

fragilis omnium Aquilejensium Electorum Gylō Archidiaconus ejusdem Ecclesiæ delectus fuisset Successor demortui Patriarchæ, nec aliud ad capiendam Sedis possessionem expectaretur, quàm Pontificis Summi consensus, Joannes XXII., rejecto Gylone, Cassonum hoc honore donavit, Anno expirante MCCCXVII.

Auctus hac Dignitate Cassonus Præsul, Romam se contulit; sed cùm exacto plurium mensium curriculo, a Romana Curia decedens sese Florentiam contulisset, atque extra illius Urbis mœnia obequicaret, excussus ab equi dorso, infautissimo lapsu mortem obiit Anno MCCCXIX, mense Augusti, quin Patriarchalem suam Sedem umquam attigerit; sepultusque est Florentiæ, in amplissima Sacra Æde Fratrum Minorum, postquam novem annos in Ecclesiæ Mediolanensis regimine, inter carcerem, exilia, & ærummas exegisset; ab Anno nempe MCCCVIII., usque ad Annum MCCCXVII., quo Ambrosianam Insulam cum Aquilejensi commutavit.



AYCARDUS ANTIMIANUS.



Issus fuerat Legatus Avenionem Aycardus Antimianus a Camodea Patricius Novariensis, a Cassono Mediolanensi Archiepiscopo ad Joannem XXII. Pontificem Maximum, fortasse ut abdicationem suam a Mediolanensi Ecclesia eidem demississimè exhiberet; quemadmodum Pontifex ille consensu suo benignè ratam fecit, eaque receptâ statim Aycardum ipsum, virum doctrina ac probitate insignem, in ejusdem locum Archiepiscopum declaravit.

Pervulgatâ abdicationis famâ, quam a Sede Mediolanensi Cassonus Turrianus ad Summum Pontificem miserat, Primarius Mediolanensis Clerus collectis suffragiis Joannem Vicecomitem in Archiepiscopum sibi delegit. Verùm Joannes XXII., illo repudiato, constans in proposito fuit, atque Aycardum, ut diximus, Successorem dedit, eumque consecrari in Urbe Avenionensi curavit. Quam ob causam irati Vicecomites, numquam illum excipere in hac Metropoli voluerunt; atque interim Joannem memoratum Archiepiscopatus Mediolanensis Œconomum & Conservatorem constituerunt, quemadmodum tradit Puricellus in *Dissertar. Nazarian.* Cap. CXVI. num. XIII.

Regularibus votis obstrictus erat Aycardus; sed cui Ordini, Minorum-ne, an Prædicatorum nomen suum dedisset, diu in tenebris latuit, cùm utriusque Alumni splendidum.

hoc

hoc decus sibi vindicare contenderent. Postremis hisce temporibus nitidam securamque sese prodidit veritas. Galvaneus Flamma Scriptor illius ætatis, & Dominicano Ordini adscriptus, in pergamenis suis MStis, nunc magna ex parte in lucem eductis, clarè testatum reliquit, Aycardum Archiepiscopum Franciscano Ordini vitam & libertatem suam consecravisse. Lazarus autem Augustinus Corta, *Novariensis Musei* Auctor, ubi Aycardi memoriam inserit num. CLII, errorem eorum emendare contendit, qui longè ab ejusdem ætate scripserunt, atque in suæ fidei testimonium affert Lapidem Sepulcralem adhuc superstitem in Porticu Monasterii Sancti Francisci Novariæ, ad latus Portæ Sacraei, in quo hæc leguntur: HIC JACET DOMINA CARAVERA UXOR D. UBERTI DE CACCIA &c. ET MATER DOMINI FR. AYCARDI ARCHIEPISCOPI MEDIOLANENSIS, ORDINIS FRATRUM MINORUM: QUÆ OBIIT ANNO MCCCKXVI. Demum Wadingus in *Annalibus Ordinis Minorum* Tom. V. absque ulla hæsitacione Aycardum enumerat inter illustriores Viros ac Præsules Seraphicæ Religionis. Extat apud ipsum Diploma, expeditum a Joanne XXII. Pontifice Maximo, quo Archipræsulem Mediolanensem instituit Aycardum; cujus exemplar placet huc transferre, cum vergat in plurimam hujus nostri Antistitis commendationem:

„ Joannes XXII. Servus Servorum Dei, Venerabili Fra-
 „ tri Aycardo Archiepiscopo Mediolanensi. Superni disposi-
 „ tione consilii, per quod in regno Mundi ordinationem
 „ univèrsa suscipiunt, supremæ Dignitatis speculâ, licet im-
 „ meriti præsidentes, super gregem Dominicum nostræ vigi-
 „ lantiæ

„ lantiz creditum , vigilis speculatoris officium exercemus ,
„ circa illa potissimum intentum animum dirigendo , curam-
„ que impendendo sollicitam , per quæ Divini cultûs aug-
„ mentum , exaltatio Catholicæ Fidei , & commoda salutis
„ proveniant animarum ; & ut hæc , Auctore Domino , sub-
„ sequi facilius , & efficacius provenire valeant , attentius
„ cogitamus , ut Ecclesiis , suis Pastoribus destitutis , Viros
„ præficiamus idoneos , per quorum prudentiam , scientiam ,
„ & doctrinam Ecclesiæ ipsæ salubriter & utiliter guberna-
„ tæ , statu prospero floreat & accrescant . Sanè vacante
„ pridem Ecclesia Mediolanensi per translationem per nos
„ factam de Venerabili Fratre nostro Castono Patriarchæ
„ Aquilejensi tunc Pastoris solatio destitutam ; Nos cupientes
„ regimini ejusdem Ecclesiæ Mediolanensis personam juxta cor
„ nostrum idoneam præsidere , per quam ipsa Ecclesia Me-
„ diolanensis posset salubriter & prosperè gubernari , provi-
„ sionem dictæ Mediolanensis Ecclesiæ , nostræ dispositioni ea
„ vice duximus specialiter reservandam , decernendo ex tunc
„ irritum & inane , si secus super hoc a quoquam , quavis
„ auctoritate , scienter vel ignoranter contingeret attentari ; ac
„ deinde super provisione hujusmodi cœpimus sollicitè cogi-
„ tare , & post deliberationem , quam de præficiendo ei-
„ dem Mediolanensi Ecclesiæ personam utilem ac etiam fru-
„ ctuosam , cum Fratribus nostris habuimus diligentem : De-
„ mum in Te Ordinis Fratrum Minorum professorem , in
„ Sacerdotio constitutum , cui de Literarum scientia , vitæ
„ munditia , morum elegantia , discretionis maturitate , cir-
„ cumspectionis industria , ac aliarum virtutum insignium do-
„ „ nis

„ nis tibi divinitus elargitis , fide digna testimonia suffra-
„ gantur , intuitum direximus nostræ mentis , ac de perso-
„ na tua nobis & eisdem Fratribus ob præmissorum tuorum
„ excellentiam meritorum accepta , de Fratrum ipsorum con-
„ filio & Apostolicæ plenitudine potestatis providimus Me-
„ diolanensi Ecclesiæ memoratæ , teque præfecimus ipsi Ec-
„ clesiæ in Archiepiscopum & Pastorem , curam & admini-
„ strationem ipsius tam in spiritualibus quàm in temporali-
„ bus plenariè committendo ; & subsequenter munus conse-
„ crationis tibi per Venerabilem Fratrem Berengarium Epi-
„ scopum Portuensensem impendi , tibi que deinde Pallium , de
„ Corpore Beati Petri sumptum , plenitudinem videlicet Pon-
„ tificalis officii , a te cum ea qua decuit instantia postu-
„ latum , per dilectos Filios nostros Neapoleonem Sancti
„ Adriani , & Guillelmum Sancti Nicolai in Carcere Tut-
„ liano , Jacobum Sancti Georgii ad Velum aureum , &
„ Arnaldum Sanctæ Mariæ in Porricu Diaconos Cardinales
„ fecimus exhiberi , firmâ spe fiduciæque conceptis , quodd
„ præfatam Ecclesiam , velut Sponsam tibi divinitus copula-
„ tam sincerè diliges , circumspèctè reges ac diriges , & in
„ statu prospero conservabis , Gregem Dominicum in ea tuæ
„ curæ commissum doctrinâ verbi , ac evidentiâ operis salu-
„ briter informando . Oneris igitur farcinam tibi in hac parte
„ impositam ferens humiliter , in exequendis cura & admini-
„ stratione hujusmodi sic te geras industrium , sollicitum , &
„ fidelem , quodd prælibeat Ecclesia Sponso utili , & fructuo-
„ so administratori se copulatam gaudenter sentiat & com-
„ missam ; tuque tamquam fidelis servus , & prudens villi-

„ cus

„cns dignam in extremo examine de villicatione tua possis
„reddere rationem, & nihilominus nostram atque Sedis
„Apostolicæ benedictionem & gratiam consequi uberius me-
„rearis, & post vitæ præsentis exilium, in dilecta Domi-
„ni tabernacula glorianter introëas, unâ cum beatis agmi-
„nibus, felicitatis æternæ gaudiis potiturus. Datum Avenio-
„ne IV. Calendas Octobris Pontificatus nostri anno secundo.

Parùm amicæ Aycardo Archiepiscopo fuere illorum tem-
porum vices. Sublatus erat intempestiva morte Henricus
Imperator, dum a Coronatione Romana discederet, sese
restiturus post peragratam iterum Italiam Germanicæ Imperii
Sedi. Matthæus Vicecomes institutus fuerat Vicarius Impe-
rialis in Langobardica regione, ac ceteris Italiæ Provinciis;
crepto autem e vivis Cæsare jus suum exercere prosequeba-
tur. Insurrexit Summus Pontifex Joannes XXII., qui sibi
deberi jus ac potestatem Vicarii Imperialis in Italia, Impe-
rio vacante asseribat; ac Matthæum sæpius admonuit, ne
aliena jura sibi usurpare contenderet. Renuit parère Vicecom-
es, plura in defensionem causæ suæ producens, quæ Cal-
chus fusè narrat. Cùm verò aliæ etiam criminationes ad
Apostolicam Sedem contra Matthæum delatæ fuissent, eidem
præcepit, ut Avenionem sese expurgaturus, statò die coram
Summo Pontifice accederet. Minimè obtemperavit Pontificiis
mandatis Vicecomes: Quare indignatus Joannes XXII. nom-
tam ob hanc inobedientiæ culpam, sed etiam quia hæresis
labe infectus esse a Catholicis tradebatur, ad Aycardum
Mediolanensem Archiepiscopum, qui obistente Matthæo pe-
dem inferre in hanc Metropolim numquam potuerat, tunc

au-

aurem in Burgolii Oppido prope Alexandriam morabatur, Literas dedit, quibus præcepit, ut collectis in unum Præsidibus Patribus, contra hæreticam pravitatem ex inituito delictis, accurato examine expensis sceleribus atque hæresis delicto, quod Matthæo impingebatur, judicium proferret. Implevit mandata Pontificis Aycardus; utque major huic Confessui auctoritas adderetur, præter tres Inquisitioni Præfectos et proximis Urbibus evocatos, adfuit etiam, teste Calcho, Bertrandus Sanctæ Romanæ Ecclesiæ Cardinalis, Pontificius Legatus. Absolutis omnibus quæ sacrum hoc munus exigebat, monitoque etiam Matthæo, ut præscripto die sese venerando huic Congressui sifteret ad diluenda, si quæ per invidiam aut calumniam contra ipsum delata fuissent, elapsoque ampliori etiam tempore, quin nec Avenionem ad Pontificem Maximum, nec Aistam ad Legatum se conferret, imo armatis copiis circumire non dubitasset finitima Bergolio loca; Cardinalis Bertrandus ex alto pegmate, Decreta Summi Pontificis evulgavit, quibus Matthæum Sacris amovebat, eadem poenâ multatis etiam iis, qui opem aliquam ipsi præbuisent, aut cum eo communicassent. Legitur in Ughello series omnis instituti hujus examinis, & Sententiæ in Vicecomitem prolatae. Quæ inde prosecuta sunt, fusè narrat Tristanus Calchus *Historia Patriæ* Libr. XXII.

Mortuo Matthæo nondum patuit Aycardo ad Mediolanensem Sedem accessus; diutius namque post illum viguere factiones in hac Metropoli, quarum aliæ Imperio, aliæ Romanæ Ecclesiæ favebant, cui addictissimus erat Archiepiscopus noster. Galeatius, qui Matthæo Vicecomiti Patri in im-

X x x

perio

perio successerat, acerbis etiam, quam ante, arma expedivit contra copias, quas ducebat Romanæ Ecclesiæ Legatus, quem Archipræsul Aycardus sequebatur: Inito autem conflictu alternarum Partium in Modoëtiensi agro, victoria Pontificis stetit, captumque est Oppidum ipsum Modoëtiæ; ac ibi Archiepiscopus noster Concionem habuit ad Sectatores Legati, ut eos hortaretur ad rem impigrè agendam pro Divinâ, Romanæque Ecclesiæ gloriâ. Ripamontius verba eadem Aycardi adnotavit Libr. VIII. *Hist. Eccles. Mediol.*, pag. DXXIII.; nisi fortè pro more ipsi familiari ea marte suo concinnaverit. Citò tamen inde excedere debuere Pontificii milites, quos Pars adversa in nova pugna fregit, coëgitque longius ab hisce finibus sese recipere.

Ad Placentinam Urbem confugisse Aycardum discimus ex Diplomate ibidem dato ad Moniales Sancti Apollinaris Mediolani, quibus, ut gratum animum suum ostenderet, fortasse ob assiduas sinceræque preces a Sacris iis Virginibus ad Deum effusas pro celeri ac pscato ejusdem in Archiepiscopalem suam Ecclesiam ingressu, spirituales thesauros est elargitus. Extat hæc Charta in sæpiùs memorato Archivo prædictarum Monialium, his verbis concepta:

„ Frater Aycardus Dei & Apostolicæ Sedis gratia Sanctæ
 „ Mediolanensis Ecclesiæ Archiepiscopus. Religiosis in Christo
 „ Mulieribus Abbatissæ, Monialibus, & Conventui Monasterii
 „ Sancti Apollinaris Mediol., Ordinis Sanctæ Claræ, salutem
 „ & incrementa continua gratiæ salutaris. Clara vestræ religionis & honestatis merita, bonæque opinionis odorem,
 „ quo redolere noscimini attendentes, ac devotionem, quam
 „ ad

„ ad nos gerere demonstratis sinceræ caritatis , acceptantes ,
„ dignum & congruum arbitramur , ut sinceritatem vestram
„ specialis benevolentiæ gratitudine prosequentes , ac Deo ac-
„ ceptabile non immeritò fore credentes , devotam nobis af-
„ fectionem vestram specialium beneficiorum vicissitudinibus
„ compensari , vos & vestrum Monasterium , prout corde
„ concepimus , disponamus gratis & honoribus , quantum
„ nobis Deus concesserit , prævenire , vobisque illa quæ ad
„ salutis profectum , ac devotionis etiam incentivum , ve-
„ strique Monasterii commodum cedere dignoscuntur , beni-
„ gniori animo largiamur . Hinc est , quòd nos volentes
„ vestræ dilectionis sanctimoniam , juxta insinuationem vestri
„ desiderii , prærogativâ spiritualis muneris prosequi & fove-
„ re , tenore præsentium vobis universis & singulis , quotiens
„ pro dicti vestri Ordinis seu Monasterii utilitatè honestâ
„ simul conveneritis , necnon quandocumque Regula vestra
„ tempore statuto seu consueto legetur , si Læctioni ejusdem
„ interfueritis , & quotiens Missam in vestro Monasterio ce-
„ lebrari feceritis , si præsentibus ipsi Missæ devotè permanse-
„ ritis quousque ipsa fuerit finita , necnon singulis diebus ,
„ quibus ad Horas Canonicas dicendas vel cantandas in Mo-
„ nasterii vestri Ecclesia sive Oratorio vos congregabitis , &
„ devotis mentibus , in Divinis Laudibus & Orationibus per-
„ sistetis , ac etiam quandocumque de Corpore communica-
„ bitis Jesu Christi ; singulis etiam Christifidelibus , qui vobis
„ & Monasterio vestro de bonis sibi a Deo collatis quicquam
„ donaverint , vel legaverint , aut reliquerint in eorum ultima
„ voluntate , vel in aliquibus vestris necessitatibus communibus

X x x 2

„ vobis

„ vobis manum porrexerint adjutricem , five aliqua caritatis
„ subsidia minitruerint , verè dumtaxat pœnitentibus & con-
„ fessis , nos de Omnipotentis Dei misericordia , & Beato-
„ rum Petri & Pauli Apostolorum ejus auctoritate , ac Beati
„ Ambrosii Confessoris & Doctotis egregii , cui permissione
„ Divina , licèt immeritò , succedimus in officio Pastoralis ,
„ meritis & intercessione confisi , quadraginta dies de injun-
„ ctis pœnitentis misericorditer in Domino relaxamus , dum-
„ modo vobis , ut hujusmodi remissionis indulgentia suum in
„ personis vestris sortiatur effectum , Superior vel Superiores
„ vestri jurisdictionis in vobis auctoritatem habentes , duxerint
„ indulgendum . In cujus rei testimonium præsentes Literas ,
„ quas usque ad nostræ voluntatis beneplacitum volumus perdu-
„ rare , nostri Sigilli fecimus appensione muniri . Datum Pla-
„ centiæ , Anno a Nativitate Domini millesimo trecentesimo
„ trigésimo quarto , Indictione secunda , die decimaquarta
„ mensis Maji .

Cùm verò ingravescente semper acriùs in ipsius repul-
sam odio Vicecomitum , præclusam sibi viam omnem , ad ca-
piendam Solii sui possessionem conspiceret Aycardus , Pla-
centiâ , ubi hæctenus moram duxerat , ad Urbem Alexandri-
nam se contulit , atque in Cœnobio Fratrum Minorum do-
micilium fixit . Constat hoc ex binis Epistolis , quas illinc
Mediolanum direxit . Prima est *Lanfranco Mossesæ Præposito*
Ecclesiæ Sancti Ambrosii inscripta . Hospitale pauperum eri-
gendum postremis tabulis mandaverat Civis quidam Medio-
lanensis , sub Titulo *Sanctæ Catharinæ* Virginis & Martyris ,
prope *Pusterlam Fabricam* , quam modo *Pontem Fabrorum* nun-
cupant .

cupant . Ut canonicâ auctoritate hoc erigeretur Hospitale , Curatores ad absentem Archiepiscopum preces dederunt ; qui benignè annuit postulatis , reservato tamen sibi *annuo censu libræ unius cere , in signum subjectionis , Archiepiscopali mensæ in Festo Sancti Ambrosii persolvendæ* ; atque eadem Epistola data est Alexandria , in Domo Fratrum Minorum , Anno a Nativitate Domini MCCCXXXVII. , Indictione quinta , die vigesimo sexto Martii . Biennio post , alteram dedit ad Moniales Mediolanensis Cœnobii Sanctæ Mariæ in Valle , appellati *de Montano* , facultatem indulgens nonnulla prædia commutandi , quæ utiliora ipsis credebantur . *Data hæc etiam est Alexandria , in Domo Fratrum Minorum , Anno a Nativitate Domini MCCCXXXIX. , Indictione septima , die decimono mensis Aprilis* . Memorat has quoque Puricellus loco supra laudato .

Tandem post tot incommoda diuturni exilii affulsit auspiciatissima dies Aycardo , convolandi in sinum Ecclesiæ suæ Sponsæ , quam ne quidem de facie conspiciere umquam potuerat . Quenam fuit fausta occasio hujus felicissimi eventûs , altius repetere oportet . Demandatum ipsi fuerat Anno MCCCXXII. (uti jam narravimus) a Summo Pontifice Joanne XXII. munus inquirendi unâ cum aliis Sacræ Inquisitionis Præsidentibus in Acta Mitthæi Vicecomitis , qui de hæresi aliisque gravissimis criminibus passim accusabatur ; expletoque examine , in contumaciam prolata fuerat Sententia excommunicationis in eundem . Quoniam verò Filii etiam Magni Matthæi eadem hæresis lue infecti asseriebantur , alterum judicium instituit Aycardus simul cum iisdem Patribus , quibus collata fuit-

fuerat auctoritas inquirendi in pollutos hac labe; Cùmque vocati ad hunc Conventum Luchinus præsertim & Joannes Vicecomites fuissent, ac renuissent illuc accedere, tamquam contumaces sacris execrationibus perculsi fuere, atque a Fidelium communione prorsus semoti. Non tulerunt pacato animo hoc novum infamiæ dedecus Fratres memorati; sed ad Tribunal Benedicti XII., qui demortuo Joanni XXII. in supremo Pontificatu successerat, querelas suas detulere; justique coram ipse expositis causis, quare tum Pater Matthæus, tum ipsi abstinuissent a præstanda obedientia Patribus collectis in Oppido Bergolii, Pontifex Summus accuratè discussis eorumdem rationibus per nonnullos Sanctæ Romanæ Ecclesiæ Cardinales, ac deinde relatâ hac Causa in pleno Consistorio, omnium Cardinalium consensu, collectisque suffragiis, quæcumque contra Luchinum & Joannem, ab Aycardo Archiepiscopo ceterisque ejus Sociis peracta fuerant, Apostolica auctoritate nulla & irrita declaravit, Literasque hac de re Avenione expedit, quibus eosdem Fratres ab omni Ecclesiastica censura absolvebat. Eas e Regesto Vaticano desumptas recitat Ughellus in Vita Joannis II. Archiepiscopi.

Reconciliatis itaque Ecclesiæ Romanæ, etiam per Catholicæ Fidei professionem, Luchino & Joanne Vicecomitibus, sublatu est omnis obex, quo arcebat Aycardus ab adventu in Mediolanensem Metropolim. Anno igitur MCCCXXXIX., die IV. Julii profectus est Archiepiscopus ab antiquo suo Domicilio, ut Sedem Ambrosianam reciperet. Galvaneus Flamma, qui præsens erat, testis est solennis Ingressus Aycardi Mediolanum, iniciens in Opusculo *De vita*

Azo-

Azonis Vicecomitis, edito Tom. XII. *Rerum Italicarum*; *Frater Aycardus*, *Archiepiscopus Mediolanensis*, *transiit sui Archiepiscopatus annis XXI.*, *primò suam Sedem visitavit*, & *cum mirabili honore receptus fuit*. Quinimo narrat dissidium tunc exortum inter Nobiles Advocatos (nunc Avogadros) & Confanonerios, quis eorum equum Archiepiscopi deducere debuisset, eoque donari; & hanc interim controversiam compositam fuisse ait a Joanne Vicecomite in hunc modum, ut videlicet *Advocati hunc deducerent per frænum usque ad Ecclesiam Majorem*; *inde usque ad Sanctum Ambrosium conducirvent Confanonerii*, & *equus Archiepiscopi pendente questione deponeretur, donec juridicè, ad quos spectaret, desiniretur*. Hinc autem dilucidè patet, quàm falsò retulerint Bernardinus Corrius, Morigia, & Ripamontius, Joannem Vicecomitem cum Aycardo pactiorem iniisse, ut iste in Novariensem Sedem, ille in Mediolanensem concederet, approbante Summo Pontifice Joanne XXII., statutà pensione mille Florenorum, quotannis Aycardo persolvenda. Ansam huic fabulæ ambabus manibus excipiendæ, atque in Historias suas inferendæ a memoratis Scriptoribus, fortassè dedit administratio patrimonii Ecclesiastici Mensæ Archiepiscopalis, quam etiam Joannes XXII. ratam habuerat, hac adjecta conditione subsidii præstandi annuatim mille & quinguecentum Florenorum a Joanne Vicecomite exuli Aycardo, teste Galvaneo Flamma, loco laudato; adeòque, nullo habito examine, memoratum Episcopatum commutationis Commentum Mediolanenses enunciati Scriptores sibi effinxere.

Faultis longævæ ducendæ vitæ ominibus inter festivas vo-

ces

ces a Mediolanensi populo editis, votisque juvandæ Ecclesiæ suæ ab Archiepiscopo conceptis, cenferi poterat, tamdiu exulem Aycardum, per diuturnum adhuc ævum, reparaturum fore morum corruptelas, quæ irreperant in Ecclesiasticam disciplinam. Verùm incassum hæc omnia cecidère; siquidem vix elapsis diebus sex ultra mensem ab Archiepiscopi ingressu, repentinus morbus spem omnem, ac vitam Aycardi præcidit, cùm die X. sequentis Augusti decesserit, post annos XXII. regiminis, sepultus in Ecclesia Fratrum Minorum Sancti Francisci. Quocirca in assignando anno mortis Aycardi non satis cautè processit Ughellus, qui dubius hæsit, an Ripamontio crederet figenti mortem Anno MCCCXLI., an aliis, qui Annum MCCCXXXIX. statuunt, cùm certo certius constet ex cœvo & præsentis teste Galvaneo, Aycardum isto verè anno obiisse. Imo idem Galvaneus subjungit, a XCIX. annis retrò neminem alium ex Archiepiscopis nostris intra mœnia hujus Metropolis interiisse. Multò absurdius erravit Ricciolius Historiæ nostræ parùm gnarus, qui in *Chronologia reformatâ* Aycardi mortem tradidit Romæ contigisse, eumque in Aræceli Templo fuisse tumultatum: Id autem adnotare volumus, ne Auctor iste, apud Exteros notus, incautos decipiat.



JOANNES II. VICECOMES.



IN Collegium Canoniorum Ordinariorum Basilicæ Metropolitanæ Mediolanensis primò adopratus est Joannes Matthæi Magni Vicecomitis filius, dein ad sublimiorem gradum in Ecclesia Romana promotus fuit; sed non modicâ propriæ famæ jacturâ, imo cum magno nominis sui pudore, ut mox dicemus. Res ita se habuit. Mortuo Henrico VII. Imperatore, duo ex primariis Germaniæ Principibus, Federicus Austriæ, & Ludovicus Bavarie Duces de Imperio contendebant; cùmque moto invicem bello, in cruentissima pugna fractus fuisset Federici exercitus, atque ipse etiam captus in manus Ludovici Bavari concessisset, pacta inita fuere ad eum in libertatem asserendum, quibus obstringebitur Federicus ad moram in Germania trahendam illustri aliquo titulo; Ludovico autem remaneret jus omne Imperii in Italia exercendum, illamque adeundi (quæ tamen rescissa postmodum a Summo Pontifice fuerunt.) Itaque in Italicas oras descendit Ludovicus; cùmque ad Joannem XXII. Pontificem Maximum preces dedisset, ut ejusdem electioni assensum præberet, illo prorsus renuente, in detestandam rebellionem ab obelientia Sedis Apostolicæ prolapsus fuit, ac Mediolanum versùs iter divertit, ut Ferreâ Coronâ redimiretur, & Regnum Italicum obtineret, Anno MCCCXXVII. Primo autem die Junii (ut scribit Bernardinus Corius) solemnî pompâ in Æde Sancti Am-

Yyy

brosii,

brofii, ubi hofpitabatur, per duos Epifcopos Regienfem, & Brixienfem, ferreum Sertum recepit. Subinde verò Romam perrexerit, atque illuc delatus, infami aufu alium Summum Pontificem induxit in Beati Petri Sedem, Petrum nempe de Corbaria, Ordinis Minorum, die XII. Maji Anni MCCCXXVIII., fub nomine Nicolai V., ipfumque Ludovicus publicè approbavit, & coluit. Statim ac monftrum hoc in Pontificio Solio confedit, circumftantes fibi larvas Cardinalium adfcivit, ut gloriofius regnaret, feptemque in hoc fictitium Collegium adoptavit, quos enumerat Pagius junior in *Breviario Romanor. Pontifiſum*. Româ excedens Ludovicus, ut in Germaniam rediret, fecum duxit Idôlum ſuum Nicolaum Pſeudo-Pontificem; cùmque Piſis moraretur, atque inde in Langobardiam profecturus brevè eſſet, Vicecomites Mediolanenſes, a quibus meditabatur exigere LX. mille aureos nummos, Piſas accivit, petiitque a Nicolao, ut purpureo Galeo Joannem Vicecomitem decoraret, ac facillimè obtinuit, quemadmodum Corius ad Annum MCCCXXIX. teſtatur. Quinimo Pſeudo ille Pontifex Legatum in Langobardia eum declaravit in Conſiſtorio Piſis habito die XX. Januarii; Ludovicus verò Aëtium Vicecomitem, Mediolani Principem, Vicarium Imperialem inſtituit, ut eos ſibi arctiſſis devinciret. Parùm tamen profecit: Accedens namque Modoëtiâ, inde refulſus eſt, jubentibus Mediolanenſis Urbis Reſtoribus; quod etiam multò magis iidem peregrè, cùm Mediolanum ingredi tentaret. Quapropter irâ exaſtuans Ludovicus, noſtram Metropolim obſidione cinxit; ſed fruſtra, coactus recedere, contemptus ab omnibus.

Joan-

Joannes XXII. Summus Pontifex accepto nuncio, quòd Actius Vicecomes & Mediolanenses, clausis postibus Civitatis, Ludovicum Bavarum longè propulsaissent, conceptam animo indignationem sedavit, atque in amicitiam cum Civibus nostris rediit, eosque absolvit a Censuris & Interdicto, quo fuerant irretiti; Joannem verò Vicecomitem, adductum ad deponendum ad pedes legitimi universæ Ecclesiæ Pastoris Cardinalitium amictum, abstersa ab ipso turpi hac maculâ, Novariensi Sede, mortuo Antistite tunc vacuâ, benignè donavit eodem Anno MCCCXXIX.

Ingressus Novariam Joannes, oculos statim convertit in Cazinum de Torniellis, qui eidem Urbi tyrannicè dominabatur, eumque captum carceri mancipavit. Id autem gratissimum fuit Joanni XXII. Summo Hierarchæ, ut refert Galvanus Flamma in *Vita Azonis Vicecomitis*, impressâ Tom. XII. *Scriptor. Italiæ*, inquiens: *Joannes Papa, audito quòd Cazinus de Torniellis, hostis Ecclesiæ publicus, esset captus, & quòd Civitas inciperet obedire Ecclesiæ, multum exultavit, & Joannem Episcopum Novariensem, instituit Conservatorem Archiepiscopatus Mediolanensis* (exulante Aycardo Archiepiscopo), *ut in temporalibus esset Dominus Archiepiscopatus* &c. Animum subinde adjecit Præsul Vicecomes ad illius Urbis munimenta extruenda, ne Cives Novarienses injuriis atque incursionibus Adversariorum patèrent: Quamobrem Castrum erexit, & jura Ecclesiæ diu conculcata instauravit. Imo Ecclesiam ipsam, quam destructam invenit, propriis opibus magnificè refecit, teste eodem Flamma.

Quandoquidem verò non uni tantùm Ecclesiæ Novariensi

Yyy 2

addi-

addictus a Pontifice Maximo erat Joannes , sed etiam Metropolitanæ Mediolanensis Conservator declaratus fuerat , magnificentiâ quam a principe Stirpe hauserat , nobilia in hac ipsa Metropoli vestigia imprimere , ac ad posteros transmittere , voluit . Siquidem Archiepiscopales Ædes Aulasque senio penè confectas de novo reædificavit , atque insuper duo Palatia invicem se respicientia , in modum Claustrî quadrati in eadem Curia Archiepiscopali construxit , ut docet Lapis , Vicecomitum Insignia exprimens , adhuc superstes in latere Septentrionali Canonice Metropolitanæ , quam Sanctus Carolus Borromeus ibidem postmodum maximis sumptibus , ad commodum Ordinariorum Domicilium , excitavit adornavitque .

Quoniam autem custodiæ patrimonii Ecclesiastici Archiepiscopalis Mensæ Joannes Vicecomes onus gerebat , jura Ecclesiæ Ambrosianæ , quæ in alienos census injustè cesserant , & redditus quos aut bellorum iniquitas consumpserat , aut avaritia rapuerat , pristinæ integritati restituit , atque amplificavit . Quinimo in Ditione Mediolanensi Aulas , Ædes , & Palatia , magnificentiam & commodum referentia , condidit ; quemadmodum testatur Flamma loco laudato , iis temporibus non tam æqualis , quàm præsens .

Ex hac vita decesserat improlis Actius Vicecomes Anno MCCCXXXIX. , in quem , post Matthæum Magnum , ejusdem Avum , confluxerat universum Mediolanense imperium . Quocirca , consensu omnium qui Civitatis regimini assidebant Populique totius , delecti fuere in Dominos Joannes Vicecomes , ac Luchinus Fratres , & Actii Patruï . Potiti hac plena dominatione Vicecomites Fratres , ad Summum Pontificem Benedi-

dictum XII. obsequia sua, & submissæ obedientiæ testimonia direxere; eaque adeò grata fuerunt Christi Vicario, ut Privilegia illa, quæ Ughellus ex Codicibus Vaticanis retulit in Vita Joannis, benignissimè indulserit, nosque etiam a Galvano Flamma narrata videmus, in Opusculo superius memorato.

Institutus jam fuerat Festus dies Sacratissimi Corporis Christi ab Urbano IV. Pontifice Maximo, Anno MCCLX., Joannes autem XXII., adjecit etiam solemnem Supplicationem, omnibus Occidentis Ecclesiis, ac Studiis Universitatum eandem Festivitatem indixerat. Obtemperare huic Decreto minimè potuit Ecclesia Mediolanensis, cum Metropolis ista serventibus Civilibus simultatibus, ac ubique debaccantibus Guelphis & Gibellinis factionibus, in partes scinderetur, atque ob Vicecomitum contra Apostolicam Sedem contumaciam Interdicto jamdiu subjaceret. Exsoluta tandem fuit a Joanne XXII. hisce censurarum vinculis Civitas nostra, & Stirps Vicecomitum, ut superius narravimus. Itaque Joannes Vicecomes Novariensis Episcopus, ut reverentiam suam erga Apostolica mandata manifestius ostenderet, hanc Celebritatem in Metropoli nostra primus instituit Anno MCCCXXXVI. Galvaneus Flamma in eadem *Azonis Visa*, sacram omnem pompam, qua Supplicationem hanc peregit Joannes, fideli calamo descripsit, nostrisque oculis relegendam conservavit, his ferme verbis: *Joannes Episcopus Novariensis, ac Ecclesie Mediolanensis Conservator, attendens Dei beneficia, facta Vicecomitibus, Festum de Corpore Christi celebrari ordinavit.* Accito autem altero Episcopo, Pontificalibus indumentis ornato, sacram Pixidem ab ipso

ipſo deferri juſſit a Metropolitano Templo ad Ambroſianam Baſilicam, micantibus per compita copioſiſſimis cereis facibus, viſſique ſtipatis ultra centies millies Civibus Exteriſque. Cùm proxima eſſet Supplicatio Sancti Ambroſii Cœnobio, Joannes Vicecomes Pontificiis Inſigniis decoratus, Corpus Chriſti de manu Epſcopi excepit, Ambroſianam Baſilicam adiit, atque ibidem in Ara Maxima illud depoſuit. Expletis inde omnibus cæremoniis, quas Ritus noſter præſcribit in tanti Myſterii obſequium cultumque, iterum alterius Epſcopi manibus ſacram Pixidem tradidit, ad Majus Templum referendam, comitantibus Actio Civitatis Domino, ac primoribus omnibus Urbis Reſtoribus, aliſſque illuſtrioris ſanguinis Viris.

Celebris eſt apud Metropolis hujus Cives pugna, conſerta cum copiis Leodriſii Vicecomitis, rebelli animo tentantis imperium Mediolanenſe ſibi uſurpare, & Victoria inde relata, patrocinio Sancti Ambroſii, qui apparuiſſe dicitur equo inſidens, & ſcuticam manu gerens, dum prælium ſerveret apud Oppidum Parabiagum, illâque inimicos contundens, ac in præcipitem fugam conjiciens, ut Galvaneus Flamma teſtatur loco memorato. Ob inſignem hunc triumphum, inter cetera quæ deſervit Civitas noſtra, Actio Vicecomite ejuſdem Domino, in gratiarum actionem Deo & Sancto Patrono, illud fuit, ut Templum Sancto Ambroſio dicatum in eodem Parabiagi Oppido erigeretur, tamquam perpetuum grati animi Civitatis univerſæ teſtimonium. Primum hujus Templi lapidem poſuit Joannes Vicecomes Epſcopus Novarienſis, Luchini Frater & Actii Patruus. Adjectum eſt etiam eidem publico ære Cœnobium Monachorum Carævallis, Ordinis Ciſtercienuſum,

ut

ut religiosius coleretur; quemadmodum in hodiernum usque diem perseverat ibidem hoc Institutum, in Divinis Officiis diu noctuque persolvendis, summo cum populi illius proven-
tu atque exemplo.

Statim ac autem, ut diximus, constituti fuere post Actii obitum, plenis Civitatis nostræ suffragiis, Mediolani Domini Luchinus & Joannes Vicecomites, ad moderandos opportu-
nis Legibus mores Civium curam sollicitam impenderunt. Re-
fert illas memoratus Flamina loco sæpè laudato. Recenseri hic meretur ea, quæ his verbis concepta est: *Sub magna
pæna fuit Medicis impostum, ut ultra tres vices non visi-
tarent, nisi Infirmus prius fuisset confessus.* Eamdem pro uni-
versæ Ecclesiæ bono renovavit Sanctus Pontifex Pius V.,
statuens, ne Medicis liceret accedere ad curandos Infirmos,
nisi intra tres dies sacrâ Exomologesi ægroti animam suam
expiaissent.

Obierat, quemadmodum superiùs retulimus, Anno MCCC-
XXXIX. Aycardus Archiepiscopus: Quamobrem collectus pri-
marius Basilicæ Metropolitanæ Clerus communibus suffragiis
Joannem Vicecomitem, in Successorem iterum delegit. Diu
tamen in suspenso hæsit hujusmodi electio, ut expectaretur
Summi Pontificis consensus & approbatio. Siquidem cum
ille variis distentus foret negotiis Ecclesiæ universæ, nondum
a Ludovici Bavori perturbationibus exemptus; atque insuper
festina mors Benedictum XII. rapuisset e terris Anno MCCC-
XLII., & intra mensem successus fuisset in Beati Petri Ca-
thedram Clemens VI., ad ipsum deferendæ fuerunt preces,
ut vacua Mediolanensis Sedes, consentiente Summo Pontifice
im-

imp'cretur. Benignè annuit Clemens, ac designatum Joannem Vicecomitem voto suo confirmavit die VI. Augusti, ejusdem anni. Quinimo Archiepiscopale Pallium ad eundem misit, delectis duobus Episcopis Cumanò & Cremonensì, qui illud solemnì pompa novo Antistiti Mediolanensì conferrent: Joannes verò Archiepiscopus, captà Ecclesiæ suæ possessione Festo die Nativitatis Beatissimæ Virginis, VIII. Septembris, ad diem XVI. Octobris distulit recipiendi Pallii publicè in Ecclesia Majori Celebritatem. Postmodum autem die XX. ejusdem mensis, qui in Dominicam incidebat, qua Dedicationis Metropolitanæ Basilicæ memoria agebatur, solemnem Supplicationem instituit ad Templum Sancti Ambrosii; eaque peracta est, utroque Clero præunte, tribusque Episcopis comitantibus, ac eodem Archiepiscopo Pallium Pontificalibus indumentis supereminens gestante, atque equo insidente, quem stipabat non tam Nobilium Civium, verùm etiam Exterorum Procerum caterva, quorum mille in equis procedentes numerati fuere, Galvaneo Flamma testante.

Constitutus in Archiepiscopali Sede Joannes religionem eximiam erga Deum, & amorem erga pauperes, quem antea in Administratoris munere ostenderit, splendidè patefecit. Siquidem, cùm nondum Pastoralis Ambrosianæ Ecclesiæ virgâ insignitus, ingravescente semel fame, usque ad XL. millia pauperum aluisset publici ærarii Dominus, hanc consuetudinem renovare voluit Mediolanensì Insulâ decoratus; narrat enim laudatus Flamma, in Archiepiscopalibus Ædibus, LX. pauperibus cibos quotidie ab ipso fuisse subministratos: quin etiam elemosynarum copiam in eorundem indigentia suble-

van-

vanda, incredibili largitate Joannem præstitisse; Ecclesias verò, quæ fatiscebant per hanc Metropolim, refecisse. Expurgare quoque contendit ab Hæreticorum lue Diœcesim, eos ubicumque degerent validè infectatus; sique caperentur, per Judices curans, ut meritis suppliciis multarentur. Divinis autem Officiis celebrandis, magnâ pii animi significatione incumbebat. Ambrosiani quoque Ritûs singularem custodiam, egit: Cùm enim a Carævallis Monachis in ejus Diœcesi commorantibus rogaretur, ut Romano Ritu Divina Officia & Sacra peragendi facultatem iisdem impertiretur, annuit quidem ob justas allatas causas, verùm conditiones adjecit, ut nempe ad Missas tantùm privatas concessa potestas extenderetur, eaque ad placitum ipsius revocari posset. Subjicimus hic Exemplar ipsum hujusmodi concessionis, ex Mstis Miscellaneis Jo. Petri Puricelli, in Bibliotheca Ambrosiana, servatis exscriptum;

„ Joannes Dei & Apostolicæ Sedis gratia Sanctæ Mediolanensis Ecclesiæ Archiepiscopus; Religiosis Viris in Christo sibi dilectis Abbati, Monachis, & Conventui Monasterii Carævallis, Mediolanensis Diœcesis, Ordinis Cisterciensis salutem & incrementa gratiæ salutaris. Exigentibus virtutum vestrarum mæritis, votis vestris libenter annuimus, & petitiones vestras, quantum cum Deo possumus, favo, rabiliter exaudimus. Cùm itaque, sicut exhibita nobis vestra petitiō continebat, in mansione Monasterii vestri, sita Mediolani, & in nonnullis Grantiis & mansionibus Monasterii vestri, in nostra Mediolanensi Diœcesi constitutis, quandoque Missam vos deceat, congruat, & expellat ce-

Zzz

„ le-

„ lebrare , & vobis Officio Romano secundum vestrum Or-
„ dinem assuetis , & ignorantibus Officium Ambrosianum , a
„ prædicto Romano Officio in multis variis , discrepans ,
„ & diversum , quod Ecclesia Mediolanensis observat in Ho-
„ ris Canonicis , & Missarum solemnibus celebrandis , multis
„ cedat difficile , causa celebrandi in dictis mansionibus &
„ Grantiis servare , imo verius addiscere in hujusmodi Di-
„ vinis Officiis atque Missis modum & ordinem Mediola-
„ nensis Ecclesiæ sponsæ nostræ , & dimittere modum & or-
„ dinem Romanæ Curæ , quos a teneris annis vestris secuti
„ fuistis , & sequi necessariò vos oportet , cum juxta Supe-
„ riorum vestrorum dispositionem etiam extra nostram Me-
„ diolanensem Provinciam sæpe de Conventu transferamini ad
„ Conventum , & alii ad vestrum transferantur Conventum ,
„ & removeantur ab eo : Nos vestris supplicationibus beni-
„ gnum impatientes assensum , vobis in dictis vestris man-
„ sionibus & Grantiis Canonicas Horas dicendi , & celebra-
„ di Missam privatè , juxta modum & ordinem Romanæ Cu-
„ riæ , & vestri Ordinis superscripti , licentiam usque ad no-
„ strum beneplacitum duraturam , concedimus per præsentem
„ nostri sigilli munimine roboratas . Datum Mediolani Anno
„ MCCCXLII. , die quindecimo Decembris , Indictione un-
„ decima .

Decretum insuper evulgavit circa honestatem & mode-
stiam vestrum Clericorum , ut dignitatem officii sui publico
exemplo testarentur , ultimo Aprilis die , Anni MCCCLII.
expeditum . Sequenti verò anno tribus Sacerdotiis auxilii Sa-
cellum Sanctæ Agnetis in Templo Maximo , assignatis an-
nuis

nuis redditibus , ut delecti Mystæ Sacra quotidie celebrarent . Hinc dilucidè patet , quàm falsò , nec sine aliqua imprudentiæ nota , Galefinius in *Tabula Mediolanensium Antiquitum* , adnotatum reliquerit , Joannem hunc Vicecomitem bellica potius laude , quam Ecclesiastica disciplina nomine fuisse illustrem ; cum bella quidem gesserit , utpote in Republica Mediolanensi Princeps ac Dominus , cujus quieti conservandæ opus illi erat gladium exerere ; sed minimè Pastoralis muneris suo defuerit , àt hætenus adnotavimus .

Ambitione tamen non modicâ amplificandi imperii sui inflatum ac contaminatum eum fuisse , fateri candidè cogimur , cum plures sparsim per Italiam Urbes per vim sibi subjungaverit , & Anno MCCCCL. ipsam etiam Bononiam , quæ Summo Pontifici tunc parebat , invaserit . Ob violentum hoc Joannis Vicecomitis facinus , ad indignationem commotus Clemens VI. Pontifex Maximus sacrum telum armavit , Interdicto subjiciens non tam Urbem Mediolanensem , sed etiam Terras omnes juris Vicecomitum . Imo ipsum Joannem Avinionem accivit , ut coram Summo Pontifice sese funderet , quemadmodum refert Jovius , in ejusdem *Joannis Vicecomitis Vita* , subjungens , paruisse quidem in speciem Archiepiscopum nostrum ; verùm ad ostentandam virum suarum amplitudinem , Aulæque suæ magnificentiam , præmisisse antesignanos quosdam Ministros , qui victualia omnia in Apothecis venalia quovis pretio coënerent , & ampliores omnes Domos profuso ære per annum conducere ; cùmque Cives inscii hujus eventûs de ciborum penuria quererentur , admonitum Pontificem Clementem quævisse , undenam orta esset tanta

publicæ annonæ tenuitas, eique responsum fuisse, alimenta omnia, quæ usui Civium prostabant, empta esse a Ministris Archiepiscopi Mediolanensis, qui cum septem millibus equitum, ac totidem peditum Avenionem adibat; eoque audito Pontificem misisse ad eundem, qui illum a reliquo itinere, Pontificio nomine absolveret, juberetque Mediolanum redire: Joannem verò Ministris suis præcepisse, ut quidquid coëmptum erat, in elecmosynam partirentur. Hujus facti, cujus nulla in vetustis Coævorum scriptis mentio occurrit, cum scænicum potius Inventum, quàm Historiam redoleat, fides sit penes Jovium. Quoniam autem recentes Mediolanensium rerum Scriptores, inter quos Bernardinus Corius & Ripamontius, ampliori etiam verborum apparatu Factum hoc enarrant ad Annum MCCCCL., inexploratis eorundem fundamentis, nos antiquo omni testimonio quo fulciatur, destitutum illud animadvertentes, nutare plurimum dicimus ac prostemur. Id certò novimus, per biennium viguisse hanc controversiam, donec missis Mediolano Avenionem Legatis pro pace, composita cum Summo Pontifice res est, ut a Legato Abbate Massiliensi, misso Bononiam (qui postea Urbanus V. fuit) claves Urbis illius, in ejusdem manibus depositas, Joannes iterum reciperet, & nomine Ecclesiæ Romanæ Bononiam regeret, soluto quotannis Cen.ũ XII. mille Florenorum Summo Pontifici: Atque ita Censuræ omnes abolitæ fuere, & Sacrorum usus restitutus est huic Metropoli Anno MCCCCLII., quemadmodum Joannes de Cornazano coævus refert in *Historia Parmensi*, edita Tom XII. *Rerum Italicarum*.

Nihilominus commendationem plurimam meretur Archipræsul

præsul iste, ob propensum in res Sacras studium, quo semper effulsit. Notum est, a Theodolinda Langobardorum Regina institutam fuisse Modoëtiensem Basilicam, atque ab eadem pretiosissimis donariis esse locupletatam. Varias vices passus est hic Thesaurus, sceneratoribus primùm ob graves bellorum expensas commissus in pignus, dein defossa tellure sepultus ob metum rapinarum, denique Avenionem delatus, oblatuque dono Joanni XXII. Pontifici Maximo, quem cum respuisset Summus ille Hierarcha, atque jussisset, ut ad Ecclesiam Modoëtiensem reportaretur, Joannes Vicecomes eodem accepto, Anno MCCCXLV. Modoëtiam petiit, ibique super Altare Sancti Joannis Baptiste Thesaurum omnem deposuit, consecutisque publicis Tabulis, Archipresbytero & Canonicis illius Basilicæ eundem tradidit custodiendum; atque insuper, ut religiosum animum erga hunc Sanctum Patronum suum ostenderet, Calicem magni ponderis & pretii, crystallinas amulas, & incensi capsulam pariter crystallinam, auro fulgentes dono dedit die XX Martii, ejusdem Anni. Narrat hæc fusè Bonincontrus Morigia in *Chronico Modoëtensi*, Libr. IV. Cap. IX., edito inter *Scriptores Italiæ* Tom. XII. supra dicto.

Neque minoris religionis Opus, fuit Translatio Corporis Sancti Petri Martyris, Ordinis Prædicatorum, quam solemnè pompâ apparatuque peregit Joannes Vicecomes in Basilicâ Eutorgiana Mediolani, ab antiquo Sepulcro, in quo LXXXVII. annis jacuerat, in Urnam candidi marmoris affabre sculptam, miræque pulchritudinis; spectante ac Deum collaudante innumerâ populi multitudine, cum inventum fuerit Caput,

put, barbâ & crinibus adhuc circumseptum, intactisque ceteris Corporis membris. Adfuere huic Celebritati condecorandæ sex Episcopi, ac Primores Ordinis Prædicatorum Ministri, Patresque, qui per id tempus ad generalia Comitia Mediolanum convenerant. Perstitit marmorea hæc Urna octo columellis fulcita, e lateribus illius Templi usque ad nostram ætatem, qua delata est in aliud interius Sacellum magnificè exornatum, ad commodiorem cultum Civium, ubi etiam in argentea theca servatur Caput, adhuc vulnus tolerati Martyrii ostentans, venerationi simul atque admirationi confluentium Christifidelium expositum. Primævam Translationem a Vicecomite peractam fusiùs describit memoratus Flamma, ejusdem Ordinis Prædicatorum Scriptor, loco sæpiùs indicato.

Nobilius, & in ævum omne perennaturum monumentum religiosissimi obsequii amorisque, quo erga Deum, Deiparam Virginem, & Sanctos Cœlites hujus Archiepiscopi animus succendebatur, est Chartusia, ab ipso condita, tertio ab hac Metropoli lapide, ad Vicum Carignanum. Floret adhuc Cœnobium istud, odoremque purioris sanctimonix undique spargit, cùm Eremiticæ plures ibidem degentes in solitariis hospitoliis, longè ab hominum consortio angelicam vitam ducant, eorumque conversatio in Cœlis sit. Templum quoque eidem adjacens regio pene sumpta construxit, ad Chartusianos ritus omnimodè accommodatum, mirique artificii ornamentis intus forisque refulgens, adeò ut confluentium omnium oculos in sui contemplationem rapiat; præsertim cùm postmodum recentiori ætate auctum sit pretiosissimis Danielis Crispi picturis, quæ vivas propemodum Sanctorum imagines referunt.

Cre-

Crevit hujus Cœnobii fama tantâ integerrimæ vitæ existimatione, ut, cùm Joannes Galeatius Vicecomes, istius Antistitis ex Fratre Pronepos, magnificentissimo opere alteram Chartusiam in agro Ticinensi a fundamentis erexerit, ex hoc Cœnobitico Cœtu Alcetas eos delegerit, qui prima Chartusianæ integerrimæ Professionis rudimenta venientes Sancti Brunonis alumnos illic edocerent. Ne autem aliquando rei domesticæ penuriâ laborarent inclusi Cellulis Carignanæ Domûs fideles isti Dei Servi, Archiepiscopus Vicecomes amplâ dote e patrimonio suo detractâ, atque in perpetuum iisdem assignatâ tum ad vitam alendam, tum ad Templi cultum quovis tempore conservandum, abundè illos locupletavit.

Peculiari memoriâ dignus est modus, quo amplissimam hanc Dotem publicis Tabulis consignavit Antistes noster; depositis namque omnibus imperii Mediolanensis, atque Archiepiscopalis Dignitatis, quibus ille ornabatur, Insigniis, ante Vicarii sui Generalis pro tribunali sedentis conspectum se constituit, tamquam privata persona, donationem inter vivos rerum omnium, quæ longo ordine enumerantur in consecuto Diplomate, favore Chartusienfis Cœnobii peragens Anno MCCCXLIX., memorati Vicarii sui auctoritate firmandam. Præstat initium prædicti Diplomatis, ex Archivo ejusdem Chartusianæ depromptum, hoc loco referre;

„ In Nomine Domini . Anno a Nativitate ejusdem mil-
„ lesimo trecentesimo quadagesimo nono, Indictione tertia,
„ die Sabbati decimonono mensis Septembris. Reverendissimus
„ in Christo Pater & Dominus, Dominus Johannes Viceco-
„ mes Dei gratia Sancte Mediolanensis Ecclesie Archiepisco-
„ pus,

„pus, ac Civitatum Mediolani &c., Dominus Generalis,
„filius quondam bone memorie Magnifici & Excellentis Do-
„mini, Domini Matthei Vicecomitis &c. tamquam singula-
„ris & privata persona in hac parte, & non tamquam
„Archiepiscopus ac Dominus, & nomine & intuitu sue per-
„sone proprie tantum, & non nomine & intuitu alicujus
„Dignitatis Ecclesiastice, vel Dominationis, habens infradi-
„cta Bona res & jura persone ejusdem Domini Johannis
„tantum propria, & non patrimonialia nec Ecclesiastica,
„nec ratione seu occasione alicujus Dignitatis Ecclesiastice vel
„Dominationis, sed de suo peculio proprio acquisita, Spi-
„ritu Sancto afflatus, ex devotione quam habet ad Fratres
„& Ordinem Chartusensem, presente, & coram Domino
„Morroello de Benedictis Decretorum Doctore, Canonico
„Parmensi, & in spiritualibus Generali Vicario prefati in
„Christo Patris, & Domini Domini Archiepiscopi, eo Do-
„mino Morroello pro tribunali sedente, in Camera Audien-
„tie sue in hac parte, sita in Palatio novorum magnorum
„edificiorum prefati Patris & Domini, cujus jurisdictioni
„& auctoritati, quantum est in hac parte, idem Dominus
„Johannes Vicecomes, tamquam privata, singularis, ac spe-
„cialis persona, sponte & ex certa scientia se submittit,
„& cum ipsius Domini Morroelli Vicarii Generalis, ut su-
„pra, auctoritate, consensu, & decreto, suam auctoritatem
„& consensum, & decretum interponentis, datis & pre-
„statis cum magna cause cognitione, deliberatione, & exa-
„minatione, fecit & facit donationem inter vivos puram,
„meram, & irrevocabilem, remittens singulas causas ingra-
„titu-

„titudinis, liberam & absolutam ab omni fisco, censu,
„prestatione, onere & servitute, & etiam a prestatione
„Decime &c.

Tradita fuit hæc Charta per *Lanzarorum filium qu. Domini
Medii Nigroni, Civitatis Mediolani, Portæ Ticinensis Imperiali
auctoritate Notarium.*

Nondum tamen satis liberali amoris suo erga Chartusianam eam Familiam factum existimavit Archiepiscopus Vicecomes, nisi bonorum omnium, quæ in illam contulerat, exemptionem a publicis quibuscumque oneribus atque exactio- nibus elargiretur. Itaque sequente Anno MCCCL., Indictione quarta, die XII. Decembris, tamquam Mediolani Dominus Decretum edidit, quo jubebantur Rectores Civitatis, ut non tam ab oneribus omnibus immunia quocumque tempore fervarent Chartusianorum prædia eorumque colonos; sed etiam Patroni fierent, ne ullâ unquam molestiâ, quavis urgente publica necessitate, afficerentur. Extat hoc Decretum clausulis omnibus munitum, ne imposterum violaretur, in Archivo superius dicto, ad perpetuum ibidem degentium Monachorum levamen ac tutamentum.

Perfunctus demum egregiè Ecclesiasticis muneribus, & amplificato Mediolanensi Imperio extremum diem clausit Joannes Mediolani, Anno MCCCLIV., die V. Octobris, post administratam per annos XII., & duos circiter menses Ecclesiam Mediolanensem; ab Anno nempe MCCCXLII., die VI. Augusti, quo a Clemente VI. in Archiepiscopum confirmatus fuit, ad diem V. Octobris, quo obiit, Anni MCCCLIV. Malè computum iniit Galefinius, qui unum supra viginti annum.

Sedis eidem liberaliter adscribit; licet enim Epocham numerare cœpisset ab Anno MCCCXXXIX., quo electus fuit Mediolani in Archipræfulem, adhuc annorum numerus ab eo assignatus non modicè a veritate recedit.

Sepultus est in Ecclesia Majori, in Arca marmorea, in sculptris hisce carminibus, quæ in præsentem usque diem ibidem leguntur.

QUAM FASTUS, QUAM POMPA LEVIS, QUAM GLORIA MUNDI
SIT BREVIS, ET FRAGILIS HUMANA POTENTIA QUAM SIT,
COLLIGE AB EXEMPLO, QUI TRANSIS PERLEGE, DISCE.
IN SPECULO SPECULARE MEO LACRYMABILE CARMEN:
QUI SIM, QUI FUERIM DICET: QUI MARMORE CLAUDOR
SANGUINE CLARUS ERAM, VICECOMES STIRPE, JOANNES
NOMINE. NULLUS OPES POSSEDDIT LATIUS ORBE.
PRÆSUL ENIM PASTORQUE FUI, BACULUMQUE TENEBAT
DEXTERA PASTORIS, GLADIUMQUE SINISTRA GEREBAT
FELICIS DOMINI, MAGNUSQUE POTENSQUE TYRANNUS
IPSE FUI VIVENS. METUERUNT NOMINA NOSTRA
ÆTHERA, TERRA, MARE, SUBERANT URBESQUE POTENTES
IMPERIO TITULOQUE MEO. MIHI MEDIOLANI
URBS SUBJECTA FUIT, LAUDENSE SOLUM, PLACENTIA GRATA,
AUREA

AUREA PARMA , BONA BONONIA , PULCHRA CREMONA ,
BERGAMA MAGNA SATIS LAPIDOSIS MONTIBUS AUCTA ,
BRIXIA MAGNIPOTENS , BOBIENSIS TERRA , TRIBUSQUE
EXIMIIS DOTATA BONIS DERTHONA VOCATA ,
CUMARUM TELLUS , NOVAQUE ALEXANDRIA PINGUIS ;
ET VERCELLARUM TELLUS , ATQUE NOVARIA , ET ALBA ,
AST QUOQUE CUM CASTRIS PEDEMONTIS JUSSA SUBIBANT .
JANUAQUE AB ANTIQVO QUONDAM JAM CONDITA JANUS
DICITUR , ET VASTI NARRATUR JANUS MUNDI ,
ET SAVONENSIS URBS , ET LOCA PLURIMA , QUÆ NUNC
DIFFICILE EST NARRARE MIHI , MEA JUSSA SUBIBANT .
TUSCIA TOTA MEUM METUEBAT LANGUIDA NOMEN .
PER ME OBSESSA FUIT POPULO FLORENTIA PLENA ;
BELLAQUE SUSTINUIT TELLUS PERUSINA SUPERBA ;
ET PISÆ , ET SENÆ TIMIDUM REVERENTER HONOREM
PRÆSTABANT . ME METUEBAT MARCHIA TOTA ,
ITALIÆ PARTES OMNES TIMERE JOANNEM .
NUNC ME PETRA TENET , SAXOQUE INCLUDOR IN ISTO ;
ET LACERANT VERMES , LANIANT MIHI DENIQUE CORPUS .

QUID MIHI DIVITIÆ, QUID LATA PALATIA PROSUNT:
CUM M. HI SUFFICIAT, QUOD PARVO MARMORE CLAUDOR.

(ET CLAUSI DIEM MEUM MCCCLIV., DIE V. OCTOBRI.
ANNI 1554. GRASSANTE PESTE * D. GABRIUS DE ZAMOREIS DE PARMA, DOCTOR COMPOSUIT
HÆC CARMINA)



RO-

* Pests hæc quæ tunc grassabatur; referente Petro Azario Synchro-
no, obsumpsit in hac Metropoli septuaginta quinque millia
virozum.

ROBERTUS VICECOMES.



EX Archipresbytero Metropolitane Mediolanensis Ecclesie datus est Robertus Vicecomes Successor Joanni demortuo, Anno MCCC-LIV., Innocentio VI. Pontifice Maximo approbante. Non eadem tamen fors eidem obtigit, quæ Decessorem suum utriusque Fori Dominum pacificâ juris omnis Archiepiscopalis possessione donaverat. Siquidem cum Joannes Vicecomes ultimis Tabulis Nepotes suos hæredes instituisset, iisque etiam partitus esset imperium, cœpere invicem illi impotenti ambitione amplioris acceptæ dominationis fines affectare ac protendere. Inde verò inter Fratres Vicecomites feræ discordiæ emergere, quarum causâ ardens in ipsis desiderium occupandi Arces & Castra, utque ad spolianda redditibus patrimonia, quæ ad Ambrosianam Ecclesiam spectabant, miserrimè pervenit, teste Petro Azario superiùs memorato. Coarctatus brevibus terminis Censui novi Archiepiscopi, & inopia auxilii, quo jus suum vindicare posset Robertus, illum silere patienter coegerunt, ac pati injuriam, donec pacatis inter Fratres rebus, opportunior occasio sese præberet, qua Archiepiscopalem jurisdictionem tutari posset, ac repetere quæ per vim direpta fuerant atque obalienata.

Affuit quidem sequenti Anno MCCCLV., die IV. Januarii Carolus IV., Joannis Regis Boëmiae filius, Imperator electus, quem Robertus ipse & universa hæc Metropolis magnificè

ficè exceperit; biduoque vix interposito, nempe Solemni die Epiphaniæ Domini, post Divinum Sacrum peractum ad Aram Sancti Ambrosii, Robertus idem Archiepiscopus, omnium plausu & lætitiâ, ferreâ Italici Regni Coronâ præcinxit. Verùm cum paucorum dierum mora ejusdem Regis apud nos fuerit, Romam ad Augustale accipiendum diadema proficiscentis, Causæ suæ apud Cæsarem agitandæ tutandæque spes omnis evanuit. Itaque qua meliore viâ consulere Ecclesiæ suæ potuit, Archiepiscopale munus exercuit. Asservatur in Tabulario Basilicæ Sancti Georgii, appellati *in Palatio*, Charta Commutationis, Sigillo prægrandi adhuc pendente, & imaginem referente Sancti Ambrosii, duobus adstantibus Sanctis Martyribus Protasio & Gervasio, circumseptam hisce verbis: *Robertus Dei & Apostolicæ Sedis gratia Mediolanensis Ecclesiæ Archiepiscopus*. Ea verò Charta nos docet, quantâ sollicitudine Antistes iste noster curaret, ne quidquam detrimenti Ecclesiarum patrimonia paterentur.

„ Robertus Dei & Apostolicæ Sedis gratia, Sancte Mediolanensis Ecclesiæ Archiepiscopus. Dilecto nobis in Christo Presbytero Andree de Habiato, Beneficiali Altaris Sanctorum Nicolay & Catherine, siti in nostra Mediolanensi Ecclesia, Capellano nostro salutem in Domino. Cum a nobis petitur quod justum est & honestum, tam vigor equitatis, quàm ordo exigit rationis, ut id per nostre sollicitudinis studium ad effectum debitum perducatur. Ex parte igitur . . . Prepositi & Capituli Ecclesiæ Sancti Georgii in Pallatio Mediolanensi, necnon Presbyteri Beltrami de Carchana no Rectoris Curati Ecclesiæ Sancti Michaelis ad Clusam Mediolanensis dio-

„diolaſi. fuit expoſitum coram nobis, quòd ipſi inter ſe,
„ & demum cum nonnullis prudentibus & peritis delibera-
„ tione habitis ſepius & tractatu de quadam infraſcriptorum
„ prediorum dictarum Eccleſiarum permutatione ſeu cambio
„ ad invicem faciendis, videlicet de dando, & quòd darent
„ ipſi . . . Prepoſitus & Capitulum dicto Presbytero Beltra-
„ mo, & ipſi Eccleſie Sancti Michaëlis domum unam, cum
„ hedifiitiis, Caſſiis duobus domus in terra, Sollariis, & ſta-
„ tiona a platea, jacentem in Civitate Mediolani, in Porta
„ Ticinenſi, in Parochia dicte Eccleſie Sancti Michaëlis: Cui
„ coheret a mane Guilloli Squaſſi, a meridie & a ſero ſtra-
„ ta, a monte tenetur per Girardolum Machaneum: Item
„ ſictum Libellarium ſoldorum quadraginta tertiollo-
„ rum, & unius Caponi, quod preſtatur & preſtari debet omni anno
„ . . . Prepoſito & Capitulo ſupraſcriptis per Lantelmolum
„ de Lampugniano ſuper quadam domo cum hedifiitiis & Cur-
„ te, jacente in Porta Ticinenſi, in Parochia Sancti Petri in
„ Campo Laudenſi; Cui coheret a mane Jacobini dicti raſſe
„ de Soma, a meridie ſtrata, a ſero heredum quondam Oto-
„ nis de Corbetta, a monte Fratrum de Bernate, juris &
„ proprietatis dicte Eccleſie Sancti Georgii. Quòdque dictus
„ Presbyter Beltramus daret & dare deberet dictis . . . Pre-
„ poſito & Capitulo & ipſi Eccleſie Sancti Georgii in per-
„ mutationem ſeu cambium quandam petiam terre, que eſt
„ campus, juris & proprietatis dicte Eccleſie Sancti Michaë-
„ lis, jacentem extra Portam Ticinenſem, in Contrata de
„ Scarpognia, prope Caſſinas dicte Eccleſie Sancti Georgii:
„ Cui coheret a mane & a meridie via, ſive acceſſum me-
„ „ diante

„ diante Ruzia , a fero & a monte dicte Ecclesie Sancti
„ Georgii , & est pertice vigintifex , vel idcirca : Invenerunt
„ & inveniunt ex permutatione hujusmodi , si procedat , utra-
„ rumque Ecclesiarum conditionem manifestè reddi & effici
„ melliorem , majoremque utilitatem & commoditatem tam di-
„ ctis Ecclesiis , quàm personis earum proculdubio provenire .
„ Propter quod pro parte . . . Prepositi & Capituli , ac Pres-
„ byteri Beltrami predictorum fuit nobis humiliter supplica-
„ tum , quatenus ipsi permutationem seu cambium hujusmodi
„ faciendi deberemus licentiam ellargiri , ipsisque permutationi
„ seu cambio faciendis nostri auctoritatem interponere solen-
„ niter & Decretum . Nos verò qui Ecclesiarum Locorum-
„ que piorum , & Subditorum nostrorum utilitates & com-
„ moda desiderabiliter promovemus ; quia de premissis plenam
„ & congruam notitiam non habemus , Discretioni tue , de
„ qua plene confidimus & speramus , tenore presentium com-
„ mittimus & mandamus , quatenus de predictis omnibus &
„ singulis diligentius te informes ; & si tibi constiterit pre-
„ missa , ut premititur , enarrata veritate fulciri , & aliquod
„ canonicum non obstat , tuam super hoc conscientiam onc-
„ tantes , & nostram exonerantes , omnino eisdem . . . Pre-
„ posito & Capitulo , ac predicto Presbytero Beltramo , per-
„ mutationem seu cambium hujusmodi faciendi , ipsiusque per-
„ mutationis seu cambii contractum , cum promissionibus ,
„ stipulationibus , obligationibus , renunciationibus & clausulis ,
„ in talibus opportunis , non obstantibus aliquibus nostris , vel
„ Predecessorum nostrorum Archiepiscoporum Mediolanensium
„ Constitutionibus in contrarium editis , celebrandi licentiam
„ vice

„ vice & auctoritate nostra concedas, ac eidem permuta-
„ tioni seu cambio interponas auctoritatem solenniter & De-
„ cretum, & cetera facias, que in premissis & quolibet
„ premissorum fuerint opportuna, & videris expedire. Su-
„ per quibus omnibus & singulis, & eis dependentibus, in-
„ cidentibus, & conexis tibi plenarie committimus vices no-
„ stras, & plenariam potestatem. In quorum omnium te-
„ stimonium presentes Literas fieri iussimus, & nostri Sigilli
„ munimine roborari. Datum Mediolani, millesimo trecen-
„ tesimo quinquagesimo quinto, die ultimo Junii, octava
„ Indictione.

Silent Historiæ reliquas Roberti Archiepiscopi res gestas, obitum ejusdem tantummodo designantes, qui contigit Anno MCCCLXI., die VIII. mensis Augusti, ut tradunt Bernardinus Corius, aliique. Quamobrem emendandus est Ughellus, qui mortem Roberti figit Anno præcedenti. Sicuti etiam erravit, deceptus a Galefinio, asserendo, Celebritatem impostæ Carolo IV. Imperatori Coronæ peractam fuisse Modiciæ in Ecclesia Sancti Joannis Baptistæ; cùm memorati omnes antiqui Scriptores apertè affirmant, Cæsarem illum regio Serto fuisse redimitum a Roberto in Basilica Sancti Ambrosii Mediolani. Peculiare est, quod legitur adnotatum in *Manipulo Florum* Galvanei Flaminæ, Cap. CCCLXXXI., videlicet Robertum Archiepiscopum ex hac vita migrasse die VIII. Augusti in *Oppido Legnani*: Potior tamen fides habenda est Petro Azario tunc viventi, qui Tom. XVI. *Re- rum Italicar.* colum. CCCXCVII. de Roberto hæc habet: *Qui Dominus Archiepiscopus cum maximis laboribus vixit usque*

Bbbb

ad

ad finem , videlicet Anno MCCCXLI. , quo anno in pace Mediolani quieuit . Porro eo tempore e vivis jam exceſſerat Flamma , mortuus circa Annum MCCCXLIII. ; proinde credendum eſt , addita hæc fuiſſe Manipulo Florum ab aliquo indiligenti Continuatore .

Sedit Robertus annis VII. , ſepultus , ut credere fas eſt , in Eccleſia Majori , Tumuli memoriam omittentibus illius ævi Scriptoribus .



GUILIELMUS PUSTERLA.



Romotus est post Robertum Vicecomitem ad Archiepiscopalem Ambrosianæ Ecclesiæ Sedem Guilielmus de Pusterla, e nobilissima Mediolanensi Familia progenitus, Anno MCCCLXI. ut Corius testatur. Quapropter perperam scripsit Galefinius in *Tabula Mediolanensium Antistitum*, qui ab Urbano V. Pontifice Maximo creatum Guilielmum affirmat, cum iste Sancti Petri Cathedram minimè conscenderit, nisi Septembri mensis anni sequentis. Subjungit etiam, fuisse Guilielmum Modoëntiensis Ecclesiæ Archipresbyterum; qua in re non multum hæremus. Quodd verò subinde Patriarchatu Constantinopolitano insignitus fuerit, quemadmodum ille tradit, non ita faciliè admittimus; præsertim cum *Annales Mediolanenses*, editi Tom. XVI. *Scriptorum Italia*, clarè enuncient, Guilielmum hunc *per annos quindecim* administrasse Patriarchatum Aquilejensem, antequam Mediolanensi Insulâ donaretur; quamvis revera de hac Dignitate eidem collata, in gemino Patriarcharum Aquilejensium Catalogo, vulgato in proximè enunciato Volumine *Rerum Italicarum*, nulla mentio Guilielmi de Pusterla reperitur. Donec igitur solidiora occurrant fundamenta, fidem hujusmodi honorum, qui Guilielmo tribuuntur, in Galefinium & Annales nostros rejicimus.

Nihil de actis in nostra Ecclesia rebus ab isto Archiepiscopo Historiæ Mediolanenses referunt, hujusque inopiæ ratio-

tionem reddit Petrus Azarius cœvus, in *Chronico Mediolanensi*, ad Annum MCCCCLXI., inquit: *Dominus Guilielmus de Pusterla, de Mediolano, valens Clericus, dicitur fuisse electus in Archiepiscopum. Tamen nihil gaudet, sed Avenione residet de presenti.* Porro memorati Antistitis nomen neque in Archivis hujus Metropolis, neque a Bernardino Corio, aliisque antiquis Scriptoribus nostris reliquo ejusdem regiminis tempore adnotatum uspiam legitur. Id tantum referre nobis licet, quod ex Tabulario Cœnobii Sancti Victoris Mediolani eruit ac benignè communicavit summa cum laude memorandus Pater D. Cherubim Besutius, ejusdem Monasterii Abbas. Cùm enim mortuo Ambrosio Cœnobii illius Præfide, communibus Monachorum Ordinis Sancti Benedicti suffragiis substitutus fuisset Paganus Monachus, Urbanus V. Pontifex Maximus eundem in ea Dignitate confirmavit, Brevesque Literas ad Guilielmum Pusterlam Mediolani Archiepiscopum dedit, in quibus hæc verba leguntur: „ Cùm igitur, ut idem Paganus Abbas in commissa prædicti Monasterii sibi cura facilius proficere valeat, tuus favor sibi esse noscatur plurimum opportunus, Fraternitatem tuam rogamus, & hortamur attentè, per Apostolica tibi scripta mandantes, quatenus eundem Abbatem & commissum sibi Monasterium, Ordinario jure tibi subiectum, habeas, pro nostra & dictæ Sedis reverentia, propensius commendatos in ampliandis & conservandis juribus suis: Sic enim tui favoris præsidio consequeris, quod ipse per tuæ auxilium gratiæ in commissio sibi ejusdem Monasterii regimine se possit utilius exercere, tuque Divinam misericordiam, &

„ be-

„benevolentiam dictæ Sedis exinde valeas uberiùs promereri. Datum apud Montem-Flasconem III. Nonas Julii, Pontificatus nostri anno sexto, idest Anno MCCCCLXVIII. Hinc vetò compertum fit, reducem ab Avenionensi Urbe in Archiepiscopali Mediolanensi Solio jam resedisse Guilielmum Archiantistitem nostrum, fortasse Summum Pontificem comitatum in Italico itinere, ac postmodum cum ipso Avenionem secundò profectum.

Sedis annos enumerant *Annales Mediolanenses* supradicti, nempe IX., & menses IV., ab Anno videlicet MCCCCLXI., ad Annum MCCCCLXX., mense Decembri, quo obiit, ut ex calculo, ab octavo die Augusti, quo Robertus decessit, dilucidè apparet.

Sepultus dicitur Avenione, in Ecclesia Patrum Ordinis Prædicatorum.



005648794

